



BIBLIOTECA NAZ.
Vittorio Emanuele III


XXV

A

64


NAPOLI







Amstelodami,
Apud Ioannem Ianssonium a Waeßberg
et Viduam Elizei Weyerstraet 1668.



2

DANIELIS BERCKRINGERI
INSTITUTIONUM ET
EXERCITATIONUM
ETHICARUM

Academico - Peripatetico-
Stoico-Scholasticarum

LIBER PRIMUS,

Qui est

Περὶ τῆς Εὐδαιμονολογίας,

D E


VITÆ BEATÆ REGIMINE.



AMSTELODAMI,

Apud Johannem Janssonium à Woesberge, &
Vidnam Elizei Weyerstraet,

ANNO 1668.



CONSPECTUS CAPITUM LIBRI PRIMI,

Qui est

Περὶ τῆς Ἐυδαιμονολογίας,

D-E

Vitæ Beatæ Regimine.

Caput.

I.

Philosophiæ definitio nominalis Pythagoræ, realis sive essentialis Aristotelis, accidentalis Luciani & Ramistarum, causalis Platonis.

II.

Philosophiæ divisio trichotomica secundum Academicos & Stoicos, dichotomica vero secundum Peripateticos, quos sequuntur Thomistæ.

III.

Definitio Philosophiæ Theoreticæ, cum relegatione ejus ad superius disciplinarum auditorium, quod Scientiarum: Item Præctica, cum relegatione ejus ad inferius disciplinarum auditorium, quod Prudentiarum, quæ docenda post Scientias.

IV.

Philosophiæ Practicæ genus genuinum de quinario Aristotelico habituum intellectualium, cum syncrisi & epicrisi Philosophicæ.

V.

Philosophiæ Practicæ Subjectum, Objectum, Finitis.

VI.

*Quis uti Doctor ita Auditor ejus δικέστω?
Et an nominatim juvenes, juvenantes-ve?*

VII.

Philosophiæ Practicæ divisio dichotrichotomica cum Averroë, contra Ammonium, Eufratium, Damascenum, Thomam, τετραπολιτικῆς, secundum tres Vitæ Practicæ species præsentias, eademque con-

Conspectus Capitulorum.

- tra eos, qui Philosophiam Practicam subdividunt in Theoreticam & Practicam, aut individuant potius, contradividuntve.
- VIII. Ordo versatilis partium dividendarum, cum natura dignitatis & cognitionis tricommate.
- IX. Quid Ethica, sive nominalitatem sive realitatem ejus spectes? Et quae ejus partes dividentes?
- X. Qua Methodo Ethica, ejusque sororia studia, tradenda compaginandaque, Analyticae, an Syntheticae, an utraque indifferenter?
- XI. Quid ἡ Εὐδαιμονολογία, quae prior Ethices pars, eique substrata Εὐδαιμονία, quid rem nomine vestitam, cum connotatione insinuativâ subjecti ejus formalis operationis anticipativæ?
- XII. Accessorius elenchus contra Solonistas, posthume Εὐδαιμονίας exaggeratores, contraria verò inhumata ἀδαιμονίας exagitatores intempestivos, cum intercessorio elenchus contra Stoicos, disparata δυσδαιμονίας vilipendulos.
- XIII. Εὐδαιμονίας divisio in Theoreticam & Practicam, cum utriusque notis essentialibus, quibus cum coloribus suam hanc Venerem ornare voluit Philosophus, quò alliceret rivales.
- XIV. Utriusque comparatio inter se, cum interpunctionis spongia.
- XV. Κοινωνία de utriusque Beatitudinis, tam Theoreticae, quàm Practicae, perfecti habitudine, dicam, an habitione, cum gradibus imperfectioris in subjecto beabili beandove.
- XVI. Remissio Εὐδαιμονίας Theoreticae ad superius disciplinarum auditorium, per condescensum ad Practicam, tanquam instituto proximior.
- XVII. Annon ἡ Εὐδαιμονία Practica sit τὸ συνθέ-
του

Conspectus Caputum.

*τὸν compositi, ideoque Bonorum, quæ Ani-
mi, quæ Corporis, quæ Fortune, collectivè
sive aggregativè, sicut opposita Ἀδελφωτικῆς
Præctica contrariorum malorum correspec-
tivè, utraque sit bonum ita malum μὴ εὐκα-
ρίσμων ἁπλῶν, incommensuratum & incommu-
nerabile?*

XVIII. *Atque adeò, an Beatitudo Objectiva sive Ma-
terialis sistat distributive in Voluptate solâ,
eâque vel Corporis, cum Epicureis Tullia-
nis & Flaccianis, vel Animi, cum Dioge-
nicis.*

XIX. *Vel in Divitiis solis, cum Bitoticis, Chremati-
sticis & Philargyris, premiummibus, inquam,
Euclionibus?*

XX. *Vel in Honore, Laude, Gloriâ, Bo-
nâve Famâ, Dignitate & Potentiâ civili,
Nobilitate solis, cum Pseudo-Politi-
cis?*

XXI. *Nominatim in Virtute sola, sive solitariè exi-
sente, cum Stoicis?*

XXII. *Nominatim in Contemplatione solâ cum Theo-
reticis?*

XXIII. *Nominatissimè in Contemplatione Idearum
cum Platoniciis?*

XXIV. *Annon Beatitudo Formalis consistendo consi-
stat in Actione Morali Studiosâ cum Peri-
pateticis?*

XXV. *Quid Actio Moralis, & quæplex, cum Diffe-
rentiâ Moralitatis, Indifferentiâque, ex Spon-
tanei atque Inviti Fontibus Naturalibus per
derivationem, Moralibus per corrivationem.*

XXVI. *Utriusque, tam Spontanei, quàm Inviti, sectio
in τὸ Simplex, & Secundum Quid: Sim-
plicis Inviti iterum in Invitum per Vm, &
per Ignorantiam, cum hujus divisionibus
& subdivisionibus, Simplicisque Spontanei
Compositione cum Invito Simplici, interposito
iudicio Philosophico.*

XXVII. *De*

Conspectus Capitum

- XXVII. De Invito & Spontaneo Secundum Quid, hoc est, Actionibus Mediis sive Mixtis, nominatim de Meta-Factis.
- XXVIII. De Quadrigario Actionum Mediarum, Laudabilium, Vituperabilium, Venialium, & Penalium, saltem Non Venialium, moraliter.
- XXIX. Quales Actiones Spontaneae, Elicitae, an Imperatae? Et quid utraque? Quae quo earum Principia ac Fontes Morales in anima tetrarchia?
- XXX. De primo Fonte Morali Actionum Elicitarum, Intellectu, quem vocant, Practico, ut indistincto ratione ratiocinante à Theoretico, ita distinguibili ratione rationatâ ab eodem. Ubi de Imperio, Metaphorico in Voluntatem.
- XXXI. De secundo Fonte Morali Actionum Elicitarum, Appetitu, quem vocant, Rationali, sive Voluntate, ejusque Directorio Naturali in Confacitates: Eademque de Actionibus Voluntatis Immediatis, quarum altera Βούλησις, Volitio, altera Πραγματοποιεῖν, Agendi Consilium.
- XXXII. Quid à Βούλησις, Volitio, Velleitasvè, Oppositaque Nolitio, Nolleitasvè? Et quarum rerum, tam illae, quàm haec, quam illae? Quid item à Πραγματοποιεῖν? Et quod ejus Genus, Subjectum, Objectum?
- XXXIII. Annon à Πραγματοποιεῖν, quae Actio Voluntatis, necessitudinem quandam habeat cum Βουλευσις, Consultatione, quae Actio Intellectus Practici, in ipsâ innecessitudine? Et quae Βουλευσις consultabilia propriis, quae non?
- XXXIV. Quae item Βουλῆται volibilia propriis, quae non? Atque horsum de Libertate Arbitrii Topicè, quid illa sit, & an detur in terminis?
- XXXV. Affuitur sive attexitur Toga Libertatis latifimbria, de Harmoniâ hujus Doctrinae cum
- Sa-

Conspectus Capitulorum.

*Sacra Theosophia, & Sancta Philosophia
disciplinatum.*

- XXXVI. De tertio Fonte Morali Actionum Elicitarum, persuade Phantasia, quam Cogitativam & Estimativam sive Existimativam nuncupant alii, inconsulto Apolline Philosophico.
- XXXVII. De quarto Fonte Morali Actionum Elicitarum, Appetitu, quem vocant, Irrationali, sive Sensitivo, ejusque Motionibus, hoc est, Affectibus & quoad Ὀνοματολογίαν sive Nominalitatem, & quoad Πραγματολογίαν sive Realitatem.
- XXXVIII. Quod affectus propriè dicti, Genusque, Subjectumque, Causaque, maxime finalis, secundum Aristotelismum, Stoicismum, & Galenismum?
- XXXIX. Annon Bellum hoc Ethico-Patheticum quodamtenus possit componi inter partes, servam contentionis reciprocantes, per syncretismum Philosophicum, idque via conciliationis sequestrare?
- XL. Divisio Stoica Affectuum in quatuor, & Peripatetica in duas Classes, Ἐπιθυμίαν Concupiscentiam, & θυμὸν Animositatem, cum libripendio & compunto Philosophico.
- XLI. Species Affectuum Ἐπιθυμητικῶν, sive Primæ Classis.
- XLIII. Oppositio Affectuum, eaque duplex, Objectiva & Terminativa.
- XLIV. De Fonte Morali Actionum Imperatarum, Facultate, quam vocant, Locomotiva, operante virtute potentie superioris, elicientis atque imperantis, per tendentiam sive progressum ab Actu Elicito ad Actum Imperatum.
- XLV. De Actionibus atque Affectuum Post-principiis, Voluptate, inquam, & dolore: Es quare
de

Conspectus Capitulorum.

*de his agatur in Ethicis proximè Actiones
atque Affectus ?*

XLVI. *Quid Voluptas Aristoteli, quid Platoni,
Antidoctoribus ?*

XLVII. *Divisio Voluptatis trimembris : In Volupta-
tem Animi & Corporis, Simpliciter Com-
munem sive Naturalem, & Secundum
Quid Communem, sive Non Naturalem
& Propriam : Denique in Bonam sive
Honestam, Malam sive Turpem, &
Mediam sive Indifferentem.*

XLVIII. *An & cur voluptates inter se specie diffe-
rant ?*

XLIX. *An & cur nulla voluptas possit esse perpe-
tua ? Nec idem esse jucundum semper ?
Curque adeò tantoperè nova dele-
ctent ?*

L. *Opposita ut definitio ita divisio Doloris..*



Institutionum & Exercitationum

E T H I C A R U M,

Academico-Peripatetico-Stoico-
Scholasticarum,

LIBRI PRIMUS,

Qui est,

Περὶ τῆς Εὐδαιμονολογίας,

DE

Vitæ Beatæ Regimine,

C A P U T I.

Philosophiæ definitio nominalis Pythagoræ, realis sive essentialis Aristotelis, accidentalis Luciani & Ramistarum, causalis Platonis.

PHILOSOPHIA, si nomen sive nominalitatem spectes, definitionem, inquam, ὀνομαπύδῃ, nihil aliud est, quàm amor desiderium & studium sapientiæ, quæ definitio, aut descriptio veriùs, sumta ex vocis impositione, non rei dispositione, tum quia, si Philosophia reapse foret amor & studium sapientiæ, tum verò juvenis, amator ac studiosus sapientiæ, eopse esset Philosophus, tum
A quia

quia Philosophia *πρώτως καὶ κυρίως* significat habitum intellectus, amor autem in appetitu, tum quia aliud studium rei, aliud ipsa res, quemadmodum aliud v. g. avaritia, quæ est studium pecuniæ, aliud ipsa pecunia, cum illa cupiat, hæc concupiscatur, illa quærat, hæc quærat: *Sm rem sive realitatem, ejusve accidentia, definitionem, inquam, partim οὐζιώδη*, hoc ὑπολήψεως τρόπῳ Philosophia secundum Aristotelem fuerit, *ἐξ ἑπιστατῶν καὶ πρακτικῶν*, habitus eorum, quæ sub scientiam & actionem cadunt, *partim ἐπουσιώδη*, hoc posteriori ὑπολήψεως τρόπῳ eadem Philosophia, secundum Lucianum & Rameos, fuerit systema sive syntagma disciplinarum liberalium, quarum definitio- num altera ἀρχέτυπον ἐκ διάνοιας, consi- derans Philosophiam in mente artificis, tanquam exemplar primigenium mente conceptum, altera ἔκτυπον, considerans eandem extra mentem artificis in libris, tanquam exemplar secundigenium, proxime accedens ad fidem primigenii. Philo- sophiam dogmaticam & systematicam vo- ces licet differitatis causâ, ut sic contradi- stinguendo distinguatur à Philosophiâ ha- bituali. Quod attinet definitionem Plato- nis, qui Philosophiam Platonissando finit, quod sit *ὁμοίωσις θεῷ καὶ τὸ δυνατόν ἀνθρώπου*, si- militudo Dei, quatenus homo eam potest assequi, illa verò causalis est, ut hæc sit ejus

mens

mens & sententia, Philosophiam, cū finem suum consequitur, facere, ut non nihil ad Dei similitudinem accedamus, id quod *πρῶτη ἀληθής*, prima veritas.

C A P U T II.

Philosophia divisio trichotomica secundum Academicos & Stoicos, dichotomica verò secundum Peripateticos, quos sequuntur Thomistæ.

Partes Philosophiæ secundum Academicos & Stoicos ἐν πλάτει tres sunt, neque tamen ὁσάυτως utrinque, una Theoretica seu contemplativa de scibilibus, altera Practica seu activa de agibilibus, tertia secundum Academicos Logica sive rationalis, de ratione & ejus comministrā oratione, secundum Stoicos Pojetica, effectrix sive operatrix de factibilibus, secundum Peripateticos verò duæ tantum in rigore, Theoretica videlicet & Practica. Quam dichotomiam τῶν περὶ αὐτῶν, præ trichotomiā Academicorum & Stoicorum, laudant rationes.
1. Quia membra hīc sunt verè dividētia, hoc est, contradivisa. Quamvis enim nulla sit pars Philosophiæ, in quā non theoria copuletur cum praxi, cū τὸ πρακτικόν sit quasi quoddam ἀποτέλεσμα τοῦ θεωρητικοῦ, tamen propriè illa Philosophia est & dicitur theoretica, quæ, etsi practicam aliquam

habeat adjunctam notitiolam, præcipuè tamen functiones suas exercet in theoriâ, & contrâ illa practica, quæ quamvis theoricam aliquam meditatiunculam sibi habeat annexam, tamen præcipuè operationes suas exerit in praxi, ipsamquè adeò, quam habet, theoriam, ordinat ad praxin, tanquam finem ultimum, à quo sumenda differentia. ¶ Quia hæc divisio suo diviso est condivisa. Omnia omnia siquidem in Philosophia sunt gemina, geminum subiectum, geminum objectum, geminus finis. Geminum subiectum. Philosophia namque Theoretica residet in intellectu speculativo, cujus *ἰδιον ἔργον*, res absolutè simpliciterque cognoscere, ut res sunt, hoc est, quatenus habent essentiam definibilem, definitionequè explicabilem, bonitate aut malitiâ morali nullo modo consideratâ, Philosophia contrâ Practica residet in intellectu Practico, cujus *ἰδιον ἔργον*, res cognoscere sub differentiâ morali, hoc est, quatenus bonæ vel malæ sunt abscisse. Geminum objectum, ex quo specificatio habitus ducenda, cum hic ad illud ordinetur essentialiter. Philosophia namque Theoretica attinetur circa objectum contemplabile, hoc est, circa res divinas, sempiternas, & à naturalibus ac necessariis causis fluentes, id est, tam eas, quæ semper eodem modo sunt, nec fiunt, quàm eas, quæ fiunt quidem, sed à naturâ per necess.

cessarias causas eodem modo operante , at Philosophia Practica circa objectum operabile, hoc est, circa ea , quæ nostro arbitrio sunt subjecta , cujusmodi sunt res humanæ contingibiles, aut contingentes verius, quas agere, aut non agere, sic vel aliter agere, in nostrâ est manu ac potestate. Geminus finis. Philosophia namque Theoretica contemplatur, ut contempletur, solius veritatis desiderio, in eâque rerum contemplatione sistit & acquiescit, quoniam eas agere aut facere nequit , cùm neque sint *πρακται*, neque *ποιηται*, enimverò Philosophia Practica contemplatur , ut agat , nâ convenienter duplici fini hominis utraque, quem natura genuit, & *θεωητικὸν τ' ὄντων* , & *πρακτικὸν τ' δέοντων*. Ad quod posterius revocâssis sanè meo periculo τὸ *ποιητικὸν* Stoicorum, ob majorem cognationem, quam habet cum τὸ *πρακτικῷ* , à quo aliàs abscinditur, ut in divisione Philosophiæ Peripateticè sumtæ, aliàs non , ut in divisione Philosophiæ, sumtæ Academicè, quæ ambitu suo continet & *θεωητικὴν* & *πρακτικὴν* Platoniam, item Stoicè , quæ his superaddit *ἐπιπαιδείαν* Zenoniam.

C A P U T .III.

Definitio Philosophiæ Theoreticæ, cum relegatione ejus ad superius disciplinarum auditorium, quod Scientiarum: I-

tem Practica, cum religatione ejus ad inferius disciplinarum auditorium, quod Prudentiarum, quæ docenda post scientias.

P*hilosophia Theoretica*, si in mente artificis eam consideres secundum Peripateticos, quorum filum & funem ferè ducimus, est ἐξῆς τῶν ἐπιστητῶν, habitus eorum, quæ sub scientia casitant, sin in manu & libris cum Lucianicis, tunc verò est systema sive syntagma trium disciplinarum theoreticarum, Metaphysicæ, inquam, Phycicæ, & Mathematicæ, dirigens intellectum contemplativum in cognitione rerum scibilium, ut, quantum in hac vitâ fieri potest, homo naturæ consiliatrici & auxiliatrici viribus benè speculetur. Dirigit quidem eum intellectum quoque etiam Logica, sed ministerialiter, non magistraliter, neque ut pars Philosophiæ pressè acceptæ, sed ut instrumentum adminiculans, perficiens intellectum hominis in intellectione suâ, quò habeat expeditam viam cognoscendi per regulas huic rei commensuratas, quæ inserviunt omni cognitioni. Verùm de Philosophiâ Theoreticâ Philosophus Theoreticus viderit scilicet, ad cujus curam & curiam illa pertinet. *Philosophia Practica*, si in mente artificis eam consideres secundum eosdem, est ἐξῆς τῶν πρακτικῶν, habitus eorum, quæ sub
actio

actionem casitant , fin in manu & libris cum Lucianicis , systema sive syntagma trium disciplinarum Practicarum , Ethicæ , inquam , Oeconomicae , & Politicæ , dirigens intellectum activum in regimine rerum agibilium , ut , quantum in hac vitâ fieri potest , homo naturæ consiliatricis & auxiliatricis viribus benè vivat , beatequè agat .

Ordine naturæ & doctrinæ perfectæ docenda discendavè post Theoreticam , tum quia ut sic primitate naturæ præcedit Theoretica , cum res necessariae naturâ priores sint contingentibus , intellectus item speculativus activo , cognitioque simpliciter dicta cognitione modificatâ , & universè cognitio appetitione , homo per se , homine cum additamento , persuade , quâ vel probus est vir , vel industrius paterfamilias , bonusvè civis , quorum illum format Ethica , istum Oeconomica , hunc Politica , tanquam subjectum suum , præcognoscendum præliminariter in superiore disciplinâ , tum quia ut sic eadem Philosophia Theoretica directorio suo dirigit Practicam , non exotericè tantum , & quoad cognitionem confusam , sed acroamaticè , & quoad cognitionem distinctam , ut cui principia sua desuper impertitur , tum denique , quia facilius , non quidem docetur , sed discitur , quàm Practica , quæ præter intelligentiam præceptorum Theoreticam , requirit exercitium Practicum & Prag-

maticum. Quamvis interim non impro-
bem eorum consilium Philosophicum,
qui, quò ordine à facilioribus ad difficilio-
ra, à notioribus ad minùs nota, quasi per
gradus scalæ Philosophicæ ascendatur,
suadent primò conjugium Logicum & Ma-
thematicum, pòst Physicum & Ethicum,
demùm Metaphysicum & Politicum suc-
cessivè.

C A P U T IV.

*Philosophia Practica genus genuinum de
quinario Aristotelico habituum in-
tellectualium, cum syncrisi & epicrissi
Philosophicâ.*

QUOD si *Philosophia Practica*, sic dicta,
vel ἀπὸ τῆς πρακτικῆς, ab objecto, cùm ver-
setur & vertatur in agibilibus, vel ἀπὸ τῆς
πράξεως, à fine, sive actione, quæ finis &
summa hujus doctrinæ, *consideretur priori
modo*, id est, ut habitus, in mente Philoso-
phi Practici, partim doctrinâ, partim usu
introducitur, *hoc considerandi modo Pru-
dentia sanè fuerit*, quæ, nisi fortè sumatur
pressè pro subjecto vel objecto partiali Mo-
ralis Philosophiæ, unus idemquè cum eâ
habitus, Philosophiæ Practicæ non ἀνάσπο-
φος tantùm, sed ἀντίσποφος, ut quæ & ipsa non
sistat ἐν τῇ γνωστικῇ, hoc est, in objecti sui o-
perabilis contèmpatione, verùm ἐν τῇ
πρα-

πρᾶξις, in ejusdem experientiâ atque executione, assimilis illi, qui ignem à vicino petit, neque tamen illic hæret, sed ablato eo domi focum suum inde accendit, vel accendi curat, atque hoc hoc ejus genus essentialiale: *Sin posteriori modo consideretur*, id est, ut methodus, à mente Philosophi Practici producibilis, aut producta veriùs. *hoc considerandi modo, & Scientia, & Ars sanè fuerit*, quoniam habet & ipsa sua universalialia, sive regulas, tum singularia, sive particulares actiones, regulis illis universalibus in plerisque & plerumque respondentes, atque hoc hoc ejus genus accidentale. *Quin immò diverso respectu atque aspectu Philosophia Practica, & Intelligentia, & Scientia, & Sapientia, & Ars, dici potest, Intelligentia*, si per eam intelligas notitiâ certam principiorum practitorum, acquisitam sive suâ sive aliorum operâ & institutione. *Scientia*, si quidem scientiam capias pro notitiâ quæstionum universalium, à singularibus abstractarum, ideoquè immutabilium ac necessariarum, ut quæ determinatam habeant essentiam, & connecessariam prædicatorum essentialium connexionem, convenienterquè conclusiones inducant necessarias per causam, quibus propter demonstrationis fidem firmiter assentimur. *Habet habet siquidem & Philosophia Practica suas demonstrationes, tam à priori, quàm*

à posteriori, quoniam in eâ datur probatio affectionis de subjecto per causam proximam, vel effectum, habet sua universalia, non minùs certa, necessaria, sempiterna, quàm Philosophia Theoretica, quemadmodum ea res è virtutum definitionibus, causis, speciebus, omnibusquè morum præceptis pater. Ut ita, siquidem liberalius sumatur nomen scientiæ, pro quâvis cognitione per causam, omninò Philosophia Practica sit scientia, saltem secundum partem sui, quoniam ut sic habet omnia scientiæ requisita, sua putà principia, tam incomplexa, rationem videlicet, quæ de actionum differentiâ & indifferentiâ judicat, & voluntatem, quæ id, quod differens vel indifferens est, liberè committit, omittit, dimittit, quàm complexa, ut bonum esse amplectendum, malum fugiendum, illud amplexandum, hoc fugitandum, suas item partes subjectivas, hoc est, virtutes, earumquè actiones specie diversas, suas denique proprietates, ut quod virtutes sint laudabiles, quòd bonum faciant habentem, quamvis interim in eâ hæc passioness non tam demonstrentur de subjecto, quàm conclusiones harum demonstrationum assumantur à Philosopho Morali, tanquam principia suarum conclusionum, & quia hinc inferri possunt conclusiones Practicæ.

Sapientia, si eam capias de notitiâ principiorum

rum Practicorum, & conclusionum Practicarum conjunctim. Denique *Ars*, si artem capias pro systematio certo præceptorum, consentientium ad finem aliquem utilem in vitâ, ipsamquè Philosophiam Practicam, prout opus aliquod producit morale, attinens ad morum, tum conformationem, tum confirmationem. *Sed maxime interim propriè est Prudentia*, tum quia est habitus cum rectâ ratione activus, circa ea, quæ bona sunt, & mala, quorum illa suadet, dum informat rationem, ut agat ea, hæc dissuadet, dum informat rationem, ut ea fugiat, tum quia reverà occupatur proximè circa res, quæ se aliter habere possunt, deque quibus consultatio datur, sive in universali, abstrahendo ab omnibus particularibus circumstantiis, quid sit agendum in universum, quæ Prudentia Superior audit in scholis, sive in particulari, quid nunc & tunc, hîc & illic, talibus circumstantiis positis, sit agendum, quæ Prudentia Inferior cluit in iisdem, tum quia, si spectes attentè modum operandi, in plurimis tantum topicè procedit, perquæ rationes probabiles, occupata circa actiones humanas, quatenus sunt dirigibiles à ratione in finem naturalem, respectu habitudinis sui objecti ad illum, tum denique, quia alias nulla in artium universitate extaret disciplina, cujus genus esset prudentia, id quod contra ingenium & na-

turam habitum intellectualium, qui non sunt nuda nomina sine rebus, sed certas significant disciplinas, & verò etiam Philosophus malè verò arceret juvenes ab auditorio Practico eo nomine, quòd vulgus juvenum destituatur communiter prudentiâ. *Non Intelligentia, Scientiavè propriissimè dicta*, partim quia non versatur circa res simpliciter necessarias & sempiternas, verum circa res agibiles, hoc est, singulares, easque contingentes, partim quia in cognitione sui objecti non sistit, cum non acquiescat & quietetur in simplici contemplatione: *Ideoquè nec Sapientia propriissimè dicta*, cum hæc sit habitus compositus ex intelligentiâ & scientiâ propriè sumtis: *Sed nec Ars propriissimè dicta, sumta in mente*, non libro, semel, quia non est habitus activus, sed factivus, iterum, quia non occupatur circa τὰ ποιητὰ factibilia, sed circa τὰ πρακτὰ agibilia, demum, quia ejus operatio non est ποίησις factio, quæ transit in opus externum, avulsum à moralitate, atque in aliquid extrai possum operantem, cujusmodi sunt, pingere, fabricari, suere, verum actio immanens, quæ tota manet in operante, eumquè perficit, ut amare, irasci, neque τὸ ὄντων propriè, in quibus regnat judicium sapientiale, sed διόντων, in quibus partim prudentiale, partim artificiale, quorum illud in contemplando, quod sapientiæ, istud in agendo, quod

quod prudentiæ, hoc in faciendo, quod artis.

CAPUT V.

Philosophia Practica Subjectum, Objectum, & Finis.

Subjectum Philosophiæ Practicæ universæ vel Inhæſionis est, vel Operationis : Utrumque adhuc duplex, illud ut quod, sive mediatum, & ut quo, sive immediatum, hoc vel materiale, vel formale. Subjectum inhæſionis ut quod, sive mediatum, est ipse homo, vel anima hominis, sive animus hominis, ille remotum, hic propinquum. Subjectum inhæſionis ut quo, sive immediatum & proximum, est intellectus hominis, comitatus voluntate, & appetitu sensitivo. Subjectum perfectionis voces licet, quoniam accidens accidenti non inhæret, sed substantiæ, qualis anima, non etiam facultas animæ, quæ in secundâ specie qualitatis, sive illa sit *λογος*, sive *ἔλγος*. Quamvis enim Philosophia Practica intellectum Practicum perficiat, dum eum imbuat cognitione agendorum, eamquæ ob causam inesse illi dicatur, neque illi tantum, verum etiam facultati appetenti, dum eam disponit, ne immoderate appetat, tamen propriè soli soli animæ, tanquam substantiæ, inhæret. Subjectum operationis materiale est idemmet homo, circa quem perficiendum Philosophia Practica est occupata, dum facultas

tatem ejus intelligentem & appetentem præparat, habitumque suum in eam, & de jure, & de facto, introducit, quo sensu subjectum inhæſionis & operationis indifferunt. In quantum enim hominis animus recipit habitum Practicum, & illi subsistentiam largitur, subjectum inhæſionis dicitur, in quantum verò à Philosophiâ Practicâ elaboratur, illique veluti materia subſternitur, subjectum operationis vocatur, inhæſionis, quatenus Philosophia Practica consideratur, ut introducta in intellectum Practicum, operationis, quatenus eadem consideratur, ut introducenda, planè sicut medicus se ipsum sanans, quatenus habitum medicinæ in mente possidet, ut sic est subjectum inhæſionis medicinæ, quatenus verò semetipsum per habitum illum sanat, ut sic subjectum operationis: *Subjectum operationis formale* est idem quidem homo, quoniam operationes sunt compositorum, sed quatenus beabilis, beandusvè. Eò quippè omnia Philosophiæ Practicæ præcepta diriguntur, ut homo moraliter & civiliter fiat beatus, succedente in locum, *σέπης*, quæ infert carentiam & absentiam beatitudinis, *δυστυχίας*, sive possibilitate ejus consequendæ, quia aliàs omnis informatio bis ociosa esset, si vel beatitudinis non daretur *σέπης* in homine beando, vel non *δυστυχίας* in beabili, id quod usuveniret, si ad eam recipiendam pla-

planè incapax atque indispositus, immò indisponibilis, foret homo. *Ut ita subjectum adæquationis, tum ratione inhæſionis, tum ratione operationis, sit homo, subjectum verò perfectionis certæ illius subjecti totalis & adæquati partes, persuade, Intellectus Practicus, Voluntas, atque Appetitus Sensitivus. Intellectum Practicum esse Philosophiæ Practicæ subjectum, arguitur hinc.*

*I. Quia omnis qualitas ~~perfectus~~ perficit illud subjectum, in quo est: Atqui prudentia est in intellectu Practico, tanquam in subjecto, & hæc ipsa habitus, Philosophiæ Practicæ non ~~ἀνέσφο~~ tantum, sed ~~ἀντίσφο~~: Ergò. II. Quia species cum naturâ generis consentire debet: Atqui tres sunt species prudentiæ, Ethica, Oeconomica, & Politica, & hæc omnes intellectum Practicum, aliâs directione, aliâs correctione, perficiunt, tanquam subjectum suum: Ergò & Philosophia Practica. *Voluntatem quoque etiam, atque Appetitum Sensitivum, esse subjectum Philosophiæ Practicæ, arguitur inde. I. Quia tam voluntas, quàm appetitus sensitivus, defectibus moralibus laborant: Quare perfectionis Philosophicæ indigent, illa in decernendo, eligendo, exequendo, hic in refrenando, moderandoque, sicut intellectus Practicus in deliberando, & judicando sive disponendo: Non propriè & proximè Theoreticæ: Ergò Practi-**

ctica. 11. Quia, quicquid est objectum partitis, illud quoque est objectum totius, quoniam quicquid prædicatur de parte, illud etiam prædicatur de toto secundum illam partem: Atqui appetitus sensitivus est objectum virtutum moralium: Ergo! Ecce? Quia enim omnis qualitas, quæ determinat suum subjectum, perficit illud tanquam suum objectum: Atqui virtus moralis determinat appetitum sensitivum, tanquam suum subjectum: Ergo! *Objectum Philosophiæ Practicæ* cum præcisione non sunt propriè actiones hominis, homini naturales secundum substantiam operis, ut intelligere, operari, cum multæ ex illis non sint humanæ, ut quæ non sint in hominis potestate, nec etiam actiones hominis casuales, quæ forte fortunâ fiunt, nec ob finem, in quem per se ab agente dirigantur, sed actiones humanæ honestæ, ut à rectâ ratione in ultimum dirigibiles finem, ita ut τὸ materiale objecti Philosophiæ Practicæ sint ipsæ actiones humanæ honestæ, τὸ formale verò, ut à rectâ ratione in ultimum sunt dirigibiles finem. Probarur.

1. Quia Philosophia Practica est habitus Practicus, cujus objectum πρακτικόν, sicut habitus speculativi θεωρητική, habitus factivi ποιητική, nec hæc quævis, sed honesta, honesta, non inhonesta, ut quæ indirigibilis in ultimum finem, quâ de ideò non per se agitur in Philo.

lophiâ Practicâ, cùm hæc non doceat eam operari, qui finis in habitibus Practicis, verum per accidens, quemadmodum Physica agit de herbis noxiis, Logica de operationibus intellectus pravis, non ut illarum doceat *ποιῆσιν*, sed ut dedoceat, hoc est, reductivè ad rectas. 11. Quia Philosophiæ Practicæ principia Practica, media Practica, & finis Practicus, qui dirigere actiones humanas in proprium suum objectum, quod est verum bonum. Sicut ergò Philosophiæ Theoreticæ objectum *τὸ ἐπιστητὸν*, scibile verum, ita Practicæ *τὸ πρακτικόν*, agibile honestum, quod objectum ei commune cum prudentiâ, ob habitus identitatem. Quod si enim idem utriusque habitus, næ idem quoque utriusque concludenter fuerit objectum. *Finis Philosophiæ Practicæ vel Essentialis est, vel Accidentalis*, ille directus & principalis, hic indirectus & minus principalis, qui vulgò nominatur usus. *Finis Philosophiæ Practicæ Essentialis adhuc duplex, Internus & Externus*, ille propinquus, hic remotus. *Finis Philosophiæ Practicæ Internus* est, informare hominem bonis moribus: *Externus*, eundem beare civiliter: Ille tempore prior, hic dignitate, tanquam finis ultimus verè Practicus, ut in quo omnes proprietates finis Practici vel ut in cento concentrent. Etenim quoad *τὸ ὅτι* præsupponitur hic finis, tanquam familiariter notus, quo-

quoad τὸ ὄν , non ut producibilis , sed ut
 producendus , consideratur , & istorum
 media ejus consequendi peremptoriè præ-
 scribuntur , quâ consideratione metamor-
 phosi Philosophicâ finis propinquus fit
 medium remoti, resultantis ex propinquo.
Finis Philosophiæ Practicæ Accidentalîs
multiplex esse potest , sed nominatissimè ,
quod studium hoc necessarium futuro , &
Theologo, & Jureconsulto : Theologo , non
 quidem necessitate absolutâ , cùm Theolo-
 gia non accipiat principia sua ab aliis scien-
 tiis, tanquam superioribus , sed his utatur,
 tanquam inferioribus, verùm necessitate
 expedientiæ , quia Philosophia Practica
 Theologiæ consecraneo perutilis, tum ra-
 tione subjecti cognoscentis, quod præpa-
 rat, tanquam instrumentum Theologiæ, ut
 principalis, in quâ multoties continentur
 termini Philosophici, vel explicitè, vel im-
 plicitè , conducibiles ad τὸ ἐλέγχειν τοὺς ἀνὴ-
 λέγοντας, præsertim si illi ipsi termini Philo-
 sophici, rebus Theologicis applicabiles, an-
 tequam applicentur, ab omni inantè imper-
 fectione liberentur, secundum maximam
 Theologicam, tum ratione objecti cogno-
 scendi, quod illustrat adminiculative , cùm
 accurata speciei cognitio non possit haberi,
 nisi præviâ cognitione generis, vel quasi ge-
 neris , quod pars essentiæ & quidditatis in
 specie, in Philosophiâ verò sæpenumerò tra-
 cte.

Etetur de genere aliquo, cujus speciem, vel quasi speciem, contrahat Theologia, quæ virtutum moralium definitiones, distributiones, & universæ τεχνολογήματα Ethico-Oeconomico-Politica jure vicinitatis mutuatur à Philosophiâ Practica: *Jureconsulto*, idquæ ob concurrentiam causarum præallegatarum, nominatim verò, & in specie, quia Jurisprudentia principia sua communia hospitaliter accipit ab Ethico, tanquam rivulos à fonte; istorum Ethicæ subordinata, tanquam superiori, ut ferè Medicina Physicæ, non quidem subordinatione essentiali & intrinsecâ, tum quia non idem quoad rem habet objectum, ut disciplinæ subalternantes & subalternatæ, subordinantes & subordinatæ essentialiter, nec principia ejus, tanquam subalternatæ, sunt conclusiones subalternantis, principia v. g. propria Juridica conclusiones Ethicæ, tum quia ejus, tanquam subalternatæ, objectum accidentalem duntaxat differentiam addit Ethicæ, tanquam subalternanti, nec vel illius subjectum continetur à subjecto hujus, nec hujus à subjecto illius, tum denique quia saltem quomodolibet Jurisprudentia addisci potest absque Ethicâ, cum disciplinarum subordinatarum essentialiter ea sit natura, ut nequeant addisci absque subordinantibus, eò quòd hæ illarum contineant elementa, verùm accidentali accidentali &

ex.

extrinsecâ, coordinata potius, quàm subordinata intrinsecè, licet interim ne intelligi quidem possit, quid sit Jurisprudèntia, nisi priùs ex Ethicâ præceperis, quid sit prudentia, cujus illa est species.

CAPUT VI.

Quis, uti Doctòr, ita Auditor ejus dixerit?

Et, an nominatim Iuvenes, juvenantesvè?

U*ti Doctòr ita Discipulus Philosophiæ Practicæ, vel Theoreticus est, vel Practicus, uterque vel Bonus, seu frugi, vel Malus, seu nauci. Bonus Philosophiæ Practicæ Doctòr Theoreticus est, qui rerum naturæ, quas tractat, competentes tradit conclusiones, neque in argumento probabili & dialectico necessariam atque apodicticam colligit demonstrationem, acquiescens ἐν τῷ ὄν veritarum moralium: Bonus Philosophiæ Practicæ Discipulus Theoreticus est, qui & ipse acquiescit in illomet ἐν τῷ ὄν, neque alias conclusiones & demonstrationes sollicitè exigit. Malus contra Philosophiæ Practicæ Theoreticus Doctòr est, qui non distinguens propriam à peregrinâ tractationem, in argumento probabili & dialectico necessariam atque apodicticam elicit demonstrationem, non acquiescens ἐν τῷ ὄν veritarum moralium, sed imperitè intonans τὸ δῖον: Malus Philosophiæ Practicæ Theoreticus Disci-*

scipulus est, qui tales à Doctore suo , contrā
 jus & fas Philosophicum , petit repetit de-
 monstrationes, non acquiescens ἐν τῷ ὄν ve-
 ritatum moralium, sed imperitè urgens τὸ
 δῖον, similis ei, qui motis disciplinarum ter-
 minis à Mathematico πιθανολογίαν & pro-
 babilia exigat, cū debeat exigere ἀκριβο-
 λογίαν & demonstrantia, eò quòd demon-
 strationes Mathematicæ certissimæ sint, ut
 quæ constent ex necessariis, immediatis, &
 causis conclusionis, atq; à materiâ recedant,
 quæ contingentiae causa est, à Rhetore verò
 ἀκριβολογίαν & demonstrantia, cū de-
 beat exigere πιθανολογίαν & probabilia, eò
 quòd Rhetores exemplis ferè atque enthy-
 mematibus familiariter utantur, à verisimi-
 libus aut persuadibilibus ductis. *Bonus*
Philosophiæ Practicæ uti Doctor ita Disci-
pulus Practicus est, qui Theoriam Practi-
 cam, hoc est, præcepta ipsa Practica, ad u-
 sum ultrò transfert, τὸ ὅν per ἰσχυρὸν assecu-
 rus, ille docendo, hic discendo : *Malus con-*
trā, similis oratori, qui scit & dicit consona
 legibus, sed non facit, eunuchoquè, qui
 proficitur alios generare, ipse interim steri-
 lis est, & generabundus potius, quàm gene-
 rativus. *Uterque Discipulus Philosophiæ*
Practicæ, tam Theoreticus, quàm Practicus,
isquē Bonus, vel Primarius est, vel Secunda-
rius. Primarius, qui omnia præcepta Pra-
 ctica, quæ docentur in scholâ Practicâ, sta-
 tim

tim, & assequi potest, & exequi: *Secundarius*, qui nec assequi statim, nec exequi, aliquouique tamen progreditur, & illic, & istic. Prioris curiæ discipulus non potest esse juvenis καὶ τῇ ἡλικίᾳ sive ætate communiter, tum quia imperitus est actionum vitæ, nisi præcoci sit sapientiâ, & mento tantum talis, non etiam mente, annis, non animo, tum quia καὶ πείθει ferè vivit talis juvenis, non λογῶν: sed nec juvenis καὶ τὸ ἦθος moribus, sicut nec senex, morum inconstantia ac levitate juvenis, sive senex quidem, sed juveniliter, quia bonum discipulum Practicum decet, non tantum bene compositum habere animum, ut rectum ferre possit de auditu judicium, sed etiam eorum studiosum executorem esse, quæ audit, quorum neutrum locum habet in juvene moribus, tam αἰσλῶς tali, quàm σωῶς: Posterioris verò curiæ discipulus juvenis καὶ τῇ ἡλικίᾳ, si nihil accedat, esse potest, quia plerique juvenum sunt φιλομαθεῖς, ζητητικοί, φιλήκοοι, μιμητικοί naturâ suâ, non intelligunt omnia, at quædam intelligunt, non omnia continuò ad usum transferre possunt, at olim transferent, infirmi sunt, infirmis autem non neganda medicina. Quæ causa, cur Aristoteles Nicomacho filio suo doctrinam morum, Cicero item filio suo doctrinam de officiis inscripserit. Nec silentio transmittendum, quòd Aristoteles du-

duplicem dicatur habuisse *μερίσταν*, ma-
 tutinum, in quo selectis quibusdam audi-
 toribus Physica & Logica tradebat, & ve-
 spertinum, in quo juvenes sine delectu
 Rhetoricam & res civiles docebat, cur, si
 ὅροι asini sunt ad hanc lyram? Quin tantum
 abest, ut ab auditorio Practico arcuerit o-
 mnes juvenes καὶ τὴν ἡλικίαν indifferenter A-
 ristoteles, ut ne omnes quidem juvenes καὶ
 τὸ ἦθος, qui vel ideò debent audire præce-
 pta Practica, ut mores suos regere, affectus-
 què suos rectæ rationis magisterio subji-
 cere condoceant, nisi improbitas eorum sit
 deplorata, quæ non temerè præsumenda
 tamen de illâ ætate. Ut ita sententia Ari-
 stotelis de relegatione juvenum ab audito-
 rio Practico, non in sensu absoluto, sed com-
 parativo, accipienda sit, hâc cum interpun-
 ctione, alios ex his aliis magis idoneos au-
 ditores morales esse in comparatione, alios
 minùs, servato gradu positivo, qui inci-
 pientium, comparativo, qui proficientium,
 & superlativo, qui perfectorum.

CAPUT VII.

*Philosophia Practica divisio dicto-tri-
 chotomica cum Averroë, contra Am-
 monium, Eustratium, Damascenum,
 Thomam, τεχνομεθώδης secundum
 tres vite Practicæ species præsumtas,*
 ea.

eādemquē contra eos, qui Philosophiam Practicam subdividunt in Theoreticam & Practicam, aut individunt potius, contradividuntvè.

P*hilosophia Practica tribuitur communiter in tres partes, secundum tres vitæ Practicæ species disparatè oppositas, monasticam sive solitariam, quam formet Ethica; quæ informat virum bonum, domesticam, quam formet Oeconomica, quæ informat bonum patrem familiās, familiaresvè alios, & civilem, quam formet Politica, quæ informat bonum civem, sumto civis nomine laxè pro magistratu & subditis, non magistratu, aut subditis sed humaniùs in duas cum subdivisione, partem videlicet communem, quæ Ethica, & specialem, quæ Oeconomica & Politica, quarum partium altera explicativè agit de moribus hominis ut κοσμοπλίτου, nullo habito respectu ad ullum definitum vitæ statum, altera applicativè ad statum, vel domesticum, vel civilem, dico applicativè, quia non omnis vir bonus, qualem format Ethica, est statim industrius pater familiās, qualem format Oeconomica, nec industrius pater familiās statim bonus civis, nedum Politicus bonus, qualem format Politica. Atq; hæc hæc divisio posterior in comparatione est prior. 1. Quia vita monastica non est humana, ut quæ pugnet*

net cum fine & naturâ hominis, qui animal
πολιτικόν per se, si minùs in individuo sem-
per, respectu hujus & illius hominis, Timo-
nis aut Cnemonis, minimùm in specie, re-
spectu hominis in indifferentiâ, qui socia-
lis à naturâ, non tam primo modo dicendi
per se, quatenus quid inseparabile proprium
alicujus speciei, ut esse visibilem, & sic socia-
lem, homini, quàm secundo, quo quid inse-
parabiliter quidem convenit alicui speciei,
sed tamen non cuilibet individuo illius spe-
ciei abscissè, sed solùm supposito perfecto,
non orbato nec sauciato à naturâ, ut habere
duos oculos, generare animal sibi simile, ne-
que verò infocialis, nisi fortè per accidens,
hoc est, actu à naturæ ordine recedente, cu-
jus negatio non necessariò tollit *φύσιν*, cum
natura particularis nihil deroget generali,
secundum quam homo vivit *ὁμοῦς* naturali-
ter, cupientissimisque est societatis natura-
liter, partim quia non est *αὐτάρκης*, partim
quia præditus est sermone, non ut eo utatur
in ordine ad se, sed ad alios cohominēs, ve-
rùm initiativè scilicet, non perfectivè, quod
à voluntate, excitativè, quod à doctrinâ &
institutione. II. Quia in omni disciplinâ
sunt declaranda ea, quæ sunt communia
principia fundamenta & elementa univer-
sæ disciplinæ, cum disciplina debeat habere
unum commune subjectum, id verò iterum
sua communia principia, communesq; affe-

ctiones ergò & in Philosophiâ Practicâ: Id autē nusquā fit, si non fit in Ethicâ, quæ communia præcepta tradit singulorū vitæ generū, non certi generis, argumento summi boni, nō hujus & illius hominis, Petri aut Pauli, sed hominis, quod bonum in Ethicâ explicatur, in Oeconomicâ & Politicâ applicatur, illic ad paucos in familiâ, hîc ad plures in civitate. Ut ita omnia hîc aut communia sint, aut specialia. Vita quippè proba, quæ est subjectum tractationis, consideratur vel generaliter, prout est vita verè hominis, vel specialiter, prout est vel domestica, vel civilis: Vir item bonus, qui est subjectum informationis, consideratur vel in genere, & per se, vel in specie, atque ut ad alios refertur, quatenus videlicet est aut bonus paterfamiliâs, aut bonus civis: Virtus virtus quin quoque ipsa gemino modo, vel communiter spectatur, quatenus habentem perficit, & est virtus viri, vel specialiter, quatenus ad alios refertur, & est virtus officii, putà vel uirtus boni patrisfamiliâs, vel boni civis. Quo rationum dupondio conficitur in leges nostras, posteriorotem divisionem præferendam priori. *Quod concernit subdivisionem Philosophiæ Practicæ in Theoreticam & Practicam, illa verò Neo-Philosophorum divisio est indivisio, aut contradivisio, tum quia Philosophiæ Practicæ objectum non est contemplabile,*
sed

sed operabile, nec finis ejus theoria, sed praxis, ab objecto autem & fine ultimo desumi debet distinctio, tum quia tota Philosophia Practica est Practica, nec minùs Ethicum par est Practicum esse, quàm vel Oeconomicum, vel Politicum, etsi hi praxin Ethicam in suos vertant & convertant usus, Qui enim instrumenta v. g. parat, aliorum opificum usibus deservientia, nã ille non minùs exercet habitum ποιητικόν, quàm qui instrumentis illis artificialiter utitur, similiterquè Ethica, quæ instrumenta fabricat Oeconomicæ & Politicæ, non minùs habitum πρακτικόν, quàm vel illa, vel ista. Proponit quidem Ethica magis universalia præcepta, quàm vel Oeconomica, vel Politica, sed inde non evincitur, illam esse propterea disciplinam Theoreticam, cum id, quod generale est, non sit οκυὺς θεωρητικόν, verùm hoc tantùm, Ethicam esse disciplinam Practicam magis universalem, quàm vel Oeconomicam, vel Politicam, quæ prima veritas Practica, quam ne Carneades quidem aliquis negâssit.

CAPUT VIII.

*Ordo versatilis partium dividendum,
cum natura dignitatis & cognitionis
tricommate.*

EX signatis partibus Philosophiæ Practicæ ordine naturæ præcedit Ethica, tum quia complectitur principia & fundamenta vitæ Practicæ, universalia, inquam, præcepta reliquis partibus inservientia, estque ἀρχὴ τῆς οἰκονομικῆς καὶ πολιτικῆς, quæ quasi principiatum quoddam & effectum, atque ad sese, jam verò quæ sunt ad alterum, ordine naturæ posteriora sunt iis, quæ sunt ad se, tum quia ab imperfectiori ad perfectius sic fit progressus, cum perfectius sit, benè regere domum, quàm seipsum, & adhuc perfectius regere civitatem: *Succedit Oeconomica*, ut quæ, sicut ordine naturæ Ethicâ est posterior, ita Politicâ prior, quemadmodum domus civitate, cum versetur circa familias, quæ materia civitatis, in quibus idèò hominem prius constitutum esse convenit, quàm in hac, & quia finis Oeconomices se habet ad finem Politices, tanquam intermedius ad ultimum, quare antecedenter: *Agmen in hoc trigario claudit Politica*, quia τῇ φύσει simplicia naturaliter priora compositis, jam verò Politica ex multis familiis componitur, familia porrò ex multis hominibus, qui sicut simpliciores familiis, ita hæc civitate. Quamvis enim, quatenus homo ad familiam, & hæc ad civitatem constituendam, suapte naturâ dirigitur, eatenus civitas sit aliquo modo prius quid naturâ, quàm vel familia, vel

vel homo, in ordine causæ finalis, tamen ex alio capite familia prior est civitate, & homo prior familiâ, in ordine causæ materialis intrinsecè componentis, quatenus quælibet harum partium spectatur antecedenter ad totum, quod componit, capax ut sic alicujus perfectionis moralis, præsupponendæ ad perfectionem totius, quod inde conflatur, hoc est, quamvis civitas sit prior familiâ & homine ordine naturæ intendentis atque perficientis, cùm omne totum ratione finis & perfectionis prius sit suis partibus ut sic, tamen posterior est iisdem ordine naturæ generantis & componentis, quomodo partes priores toto naturaliter. *At ordine dignitatis, siquidem nobilitatem objectorum spectes, næ præcedit Politica, succedit Oeconomica, agmen claudit Ethica*, quia illa publicum civitatis, ista familiæ, hæc privatorum bonum procurat, jam verò bonum, quò communius, hoc præstantius: *Sin universalitatem præceptorum, tunc verò præcedit iterum Ethica*, quoniam de summo bono, virtute, principiis actionum humanarum, in genere agit: *Succedit Politica*, propter leges, quæ id Politico, quod Ethico virtutes: *Agmen claudit Oeconomica*, cujus præcepta de gubernatione familiæ contractiora illis, quæ sunt de gubernatione hominis per virtutes, & civitatis per leges. *Denique ordi-*

ne cognitionis iterum nã iterum præcedit Ethica, idquẽ propter simplicitatem & generalitatem præceptorum, & quia continet principia reliquarum partium: *Succedit Politicã*, idquẽ propter præceptionum congeneralitatem in suo genere: *Agmen claudit Oeconomica*, neque tamen interim, ut appendix ejus, sed ut justum formatæ disciplinæ corpus. Quamvis hanc illi Theophilus Raynaudus non irrationabiliter præponat, sicut & Ethicam rationabiliter, contra Franciscum Patricium, qui solus initium Philosophiæ Practicæ voluit duci à Politicã, hinc descendi ad Oeconomicam, inde ad Ethicam. Coarquentem vide in prologo Mor: Discipl.: § 6. Num. 94.

CAPUT IX.

Quid Ethica, sive nominalitatem, sive realitatem ejus spectes? Et quæ ejus partes dividentes?

E*thica*, (ut in hâc pedem pedumquẽ figam,) *si in mente artificis eam consideres*, ut si cest *ἠθικὴ ἢ ποικιλία*, habitus eorum, quæ sub actionem cadunt in genere morum in rigore, hoc est, prudentia, dirigens actiones humanas morales, ut, quantum in hâc vitâ fieri potest, naturæ consiliatricis & auxiliatricis viribus benè beatequẽ vivatur:

Sin

*Sin in manu & libris, systema five syntagma certæ disciplinæ, quo necessaria ad mores, cum intentione intentionatâ docentur, intentionante discuntur: Sic dicta ἀπὸ τῆς ἥθεως ἢ ἔθεως, quorum illud mores, seu objectum hujus disciplinæ, hoc causam efficientem ejus objecti designat. Verùm enim verò evaluit ac prævaluit vox prior in scholis, atquæ inde ipsa disciplina Ἠθικὴ cognominata, subaudi διδασκῆ, non Εἰδική. Quod si interim utramque vocem juvet syllabizando conjungere, tum sanè Ethica nominaliter fuerit, doctrina de moribus per assuefactionem comparandis, affectibus quæ mitificandis, quoniam τὸ ἔθος assuefactionem, τὸ ἦθος verò præter mores affectus quoque mitiores significat, quales efficit & præstat hæc Philosophiæ Practicæ pars. *Partes ejus dividentes secundum alios tres sunt, una de fine, non quidem an sit, id quod supponi debet, sed quid sit, altera de objecto, sine quo finis in subjectum introduci nequit, tertia de mediis, per quæ introduci debet: Secundum alios verò duas tantum, & quidem ambidextrè, ἢ Εὐδαιμονολογία ἢ Ἀρετολογία, Ἀρετολογία & Εὐδαιμονολογία, Doctrina de Beatâ Vitâ & Rectâ Vitâ, Rectâ Vitâ & Beatâ Vitâ. Quicquid enim in Ethicis docetur, id omne vel ad finem, qui beatitudo, vel ad media, quæ virtutes, referri potest, ad beatam, inquam, &**

rectam vitam, rectam, inquam, & beatam vitam. Perindè namque est, siue ab illâ, siue ab hâc, ab hâc, siue ab illâ, initium duxeris. Virtus siquidem, quid & qualis sit, intelligi facile poterit, etiamsi de beatitudine nondum exquisitè sit actum, & contrà, beatitudinis quæ sit natura non est difficile assequi, licet de virtute nondum exquisitè sit actum, dum quis utriusque confusam & generalem notitiam habeat modò. *Nos tamen, non Aretologiæ, sed Eudæmonologiæ, primas damus cum Peripateticis contra Parapateticos*, ne videamur cum illis *VENTE ÉLÈVE*, tum quia finis est notior mediis, ducentibus ad finem, distinctamquè sequentium cognitionem exhibet, dum facit & ad inventionem, & ad dispositionem ac descriptionem mediorum, quod autem notius, idem & prius, sicut & dirigens directo, tum quia finis, licet sit ultimus in operatione, cujus ordo progreditur à mediis ad finem, tamen est primus in intentione & inventionem, quarum ordo progreditur à fine ad media, à prioribus autem procedendum ad posteriora doctrinaliter & didascalicè, non contrà, tum quia finis habet rationem principii in Practicis, & provocat agens ad agendum, à principiis autem initium capessendum, cum sine his cætera explicari nequeant, tum denique, quia id, quod ab omnibus partibus præsupponitur, ante omnes

mnes partes explicari debet. Neque vel
hilum obstat dictis; quod ἡ ἀρετολογία sit
doctrina de fine Philosophiæ Practicæ es-
sentiali directo interno, qui est recta vita, ἡ
εὐδαιμονολογία verò doctrina de fine ejus-
dem essentiali directo externo, qui beata
vita. Neque enim regimen rectæ vitæ at-
tenditur hîc, ut finis ultimus, sed ut pro
fine ultimo, qui regimen beatæ vitæ, quæ
illius est præmium, quatenus τὸ præmium
denotat rem externam, finis verò, quate-
nus est bonum οἰκεῖον, & nostri respectu in-
trinsecum, propter quod virtuosî operan-
tur. Aliud aliud siquidem in moralibus τὸ
præmium, aliud verò finis, aliud v. g. ho-
nor, qui virtutis cluit præmium, neque in-
terim est finis agentium, qui beatitudo.
Non magis, quod sic priori loco videatur a-
gi de actione, posteriori de principio actio-
nis, priori de virtutis actu secundo, poste-
riori de actu primo, priori de actione facul-
tatis, posteriori de ipsa facultate, priori de
effectu, posteriori de causâ, adeoque prio-
ri loco de posteriori, posteriori loco de pri-
ori, per solœcismum Philosophicum, æquè
absurdè in comparatione, ac si Physicafter
aliquis tractatum de sensibus in duas distin-
gueret partes, atque in primâ de actionibus
sensuum tractaret, in secundâ verò de sen-
riendi facultate, per præposterium Philo-
sophicum. Ἀπροσδυνήτως! Non enim Pra-

eticè Philosophando virtus consideretur, ut prius quid ordine dignitatis & perfectionis, quæ major virtutis *ἰνεργητικῆς*, quàm *ἀνεργητικῆς*, cùm ejus perfectio sit *ἐνέργεια* pensiusquè in comparatione sit id, cujus gratiâ quid est, quàm id, quod illius gratiâ est, sed Philosophando Theoricè, quatenus virtus consideratur, ut prius quid ordine temporis & naturæ, potest autem ordine temporis & naturæ quid esse prius, quod tamen ordine dignitatis est posterius, prout usu venit in præsentiquè argumento nostro. Cùm enim habitus virtutis acquiratur propter actum, tanquam perfectionem ultimam, nã ille præstantior, cùm melius quid atque expetibilius secundum Philosophum sit usus, quàm habitus, quorum ille magis expetendus, quàm hic, cujus ille est finis, quoniam habitus propter actum sive usum expetitur, visus v. g. propter visionem, auditus propter auditionem, conquè sequenter virtus propter actionem virtuosam, adeoque, *ἡ ἀρετολογία* propter *ἐνδαιμολογίαν*, non contrà.

CAPUT X.

Quâ Methodo Ethica, ejusquè sororia studia, sint tradenda, compaginandaque, Analyticane, an Synthetica, an utràque indifferenter?

Si-

*S*icut omnes *Disciplinae Practicae*, ita etiam *Ethica*, *Methodo Analytica* sive *Resolutiva*, non *Syntheticà*, sive *Compositivà*, est tradenda, quæ scientiis speculativis accommodata magis, quarum finis, qui per totam scientiam quæritur, est objecti cognitio, à quâ duci nequit exordium, cum in hâc processus fiat à principiis ad principiata, à simplicibus sive componentibus ad composita, non verò à fine ad media, per quæ finis acquiritur syntheticè, & in quæ resolvitur analyticè, magis, inquam, quàm prudentiis operativis. Probatur ad liquidum.

1. A generali ordinis præcepto. Semper siquidem incipiendum secundum methodum prudentiæ à notioribus, atque inde progrediendum ad ignotiora, non ascendendo à posterioribus ad priora, sed à prioribus ad posteriora descendendo dispositivè: At verò finis notior est, quàm media, ut quem homines præsupponant, licet quoad media sæpè dissentiant: Ergò à fine faciendum initium.

11. A necessariâ finis prænotione. Semper semper siquidem, quicquid ad distinctam subsequentium cognitionem facit, quorumquæ unum sine altero cognosci nequit articulatè, id præexponendum necessariò ad subactam rei cognitionem: Atqui finis hoc facit in Ethicis, ex quo dependent, quæcunque in totâ disciplinâ traduntur: Ergò! Ut enim media

non desiderantur, nisi priùs sint proposita, ita nec cognoscuntur, nisi cognito priùs fine, qui æque præcognitus debet esse ei, qui vult cætera ordinare ad finem, atque sagittario scopus, nautæ portus, quem velint petere, ille telis, hic velis. Scilicet frustra sollicitus sis de quærendâ viâ, si tibi nondum sedeat, quorsum velis ire, frustra quæsierit corium sutor, pannum sartor, si nesciat, quid eo sit acturus, & sic media noster, si ignoret finem. . . . A processu Practico, secundum quem. in Practicis disciplinis semper, quæ fini sunt propinquiora, & in quibus executio desinit, præmittuntur illis, à quibus executio incipit, exemplo architecti prudentis, qui exposito fine, nempe domo habitandâ, statim agit de proximis ejus partibus, nempe fundamento parietibus tecto, tum de partibus remotis, nempe lignis & lapidibus, aliisque, unde incipit executio, ita ut ibi cesset operatio, ubi doctrina incipit, nimirum in domo perfectâ, & ubi operatio desit, ibi doctrina sumat initium. Nec abs re. Etenim, sicut mediocorum cognitio ex fine pendet, ita cognitio eorum, quæ sunt à fine remotiora, pendet ab iis, quæ sunt fini propinquiora, & quia Ethica & de fine agit, & de mediis, ad eum finem obtinendum proportionatis, ideò necesse est, ut illa primùm agat de fine, tum de mediis fini vicinioribus, inde

de demùm de remotioribus, atque ita à fine inchoando desinat in media, quæ perspicuè est methodus analytica, quâ & Aristoteles est usus in Practicis, qui & in capite & in calce Ethicorum, ut tota tractatio fortè an esset *κικλαινδης*, differit de beatitudine, an, quia finis primus in intentione sive destinatione, ultimus in operatione sive executione, ac non potius, quò ejus inculcatione amaror, si quis in mediorum tractatione obrepssisset, sic abstergeretur atque edulcaretur, voluntasquè in ejus assequendæ proposito magis firmaretur? Quanquam de consilio arcano hujus facti, nec interpretibus satis, nec Scholasticis, conveniat. Alii enim ajunt, illum priore loco de activâ beatitudine, posteriore de contemplativâ egisse, alii priore loco de felicitate hominis mortalis, posteriore de felicitate animæ separatæ, soli contemplationi intentæ, alii priore loco de fine hominis mortalis, posteriore de fine hominis in hac vitâ divinam vitam imitantis, quæ in numeros retulisse sufficit. Formula hujus trigæ & triquertii Logicaliter hæc fuerit: Quæ disciplina inchoari debet à præspeculatione finis, indequè progredi ad media obtinendi illum finem, ea methodo analyticâ est tradenda: Ethica sic inchoari debet, neque aliâ viâ progredi: Ergò! Quàm igitur inscitè quis Physicam inceperit ab affectionibus corporis,

ris, & postea desierit in principia, tam inscitè fecerit, qui disciplinas Practicas orsus sit à mediis, & hinc tendat in finem, id quod facit Piccolomineus in Gradibus, qui etsi non infitetur analyticâ methodo tradi posse Ethicam, tamen syntheticâ quoq; tradi posse rationibus & facto contendit. Sed scilicet aliter atque aliter valemus docere tam Practicas quàm Theoricas Theoricas quàm Practicas disciplinas, & vel sine ordine procedere, omnesvè pro arbitrio confundere, verùm de eo non quæritur, sed quid salvâ regulâ ordinis, salvâque integritate disciplinarum fieri possit, quibus non repugnat in methodo analyticâ methodus synthetica, nec in methodo syntheticâ analytica, sed partialis, non totalis, quâ de hîc sermo. Sanè vel in ipsâ Ethicâ, quæ analytici juris est, videas agi in particulari de principiis virtutum priùs, quàm ipsis virtutibus, id quod συνθετικόν, ipsa interim est & manet prioris generis, neque propterea mutat personam, sexumvè. Verùm meminisse debemus, nostrum non esse, limites semel agris infossos loco movere. Et enim, qui transfert lapides, secundùm oraculum sacrum, affligetur in eis, & ab eis.

CAPUT XI.

Quid ἡ Εὐδαιμονολογία, quæ prior Ethices pars, eiquè substrata Εὐδαιμονία, quæ nomen,

nomen, quâ rem nomine vestitam, cum connotatione insinuativâ Subjecti ejus formalis operationis anticipativè.

H^c *Ευδαιμονολογία* nihil aliud est, quam doctrina de Regimine Beatitudinis Hominis, qui Homo Subjectum formale operationis beatitudinis: Non Deus, Angelivè, quia de beatitudine humanâ & Philosophicâ hîc agitur, non divinâ & Theosophicâ: Bestiæ vè, quia Subjectum capax hujus beatitudinis debet esse agens voluntarium, hoc est, tale, ut habeat libertatem contradictionis, quâ actum aliquem possit elicere, aut suspendere, etiam positis omnibus ad agendum necessariis requisitis, jam verò bestię non sunt agentia voluntaria, cùm positis ad agendum requisitis, non possint non ferri in objectum: Puerivè infantes, non quidem ob rationis carentiam, & respectu facultatis, & respectu facti sive actus, ut bestię, verùm ob ejusdem defectum, quia enim ut sic per ætatem adhuc destituntur agibilium cognitione, seriâ deliberatione, liberâ electione, appetitus reformatione, ratione facultatis, eorundemquè executione, ratione facti. Quamvis enim habeant rationem in actu primo, tamen nondum habent in actu secundo, cùm rectæ rationis usum potentiâ tantùm habeant, animâ intelligente, quæ est in eis, innatâ ac redun-

dundante humiditate oppressâ, conveni-
enterquè beatitudinem, quæ in rectæ rati-
onis usu morali consistit, potentialiter sive
potestativè: *Morionè* sive, idquè ob ligatum
depravatumquè rationis usum: *Servivè*,
similiter ob ligatam libertatem, si minùs fa-
cultatis, minimùm facti, quæ ad beatitudi-
nem requiritur: *Mortuivè*, ut qui secun-
dum virtutem operari nequeant, in cujus
operatione figitur beatitudo: *Sed Homines
Adulti, & sanæ mentis*, tum quia non puer,
sed vir, perfectus est, persuade perfectione
accidentali, non essentiali, neque is actu
talis, verùm potentiâ generali, naturali, &
remotâ, quâ quilibet homo vi animæ ratio-
nalis per naturam suam natus est aptitudi-
naliter ad acquirendam beatitudinem, res
autem propriè dicitur talis, cùm est talis a-
ctu, u.g., quis albus, cùm habet albedinem
in se, non cùm est in potentiâ ad suscipien-
dam albedinem, tum quia ad beatitudi-
nem requiritur longum vitæ tempus, quod
majus in viris, quàm in pueris, & in seni-
bus, quàm in viris, aut hominibus consi-
stentis ætatis, quorum felicitas telis fortunæ
magis est exposita in comparatione n' *Eu-
δαιμονία*, sive *Beatitudo hæc Hominis*, fini-
tore *Aristotele*, est operatio animæ rationa-
lis, secundum optimam & perfectissimam
virtutem, in vitâ perfectâ. Quæ definitio,
salvo cujusque judicio, absque præjudicio
tamen,

tamen, est generalis, utrique gradui beatitudinis competens, licet inæqualiter, sive secundum prius & posterius, *πρῶτως* contemplativæ, *δευτέρως* activæ, (Cum enim beatitudo sit ab uno, ideò, cum definitur, debet ei competere primò, quod primum est, secundo loco aliis:) utriusque cum essentiam, tum integritatem, coexprimens, illam explicitè, quoniam instrumenta non necessariò ponuntur in definitione operis producti, verùm principia principalia, hanc implicitè, dum Philosophus beatitudinem appellat operationem perfectissimæ virtutis, quæ operatio sine muneribus naturæ & fortunæ esse nequit, quæ, ut non notentur in definitione abstracti, id est, ipsius beatitudinis, sed connotentur tantùm, tamen notanda notanter in definitione concreti, id est, hominis beati, qui non sola forma, sed compositum instrumentis utens. *Ἰουαὶ ἀναλύειν. Definitum est beatitudo hominis.* Hæc Græcè philosophantibus appellatur modò *ἰουδαιμονία* bonigenia, *ἀπὸ τοῦ ἰουδαίου*, sive ab εὖ καὶ δαίμων, tum quòd bonus tantùm animus eam habeat, qui cuique dæmon, tum quòd à bono genio, aut Deo potiùs, qui genius geniorum, proveniat, tum quòd ad statum dæmonum & geniorum nos evehat per *εὐζωίαν καὶ εὐπραξίαν*, quoniam *τῷ εὖ ζῆν, ἐν πράττειν*, benè vivendo per virtutis habitum, & agendo per actiones illius,

lius,

pus, quā fortunam, necessaria sunt ad benē vivendum, secretis malis omnibus, cumulata complexio, conjuncta cum vitæ tranquillitate, quæ à virtute primariò, ejusquē actione, à cæteris verò bonis secundariò: Summum bonum strictè illud est, quod inter hæc ipsa bonorum genera principem obtinet locum, quale bonum virtus, & hujus actio: ultimus finis eadem quidem virtutis actio, verùm quatenus ad eam, tanquam ad ultimam metam, contendimus, in quam dum ferimur, scopus cum Stoicis appellatur, cum verò jam in eadem figimur, eamque attingimus, finis, qui hoc differt secundum Scholasticos à summo bono, quòd hoc in homine terminetur, ille non in homine, sed in hominis conditore Deo, cujus gloriæ omnia serviunt, sicut brutorum v. g. finis est, inservire usibus hominum, quos præstant etiam cum damno atque interitu suo, quem tamen brutorum finem esse illorum bonum nemo sanæ mentis dixerit: Felicitas beatitudinem describit quidem & ipsa, verùm universè magis à posteriori, hoc est, à fortunæ bonis, in quibus vulgus beatitudinis puppim ponit, quoniam sine his fortunæ bonis ea non temerè cuiquam contingit. *Definitio constat genere, & differentia specificâ. Genus est operatio, eaque tam interna, quàm externa: Ecceur? Quia enim beatitudo est perfectio,*

res autem in tantum, in quantum est actu : Jam verò bis alienum foret, aliarum rerum bonitatem in operatione collocare, ipsius verò hominis, qui rex & imperator est aliarum rerum, non item. Quòd si fabri lignarii, sutoris, sartoris, tibicinis, vilissimorum opificum, sua sunt opera & munera, quà talium, si oculorum, manuum, pedum, omnium denique partium hominis, ergò multò magis ipsius hominis, quà talis, cum sit artium conditor & inventor, totumque, ideoquè non inferior vel illis, putà artibus, vel istis, putà partibus. *Differentia specifica non una, sed vel quintuplex. Dicitur quippè primò, operatio animæ, non corporis*, quia hujus actio nobis cum inanimatis plantis brutis communis, ideoquè incapax virtutis. Quamvis enim beatitudo non ad solam animam pertineat, sed ad totum hominem, conquè venienter etiam ad corpus, quia tamen non à corpore principaliter, sed ab animâ, dependet, & hujus respectu homini attribuitur, rectè operatio animæ, non corporis, nuncupatur. Neque enim hîc subjectum, sed principium actionis spectamus, quorum illud totus homo, hoc anima, non corpus. *Dicitur secundò, operatio animæ rationalis, non vegetativæ, sensitivæve* : Non illius, quia & hæc nobis cum plantis communis, nullius virtutis receptiva & ipsa: Non hujus, quia hæc com-

munis

munis nobis cum bestiis, virtutis incapacibus. Scilicet homo ex corpore, tanquam materiâ, & animâ rationali, tanquam formâ, constat, quæ dat esse specificum: Quod si ita, utique animæ rationalis opus proprium & proximum fuerit hominis, quâ homo est, loquendo de agente principali, non agente toto. *Dicitur tertio, operatio animæ rationalis secundum virtutem.* Operationis namque nomen generale est, & tam bonæ quàm malæ convenit, beatitudo autem non in malâ operatione est posita, sed in bonâ, qualis, quæ secundum virtutem. *Dicitur quarto, operatio animæ rationalis secundum virtutem, & quidem optimam ac perfectissimam.* Etenim, si bona actio idèd bona, quia secundum virtutem, eadem optima ac perfectissima fuerit, quia secundum virtutem optimam & perfectissimam: Per quam alii Moralistæ sapientiam intelligunt in genere intellectualium, idque *σφαιρως*, justitiam verò universalem in genere moralium, idque *δευτέρως*, cur, nisi quia utraque perficit habentem, felicem. què eū reddit, altera in regno mentis, altera in regno moris, & quia utraq; totum quoddam, non obtinens conditionem partis, habitusquè postremus, ad ulteriorē virtutem inordinatus: Alii prudentiā, ut quæ participet de utroque sexu virtutum, intellectualis respectu subjecti, & causæ efficientis, moralis respe-

respectu objecti & finis , quorsum omnes virtutes morales quasi sacro nodo connexæ in prudentiâ , verùm absque judicio prudentiali id quidem , quoniam utut prudentiæ Theoria feratur directè ἐν τῇ πρακτῇ , eoquè aspectu largâ significatione etiam Practica virtus dici possit , non Theoretica tantum, tamen locum hîc non invenit, tum quia beatitudo finis , prudentia verò mediorum, tum quia non pertinet ad appetitum sensuum , neque est materia alicujus affectus, ut virtus in more posita, à quâ absolute & proximè denominamur probi : Alii non unam quandam specialem virtutem , ejusque operationem , sed omnium virtutum ἀθροισμα, hoc est, virtutem ὅλην atque universam , & quidem in summo gradu possibili, eò quòd hîc definiatur beatitudo, non partialiter, sed totaliter, quo fit, ut per virtutem , non una tantum , sed quævis intelligatur , per optimam verò & perfectissimam virtus cum gradu intensiōis & extensiōis possibilis. *Dicitur quintò , operatio animæ rationalis secundum virtutem optimam & perfectissimam , verùm in vitâ perfectâ*, quam alii vitæ hominis coæquant & coextendunt , sed contra mentem Philosophi , qui pueros negat esse capaces beatitudinis , adolescentes verò idoneos auditores ejus disciplinæ , quæ de eâ tractat , fortean idèò , quia sicut homo respectu corporis ,

ris ,

ris, five ex parte generationis corporis, tum demùm perfectus cluit., quando sibi simile generare potest, ita respectu animæ, five ex parte generationis animi, quando adultum & confirmatum habet iudicium, quo pueri universaliter, adolescentes particulariter destituuntur: Alii per vitam perfectam intelligunt reliquum vitæ tempus, postquam quis felicitatis possessionem est consecutus: Alii denique longum vitæ actum & tractum, hoc est, vitam perfectæ ætatis ac temporis, eò quòd beatitudini attribuenda sint perfectissima, tempora autem longa brevioribus sint perfectiora, cum ad æternitatis viciniam accedant, ut non malè quoad maiorem beatitudinis existentiam, five beatitudinem extensivam, quando ea sumitur pro aggregato ex bonis animi corporis & fortunæ, inter quæ etiam vitæ prolixitas, qualis beatitudo habet tempus, tanquam partem essentialem, indigetquè tempore essentialiter, ita non benè, saltem non optimè, quoad ejusdem essentialiam, five beatitudinem intensivam. Neque enim ita ad beatitudinem requiritur peremptoriè extensio temporis, ut ratione extensionis ea quoque fiat intensior, cùm secundum intensiorem simul acquiratur, inque individuo temporis sit posita, five indivisibili atque impartibili puncto, planè sicut aqua tunc calida audit secundum intensiorem-
quan,

quando actu incaluit, licet diutiùs calida sit secundum extensionem, quò diutiùs caluit, & seriùs decaluit. Hæc & alia definibundus Aristoteles.

C A P U T XII

Accessorius elenchus contra Solonistas, posthuma iudiciorias exaggeratores, contraria verò inhumata ad iudiciorias exagitatores intempestivos, cum intercessorio elencho contra Stoicos, disparata de iudiciorias vilipendulos.

EX definitione hâc Aristotelicâ beatitudinis eâdem operâ patet, quid de Solonismo Solonistarum sentiendum sit, qui cum magistro suo Solone assertum ibant, neminem ante novissima posse ferri beatum, eò quòd homo, dum hujus lucis usura fruitur, nunquam plenè ac planè sit extra τὴν δυσχέρειαν, extra omnem mali sensum, quos Aristoteles jugulat hoc argumento, quòd beatus, cùm possideat virtutem optimam & perfectissimam, omnes casus fortunæ adversæ decenter ferat, qui si parvi & pauci, non plus habent momenti apud eum, atque in balance duo tresvè scrupuli, duo triavè granula, superaddita ponderi, sin magni & multi, afferunt quidem aliquid momenti ad pondus, quale uncia, aut selibra, obadditæ ponderi, verùm citra bea-

beatitudinis naufragium, quam adversa fortuna obscurat quidem, sed non tollit, cum sit extrinsecum quid, ideoque internam beatitudinis essentiam haud evacuet. Quamvis enim in has angustias redactus beatus noster, quando v. g. in Priamici mala incidit, & vel in Phalaridis tauro torretur cum Perillo, vel in Nicrocreontis mortario ferreis pistilis tunditur cum Anaxarcho, non sit ἀπλῶς, ex assē, omnibusque, quod ajunt, numeris beatus, eò quòd mutatio bonorum corporis & fortunæ, etsi non auferat beatitudinis essentiam, auferat tamen integritatem, quemadmodum abscissa manus, etsi non tollat humanitatem, facit tamen hominem mutilum, nihilominus majorem ac præstantiorem ejus partem, nempe virtutem, possidet in tali articulo, si minùs in actu exercito semper, animo compatiente cum corpore patiente, propter arctissimam συζυγίαν, & syncretismum virtualem, qui impeditur in instrumentis deservientibus potentiæ, quibus tunc ea caret, quo fit, ut non possit benè disponi ad operandum secundum vires humanas, neque εὖ πράττειν universaliter, atque ad alium, minimùm in actu signato, atque ad seipsum, ad quam rem bona interna sufficere videntur, incommittata externis, quæ bona possidere potest animus πῶς, aliquo modo, etiam cum cor-

pori ægrè est, cuius tormenta & cruciatus hactenus boni, si ferantur & perferantur per virtutem, hoc est, non in & per se, verum per accidens, quatenus videlicet per ea, quæ mala alioqui, obtingit aliquod aliud bonum, id quod verisimiliter voluisse videntur Stoici cum μεγαλοφιλosophία suâ abstractâ, quando talem nobis describunt sapientem, quo ne Jupiter, cuius ille collega est, plus possit, etsi diutiùs possit. Dico in actu signato. Neque enim omnino & peremptoriè obruitur atque evastatur in adversitatibus virtus, verum in his ipsis elucet & σεμνόν ejus, dum vir bonus illis non succumbit. Sed demus sanè Solonistis ex liberalitate Philosophicâ, imminentes mutationes efficere, ut beatitudo, quæ adest, esse desinat, tamen non id quoque efficient, ut, dum adest, de eo affirmari nequeat, cui adfuerit. Per absurdum namque, alicui tribuere aliquid, non quòd nunc id habeat, sed quòd aliquandò habuerit. Cùm enim statuunt Solonistæ, aliquem posse dici beatum, quòd fuerit, multò magis concedere debent, siquidem sibi consentire velint, eum esse beatum, dum est actu. Propter quod enim unumquodque tale est, illud magis tale est. Quòd si ergò verè post mortem quis Solonicè & Solonisticè dicitur beatus fuisse, dum viveret, ergò, dum vivebat, verè licuit dicere, eum

eum esse beatum. Omnis siquidem propositio de præterito est vera, quando id in aliquo præsentis fuit verum: Quare, si post mortem verè dicitur, hic fuit beatus, certè aliquandò dicerè licuit, hic est beatus, perquè consequens, qui vivit, interea, dum vivit, si beatus est, dici potest beatus esse, sed non absolutè & simpliciter, quomodo nemo ante obitum potest dici beatus, nisi præfiscinè, & cum hâc clausulâ, quòd ita vivat, mortemquè ei vitæ congruentem obeat, saltem secundum quid, & pro tunc, sive pro aliquo definito & determinato tempore, quomodo quis etiam ante obitum potest dici beatus: (Cur namque, cùm adest affectio, subjectum ab eo non denominetur, dum verò abest, denominetur, præsertim cùm per cætera bona, quæ tamen summum bonum formaliter non sunt, homo denominetur, v. g. dives à divitiis, doctus à doctrinâ?) Si minùs extensivè, & quoad majorem existentiam, quomodo beatitudo requirere videtur bonorum continuationem, immò perpetuitatem, mortem item placidam vitæ antea actæ respondentem, saltem intensivè, & quoad essentiam, quomodo omnes, qui felices sunt, ante mortem tales sunt. Positâ namque causâ, ponitur effectus: Atqui causa, propter quam aliquis dicitur beatus, est virtus, & ejus actio, utraque autem ante

mortem, cum mortui non agant, sed deagant, hoc est, agere desinant: Ergò!

CAPUT XIII.

Eὐδαιμονίας divisio in Theoreticam & Practicam, cum utriusque notis essentialibus, quibus ceu coloribus suam hanc Venerem ornare voluit Philosophus, quò alliceret rivales.

Sic definita *Eὐδαιμονία* vel *Theoretica* est, sive *Speculativa*, vel *Practica*, sive *Activa*. Quæ divisio non generis in species, cùm summum ultimum optimum in omni genere sit unum, nec ferat coæquale in eodem genere, verùm totius in partes, aut gradus. Ad duo duo quippè natura hominem, mundi epilogum, genuit, ad θεωρίαν videlicet τῶν ὄντων, contemplationem eorum, quæ sunt, & πράξιν τῶν δεόντων, actionem eorum, quæ decent, quorum alterum beatitudinis Theoreticæ per virtutes mentis, quæ veri, alterum Practicæ, per virtutes moris, quæ boni, utrumque beatitudinis in genere suo, non si conferatur genus cum genere, quomodo utraque subjectum suum supremâ perfectione perficit distinctim, contemplativa contemplatione per sapientiam, activa actione per iustitiam universalem, ambitu suo complectentem omnes virtutes morales, idquæ vinculo
 pru.●

prudentiæ. *Utriusque Idiomata* ὁ Προ-
 κείμενα, attributa, inquam, essentialia, ac
 prædicata interna, breviter hæc sunt, nu-
 mero bisseña. I. Quòd beatitudo, sive sum-
 mum, quod vocant, bonum, sit ἀκρότατον ἢ
 τελειότατον & ; summum quid & perfe-
 ctissimum : Summum, quia bonum, &
 quidem optimum, quo non datur aliud su-
 perius, ut in quo appetitus ultimatè ter-
 minetur, & in quo omnia bona concurren-
 do concurrant : Perfectissimum, quia finis,
 qui perfectio, & quidem ultimus, qui ulti-
 ma perfectio, sive perfectio perfectionum.
 II. Quòd αὐτάρκεις; sufficiens, & seipso con-
 tentum bonum, adeoque tale, quo obtento
 nihil possis aut debeas ultrà expetere ex-
 tra illud. Quòd si enim externo aliquo bo-
 no egeret ad suam intrinsecam perfectio-
 nem, jam utique nec summum, nec perfe-
 ctissimum esset, & per consequens nec suf-
 ficiens, cùm ἡ αὐτάρκεια sufficientia certa
 perfectionis sit nota, quoniam omne ens
 tum perfectum est, quando seipso conten-
 tum. III. Quòd δὲ αὐτὸ ἀγαπητὸν, per &
 propter se optabile atque expetibile bo-
 num. Quâ de re? Quia enim rectus ordo
 bonorum hoc postulat, ut unum propter
 se, cætera verò propter illud expetantur,
 ne progressio currat in infinitum. Etenim,
 si beatitudo, sive summum perfectissimum
 sufficientissimum bonum, non propter se,

verum propter aliud, appeteretur, tum vero præstantius in comparatione foret bonum id, propter quod expetitur, adeoque summo perfectissimo sufficientissimo bono daretur aliud superius perfectius sufficientius, id quod ἀνελφαπκὸν, & Logicè, & Logisticè. Quo loco notandum notanter, hos terminos esse ἀναστροφους, convertibiles in suo orbe. Ideò enim, quia beatitudo est bonum summum sive optimum, eadem est perfectissimum quoque, & quia perfectissimum, etiam sufficientissimum, & quia summum perfectissimum sufficientissimum, ideò per se atque in se tam optabile, quàm optatum, immò optatissimum. Quòd si enim quis me roget, cur pulcher, sanus, robustus, dives, nobilis, honoratus esse velim, huic responsitârô equidem, propterea ut beatus sim, quòd si pergat inciviliùs urgere, cur beatus esse discupiam, talem percontatorem indignum responsò judicârô, quia enim interrogat id, quod est moribus ininterrogabile, cùm sui ipsius gratiâ expetatur beatitudo. IV. Quòd ἡδιστὸν π τῷ φιλαρέτῳ, bonum jucundissimum studioso candidato virtutis, cujus conscientiam domi serenat & tranquillat hoc bonum, non secùs ac mare procellosum almus sol, cùm sunt halcyonia sive alcedonia. V. Quòd οἰκεῖον, bonum proprium ac domesticum ejus, qui illud sibi acquisivit, promeritis, inquam,

quam, nostris venale, atque in proprietatem viribus viri commutabile. Neque enim ab aliis illud petere aut expectare necesse habemus, sed in nostrâ illud est manu ac potestate, per se ac suo labore quivis acquirere illud potest, &, quando ejus particeps est, pro suo lubitu utiqué fruiqué.

VI. *Ideoque κλητὸν ἐπεξεκλὸν ἀνθρώπου*, hominis studio atque industriâ comparabite.

Quodd si enim incomparabile foret, neque tale, quod caderet in hominem, tunc frustrâ utique appeteretur, quærereturvé:

(Contra Stoicos, qui talem nobis describunt beatum, qui in suâ stoâ ut phoenix vix quingentesimo quoque anno semel nascatur:) Aut, si à cæco fortunæ flatu foret, jam nihil prærogativæ industrius præ ocioso, bonus præ malo haberet in hoc stadio. VII. *Quodd πολύχρῖστον*,

commune. Non enim ad certas personas restrictum est, sed à quovis homine virtutis studio acquiri potest. Dicitur autem tale ratione δυνάμειως potentia, non actus, quia ut sic non possideatur ab omnibus indistinctè, verùm à virtutum candidatis & alumnis tantùm. VIII. *Quodd κοινωνικὸν*,

sui communicativum. Cùm enim omne bonum diffusivum sui cum Thomâ, tum vel maxime summum, quod bonitatem suam communicat in infinitum, hoc est, summè. IX. *Quodd μόνιμον ἢ μηδαμῶς εὐμε-*

πέβολον, ἀναφαίρετον, inquam, saltem δυσ-
 φαίρετον, stabile, ac propemodum immu-
 tabile, inalienabile, minimùm difficulter
 alienabile bonum, ut quod firmitatem su-
 am tetragonice habeat à virtute, quæ sta-
 bilissima humanorum bonorum, ut quæ
 nec possit eripi invitis, sed nec oblivione
 per desuetudinis aut inclinationis defe-
 ctum amitti, quoniam in eâ beati indefi-
 nenter vivunt, saltem victuriunt. Id quod
 πρώτως primò verum de beatitudine Pra-
 cticâ, de Theoreticâ verò δευτέρως secunda-
 riò. Neque enim tantæ, & tam frequen-
 tes, ac non interruptæ contemplandi occa-
 siones offeruntur sapienti contemplatori
 quoad exercitium, quot & quantæ benè a-
 gendi bono viro, qui, sive secum agat, sive
 cum alio contrahat, sive somno & cibis sua
 tempora det, sive æger sit, aut valetudine
 fruatur optimâ, semper & ubique campum
 habet, quò virtuti consentanea, jam agere
 valeat, jam de agendis cogitare. Dico δυσ-
 φαίρετον, & μηδαμῶς εὐμετάβολον. Nullus
 nullus quippè habitus tam firmis hæret ra-
 dicibus, quin labefactari, immò perire to-
 tus possit, tum per actus contrarios, tum
 per priorum actuum intermissionem,
 sed non facilè scilicet. X. Quòδ τιμιον, ho-
 norabile, ut quod non tantùm laude di-
 gnum sit propter aliud, ad quod conducit,
 ut πρὶ ἐπαινετῇ, laudabilia bona, quæ me-
 rentur

rentur laudem ob usum, quem præstant, sed in seipso præstantissimum sit, cum non referatur aliò, verùm in seipso finem ac perfectionem habeat, tanquam bonum omni veneratione dignissimum. XI. *Quòd θεῖον, καὶ θεοσδότην*, bis divinum, & ratione dignitatis, quoniam eo in civilibus post Deum nihil nobilius, & ratione causæ conficientis remotæ, quæ idemmet Deus, ens nobilissimum divinissimumquæ. XII. *Quòd μὴ βίαιον, οὐδὲ ἀργόν*, in violentum atque inferiatum. In violentum, & quoad modum acquirendi, & quoad modum possidendi, & quoad modum exercendi. Neque enim per vim, sed honestis actionibus, acquiritur hoc bonum, nec per fraudes, sed virtutes, possidetur, neque coactè, sed liberè, exercetur. Inferiatum, quia nec dormientis, nec ociosi: Non illius, eò quod somnus laudabilium functionũ sit privatio: Sed nec hujus, quia ocium malè collocatum, uti virtutis impedimentum, ita contrariorum vitiorum invitamentum, irritamentumvé.

CAPUT XIV.

Vtriusque comparatio inter se, cum interpunctionis spongiâ.

Quòd si prædictos beatitudinis gradus consideres ἀπλῶς, absolutè atque in se, quoad præstantiam intrinsecam, adeoque ex

parte rei, circa quam extrinsecus versantur, modumque cognoscendi illam rem, hoc ὑπολήψεως τρόπος, considerandi modo, nam Beatitudo Theoretica antestat Practicæ.

I. Ob nobilitatem absolutam subjecti, quod præstantius, cum consistat in operatione nobilissimæ facultatis in homine, putâ mentis supra sensus elevatæ, quæ nobilior cæteris potentiis, tum quia his imperat tanquam inferioribus ἡγεμονικῶς ἢ κυβερνητικῶς, tum quia percipit universalialia, species, inquam, intelligibiles, abjunctas & sequestratas à conditione materiæ, neque est extensa extensione subjecti, tum quia operatio ejus non est in instrumento corporeo, propter arctam communicationem, quam habet cum substantiis separatis, quibus homo contemplando assimilatur spiritaliter, non agendo, cum non vivant vitam activam, secundum virtutes morales, & affectus, quibus vacant. II. Ob nobilitatem absolutam objecti. Sicut enim perfectissimæ potentiæ operatio perfectissima, ita perfectissimæ operationis perfectissimum objectum, quod in præsentiqué argumento divina, non humana, in fortunæ manibus & genibus posita, circa quæ operando occupatur beatitudo Practica, negocians circa virtutes morum, affectus, & actus externos, qui communes composito ex animo & corpore, cum pertineant
ad

ad partem animæ sensualem. III. Ob nobilitatem absolutam finis , ut quæ , tanquam ultimum expetibile ac desiderabile , expetatur sui unicè gratiâ , non ob finem alium , ut virtutum moralium actiones , quarum finis *ὁ θεολογιαῖος* videtur esse contemplatio. Ideò ideò siquidem operam navamus praxi virtutum , ut in portu contemplativæ felicitatis , tanquam in ultimâ metâ , securè deliciemur & triumphemus , cum Adamo protoplastâ , qui in statu innocentiae vixit vitam contemplativam , & post lapsum demùm ad activam descendit. IV. Ob nobilitatem absolutam effectus , ut quæ absque ambagibus & circuitiōne regiâ viâ manuducat nos ad cognitionē ac contemplationem primæ causæ , quæ Deus , *ὁ τρισμύχτος ἔστι τρισάχθης* , re maximus & re sanctus. V. Ob nobilitatem absolutam adjunctorum , sive proprietatum atque affectionum beatitudinalium. Habet habet siquidem beatitudo Theoretica voluptates , & stabiliores , & sufficientiores , & sinceriores , tranquillioresquē : Stabiliores , quia operatio ejus fit per mentem , quæ non extenditur in instrumento corporeo , ideoquē minùs propter defatigationem interrumpitur , ut cæteræ operationes , quæ magis , nescio quomodo , indigent instrumentis corporeis , magisquē sunt materiales , quantò autem actio aliqua magis materia-

lis, tantò magis defatigatur homo ob attenuationem spirituum: SuffICIENTIORES, quia non æquè eget instrumentis naturæ & fortunæ, corporis, inquam, & externis bonis, in producendis operationibus, aut, si indiget, eget his, non sui, verùm necessitatum corporis gratiâ, hoc est, non per se, sed per accidens, quatenus videlicet, qui contemplationi vacant, sunt homines, neque ex solâ mente, sed etiam ex corpore constant, indigente ejusmodi subsidiis, cùm contrâ beatitudo Practica multis nâ multis indigeat externis, victu, amictu, habitatione, aliis, quod argumentum insufficientiæ, quoniam minima indigentia arguit majorem sufficientiam in comparatione, & per consequens perfectionem: SINCERIORES, cùm consistat in actione animi purgati, & quodammodò à materiâ sejuncti: TRANQUILLIORES vel ideò, quia acquirimus virtutes morales, ipsamquæ adeò beatitudinem activam, propter illam, ut quiescentes in sacro ocio securè contemplemur, quasi in pergulâ Philosophicâ, VI. Ob nobilitatem absolutam operationis per demonstrationem τὴν ἀπὸ τοῦ αἰτιοῦ, quæ fit per causam, non τὴν ἀπὸ τοῦ ἐκτελέσματος, quæ per effectum, quarum illa à priori, hæc à posteriori, ideoquæ illa prior, hæc posterior consecutivè Scilicet triplex operatio in suâ latitudine, factiva, activa, & contemplativa. Ex his imperfectior factiva,

quæ

quæ perficit potius ipsum opus, quàm operantem, perfectior activa, quæ perficit habentem, etiam quin extra extenditur ad alios, sed perfectissima interim contemplativa, ut quæ perficiat habentem secundum potentiam nobilissimam, neque ordinetur ad quid aliud, nisi per accidens. *Sine eodem beatitudinis gradus consideres* *ἡσυχίας* & relatè, quoad necessitatem atque usum, quem præstant in vitâ humanâ, perquè relationem ad nos, hoc *ἡσυχίας* *ἡσυχίας* *ἡσυχίας*, considerandi modo, næ *Beatitudo Practica antestatur Theoretica*. I. Ob nobilitatem moralem subjecti, quod appetitus, qui sicut intellectus princeps ac prædominans animæ pars intelligendo, ita hic persequendo, quod ille intellexit: Atqui Deo charissimi, non qui intelligentissimi, sed qui actuosissimi. II. Ob nobilitatem moralem objecti, quod bonum honestum, in actione, non contemplatione, consistens. Facere facere namque Philosophia docet, non dicere, nec scire, verùm scitis uti. Unde Philosophia Practica κατ' ἐξοχήν nuncupatur Philosophia, quasi in eâ totiva vis Philosophiæ contineatur virtualiter. III. Ob nobilitatem moralem finis, qui beatitudinis Practicæ bonum, Theoreticæ verum: Atqui bonum nobilius vero in comparatione, præsertim illud, quod sui tantùm gratiâ expetitur, quale bonum beatitudo Practi-

ca. IV. Ob nobilitatem moralem effectus. Satiùs siquidem egentes v. g. sublevare, periclitantis salutem expedire, quàm vel stellas dinumerare, mundivè magnitudinē metiri, quorum alterum beatitudinis Practicæ, alterum Theoreticæ, ob quam effectus nobilitatem in foro vitæ humanæ Medicus Practicus præfertur Theoretico, atque & Theoreticum refertur ad Practicum, sicut in divinis cognitio ad cultum, visio beatifica ad amorem, quoniam præstantius in comparatione diligere Deum, quod *πρακτικόν*, quàm eum contemplari, quod *θεωρητικόν*. Quin immò ipsa illa contemplatio, quam tanto Theologi urgent hiatu, non in intellectu consistit, verùm in appetitu, cùm vera Dei contemplatio sit, eum venerari ac colere. Tum quippè scimus Deum, quandò eum diligimus, non quando eum scimus, quod etiam diaboli facere videntur, dilectio, non contemplatio, cum Deo nos unit. Quorsum vitæ perfectionem, non in scientiâ, verùm in charitate, ponit Apostolus, qui melius ait esse, Christum diligere, quàm omniâ scire, eò quòd dilectio sit legis adimpletio. V. Ob nobilitatem moralem adjunctorum, sive proprietatum atque affectionum beatitudinalium. Neque enim tantùm jucundiores sunt voluptates Practicæ, proficiscentes ex

testimonio bonæ conscientiæ, sed etiam firmiores, siue habitum virtutis moralis spectes, qui assuetudine, non disciplinâ, acquiritur, atque ob id minùs oblivionis periculo subicitur, magis quin etiam necessarius est, cùm sine eo quis nequeat assequi bonum contemplationis, siue actiones ejus internas, quomodo vir bonus semper in procinctu est ad agendum, ut decet, dum offeratur ei occasio modò, licet quoad actiones externas minùs assiduè valeat agere, idquè ob defectum occasionum, conquè venienter minùs ex his voluptates percipere semper. VI. Ob nobilitatem moralem operationis, per quam continenter vir probus utitur suâ probitate. Quamvis enim non ab extra operetur semper, ut dictum, ab intra tamen perturbaciones componit semper, istactenus vir bonus absolute, idquè ob virtutis moralis exercitium, aliàs explicitum, aliàs implicitum, non item æquè in comparatione vir bonus absolute ob simplex exercitium virtutis intellectualis, verùm cum additamento, bonus v. g. Physicus, Mathematicus, ut qui moraliter possit esse malus. VII. Denique ob ignobilitatem oppositi, resultantemquè exinde contrariam cooppositi nobilitatem. Cujus siquidem oppositum deterius, illud in oppositione censeretur debet melius, cùm oppositorum opposita sit natura: Atqui
secun-

secundum Scotum deterius odisse Deum, quàm malè de eo sentire, deterior, inquam, nequitia, quàm inscitia, pravitas, quàm ruditas, si minùs absolutè, minimùm relatè, atque in ordine ad societatem humanam, quam turbat: Ergò! Ego utramque conjugio Philosophico junxerim, tanquam Platonis Androgynum, ex contemplatione, ut mare, & actione, ut fœminâ, constantem. Scilicet triplex bonum in almâ universitate bonorum, delectabile, utile, honorabile. Delectabilior quidem contemplatio actione, at utilior actio contemplatione, utraque interim ex æquo honorabilis.

CAPUT XV.

*Kopivis de utriusque Beatitudinis, tam Theoretica, quàm Practica, perfecti-
habilitate, cum gradibus imperfectionis
in subjecto beabili, beandovè.*

Uterque beatitudinis Philosophicæ gradus in hac vitâ cadit in hominem beabilem, beandumvè, & non cadit: Non cadit comparatè ad statum beatitudinis primæ, simpliciter, abstractivè, quoad essentiam ac definitionem, perfectè, habitualiter, quo sensu summum hominis bonum in statu τῆς ἀποκαταστάσεως, & naturæ corruptæ, nec Theosophicè, nec Philosophicè ad plenum

num datur, nisi in descriptione & ideâ, id-
 què ob διχογνωσίαν, dissidium carnis & spiri-
 tus, potentiarumquè superiorum ac infe-
 riorum ἀνομολίαν exorbitantiam, quæ reli-
 qua etiamnum in homine post tristem pro-
 toplastarum παρέκβασιν transgressionem,
 etiam post regenerationem, & virtutis ac-
 quisitionem, cujus operatio in operante est
 imperfecta, sive contemplationem, sive a-
 ctionem spectes, jam verò qualis causa, tale
 effectum. *Cadit extra comparisonem ad
 statum primævum, secundum quid, contra-
 ctè, partialiter, quoad existentiam in hoc
 vel illo subiecto, imperfectè, dispositivè.* Pro-
 batur. Ubi datur virtus, & contemplatio
 atque actio secundum eam, exquè utrisque
 resultans animi malacia ac serenitas, cum
 proportionatis debite corporis & fortunæ
 bonis, ibi datur beatitudo, cujus hæc sunt
 fundamenta & partes: Atqui hæc dantur
 in homine, non tantum collectivè, quate-
 nus est species subalterna, sed etiam distri-
 butivè, quatenus est species specialissima,
 sive individuum, non quasi totaliter &
 perfectè inveniatur in hoc vel illo supposi-
 to, Petro, Paulo, Calliâ, Hippia, cum nemo
 mortaliū fuerit, nec sit, nec futurus sit, qui
 præter virtutē perfectam omnia corporis &
 fortunæ bona habuerit, sed quod in multis,
 ita ut compensetur ex multis, quod deside-
 ratur in uno: Ergo! Quod si Moralistæ
 qui-

quidam etiam ratione existentiae beatitudinem perfectam esse asserunt, hæc eorum sententia non est accipienda in sensu diviso, de singulis individuis seorsim consideratis, verum in sensu composito, de tali omnium individuum aggregatione, quæ speciei nomine venit Aristotelicè, non Platonicè, quia enim omnes homines individua sunt, idealisque homo, qui totam vitam repræsentet speciem, nusquam reperitur, nisi fortè in Utopiâ Platonica. Quid multis? Opposita sunt nata fieri in eodem, haud equidem simul, verum successivè: Homo extremæ miseriæ quadamtenus est particeps in hac vitâ: Ergo & oppositæ beatitudinis, ut qui à Deo creatus sit, non ad illam, sed ad hanc, *Quod attinet gradus beatitudinis, hos illa admittit, non priori, sed posteriori considerandi modo, hoc est, non respectu sui, sed subjecti sui, nec ut est, verum ut inest.* Utut enim non recipiat hos agnoscatque ratione essentiae & perfectionis, sive in gradu summo, quo intuitu consistit in indivisibili atque impartibili, & nec magis nec minùs admittit, recipit tamen ratione existentiae suæ, sive in gradu remisso, prout subjecto suo inest, quo aspectu consistit in divisibili, magisque & minùs haud abnuat inter varia supposita hominum beatorum, quorum unus altero beator esse potest, sicut alii aliis sunt doctiores,

res, justiores, immò inter unum idemque suppositum hominis, diverso tempore spectati, qui beatior esse potest tempore ultimo, quàm primo, & quoad beatitudinem intensivam, sive formalem, & quoad extensivam, sive inaterialem, quam objectivam vocant aliter.

C A P U T XVI.

Remissio Eudæmonias Theoretica ad superius disciplinarum auditorium, per condescensum ad Practicam, tanquam instituto proximior.

VERùm enimverò, quia consideratio Beatitudinis Theoreticæ ad Ethicum ex professo, quoad totum, inquam, esse, & secundum totum usum, haud pertinet, tum quia sic Ethici foret ex professo agere de habitibus contemplativis, sicut ex professo agit de habitibus Practicis, quoniam ad felicitatem contemplativam tam necessaria perfecta illorum cognitio & doctrina, quàm horum ad felicitatem Practicam, cùm tamen Aristoteles, de utrâque verba faciens, levius, atque ex eventu quodammodò, & per viam commentarii, egerit de illis, exactius verò de his, tum quia hætenus tantum de habitibus contemplativis acquirit Ethica, quatenus illi habitus sunt virtutes mentis, perquæ se expetendi idèò, quia

quia virtutes , conqué venienter de beatitudine contemplativâ haud aliter, nisi quia est pars communis, & finis communis vitæ humanæ , non in actione solùm , verùm etiam contemplatione , consistentis , atque ut sic ex collatione utriusque beatitudinis hoc meliùs intelligatur , & ab alterâ distinguatur in communi subjecto beatitudo , quam vocant , activa , idcirco illam ad superiorem artificem ex præscripto artis remittimus , unicè occupabundi in hâc, nisi quod de prædictis habitibus intellectuallibus quædam stante pede suo loco. Scilicet, (ut hoc obiter addam ; immò non obiter,) tractatio beatitudinis distinctâ ratione ad distinctas disciplinas pertinet. Quatenus enim est in contemplatione pòsita primæ causæ , ut sic ad Metaphysicam declinat , quatenus verò consideratur , ut affectio quædam hominis , qui est species corporis Phisici, ut sic ad Phisicum acclinat, cujus examinare principia interna operationis, quale principium anima , combinata cum corpore , quatenus denique consideratur , ut finis hominis , in ejus actionibus collocatus , ad quem universa vitæ humanæ institutio dirigenda , ut sic ad Ethicum inclinat , qui solus novit methodum vivendi , non hominiter, sed humaniter.

CAPUT XVII.

*Annon ἡ Εὐδαιμονία Practica sit τῶ συν-
 θέτου compositi, ideoque Bonorum, quā
 Animi, quā Corporis, quā Fortunæ,
 collectivè sive aggregativè, sicut op-
 posita Ἀδαιμονία Practica contrariorum
 malorum correlative, utraque ut bo-
 num ita malum μὴ συναριθμοῦμεν,
 inconnumeratum & inconnumerabi-
 le?*

*Hῇ Εὐδαιμονία Practica nihil aliud est,
 quàm optimus status Animi, & Corpo-
 ris, cum justo comitatu Bonorum Fortunæ,
 bonum, inquam, cumulatam animi, cor-
 poris, ac fortunæ, materialiter constans ex
 diversæ naturæ partibus, formaliter verò
 ex partibus certo ordine coadunatis. Prio-
 ri modo non unum, sed multiplex esse vi-
 detur, posteriori non multiplex, sed unum,
 utroq; totum, non simile, sed dissimile.
 Ut ita rectè posito calculo Philosophico
 homo Practicè beatus sit subjectum bono-
 rum interiorum, putà animi & corporis,
 recipiens continens, ipsa verò bona adjun-
 cta recepta contenta, contra bonorum ex-
 teriorum, persuade fortunæ, ille subjectum
 sustinens, hæc adjuncta sustentata. Bona
 Animi dicuntur, quibus animus perficitur*
per

per se, cùm habeant ordinem præcisè ad essentiam subjecti sui, cui insunt, eorumque finis sit simpliciter complementum illius essentiae, ceu sunt, animo convenientes habitus, tam speculativi, quàm Practici, & actiones, quæ ex iis proficiuntur, cum harum comite voluptate, quorum bonorum alia ad intelligendum ratiocinandum ac deliberandum sunt comparata, alia ad apperendum, alia ad utrumque corollarie. *Bona corporis dicuntur, quibus corpus perficitur per se*, ceu sunt, sanitas, quæ analogicè inter virtutes cardinales respondet iustitiæ, ad proportionem in humoribus principalibus, spiritibusque, tum ratione quantitatis, quæ proportio Arithmetica, tum ratione qualitatis, quæ Geometrica, sine quibus non datur sanitas: Robur, quod analogicè inter virtutes cardinales respondet fortitudini, cujus adiutorium externum robur: Pulchritudo, quæ analogicè inter virtutes cardinales respondet temperantiæ, ut sanitatis, ita pulchritudinis, conservatrici: Denique sensuum incolumitas, eorumque tam internorum quàm externorum, conjuncta cum corporis *ὑγία*, quæ analogicè respondet inter virtutes cardinales prudentiæ mediomatrici. Ex prænominatis corporis bonis in comparatione alia universalia sunt, perque totum corpus sparsa ac dispersa, ut signata proxime bona, parti-

particularia , alia certorum membrorum propria, quale bonum acies in oculis , acumen in auribus, vis in manibus, celeritas in pedibus, articulatio & distincta vocum formatio in linguâ. *Bona Fortunæ dicuntur, quibus tam animus quàm corpus perficitur per accidens, sive perfectione accidentali & extrinsecâ*, ceu sunt, nobilitas civilis, honor, laus, gloria, bona fama, libertas, *πολυτεχνία κὲ εὐτεχνία*, sive bonus proventus liberorum, tam naturalis, quàm moralis, amici, qui bonum quidem internum respectu nostræ erga alios benevolentia, reverà autem externum respectu aliorum benevolentia erga nos, denique divitiæ, eæquæ tam naturales, quibus primò succurritur indigentia humanæ, ad defectus naturales tollendos, sic dictæ ex eo, quia ipsa natura nos illas parare docet, ut sunt plantæ, pecora, prædia, cibus, potus, habitaculum, vehiculum, & si quid his est simile, quod per se ad corpus, vel alendum, vel tegendum facit, quàm legales, ut sunt nummi & servi, artificialesquæ, ut ædificia arte facta, supellex, & universè instrumenta domestica, tam activa, quàm factiva, quibus secundò succurritur indigentia humanæ, videlicet hæctenus, quatenus illarum beneficio naturales divitiæ vel comparantur, vel conservantur, arte adjuvante naturam. Dico secundò, quia primò vita his non sustentatur,

tatur, cùm ali his corpus nequeat, licet ha-
 tēnus nobis inserviant, ut permutare &
 curare iis liceat, quæ corpori primò sunt
 necessaria. Bona fortunæ appello cum no-
 menclatore Philosophico, eò quòd magis
 fortunæ, id est, causæ alicujus externæ &
 incertæ beneficio, quàm vel naturâ, vel in-
 dustriâ humanâ, acquiri queant, aut acquiri
 quidem, sed non ita custodiri, unde & ex-
 terna nuncupantur *συνηνέμους*, quia extra
 corpus sunt, & nonnisi mediatè corpori ad-
 hibentur, aut extrinsecùs potius totum ho-
 minem attingunt. *Ex his bonâ animi, ex-
 cepto summo, quod tantùm propter se expe-
 titur, non etiam propter aliud, partim pro-
 pter se expetuntur, partim propter aliud,
 bona corporis partim propter aliud, partim
 propter se, bona fortunæ tantùm propter ali-
 ud, non etiam propter se.* Bona animi par-
 tim propter se, partim propter aliud, ut
 virtus, quæ expetitur propter se, quia ho-
 minem perficit, propter aliud quia refertur
 ad actiones: Bona corporis partim propter a-
 liud, partim propter se, ut sensuū integritas,
 quæ expetitur propter aliud, mille videli-
 cet emolumenta, propter se, quia animal
 perficit: Bona fortunæ tantùm propter a-
 liud, ut divitiæ, quæ expetuntur propter
 usum. Quamvis enim & ipsa sint simplici-
 ter ac de se sui què conditione bona per na-
 turam intrinsecè, non secùs ac alma corpo-
 ris

ris bona, tamen non sunt semper bona alicui per usum extrinsecè, sive ratione utentis, sicut ægris nequaquam sana, quæ tamen sui naturâ sana, dulcia, quæ tamen sui naturâ dulcia. Etenim viro probo sunt bona tam illa quàm ista, tanquam instrumenta ad exercitationes virtutum, improbo verò mala propter incongruentem eorum usum, qui abusus contingens est, non necessarius, nec per se, sed per accidens, ut ita diversificentur secundum usum, sint què tam bona quàm mala instrumentaliter, ideoquè indifferentia ratione usus, licet interim in & per se sint bona, si non moraliter, & quatenus cum aliis bonis conferuntur, quæ per se expetuntur, & propter quæ ipsa expetendâ sunt, saltem naturaliter, quatenus considerantur in & per se, non autem per accidens, ac denominatione extrinsecâ cum Stoicis, contra quos gratis militant hæ rationes. 1. Quia bona corporis & fortunæ sunt connexa cum summo bono, sive *κτῆσις*, possessionem ejus spectes, sive *χρησις*, operationem atque usum, ideoquè si minùs uniformia, cum bonum non sit univocum, nec natura verè una, minimùm boniformia, quia ab uno, quæ ejus conditionis, ut cum primum sit absolute & sui conditione tale, quale intellexerunt Stoici, cætera quoque sint talia per relationem ad illud, quale intellexerunt Peripatetici in la-

D

titu-

titudine, quomodo urinam v. g. dicimus sanam, pulsum sanum, alimenta & medicamenta sana, in ordine ad sanitatem, cujus sunt vel signa, vel causæ, vel instrumenta denique. *i i*. Quia bonum augent accessione suâ, sicut contraria mala idemmet minuunt accessione suâ. Sicut ergo inter mala rectè numerantur, quæ bonum minuunt, tanquam heterogenea, cum non valeat minuere bonum, nisi id, quod malum est, ita contrà rectè inter bona numerantur, quæ bonum augent, tanquam homogenea, cum non valeat augere bonum, nisi id, quod bonum est. *i i i*. Quia alia bona nec acquiri sine his possunt, neque acquisitis uti sustinemus absque his: Eccur id? Quia enim sunt instrumenta ad acquirendas & exercendas operationes virtutum, quæ interdum circa quædam versantur, quæ absque bonis corporis & externis fieri nequeunt, quorum ideò absentia variè impedit actiones. Sicut enim illi, manci qui sunt, ad operationes animæ perficiundas inepti redduntur, non quòd facultate destituantur, sed quòd nulla habeant organa operandi, aut non satis proportionata: sic quidam reperiuntur, qui virtutem studio & consuetudine possent assequi, nisi his bonis destituerentur. *i v*. Quia vel ipsorum Stoicorum iudicio, aut præiudicio veriùs, eligibilia, tanquam ut præposita ita præponenda in-

ele-

electione, & contraria mala negligibilia, tanquam ut rejecta ita rejicienda in eâdem: At qui electio non nisi boni, sicut opposita neglectio non nisi mali: Ergo! v. Quia hæc bona à Deo muneratore, à quo condita sunt, atque ad usus ipsi placentes destinata, in præmium obedientiæ conceduntur probis, & his opposita mala à Deo vindice immittuntur improbis in pœnam inobedientiæ, quod argumento utique, illa esse bona, hæc mala, illa bona, ut quæ reddant in legitimo usu vitum probum, si non intrinsecus pro actu primo, sive habitu, saltem extrinsecus pro actu secundo, ex habitu tendente. *Triga hæc bonorum ad beatitudinis constitutionem concurrunt collectivè, suo tamen loco atque ordine. Primo ac principe loco Bona, quæ vocant, Animi, quæ si in unâ libræ lance ponantur, & in alterâ naturæ ac fortunæ munera, tantum ponderis cum Critolao sunt habitura, ut non tantum hæc, sed terram & maria sint depressura suo præpondio. Quorsum Stoici hæc hujus commatis bona sic obscurari atque obui ajunt alterius commatis bonis, quemadmodum obscuratur lumen lucernæ luce solis, stilla muricæ magnitudine maris Ægæi, accessio unius teruncii divitiis Cræsi, aut Craffi, denique gradus unus viâ, quæ est hinc in Indiam. Sed cur primo loco abscis-*

mæ, corpus verò materiæ rationem haber, ita & hæc animi ac corporis bona, quorum illa multò præstantiora his, sicut forma materiâ, quæ propter illam, similiterquè hæc propter ista, non contrà. **ii.** Quia bona corporis homini sunt cum bestiis communia & familiaria, quæ sæpè valentiores, torosiores, vegetiores, velociores, pulchriores homine, abusui insuper obnoxia, communia tam bonis quàm malis, neque utilia, nisi per bona animi, munere congruentis usus. Sicut enim simpliciter nota etiam viro sapienti sunt *πρώτως*, primò nota, simpliciter salubria etiam viro sano salubria, sic & simpliciter bona bona quoque etiam viro probò. **iii.** Quia bona animi etiam in Deo & separatis mentibus habent aliquem locum, munera naturæ & fortunæ non item. **iv.** Quia bona naturæ & vitæ, sive fortunæ, nobis instrumenti loco deserviunt, sicquè animo ancillantur, ut bona fortunæ corpori, quod propter animum, ideoquè sicut hæc corporis bonis sunt sequiora, ita illa animi bonis, ad quæ utraque ordinantur, ut ad finem, quo definiuntur. **v.** Denique, quia beatitudinis essentia consistit *καὶ κατὰ* in habitu bonorum animi, *καὶ κατὰ* verò in operatione secundum illum habitum, in illo causaliter, in hac formaliter, quorum neutrum tenet vel in illis, vel in istis. *Secundo loco Bona, quæ vocant, Corporis; Quia*
 heic

heic de totius hominis beatitudine agitur, homo verò constat ex animo & corpore organico: Quo fit, ut præter animi bona corporis quoque sint ad eam necessaria, vel ided, quia beatitudo hujus vitæ est operatio, animus autem in hâc vitâ operari nequit sine organo corporeo, & bonâ corporis dispositione, idquè tam antecedenter, quàm consequenter, cum per indispositionem atque invaletudinem corporis, eamquè tam antecedentem, quàm consequentem, variè impediatur homo in operando, & quoad actiones internas virtutis, & quoad externas, quæ circa quædam versantur, quæ absque corporis bonis confici nequeunt, quas ided homo exercere nequit, qui nunquam sano est corpore: Operatio autem? Et ea quidem perfecta, quæ ided sequitur esse perfectum, cum nihil operetur, nisi secundum quod est ens in actu, atque horsum iterum beatitudo requirit corpus, idquè benè affectum, tanquam partem illius esse perfecti, & tanquam proximum atque intimum animæ instrumentum, sine quo homo non est homo. Quæ causa, quare Philosophus fatuis & phreneticis abjudicet beatitudinem, etiamsi citra suam culpam hoc animi morbo laborent, eò quod destituantur rectæ rationis judicio, liberâ voluntatis electione, appetitusquè moderatione idquè propter inordinationem corpoream;

ream, & convenienter τοῖς πεπηρωμένοις ἢ ἀναπήροις, mancis, debilitatis, aut alioqui viribus captis, quoniam beatitudo est operatio sine impedimento, hæc autem, quò sit inimpedita, indiget bonis corporis, tanquam instrumentis, ne quis his orbatus impediatur honestè agere, bonumquè sufficiens, non est autem auditquè tale in hac vitâ absque dictis corporis bonis, quæ utut non pertineant ad beatitudinis essentiam, pertinent tamen ad integritatem. Sed cur secundo loco? Tum quia & ipsa bona interna, ideoquè in comparatione magis necessaria externis, tanquam conjunctoria & proximiora nobis, atque ex potiore causâ pendentia, persuade naturâ, tum quia potiora fortunæ bona aliquo modo ex his pendent, horumquè gratiâ expetuntur. *Tertio atque ultimo loco Bona, quæ vocant, Fortunæ*: Quia beatitudo totum hominem perficere debet, uti dictum, non potest autem absque fortunæ bonis, quibus homo corporeus, qui est subjectum ejus, & ratione actionum animi, & ratione actionum corporis, propter earum objectum non non indiget, non secùs ac opifex instrumentis, v. g. faber ferrarius igne, forcipibus, malleo, incude, faber lignarius regulâ, securi, dolabrâ, serrâ, propter subjectam materiam. Cùm enim per virtutem heic nequeat intelligi habitus ejus cum Stoicis, sed

sed actio cum Peripateticis, actio verò illa perfici nequeat saltem sine aliquibus fortunæ bonis, idè beatitudo his in universum non potest carere, argumento, quòd eorum carentia sive absentia nescio quomodo contaminet ac deturpet beatitudinem, quam inde *εὐτυχίαν* vocârunt Græci, & oppositam inbeatitudinem *ἀτυχίαν*. Neque tamen interim sunt ipsa beatitudo, licet ea his carere nequeat, non magis, quàm respiratio & somnus, sine quibus homo vivere nequit, ipsa vita hominis, aut ars fabrilis malleus aut incus, absque quibus nihil à fabro ex arte confieri potest. Quid ergò? Quamvis bonorum fortunæ præsentia non sit necessaria ad essentiam beatitudinis, ad quam sufficit virtus, & ejus exercitium, est tamen necessaria ad existentiam ejus, operationem, inquam, externam, & perfectionem accidentariam, atque, ut verbo dicam, ad integritatem, planè sicut ad essentiam hominis non pertinet præcisè hoc, ut habeat quinque digitos in utrâque manu, cum tamen pertineat ad ejus integritatem, adeò, ut si tantùm quatuor digitos habeat, sit homo quidem, sed mutilus, & sic beatus noster, siquidem destituatur fortunæ muneribus, beatus quidem, verùm beatitudine mutilatâ. Sed cur tertio atque ultimo loco? Quia enim bona fortunæ sunt bona externa, non interna, sicut animi &

corporis bona, nec per se necessaria ad consequendam beatitudinem, verum per accidens, tanquam adjumenta interiorum bonorum, quæ idè meritò præferuntur illis in hoc trigatio bonorum. *Scilicet de beatitudine loqui possumus tripliciter; vel συγκατακτῶς constitutivè, secundum essentiam, sive perfectionem essentialem ac quidditativam, atque ut sic originaliter illa est hominis, considerando ejus principium ut quod, animæ verò rationalis, considerando principium ut quo, quorum illud completum & adæquatum, hoc incompletum atque inadæquatum, fundamentaliter virtutis, cujus est actio, quâ sublatâ tollitur, sicut fundamentum subtracto fundamento, formaliter operationis virtuosæ, sine quâ nec esse nec concipi potest: Vel παρεποµένως consecutivè, secundum existentiam, sive perfectionem accidentalem & quantitativam, atque ut sic concomitanter, ex quæ consequenti, beatitudo παθητικῶς passivè est bonæ conscientiæ, ὀργανικῶς instrumentaliter bonorum corporis & fortunæ, συμβολικῶς significativè nobilitatis, honoris, laudis, gloriæ, bonæ famæ, κοινωνικῶς communicativè amicitiae: Vel denique τελωτάως completivè, secundum omne complementum, hoc est, tam quoad intrinsecam & essentialem, quàm quoad extrinsecam & accidentalem perfectionem, quomodo in sceni-*

nicis dramatibus & choricis ludis videas alias partes esse essentielles, ut histriones si-
ve ludiones scenicos, & ipsum chorum, alias accidentales, ut vestes, totumque
mundum theatricum, atque ut sic, licet
beatitudo non complectatur omne bonum
formaliter atque intrinsecè, cum quis es-
sentialiter beatus esse possit, neque interim
habere omnem perfectionem, quæ comi-
rari solet beatitudinem, complectitur tamē,
vel formaliter, vel consequenter, vel causali-
ter, vel virtualiter, eminentervé. Ut rem mit-
tam in compendium verborum: Beatitudo
Practica collocata est in virtute, tanquam in
fundamento, in actione virtutis, tanquam in
formâ atque extremâ perfectione, in volu-
ptate, tanquam in affectione, in muneribus
naturæ & fortunæ, tanquam in instrumentis
atque ornamentis, in conspiratione demùm
omnium bonorum, tanquam in cumulo o-
mnium cōfluentium ad summum hujus vi-
tæ bonum, quod tanquâ bonum *μη συναριθ-
μούνδρον* inconnumeratum de se naturaliter
est causa omnium reliquorum bonorum,
quæ illi debentur naturaliter ex naturâ bea-
titudinis, quæ nescit ratione habitus & sui
ipsius augmentum bonitatis accipere ex a-
lio bono superaddito, cum sit bonum to-
tale, aggregatum ex bonis internis & ex-
ternis, quo fit, ut bonum *συναριθμούνδρον*
connumeratum summo non magis possit-

facere quid bonum majus summo , cùm non sit bonum , nisi per hoc , quàm pars connumerata toti quid majus toto , quia ipsa in toto includitur. Et quî faciat ? Cùm summum bonum nec intra se augeatur accessione alterius boni, nec extra se : Non intra se , quia perfectissimum atque optimum, quod autem tale , huic nihil addas, quò fiat perfectius, aut melius: sed nec extra se, quia summè expetendum , quòd si summè, ergò non magis , cùm non habeat aliquod majus bonum ac superius , quod magis expetatur , cujus respectu sit minùs expetibile, ideoquè minùs bonum , quare nec summum. *Sicut verò ἡ Ἐυδαιμονία Practica nihil aliud est, quàm optimus status animi & corporis, cum justo comitatu bonorum fortunæ, ita opposita ἡ Ἀδαιμονία Practica nihil aliud, quàm pessimus status animæ & corporis, cum justo comitatu malorum fortunæ, & sicut illa bonum cumulat animi corporis ac fortunæ, ita hæc malum cumulat eorundem secundum omnes partes.* Ut enim tota toti, sic singulæ ejus partes singulis partibus sunt contrariæ correlative. Ut ita ἡ Ἀδαιμονία Practica finiendo Philosophicè sit summum malum, sive summa miseria, quæ primùm ab imprudentiâ & improbitate pendet , deinceps à corporis imbecillitate , morbo , deformitate, postremò à malis externis, ut odio

dio hominum, ignominiâ, egestate, exilio, servitute, non modò, si ista nobis, verùm etiam, si parentibus, liberis, consanguineis, amicis, concivibus, posteris, eveniant, aut jam antè evenerint, quòd si diuturnitatem illorum malorum, vitæ hominis æqualem, addere velis, jam summam & undiquaque absolutam miseriam, sive summum malum morale descriptum habebis. Quod, an detur, quæstionis est. Pro agente sententiâ militat præter experientiam ratio, quia opposita sunt nata fieri in eodem; Quare si in hominem cadit summum bonum morale, eadem & summum malum morale, hoc est, actio improba, prodiens ex vitio perfectò, in vitâ perfectâ. Sicut enim summum bonum in actione virtutis, sic summum malum in actionibus vitiosis consistit. Unde quasi per formam consecrarii colligitur, non tantum hominem in thesi posse fieri *παισιππορον* calamitosum sive ærumnosum, & *ἄθλιον* sive miserum, sed ipsum quoque beatum hominem in hypothesi, si minus intensivè, & secundum essentiam, ac definitionem saltem extensivè, & secundum existentiam beatitudinis inchoatæ, minimum ex beato posse fieri non beatum, qui status inter beatitudinem & miseriam medius. Quemadmodum enim inter contrarios colores penè innumerabilia interfusa sunt media, ita status hic inter beatitudi-

nem & miseriam interjectus multiplex esse potest, prout plura aut pauciora majora vel minora bona externa accedunt deceduntvè, haberquè unusquisque gradus medii hujus status suam animi tranquillitatem quanquam non summam illam, sed remissiore.

CAPUT XVIII.

Atque adeò, an Beatitudo Objectiva sive Materialis sistat distributivè in Voluptate solâ, eâquè vel Corporis, cum Epicureis Tullianis & Flaccianis, vel Animi cum Diogenicis?

H *Ἐυδαιμονία Practica vel Objectiva est, sive Materialis, vel Formalis, quarum illa est ipsum objectum beatitudinis, hæc acquisitio illius objecti. Beatitudo Objectiva non sistit distributivè, id est, in sensu diviso, in Voluptate solâ, sive Corporis, sive Animi. Non in illâ, (ut quidem mentem Epicuri Cicero Horatius Plutarchus triumviri domi suæ interpretatum eunt,) idquè ob defectum primariorum attributorum beatitudinalium. Quia voluptas corporis non est bonum τέλειον. Tantum quippè abest, ut sit ultima hominis perfectio, & finis ejus extremus, ut potius sit accidens ejus, atque affectio accessoria, per quam appetitus hominis potenter exci-*

excitatur ad res ardentius prosequendas & persequendas cum hoc accessorio. **II.** Quia non est bonum *αὐταρκές*, cum prodiga voluptas semper famem sitimque sui habeat, nec transacta satietur, ut cui nihil fit satis. Scilicet comites voluptas à latere atque à tergo habet tædium atque pœnitentiam, res à beatitudinis genio & ingenio alienissimas, cujus nos nec tædet unquam, nec pœnitet, pigetvè. **III.** Quia non est bonum *δι' αὐτὸ ἀγαπῆταιν*. Per naturæ quippè legem magis optamus id, cum quo complicata est voluptas, v. g. prolem, conservationem speciei atque individui, actionem honestam, quàm ipsam voluptatem, quam eo modo omnes quidem appetunt, sicut & bonum, verùm ratione boni, non è conversò bonum ratione voluptatis. Quo loco Dædalæ naturæ solertiam admirari juvat, quæ ad minùs principale nos reddidit apertè proclives, ut simul latenter ad magis principale dirigeret, quæ v. g. ad cibi & veneris gulæ atque inguinum voluptates nos invitat palàm, ut clàm ad hominis humanique generis conservationem nos animaret: Naturæ autem? Immo Dei, qui sicut salem non propter se, sed ad condiendos cibos dedit, ita voluptates corporis, saltem ex intentione primariâ, & siquidem ordinatè appetantur, gratiâ operationum. **IV.** Quia non est bonum *ὀρέσθαι*.
Ne-

Neque enim soli homini competit hoc bonum, sed huic commune est cum bestiis, nominatim cum sue, cui animam pro sale indulgit natura, ne putresceret corpus: Atqui summum bonum solius hominis proprium, ut quod acquiratur per virtutem, quæ solius hominis germana, quem bestiae superant voluptate, quarum voluptates & majores, & diuturniores, sincerioresque, ut quæ crassioribus his voluptatibus laxius & largius perfruantur, quam homines, beatiores his futuræ, si beatitudo describeretur corporis voluptate. v. Quia non est bonum *δυσάφαιστον*. Fluit fluit quippè voluptas, & prima quæque evolat, sæpiusque relinquit causas poenitendi, quam recordandi, ut quæ morbo, senectute, & mille aliis casibus, non tantum impediri, sed vel perimi possit. vi. Quia non est bonum *τίμιον*, ut quæ non honori sed pudori nobis sit persæpè. Unde pessimos quosque videas, nisi planè depuduerint, manumque per frontem duxerint, ventris ac gulæ voluptates tegere studiosè, non secus ac naves corporis solemus. vii. Quia *βιάζον*, tum quoad originem, quia plerumque per vim & dolum ad eam pervenitur, tum quoad operationem, quia vim infert, partim proximo, qui læditur, partim ipsi possessori, qui vel tandem in exitum præcipitat, & ratione animæ, cujus potentias subdolè ac
sub.

sublestè oppugnat, insidiosè sequè expugnat hæc Circe, & ratione corporis, quod mirum in modum debilitat & enervat, dum sensus tardos graves obtusos reddit, omnisquè generis morbos attrahit, & ratione bonorum externorum, quæ destruit atque consumit: Atqui beatitudo bonum est, idquè summum, cujus idèd proprium, non obesse, sed prodesse, id quod à voluptate corporeâ non fit, saltem non semper fit. *Non etiam in hac*, ut quidem mentem Epicuri domi suæ interpretatum it Diogenes Laërtius, sive illa præcedat habitum virtutis comparandum, sive sequatur comparatum, licet non magis beatitudo absque eâ esse possit, atque sol absque lumine, lumen absque luce, idquè iterum ob defectum priorum attributorum beatitudinalium.

i. Quia voluptas animi non est bonum *τέλειον*. Habent habent siquidem voluptates animi ab honestâ actione, ut probæ sint, non igitur ex se, sed munere alterius: Atqui essentia beatitudinis ex se debet esse talis, ob eamquè cætera talia: Ergò! Nec obstat, quòd ea sequatur actionem perfectam virtutis, quia eam sequitur, non ut finis propriè dictus, sed ut finis quidam, neque ut ultimum dignitate, sed ut tempore: Jam verò non semper necesse, ut ultimum tempore sit principale, cum sæpè principalis finis tempore prior sit, v. g. calefactio

terræ siccitate, excitatio caloris deambulatoria colore meliore. 11. Quia non est bonum *διὰ αὐτὴν ἀγαπῆται*, ut quæ dirigatur ad aliud, sitquæ invitamentum, quo homines alliciuntur ad captandum summum bonum. Etenim verâ voluptate afficimur per aliquod bonum, hoc magis, quò illud majus: Quare, si homo beatus voluptate afficitur, utique propter aliquod bonum afficitur: Haud aliud, nisi summum: Ergò non summum, ut cui aliquod bonum possit addi, aut ipsa alii, ita ut hæc duo copulata magis expetantur, quàm sola, & seorsim sumta: Quorsum voluptas remoto eo, propter quod fit expetibilior, minùs utique expetibilis: Quare minus bonum: Igitur non summum. 111. Quia non est bonum *πολύκοινον*, cum possidentem solùm afficiat, aliis nihil eâ feratur metaturvè. 1v. Quia non est bonum *τίμιον*. Neque enim voluptas, sed honesta actio, reddit hominem dignum honore, cum illâ abuti possimus, hâc non, illa non tam bonos faciat, quàm esse testetur, hæc & faciat, & testetur esse. v. Quia voluptati non competit officium formale summi boni, videlicet denominatio: (Neque enim homo, quia voluptate afficitur, bonus dicitur, sed quia honestè agit:). Cui autem non competit officium formale, ei nec forma. *Quid ergò voluptas, si non summum bonum? Summi boni effectio,*

ctio, & proprium accidens, sicut color superficiei, pulchritudo sanitatis. Ut enim pluchritudo non est ipsa sanitas, nec optima corporis dispositio, verum eam sequitur tanquam proprius affectus in suo subjecto, ita voluptas non est ipsum summum bonum, sed affectio ejus inseparabilis, immediatusque effectus. Probatur. I. Quia nullus effectus de sua causa in casu recto prædicari potest, eò quod nihil suiipsius sit causa, neque illud, quod fit, fit illud, quod fit. II. Quia in Deliano epigrammate beatitudo appellatur jucundissima *ἐμπεικνῶς*, quæ ideò non est de ejus essentia *ὀνδιαδέτω*. Quemadmodum namque albedo non dicitur alba, flavedo flava, ita nec jucunditas jucunda, quamvis interim affectio ejus esse queat, perque eam denominari jucundissima nomenclativè. III. Quia aliud aliud, quod pertinet ad essentiam alicujus rei, aliud verò proprium accidens illius, sicut in homine, v. g. aliud animal rationale, aliud risibile. Ut ita beatitudo non sit ipsa voluptas, sed eam in se habeat, quemadmodum homo in se habet ridendi facultatem, neque tamen est ea facultas. Scilicet in propriâ affectione, qualis voluptas, duo considerantur, facultas quasi actus primus, v. g. risibilitas, & actio facultatis, quasi actus secundus, v. g. *ἢ* ridere: similiter in voluptate facultas, sequens habitum virtutis, per

per quem nati sumus cum voluptate agere, & ipsa actio, quâ voluptate perfundimur, sequens actionem virtutis. Ut facultas cum habitu virtutis, ita actio voluptatis cum actione virtutis, summoperè est complicata: Eodem eodem habitu nati sumus operari honestè, & cum voluptate, solùm distinctâ ratione, similiter eâdem actione beati sumus & jucundi, idquè ob affectionis familiaritatem cum eo, cujus est affectio, quæ fundamento eadem, ratione distincta, magis tamen in actu secundo, quàm primò, ut in quo major distinctio appareat. Excipis, Philosophum dicere, nihil prohibere, quò minùs summum bonum sit quædam voluptas! Contrà excipio Philosophicè, verba Philosophi non accipienda esse in sensu formali, sed causali, ut hæc sit eorum mens, summum bonum ratione formæ atque essentiæ suæ consideratum non consistere quidem in animi voluptate, eam interim causando producere. Ut ita Epicurus beatitudini nomen imposuisse videri debeat à bono minùs principè, quemadmodum hominem ab humo, linguam à lingendo, convivia symposia à computationibus denominamus *πρωκωσιν*, tanquam à minus principali ingrediente.

CAPUT XIX.

*Vel in Divitiis solis cum Biaticis Chrematisticis & Philargyris, preminum-
mis, inquam, Euclionibus?*

Sed nec in Divitiis solis sistit & constitit
Beatitudo Objectiva, quam sic vocant, si-
ve illæ sint Naturales, sive Industriales Ar-
tificialesvè. Non in Divitiis Naturalibus,
quibus primò succurritur indigentiae hu-
manæ, hominiquè subvenitur ad defectus
naturales tollendos, corpusquè aut alen-
dum, aut tegendum, sic dictis, quòd ipsa
natura nos illas parare doceat: Quia quic-
quid naturalium divitiarum, & quantum,
id omne propter hominem, tanquam à
naturâ ad vitam ejus sustentandam factum
instrumentum, quomodo edere hominem
videmus, bibere, vestiri, ut vivat, non vi-
vere, ut edat, bibat, vestiatur: Atqui sum-
mum bonum & felicitas non est propter
hominem, sed homo propter ipsam, neque
instrumentum vitæ, sed finis: Ergò divi-
tiæ naturales non possunt esse finis ulti-
mus hominis, sed potiùs ordinantur ad ho-
minem, sicut ad finem, cum in ordine na-
turæ sint infra hominem, propterquè ho-
minem. Non etiam in Industrialibus Ar-
tificialibusvè, quibus secundum se & pri-
mò natura non jūvatur, sed quas ars indu-
striaquè humana adinvenit propter vitæ
com-

compendium, majoremquē expeditiam commutationis, quo earum beneficio naturales divitiæ hoc facilius compararentur: Eccur? Quia enim eæ nulli rei sunt, cū primò vita his non sustentetur, neque aliis corpus possit; nisi ad naturales referantur, perquē eas curentur res ad usum vitæ necessariæ: Cū ergò sint cibo ac potui parando, hæc verò vitæ conservandæ ergò, vita rursus propter felicitatem vitæ consequendam, idcirco nullâ ratione felicitatis summa in ipsis consistere potest. *In neutris neutris, inquam, consistit Beatitudo Objectiva*, idquē iterum ob defectum primariorum attributorum beatitudinalium. 1.

Quia non sunt bonum *αὐτάρκεις*, ut quæ non exsatiarent appetitum. Quod enim plura habent homines philargyri, hoc plura desiderant, quoque plus sunt potæ plus sitiuntur aquæ, loquendo de divitiis artificialibus, quæ deserviunt concupiscentiæ inordinatæ, nec modificantur, non naturalibus, quarum appetitus non ita infinitus in comparatione, quoniam secundum certam mensuram sufficiunt naturæ. At cur divitiæ nō satiant animum? Quia enim finitæ, anima verò infinita per suam capacitatem, illæ corporeæ, hæc incorporeæ per suam entitatem, illæ transitoriae, hæc intransitoriae per suam durationem, quæ ideò non plus satiatur auro, quàm corpus aurâ. 11.

Quia

Quia non sunt bonum *δι' αὐτὸ ἀγαθὸν*,
cū non sui gratiā expetantur, sed propter
aliud, persuade usum, ut videlicet necessi-
tati, voluptati, dignitati, liberalitati ser-
viant, utræque interim optabiles & expeti-
biles, naturales propter hominem, artificia-
les propter naturales; ast neutræ in infini-
tum, quod proprium finis, nō instrumento-
rum, quorum nullum multitudine magni-
tudinevé infinitum, aut si tale, inutile.
Quamvis ergo inordinato appetitu appe-
tantur in infinitum, quantum ad multitu-
dinem stultorum, tamen quia iudicium
non debet à stultis peti, verū à sapienti-
bus, sicut iudicium de saporibus ab his,
qui habent gustum benè ordinatum, non
ab ægris, ut sic finitè appetiquē possunt,
appetiquē debent. Dicitur quidem infini-
ta pecuniæ cupiditas, at non ratione essen-
tiæ, verū durationis, siquidem mens in
statu hoc corpori unita maneret semper,
quod cū non contingat, simpliciter in-
finita pecuniæ cupiditas dici nequit, uti
nec actu infinitæque sunt divitiæ, dici ni-
hilominus infinita pecunia potest eo sensu,
quo numerus, non quod actu infinitus de-
tur, ut numerus, ita nummus, darivè queat,
sed quod ille augeri in infinitum possit ac-
cessione unitatum, & hic accessione pecu-
niæ. *¶ ¶ ¶* Quia nō sunt bonum *δι' ἑαυτὸν*, cū
casu dentur, casu adimantur, cum fortunā
veniant,

niant, cum eâdem abeant , malis quin etiam convenient, qui, quò nequiores , hoc ferè ditiores, quò ditiores , hoc nequiores.

iv. Quia non sunt bonum *κτηλὸν & ἀπεκλὸν ἀνθρώπων*, cùm possideantur modo mortuo, possideantquè sæpiùs, quàm possideantur, aut possideantur quidem , sed à prodigiis hominum. Quòd si honori ided negatur titulus summi boni , quòd non sit in potestate eorum, qui honore afficiuntur , si virtuti, quòd dormientibus ac calamitosi adesse queat, quid fiet divitiis ? v. Quia non sunt bonum *πολύκοινον*, cùm sæpè divites animò egeant nūmmis: Atqui si summum bonum positum foret in divitiis, tum verò ut optimus quisque esset , ita & ditissimus.

vi. Quia non sunt bonum *κοινωνικόν*. A-
quam siquidem è punice citiùs, & clavam ex Herculis manu , quàm pecuniam ab avaro extorseris, qui famem utendam si roges, non dabit. vii. Quia non sunt bonum *δυσφαίρετον*, ut quæ naufragio, furto, rapinâ, incendio intercipi possint , vel puncto mobilis horæ, nunc prece , nunc precio, nunc vi, nunc sorte supremâ , transitoria cum suis possessoribus ambulatoriis. viii.

Quia non sunt bonum *πρῆμιον*, cùm iis, tanquam bonis adiaphoris, & benè & malè uti possimus. Sicut enim relatæ ad homines per usum moralem laudantur , ita per abusum atque inusum vituperantur , licet

per

per se & in se sint bonæ naturaliter. ικ.
 Quia βίαιόν ἐστί, & πάντων βιαιών, ut quæ sæpè in-
 justè, semper anxie quærantur, & curâ ma-
 jore metuquè servantur, difficiles quæsitæ,
 flebiles amissæ, custoditæ anxie, cùm ac-
 quirantur cum sudore, possideantur cum
 timore, amittantur cum dolore, causativæ
 multorum malorum, per accidens illud
 quidem, sed accidens frequentativum:
 Jam verò non novum, aut insolens, rem
 vapulare, ubi usum rei bonæ abusus præ-
 ponderat, uti hic, quia abusus non habet
 locum in summo bono.

CAPUT XX.

*Vel in Honore, Laudeve, Gloriâve, Bo-
 nâve Famâ, Dignitateve & Poten-
 tiâ Civili, Nobilitateve, solis cum
 Pseudo-Politicis?*

NEc in his solis, & seorsim sumtis, sistit
 ac consistit Beatitudo Objectiva, id-
 què ob geminam cum superioribus causam.
 Non in Honore solo. ι. Quia non est bo-
 num τίλειον, quoniam appetitu recto ad ho-
 norem grassamur, non velut ad finem ulti-
 mum acquirendum, quasi ad premium &
 præmium laborantis, sed velut ad signum
 finis ultimi acquisiti. Licet namque honor
 sit virtutis præmium, non tamen est ipse
 finis agentium, cùm multi sint beati, fi-
 nemquè

nemque consecuti, qui tamen honore sunt
 cassi. Unde conficitur, beatitudinem quo-
 que locum habere posse deficiente honore
προφορικῶς, externo & forenfi. Scilicet du-
 plex virtutis præmium, unum propter
 quod homines virtuosi operantur, atque
 hoc præmium est beatitudo, alterum quasi
 accessorium, & minùs dignitate virtutis
 præmiandæ, atque hoc hoc præmium est
 honor, in quem propterea virtus non ordi-
 natur, tanquam in finem, neque propter
 eum operatur, cum non sit ejusdem ratio-
 nis ac conditionis cum priori. Summum
 quippè bonum est virtutis præmium,
 quod ipsa tanquam ultimum intendit; &
 propter quod principaliter operatur, ho-
 nor non item, qui quidem & ipse virtutis
 cluit præmium, verùm ideò scilicet, quòd
 ab hominibus virtuti alienæ majus tribui
 præmium haud possit, quàm honor, tan-
 quam publicum actionis honestæ testimo-
 nium, hoc est, honor quidem & ipse est
 præmium virtutis, sicuti & beatitudo, at
 non *ὁμοίως*, eodem prædicandi modo, ve-
 rum diverso. 11. Quia non est bonum *ἀν-
 τικειν*, cum non expleat appetitum, nedum
 ut sit *ἑαυτοαγαθόν*, ut qui habeat suos gradus,
 ratione meritorum & materiæ, ratione eo-
 rum, qui honorantur honorantque, ratione
 quin etiam loci, temporis, modi, consue-
 tudinis, antecedentiæ, concomitantiae,
 conse-

sequentiae, instar umbræ solaris , quæ non semper eodem modo manet corpus , sed nonnunquam antecedit , aliquandò ei jungitur à latere, interdum ponè sequitur , geminoquæ exemplo honos suos candidatos in gloriæ theatro. 111. Quia non est bonum *δι' αὐτὸ ἀγαθόν*. Appetitur quippè honor propter virtutis opinionem , conciliationemquæ, cujus ille est signum & symbolum. Etenim ideò honorari discipiunt homines, ut virtute videantur præditi , atque iccirco non à quibuscumque coli volunt, verum à bonis , cum Hectore Næviano : Qui verò honorem ambiunt ideò , quò virtute præstare videantur , næ ipsi tacitè farentur, virtutem, aut certè ejus opinionem, ipso honore pensiores esse , ideoquæ magis expetendam. Semper quippè id, propter quod alterum expetitur, eo, quod propter ipsum expetitur, majus & melius , conque venienter res fructu suo , virtus honore. 14. Quia non est bonum *οὐκ ἄριστον* , cum sit honoratis potiùs, quàm honorati, ideoquæ bonum *ἀλλότριον* externum , non utique ex parte honorantis , cujus est actio & judicium , & in cujus est manu ac potestate, sed ex parte honorati , in quem confertur, in quorum altero est *ἐνεργητικῶς* activè , in altero verò *παθητικῶς* passivè, sed in illo *πρώτως*, in hoc *δευτέρως*. Ut ita honorans præstantiori modo concurret ad constitutionem

nem honoris, haud equidem ut finis movēs, sicut ÷ honoratus, qui suā virtute honorantem movet ad se honorandum, verūm finis finis gratiā. Etenim honor est præmium virtutis, non dum consideratur ut actio proba honorantis, sed dum consideratur ut testimonium relatum ad virtutē honorati, quod testimonium ratione rei, cujus est testimonium, honorati est, ratione actionis verò honorantis, qui, etiamsi in eo præcipuè insit essentia honoris, nō magis interim dicitur honoratus, quàm vir justus justificatus, quamvis in eo sit essentia justitiæ. Scilicet honor tripliciter accipi potest, vel pro fundamēto ac principio ejus, quomodo per causā & objectivè est in honorato, cū sit præmiū virtutis, quæ non honorāti, sed honorato, competit, sive ei, cui honor tribuitur, & qui inde honoratus dicitur, jā verò cujus boni initiū & causā quis in se habet, ejus esse dicitur bonum, propter effectū ac fructum, quem v. g. honoratus percipit: Objectivè autē? Immo & terminativè, eò quòd honor sit operatio transiens honorantis in honoratū, non contrā: Vel pro essentiā ejus, quomodo subjectivè est in honorante, cujus est actio proba, cū sit judicium quoddam ejus & signum de alterius virtute, judicium autem in judicante, signum in significante, persuade, ratione principii, non termini & receptionis, quæ ratione externæ materiæ ex even-

eventu tantum necessaria, pro signo videlicet atque ostensione interni iudicii & affectus: Vel pro utroque, quomodo partim est honorati, quatenus honorem virtute suâ causatur, partim honorantis, quatenus virtutem tanti æstimat, quo aspectu mediat inter honorantem & honoratum, pendens ex honorante, & transiens in honoratum, unius ut tribuentis, alterius ut recipientis, universè tamen magis ut sic honorati, ut ea, quæ transeunt à tribuente in recipientem, cum operatio transiens in recipientem suscipiatur, non in producente. Nullo horum significatum honor est summum bonum. Non primo, sive αἰτιολογικῶς & causaliter, quia non in virtutis habitu sed actione consistit beatitudo: Non secundo, sive συμβολικῶς & significativè, quia honor προσφορικὸς externus unice ab honorante procedit, estque ut sic signum & symbolum summi boni, non ipsum summum bonum, quia signum & signatum sunt relata, relata sunt opposita, opposita verò in eandem rem non cadunt, cum omne oppositivum reverà sit aliud à suo opposito: Non tertio & postremo, quia honor ἐνδιάθετος internus ex parte tantum in potestate honorati est, hoc est, occasionaliter, id est, in tantum, non in totum. v. Quia non est bonum κτητὸν καὶ περατὸν ἀνθρώπων, cum non constet nostro labore, neque in eorum sit potestate, quibus confertur, sed

illorum, qui conferunt, qui sæpè eum non deferunt, quibus deferre debebant, deferunt, quibus non debebant, auferunt, quibus conferre, conferunt, quibus auferre debebant. vi. Quia non est bonum *μόνιμον*, hoc est, *ἀσμεπύστωτον* & *δυσσφαίρετον*, quale illud, quod ex habitu virtutis proficiscitur, cujus ea natura, ut difficulter à subiecto, cui inest, tolli possit: Honore autem quid mutabilius, qui *ἐπιπολεϊότερόν τι*, infirmius quid, minusqué stabile, neque in nostrâ potestate, cùm proficiscatur ex voluntate & opinione hominum, quorum animus ambulatorius, sitqué bonum particulare, ideoqué variabile, tum respectu temporis, quoniam jam aliquis honoratur, jam non, hodiè honoratur, cras dehonatur, tum respectu ipsius honorantis, quoniam à quibusdam honoratur, ab aliis non, neque ab illis, à quibus honoratur, vel verè honoratur, vel semper: Non verè, quia honor sæpè hypocriticus & mendax: Non semper, generatim propter mobilitatem alienæ voluntatis, quæ per suspensiones distractionesque facile mutatur, speciatim verò propter vulgi ac principum mutabilitatem, qui sæpè ignorant, neque satis intelligunt, quæ actiones mereantur honorem, sæpè invidiâ laborantes non afficiunt honoribus, quos debent, quandoque existimant honorem in alios collatum existima-

tio.

tionem suam lædere , interdum satietate quâdam fastidiunt , quos olim honoraverunt, convertuntque se ad novos alios , qui nuper emerferunt , ornandos , quibus ex causis variè variatur honos, intensior remissior, extensior contractior, validus evanidus, neque omni vel parte, vel tempore , immò ne eodem quidem, constans ac consistens, cùm usuvenire possit , ut hodiè ab hoc honore, cras ignominiâ ab eodem, eoipse momento ab hoc honore , ab illo contumeliâ afficiaris. Quòd si alicujus honor sit diuturnior, perque multos continuetur annos, fit id haud dubiè per accidens , bonum autem ex suis principiis est & debet esse perpetuum. Quin immò , ut vel maximè honor duraret semper, non tamen ipsam beatitudinem eum esse indè rectè convinceretur. Et enim, ut umbra corpus semper comitatur, corpus tamen ipsum non est , sic nec honor ipsum summum bonum, verùm signum ejus, perpetuò illud sequens. VI. Quia non est bonum *τίμιον* , sed *οὐδέ τιμιον*. Pro diversâ namque hominum constitutione, ut usus ejus, ita abusus , datur, cùm plerique eo abutantur , vel ad inferiorum depressionem, vel ad nimiam animi elationem, sæpè quoque is improbis , nec rarò pessimis, habeatur. Accedit , quòd si honor foret bonum *τίμιον* , sic honor honore ornaretur, eâdemque operâ aperiretur via

in via ad infinitum. *Nec in Laude solà.* 1. Quia non est bonum δι' αὐτοῦ ἀγαπήσθαι. Appetitur siquidem & ipsa propter virtutis opinionem, quo fit, ut laudari velint homines, non à quibusvis indifferenter, verum ab iis, qui ipsi in laude vixerunt, exemplo eorum, qui facies suas ab optimo artifice exprimi satagunt. 11. Quia non est bonum δεικνύναι, cùm in arbitrio sit profanæ multitudinis, cujus os meruisse tanti non est. 111. Quia non est bonum δυσσεβαίεσθαι. Quid enim fugacius laude, idquæ ob inconstantiam laudantis, in cujus iudicio est posita, quod non modò vagum, sed difforme? 1V. Quia non est bonum ἡμίονοι, de mente Gorgiæ Leontini, qui rogatus, quid de magno quodam rege sentiret, & utrùm eum felicem existimaret, respondit; θὺν ὁδῶ, πῶς ἀρετῆς ἔχει, nescio quomodo ad virtutem se habeat, innuens, felicitatem in animi bonis esse positam, non in bonis externis. Et enim, si quem laudas, quia generosus, regeritur, majores non mores laudari, si quia dives, fortunæ ea laus debetur, si quia robustus ac validus, ægritudine paulatim immiuetur, si, quia pulcher & formosus, antequam respexeris defloruerit, si denique, quia virtute præditus est, laudas, tunc ipsum virum laudas, eò quòd nec à parentibus illud hereditarium, nec à casu pendulum, nec ætate mutabile, nec cum corpo-

re caducum possidetur. Sed ob bonum ἐπαινετὸν scilicet, non τίμιον, quod non virtus, sed ejus actio, in quâ beatitudo: *Nec in Gloriâ Bonâ vè Famâ solis*. 1. Quia non sunt bonum τέλειον, eò quòd tam illa quàm ista ferè falsa sit & fallax, cùm humana notitia sæpenuerò insigniter fallatur, præcipuè in singularibus contingentibus, cujusmodi sunt actus humani, ut quæ à rebus, fas ita loqui, causetur cognitio. Falsa autem? Immodò vana, cùm alii sæpè mereantur famam, alii habeant, nihilquè gloria etiam maxima, juvet post mortem eum, quem sequitur.

11. Quia non sunt bonum δυσσφαιρετον & δυσμετέωτων. Quòd enim magis diffusivæ in aliorum notitiam, hoc magis instabiles, cùm falso rumusculo de facili queant perdi, aut, si quandoque stabiles, sunt tales per accidens, cùm beatitudo stabilitatem habeat in & per se. Ut enim in nostrâ potestate sint respectu materiæ, sive actionum bonarum, atque istorum sive istactenus stabiles, in aliorum tamen potestatem sunt respectu formæ, hoc est, honestæ de bonis nostris actionibus aliorum existimationis, quæ in nostrâ potestate non est, atque horum sive hæctenus instabiles. 111. Quia non sunt bonum πολύκοινον, ut quæ bonum angustum, non angustum, sive locum sive tempus spectes, quibus etiam maxima hominis celebritas includitur, detractis in pri-

mis partibus, quas maria, solitudines, paludes occupāt. *Sed nec in Dignitate ac Potentiā Civili solā.* i. Quia enim potentia civilis non est bonum τέλειον, cūm ex eā malum aliquod alicui possit provenire, neque verò ordinetur ex se ad se, verūm aliò, putā ad bonum subditorū. ii. Quia non est bonum αὐταρκές, cūm neque corpus neque animum perficiat, sed afficiat vel maximè, idquē ob honorum inextinguibilem sitim: Atqui de ratione beatitudinis est, ut eā adeptā nullū bonum homini necessarium desit, cujus cōtrarium hīc fit, cūm adepto imperium adhuc multa deesse possint, v.g. animi trāquillitas, sanitas, & alia generis congeneris. iii. Quia non est bonū δι' αὐτὸ ἀ' γαπήλον, ut quæ innumeras habeat anxietates cōiunctas, metus, motus, pericula, inamabilia atq; inoptabilia alia. iv. Quia nō est bonum οἰκείον, cūm sit à causis exterioribus, ad beatitudinē verò homo ordinetur per principia interiora. Esse illam à causis exterioribus vel illud argumento, quia ad beatitudinem ordinatur naturaliter, nō tanquam ad principium, cujus rationē habet potestas, sed tanquam ad finem, eumquē ultimum. v. Quia non est bonū δυσσφαίριστον καὶ δυσμελέπτωτον, cūm nihil sit inconstantius versatili hoc Vertumno, & Proteo Politico. vi. Quia non est bonū πολύκοιον, eò quòd imperitare civiliter paucorum sit, beatitudo autē in medio sit posita,

ita

ita ut ad eam quivis nitipossit. v. i. i. Quia nō est bonum τίμιον, verūm οὐδέ τιπον, ut quæ se habeat ad utrumlibet oppositorum, hoc est, ad bonum & malū indistinctē, pessimisque quin etiam quandoque cōtingat: Atqui beatitudo, cū sit summum hominis bonum, non compatitur secum malum aliquod, id quod faciūt dignitates & potestates, quibus si inesset quid naturalis ac proprii boni, nūquā pessimis provenirent, cū sibi nō soleant adversa sociari, naturā respuēte talem συζυγίαν syncretismum. Quo fit, ut magis fortē possit cōsistere beatitudo aliqua in bono usu potestatis, qui est per virtutem, quā in ipsā potestate. *Nobilitate vē solā*. i. Quia non est bonū δεικνόν, cū non minū virtus, quæ fundamētum ejus, pateat humili loco natis, atque celso & excelso, quorū illis generis obscuritas stimulum addit ad virtutem capessendā, his majorum splendor. Quod si ad claritudinem referatur, nā illa aliena, cū aliorum luce luceat, sin ad antiquitatem, ad eandē cum cæteris mortalibus conditionē devenit, eundemquē cōmunem humanitatis stipitem. i. i. Quia non est bonum μέγιστον. Quāvis enim maximē commendet sanguinis nobilitatem illud, quod ex præstantibus orti non corpus tantū sed animum eū majoribus similem præsumantur nacti, eō quod magna vis sit seminis, cū ad corporis cōformationē, cujus omnia in semine linea-

menta latent, perquæ vim plasticam educuntur in actum ex potentiâ, tum ad animi ac morum compositionem, qui corporis temperamentum sequuntur, tamen id non est perpetuum. Vult quidem natura ex bonis bonos generare, sed plerumque non potest. Ut ita, si quid in nobilitate bonum, id sit solum, quoddam imposita nobilibus necessitudo videatur, ne à majorum virtute degenerent, quæ sola neque dono datur, neque accipitur. Quamvis interim ad civilem felicitatem nobilitas haud parum conducat, ut quæ virtutem orniet, minusquæ eam invidiæ expositam faciat, multasquæ ac præclaras occasiones præbeat virtuti sese patefaciendi. Neque enim parvam vim habet, auctoritatemvè, patre nobili nasci, præsertim si bona educatio accedat, quâ magis indigent nobiles, quàm alii, quia sunt furculi nobiles, generosæquæ naturæ, hoc magis degeneres, quod generosiores. *Quid verò Honor, Laus, Encomium, Gloria, Fama differant, de hoc commate ita Scholæ Philosophicæ.* Honor, inquiunt, est vocabulum generis, & finis, adeoque eorum bonorum, quæ sui solum gratiâ optantur: Laus, Encomium, Gloria, Fama, sunt vocabula speciei, & ordinatorum in finem, adeoque eorum bonorum, quæ alterius gratiâ optantur, in quibus si spectemus solam *κτῆσιν* possessionem, nascitur inde Laus, in voce

voce posita, signoqué externo, sine quo nec honor servari potest, *sin κλησις* cum magnitudine rerum laudabilium, & multitudine laudantium, nascitur inde Gloria, apta nata servari etiam sine externo signo, à quâ distinguitur & contradistinguitur Fama; tum quia fama magis est eorum, qui vitâ sunt functi, gloria verò etiam viventibus ac præsentibus convenit, quam vis nonnunquam ad viventes quoque, absentes tamen, fama extendatur, ut cum celebres scientiarum professores, strenuiqué militiæ duces, dicuntur famâ super æthera noti, tum quia gloria usurpatur solùm in partem bonam, fama autem etiam in malam, quo sensu infamia dicitur, *sin χρησις*, actionem atque usum, nascitur inde Encomium, quod cum gloriâ convenit ratione actionum moralium, operationumqué artificialium, quâ talium, hoc est, quatenus actiones & operationes sunt, ab eâdem verò differt ratione habituum, sicut & ab honore, qui actionum à virtute animi prodeuntium, ut sunt finis: Quòd si bona, partim sui, partim alterius gratiâ sint optabilia, cujusmodi sunt habitus virtutum moralium, his distinctâ ratione, cum honor, tum laus, conveniet scilicet. Ut ita rectè subductis rationibus laus universè celebret facta uniuscujusque, encomium verò rectè facta alicujus sigillatim, v. g. Ciceronis, Themis-

stoclis. Propriè siquidem encomiis rectè facta subjiciuntur, laudi verò, nonnisi quatenus virtutem universè consequuntur. Unde conficitur, omnem quidem ἐγκωμιάζονται ἐπαινεῖν, non contrà omnem ἐπαινοῦται ἐγκωμιάζειν, cùm laus sit velut totum, encomium partes.

CAPUT XXI.

Nominatim in Virtute solâ, sive solitariè existente, cum Stoicis?

NEc in hac sistit ac consistit Beatitudo, quam vocant, Objectiva, idquè ob commilitiam & parallelismum communium rationum. 1. Quia virtutis actus primus, hoc est, habitus, non est bonum τέλειον, cùm ei aliud bonum obaddi possit, quo fiat perfectior, actui persuade primo secundus, habitui actio ex habitu, cujus accessione ipse habitus fit illustrior & perfectior. Quamvis enim necesse sit in beato nostro priùs esse virtutis habitum, quàm actionem ex illo habitu, tamen ad beatitudinem non sufficit, cùm habitus ordinetur ad operationem: Jam verò omne, quod ad aliud ordinatur, inferius dignitate eo, ad quod in eodem genere ordinatur. Unde virtute præditos, cùm quo casu impediuntur in virtutis exercitio, nihilominus ex illâ agere discupere videas, cur, nisi causâ beatitudinis.

titudinis? Tribus, quod ajunt, verbis: Perfectum est id, cui non potest aliquid addi: At virtuti, cum sit actus primus, potest addi secundus: Ergo non est bonum perfectum: Vel ideò, quia includit potestatem, quod autem tale, caret ultimâ perfectione, quia non existit in actu, propter quem est omnis habitus, cujus bonitas æstimatur ex operatione atque opere: Adhuc, quia uniuscujusque rei perfectio in certâ aliquâ ejus functione cōsistit, ergo & beatitudo, quæ aliquid vitæ, ideoquæ perfectio aliqua operationis, eò quod vita sit operatio quædam, quare operatio virtutis, non habitus. Est quidem virtus perfecta & ipsa, verum quoad perfectionem habitualement, considerata ἀνεργητικῶς, ut est ἀεργος, non actualem, considerata ἐνεργητικῶς, ut est ἐνεργος, perfecta ut sic ultimâ atque completè, quoniam habitus ultima perfectio ἡ ἐνέργεια sive actus. Scilicet tum demum quælibet res perfecta audit, quando in eâ concurrunt ἡ οὐσία essentia, ἡ δύναμις potentia, & ἐνέργεια actus, ex quibus οὐσία & δύναμις ultimam suam perfectionem sortiuntur, quando sunt ἐνεργητικά, non operabilia tantum, sed operativa, unde fit, ut ἡ ἐνέργεια præstet utrique, quia utraque ejus gratiâ, quod autem tale, præstantius. 11. Quia non est bonum ἀνταρκές, cum ad vitam sine impedimento degendam sola virtus non suffi-

ficiat, sed virtutis actio, quæ virtutem ut principium præsupponit, naturæ ac fortunæ instrumenta ut media includit, actionisquæ formam tanquam postremam perfectionem superaddit, ita ut in eâ nihil ulterius expeti possit, neque ipsa propter quid ulterius, putâ felicitatem tanquam finem, cum ipsa felicitatem constituat formaliter. **III.** Quia non est bonum δὲ αὐτὸ ἀγαπῆδον, cum vel ab ipsis Stoicis virtutis habitus expetatur propter actionem sive usum, sicut visus propter visionem, auditus propter auditionem. Nemo nemo namque velit visum habere, si non sit visurus aliquandò, verum oculos occlusos oculos gestaturus, nec auditum, si nunquam sit auditurus, sed obturatas usque aures habiturus. Quo fit, ut, quorum est & habitus, & actio secundum illum habitum, possessio, inquam, & usus, eorum semper melius quid sit expetibiliusquæ actio habitu, usus possessione, cum actio sive usus sint finis, habitus verò & possessio propter actionem sive usum, tanquam finem, illa destinantia, hæc destinata λογικῶς. **IV.** Quia virtus, quæ in habitu, non in actu, in quiete, non motu, in sinu, non manu, affectu, non effectû, non est bonum πρακτὸν, cum solum sit facultas & actus primus, cujus accessio ac perfectio actus secundus, sine quo ille esse potest, etiam in dormiente, etiam in ocioso, quo
sen-

sensu dicitur, probum ab improbo, felicem ab infelici, in somno ocio vè non internosci. Accedit dictis, quòd non statim, qui virtutis habitum habet, actione quoque virtutis sit præditus. Qui enim v. g. melancholiâ, lethargo, aut simili morbo corripitur, totâ vè vitâ in lecto decumbit, virtutem ille quidem retinet, sicuti & is, qui κακοπαθεĩ totâ vitæ periodo, ἀπραγμεĩ tamen, quia secundum virtutis ingenium in illo articulo agere nequit, eò quòd agendi intercipiatur occasio, succolletquẽ ac frustretur acturientem materies. v. Quia eadem virtus non est bonum τίμιον, ut quæ non digna honore, sed laude, ut omnis habitus bonus. Quid ergò, quid de hoc Stoicōmate contra cooppositum Peripatema? Ut non sit παράδοξον hoc eorum περίδοξον in sensu disjuncto, tamẽ est tale in sensu conjuncto. Neq; enim hæc duo adversis frontibus arietant, beatitudinẽ consistere in operatione animæ virtuosâ καὶ χρηστικῇ, formaliter, essentialiter, id quod ajtāt Peripatetici, & eandem consistere in virtute animæ καὶ κτησιῇ, radicaliter, fundamentaliter, causaliter, id quod ajtāt Stoici, in alterâ ἐνεργητικῶς, occupativè, in alterâ ἀνενεργητικῶς occupabundè. Et quĩ arietent quædò? Beatitudo namque vertitur non in actione nudâ, verùm in virtute fundatâ, nec in hac solitariè existente, sed se exerente per operationes pro re natâ. Quando ergò sum-

num bonum in habitu virtutis situm esse dicunt Stoici, id non de ociosâ deside ac reside virtute accipiunt, verùm hoc sibi velle videntur cum hoc suo philosophemate, virtutem, etiam si misera sit & calamitosa, neque occasionem edendarum actionum habeat, nihilominus efficere hominem beatum, propter interioriorem animi moderationem, id quod *κλασσικόν*. Eequomodo ergò conciliari possunt & debent in speciem *ἀντιφασσόντες*? Si dicas, Stoicos considerasse id, quod principale, fundamentum, inquam & rem, hoc est, habitum virtutis, Peripateticos verò examinatissimam & amussitatissimam summi boni perfectionem carentem omni præpedimento, hoc est, non tam rem, quàm rei usum & actum fructumque. Neutri malè, meo iudicio, quoniam illi laudârunt virtutem actuosam, hi actua-lem, sive ipsam ipsam actionem virtuosam, meliùs interim in comparatione hi, quàm illi, quia positiviùs.

C A P U T XXII.

Nominatiùs in Contemplatione solâ cum Theoreticis?

NEc in illâ. 1. Quia nuda contempla-
tio non est bonum *τέλειον*, tum quia perfecta contemplatio non est sine mentis serenatione & serenitate, hæc autem non quadrat in animum vitiosis affectibus per-
tur-

turbatum, à quibus eum purgat virtus moralis, per quam rectè demùm utimur habitu contemplativo, compositis inantè incompositis atque indispositis animi passionibus, tum quia consideratio speculativæ scientiæ non se extendit ultra virtutem principiorum illius scientiæ, in quibus illa virtualiter tota continetur, quæ principia per sensus & sensibilia, ideoque non latius extenduntur, quàm sensibilibus cognitio potest ducere, in quâ solâ nequit consistere ultima hominis beatitudo, sive ultima perfectio ejus, licet illa naturaliter desideretur ab omnibus propter seipsam: *Eccur?* Quoniam nihil perficitur ab aliquo inferiori, manifestum est autem, quòd forma v. g. lapidis, vel cujuscunque rei sensibilis, sit inferior homine, cujus intellectus idèd per formam lapidis non perficitur, saltem in quantum est talis forma, & quid intelligibile interveniente sensu, qui est infra intellectum humanum, tum quia de potentiâ in actum intellectus humanus edueitur quidem per considerationem scientiarum speculativarum, eumquè ultimum, verùm incompletum scilicet, minimùm in sensu composito & comparativo. 11. Quia non est bonum *αὐτάρκεια*, cùm vita contemplativa possit esse ærumnosissima, cumquè valetudinis dispendio conjuncta in Carneade aliquo & Protaxagorâ,

gorâ, cum æmulatione quin etiam atque invidiâ , siquidem ea contingat malo homini, quemadmodum Socratis, Pythagoræ, Hesiodi, Pindari, Thaletis, Biantis, Pittaci, Anaxagoræ , Simonidis maleferiati æmuli fidem facere queunt. 111. Quia non est bonum *οἰκῆον*, cum contemplari quoque etiam possint mali , contemplatione quæ suâ abuti, tale autem bonum heic quaeritur, quod solis bonis est proprium , quoque malè uti nequimus. 115. Quia vita contemplativa, quâ quis solus degit, atque uni unice contemplationi vacat, abdicando se à cæterorum hominum consuetudine , officiaque charitatis ac cæterarum virtutum deferendo , non est bonum *κτητὸν καὶ πρακτὸν ἀνθρώπου*, cum sit avocamentum à vitæ Practicæ officiis, tam Ecclesiasticis, quàm Oeconomicis & Politicis, infestisque ferè habeat duos scopulos, Eleatîsmum & Pyrrhonîsmum, quarum sectarum altera triumphavit ἐν τῷ nihil esse , altera ἐν τῷ nihil scire. 116. Quia non est bonum *κοινωνικόν*, cum per eam non detur uti frui bono, id quod *πρακτικόν*, saltem universè magis *πρακτικόν*, quàm θεωρητικόν.

C A P U T XXIII.

Nominatissimè in Contemplatione Idearum cum Platoniciis ?

N*Ec in istâ, sumendo ideam boni universalem, non in causando, pro ideâ ideissimâ, hoc est, Deo, qui sicut πὲρ αὐτὸν ἔστι αὐτοαεὶ, universale in essendo, ita ὅτι αὐτοαγαθὸν, αὐτοκαλόν, αὐτοδίκαιον, αὐτόφιλον, universale in causando id, quod bonum, pulchrum, justum, amicum, virtute includens omnes ideas, sicut unitas includenter includit omnes numeros, alphabeta omnes litteras, cùm sit α & ω, principium, inquam, medium, & finis rerum omnium, quod universale ante multa Scholasticis, Theologicum aliter: Nec in prædicando, pro communi naturâ singulis individuis inexistente, quod universale in multis Scholasticis, Physicum aliter: Nec in repræsentando, pro communi notine mente conceptâ, & à multis singularibus abstractâ, ita ut quod antea erat singulare, & materiæ immersum extra mentem, in mente quasi materiæ expers evadat, quod universale post multa Scholasticis, Logicum aliter, id quod heic supplatonissando accipit Ramus, contra mentem Platonis, quoniam hoc rebus posterius est, non prius, neque in universitate rerum existit, nedum præ*

præexistit: Verùm in essendo, pro communi ideâ substantiali singularum specierum, singularumquæ rerum generum, liberatâ ab omni materiâ, extra Deum individuas creaturas & mentem hominis alicubi existente, ex cujus participatione reliqua omnia singularia suam essentiam accipiât, & ad cujus, tanquam exemplaris causæ, exemplar reliqua omnia à naturâ naturante sint creata, atque etiamnum à naturâ naturatâ producenda, quod universale præter multa Scholasticis, Metaphysicum aliter, cujus studii sunt per se abstracta, item Ethicum, quatenus in ejus contemplatione summam utriusque beatitudinis, proram, inquam, & puppim *ἡ ἀνταρὰ* collocavit Plato, teste Aristotele, qui non tam Xenocratem, aliosquæ Platonis discipulos, malè præceptoris sententiam de ideis accipientes, vellicat, quàm ipsum Platonem præceptorem directè, à quo, si Philopono credimus, cùm ipsum audiret, in hoc argumento semper dissenfit. Quid enim aliâs opus tantâ præmunitione, quâ nunquam usus aliâs? Quid sermonis ad Platonem directione? Neque est quod *παρανομήσαν* Philosophi, qui instar muli præceptorē suum calce percussit, quis obijciat. Neque enim simile vero, ipsum quid affinxisse Platoni hac parte, cùm facile potuerit cōjicere, quātam eo pacto reprehensionem & invidiam incursumus esset apud Pla-

tonis discipulos, qui injuriam cōmuni praeceptorī factā haud dubiè re recenti ultī fuissent. Refutat autē hunc ejus ideismū imaginariū hoc quadrigario rationū. I. Quia in bono detur prius & posterius, cū aliud sit in substantiā, quæ prior naturā & cognitione, aliud in accidente, quod posterius, quomodo prius v. g. homo, qui substantia, quā tantus, veluti trium cubitorum, quæ quantitas, aut talis, veluti albus, quæ qualitas, aut ad aliquid, veluti pater, quæ relatio, in ideā cōmuni non item, quam propterea non admittit numerus vel ipsorum Platoniorum iudicio, ut in quo locum habeat utrumque. II. Quia bonum non sit in eodem prædicamento, sed aliud in substantiā, ut mens, aliud in quantitate, ut mediocritas, aliud in qualitate, ut virtus, aliud in relatione, ut bonum utile, aliud in passione, ut curari, aliud in quando, ut occasio, aliud in situ, ut federe, aliud in habitu, ut splendidè vestitum esse, quorum autem cōmuni idea, ea sint in eodem prædicamento, cū prædicamenta sint summa genera, quæ de prædicamentatis æqualiter prædicantur. III. Quia boni, quod in diversis prædicamentis, non sit una scientia, sicut eorum, quorum eadem idea, cū unius generis non sit nisi una scientia: Quin tantum abesse ait, ut boni, quod est in distinctis categoriis, sit una com.

communis scientia , ut ne eorum quidem bonorum, quæ sunt in eâdem categoriâ, detur talis, v. g. mediocritatis, quæ & à Medico attenditur, & ab Ethico , & à Gymnasiarchâ, diversis artificibus diversè. **¶ v.** Quia ideæ & ideati eadem secundum Platonem, & sequaces, sit definitio , quorum autem definitio eadem , illa quoque sint eadem, cùm unius rei non sit nisi una ut essentia ita definitio essentialis. Breviter: Cùm Plato suas ideas iisdem vestiât nominibus, quibus ipsas res, additâ sensibilibus voce αὐτὸ , ita ut idea, verbi gratiâ , τὸ ἐκάστου uniuscujusque sit ipsi in genere τὸ ἀνθέκαστον, in specie verò, idea ἵππου equi ἀντίῆπον ὁ ipse equus, ἐπιθυμίας cupiditatis αὐτοεπιθυμία ipsa cupiditas, βουλήσεως voluntatis αὐτοβούλησις ipsa voluntas, δόξης opinionis αὐτοδόξα ipsa opinio, ἀληθείας veritatis αὐταλήθεια ipsa veritas, καλοῦ pulchri αὐτόκαλον ipsum pulchrum, γράμματος litteræ ἀντιγράμμη ipsa littera, ἄλφα & βῆτα ἀντιἄλφα καὶ αὐτοβῆτα ipsum alpha & ipsum beta, ἀγαθοῦ boni ἀγαθὸν ipsum bonum , ἀνθρώπου hominis αὐτοἄνθρωπος ipse homo , cujus auctoritatem secuti Stoici τὸν πᾶν ἄνθρωπον dixerunt hunc hominem , τὸν οὐ πᾶν ἄνθρωπον ipsum hominē, ideò differre nequeunt v.g. ipsum in præsenti argumento per se bonum, & bonum quodvis, ipse homo & homo quilibet. Aut enim idea boni & hominis est eadem cum

cum bono & homine, aut distincta: Si eadem, cur distinctâ voce denotatur ipsum bonum & bonum, ipsum bonum per se, quâ bonum, & bonum quodlibet, bonum particulare & bonum universale sive separatum? Cur item ipse homo & homo, ipse per se homo, quâ homo, & homo quilibet, homo in materiâ, & homo separatus à materiâ? Sin distincta, cur eadem utriusque definitio? Dicit Platonis armiger, Platonem, & cum eo Stoicos, quod animadverterent individua subindè mutari, atque interitui esse obnoxia, ideò essentias tales, non quæ in individuis ipsis mutabilibus, sed extra res individuaquæ subsisterent, omni mentis operatione remotâ, adornâsse. Regero, id inconsulto augure ipsos fecisse, quoniam perpetuitas non mutat naturam rei, cùm sit accidens, adeoque modus, qui non facit differre, sed forma essentialis. Priùs priùs quippè res est, postea verò talis vel non talis. Et quâ quæsi una communis idea boni queat constitui, cùm bonum commune sit tale per analogiam, analogum autem non afferat unam communem naturam iis, quæ sub se continet, perquæ *πρότερον ἐ ὕστερον* dicatur, sicuti & cætera æquivoca ab uno & ad unum, in quibus unum semper est alterius quodammodò causâ, ut in bonis bonum, quod est in substantiâ, ejus, quod est in accidente. Sed ut possit, nihil tamen ad
bea.

beatitudinem conferet contemplatio ejus, quia enim bonum *χωριστὸν* sejunctum, ideoquē nec *κτητὸν* comparabile, nec *πρακτὸν* agibile: Non *κτητὸν*, quia intellectus corpori junctus, ob modum intelligendi per phantasmata, non valet exquisitè apprehendere essentiam separatatum formarum, prout apprehendit essentiam formarum materiatarum, quoniam illæ parùm cadunt sub sensum, nos autem solùm intelligimus per phantasmata ex sensibus collecta, eliciendo notiones ex phantasmatis, repræsentantes essentiam rei: Non etiam *πρακτὸν*, quia nemo ex contemplatione idearum, ne ipsius quidem *ἀνθρώπου*, naturæ boni, melior evadit, si natura boni communis accipiat præcisè, abstrahendo bonitatem ab omnibus, quæ sunt bona, quomodo ad vitam conferre ejus cognitio nihil potest, cùm quis multa bona sibi parare queat, qui tamen de naturâ boni accuratè disputare nequit, ut faciuntquē Medici, qui bonam procurare valetudinem nôrunt, licet nihil de naturâ boni fortè sciant, præterquam quod omnibus hominibus de eo cognitum est: Atqui, cùm agimus de summo hominis bono, id bonum quærimus, quod natum à nobis acquiri, in nobis fieri, à nobis possideri, secundum gradum potentiæ participantis, neque possideritantùm, verùm & exerceri, quale bonum

neu.

neutiquam idea. Id quod Philosophus duobus probat argumentis, tum quia omnes artes & scientiæ bonum quoddam sibi propositum habeant, nulla autem ex omni numero cognitionem exposcat ideæ, nominatim nostra hæc, quæ dum finem hominis investigat, non ad Platonis ideam confugit, sed illud æstimat ex notis suis ac criteriis, planè sicut qui hominem aliquem ignotum cupit inquirere, non conditiones ideæ hominis primùm, aut hominis in universum, inquit, sed illius ipsius, quem quærit, persuade, quâ facie sit, quo capillo, quâ figurâ corporis, tum quia in singulis rebus versentur omnes, idea autem sejuncta sit à rebus singulis. Quanquam enim præcepta artium universalia sint, cùm singulæ, quæ propemodum infinita, præceptis contineri nequeant, tamen ubi ad usum atque opus ventum est, circa res singulas attinentur, neque magis intendunt universalia, quàm Hippocrates hominem in communi, cùm medicinam faceret Calliæ, homini singulari; Quin tantum abest, ut medicus separatim bonum quærat, ut nec de separatâ valetudine cogitet, verùm de sanitate in hoc vel illo homine producibili, cùm singulos curet. Quid multis? Cùm hîc agatur de beatitudine hominis in hac vitâ, sic in contemplatione ideæ constituenta felicitas, ut ea non se jungantur, quæ fa-

F

ciunt

ciunt ad vitam civilem commodè transigendam. Vita quippè, quâ quis solus agit, atque uni unicè contemplationi vacat, abdicando se à cæterorum hominum consuetudine, officiaquæ charitatis ac cæterarum virtutum intermittendo, non tantùm Theosophiæ, sed etiam Philosophiæ, adversatur: Theosophiæ, quia Apostolus gentium inquit, neminem debere quærere sua, sed ea, quæ sunt proximi, eumquæ, qui abjicit curam suorum domesticorum, abnegasse fidem, atque infideli esse deteriorem: Philosophiæ, quia non nobis solùm nati sumus, sed patriæ, parentibus, liberis, agnatis, cognatis, affinibus, amicis, popularibus, concivibus, contribulibus, & in genere co-hominibus. Verum est, agit quidem Aristoteles seorsim de vitâ contemplante & agente, at non eo consilio, ut quis uni istarum sese totum addicat. Duæ duæ quippè sunt naturæ nostræ proprietates, putà, quòd & intelligentes & civiles nos Deus fecit, quare utrique conditioni debemus actionibus nostris respondere, & contemplari, cùm se quid offert ocii, vel quo casu impedimur à rebus agendis, agere verò, quando muneris nostri functio id postulat. Excipiet fortassis Platonis hyperaspistes, eum summam beatitudinis collocasse, non in contemplatione boni in essendo, sed in causando, hoc est, in contemplatione divinæ essentiae, adeoque efficienter atque objectivè

in Deo nobis se communicante, formaliter verò in agnitione & amore & fruitione ejus. Respondeo, immò responsito, id perspicuè falsum esse. Quicquid enim Plato de ideis, ingentis flammæ exiguis scintillis, more suo peroret, facit tamen eas naturas atque essentias communes, à Deo atque indivi-
duis creaturis distinctas. Quanquam in hac materiâ nec ipse Plato sibi satis constet, nec Platonici. Non Plato. Nam quandoque ipse Deus ei venit nomine ideæ. quandoque imago in mente Dei formata extra Deum, quam ille in rerum creatione intuitus sit instar opificis, quandoque naturæ separatæ seorsim subsistentes, rebus subsistibilibus priores. Non Platonici. Alii siquidem in Deo has collocant, ut radios in luce. *Ἀθεολόγως*. Sic quippè Deus non effugeret compositionem, cùm ideæ sint materiales & accidentia, Deus autem usquequaque simplex, quorsum ideæ in Deo realiter idem cum Deo, nec nisi ratione ratiocinatâ distinctæ, in ordine videlicet ad distincta ideata, quo fit, ut idearum diversitas in Deo nihil sit aliud, quàm divina essentia, diversimodè à rebus diversis imitabilis in suo gradu, quæ imitabilitas fundamentum relationis sive ideæ in Deo. Sicut enim sapiens architectus ante omnia concipit formam & ideam ædificii futuri, sic Deus sapientissimus dubio procul re-

rum formas arque imagines ab æterno intra se concepit, ad easquæ in productione entium respexit. Alii extra Deum easdem collocant in mente incorpore, quas velut exemplaria rerum æterna Deus in rerum conditu instar archidædali cujusdam intuitus sit. Ter *αθεολόγως*, semel, quia Deus sic extra se & substantiam suam haberet, quod intueretur instar opificis manuarum, sicquæ perfectionis saltem alicujus expers foret, iterum, quia sic substantia Dei varia, quasi- quæ distinctis ac infinitis imaginibus, res distinctas referentibus; picta esset, cum variarum rerum specie differentium varia sint exemplaria, demùm, quia sic substantia Dei mutabilis esset, quoniam Species, quæ v. g. referret vere rosam existere, illa verò hiberno tempore hanc deletam referret. Deinde, ut maximè ipsum Deum per ideam suam significasset Plato, in cujus visione & unione ultimò vertitur illud ultimum. quod consequens homo beatus dicitur, tamen quia hunc beatitudinis gradum nemo, nisi Dei beneficio, potest assequi, cum non sit volentis id, neque currentis, sed misipientis Dei, ideò Plato, homo Ethnicus, eum effigiare haud potuit, *απλάτων* etiam in eo, quòd in contemplatione solâ ejus ideæ collocavit proram & puppim beatitudinis, cum ejus boni quis queat possit fieri particeps, etiamsi non teneat retum vitæ clavum.

CAPUT XXIV.

*Annon Beatitudo Formalis consistendo
consistat in Actione Morali Studiosâ
cum Peripateticis?*

Immò verò, idquæ ob τὸ ἀπαντοδιδέκτα bea-
titudinis, sive ob duodecimi προσκειμένα e-
jus famosa, quæ in hâc, tanquam in centro,
concentrant, quoniam per eam formaliter
& proximè beamur Philosophicè secun-
dum Aristotelismum. Quâvis enim in pri-
mis, operatio sive actio virtutis, cum sit acci-
dens, non sit perfectissima in ratione entis,
cum ut sic sit imperfectior substantiâ ani-
mæ, illiusquæ potentiis, quarum est opera-
tio, immò ipsis divitiis, quatenus sunt entia
& substantiæ, consideratione Metaphysicâ,
tamen consideratione Ethicâ, per quam
quærimus non esse novum, sed perfectio-
nem compositi jam existentis, est in suo ge-
nere perfectissima, tum ex objecto, quod
est perfectio potentiæ perfectibilis, tum ex
modo attingendi illud objectum, termino-
quæ: Quamvis item in secundis eadem o-
peratio virtutis non videatur esse ens per-
manens cum Stoicis, sed successivum, atque
in fluxu constitutum, ut quæ sit quid con-
stans ex multis, quæ jam transierunt, atque
uno tantum, quod adhuc est præsens, pro-
gressuquæ temporis augeri potest, neque
totius, sed partis, hoc est, modò hujus mo-

dò illius virtutis , non omnium simul , eò quòd homo non valeat insimul fungi munere omnium virtutum, tamen ut non audiat tale ens quoad continuationem actionum numericam, audit nihilominus quoad specificam , si minùs quoad professionem extrinsecam , ratione externarum actionum, quæ variè impediri possunt , minimùm quoad intrinsecam , respectu agentis, atque actionum internarum, quomodo v. g. ptopositum siue animus fabricandi in fabro fabrum denominat, licet non semper fabricetur, semperquæ adfit terminus illius operationis ultimus , similiterquæ animus relevandi medicum, licet non sit in medico semper relevetur ut æger. Ne dicam, morborum vi ipsam quoque virtutem beatificam Stoicorum posse impediri, quò minùs se actu exercito exerere possit semper. Et quid mirum , beatitudinem constare ex multis, quæ præterierunt , atque uno præsentis, cùm ipsa vita ex talibus constet , ut quæ in perpetuo fluxu consistat , cuiusquæ non tantùm plurima non sint præsentia, sed nihil ejus præsens, nisi vitæ punctum, quod terminus præteriti, initiumquæ futuri. Neque enim vel dies, vel horâ vitæ una, tota præsens est, nedum infantia, pueritia, adolescentia , stata ætas , aut senectus tota. Quare dicendum , beatitudinem significare quid permanens, eò quòd collectionem actio-

actionum denotet, hoc quæ actiones permanentiam habere modo, licet singulæ, & unaquæque earum seorsim sumta, transeant, planè sicut vita ipsa permanens quid, etsi singulis momentis aliquid ejus depereat. Quod attinet augmenti periculum, quasi cum actionibus crescat beatitudo, ad excipimus, etiam vitam, siquidem ad plures annos duret, extendi, neque tamen augeri, similiter quæ beatitudinem, ut quæ non ponatur in singulis actionibus, sed in omnium congerie? Quemadmodum enim senex nemo dicitur propter hunc aut illum aut istum annum, quem vixit, si seorsim singulos sumas, ita beatus haud est quis, quòd tum rectè egit, illo vè tempore, sed quòd hoc illo & isto. Quare etsi supra unam actionem virtutis semper esse altera possit, quæ ei addatur, ultra ipsam tamen beatitudinem nihil est, planè sicut ultra unum annum senectutis esse potest alius, neque tamen quidquam ultra senectutem ipsam. Quamvis porrò in tertiis beatitudo videatur potius esse in prædicamento qualitatis, quàm actionis, cum ab eâ denominemur quales, hoc est, beati, & qualitate aliquâ præditi, tamen id citra fallaciam figuræ dictionis statui nequit. Ut ut enim beatorum esse videatur significare qualitatem, verà tamen re denotat actionem, sicut cognata vox perfecti qualitatis significationem

præ se fert , cùm sæpè significet substantiam. Taceo, quòd beatitudo aliter quoque exprimi possit, idquè per voces, quæ aperte inferunt atque implicant actionem , ut per ὁ εὖ ζῆν, rectè vivere , εὖ πράττειν, rectè agere, ὁμολογημένως καὶ καθ' ἑνα λόγον ζῆν, ἀκούθως τῇ φύσει ζῆν, convenienter rationi & naturæ, naturæ & rationi vivere. Quamvis denique in quartis virtus facultate includat actiones virtuosas, tanquam causa efficiens, ideoquè præstantior esse videatur actionibus virtuosis ordine naturæ generantis & componentis sive disponentis, tamen non est ordine naturæ intendentis , quomodo nobilius ac præstantius id, cuius gratiâ quid est : Atqui habitus propter actum , virtus propter actionem suam, tanquam perfectionem ultimam , quæ idèd pensior in comparatione , in quâ propterea rectius summa beatitudinis collocatur cum Peripateticis, quàm in illâ cum Stoicis.

C A P U T XXV.

Quid Actio Moralis, & quotuplex, cum Differentiâ Moralitatis, Indifferentiâquè, ex Spontanei atque Inviti fontibus naturalibus per derivationem ; moralibus per corrivationem.

Actio

Actio Moralis, quæ objectum quod, si-
ve objectum materiale Ethices, (Nam
objectum formale est actio moralis hone-
sta, ut à rectâ ratione in ultimum dirigibilis
finem, post quem ideò proximè de obje-
cto agitur, quia is in subjectum per media
introduci nequit, nisi cognito & præcogni-
to objecto :) nihil aliud est, quàm motus
naturalis in homine, ad bonum vel malum
morale determinato determinandovè, me-
diantibus intellectu voluntate appetitu
sensitivo & locomotivâ factus. Geminum
quippe actus moralis habet esse, unum
Physicum, quod in actibus positivis, ut in
commissione, est positiva ipsorum tenden-
tia in suum subjectum, maximè formale, à
quo speciem suam accipit, in privativis ve-
rò, ut in omissione, privatio ac carentia
actus, alterum Ethicum, quod ipsum natu-
rale actuum, prout eliciuntur ab homine
ratione utente, nihil superaddens ipsi sub-
stantiæ actus, nisi causam, à quâ procedit,
esse liberam. Unde τὸ εἶναι morale per ἰσὺ-
δυναμίαν five æquipollentiam idem est,
quod esse liberum. *Actio hæc Moralis u-*
niverse, atque ἐν πλάτει, vel Differens est,
vel Indifferens, si minùs in individuo, ut
est vestita omnibus suis particularibus cir-
cumstantiis, minimùm in communi suâ
naturâ, amputatis ac præcisīs circumstan-
tiis, quoniam ex se talis, ut possit bonas

vel malas habere circumstantias. Proban-
 tur partes dividentes, quia enim objectum
 humanarum actionum triplicem ordinem
 sortiri natum est ad rectam rationem, u-
 num convenientiæ, unde consurgit actio
 bona, quæ refertur in finem debitum, al-
 terum disconvenientiæ, unde mala, utra-
 que differens, quæ refertur in finem indebi-
 rum, nullumvè, tertium indifferentiæ, un-
 de præter boni & mali differentias consur-
 git tertia, & ipsa positiva ac realis, quâ actio
 suapte naturâ constituitur in specie indiffe-
 rentis, cujus objectum bonum & malum in-
 differens secundum speciem suam. *Ut ita A-*
ctio Moralis Differens adhuc duplex fit, Bo-
na videlicet & Mala, & quidem vel in actu
 primo, quatenus potens est reddere homi-
 nem bonum aut malum, vel in actu secundo,
 quatenus facit talē, quarum actionum altera
 est & cluit objectum Ethices materiale po-
 sitivum, quod illa proximè atque imme-
 diatè attingit, cujus principia, partes sub-
 jectivas, proprietates explanat, quodquē a-
 deò docet operari, qui finis in habitibus
 Practicis, altera objectum negativum, quo
 de ideò non agit per se, verum per acci-
 dens, sicut Logica de operationibus intelle-
 ctus pravis, nec ut illius doceat praxin, sed
 ut dedoceat, adeoque non nisi reductivè
 quomodo opposita ad eandem scientiam
 pertinere dicuntur. *Utraque utraque tam*
Bo-

Bona, quàm Mala, Spontanea sive Voluntaria, ut quæ προαιρετικὴ utraque, si minùs explicitè semper, minimùm implicitè. Dico sive voluntaria. Quanquam enim τὸ spontè in latitudine etiam rebus inanimis & brutis conveniat, cùm sit vox ab uno, ideoquè primò aliquid significet, aliud secundo loco, quomodo equum dicimus spontè per prata currere, dum solutus est frenis, vermes spontè se contrahere & extendere, lapidem spontè descendere : (cùm enim eis competat operari per vim, bestiis etiam, persuade perfectioribus, per inscitiam, quod est operari invitè, quidni & τὸ spontè, quoniam opposita sunt nata fieri in eodem?) propriè tamen animatis rationalibus tribuitur, nominatim homini. Quid enim aliud spontè agere vi etymi, quàm voluntate propriâ spondere agere, quæ voluntas, à quâ denominativè dicitur voluntarium, non cadit in bestias, nedum in inanimata. Taceo, quòd τὸ operari verè spontè ad actiones dignas laude & vituperio, præmio vel pœnâ, pertineat, quæ homini propriè competunt, non etiam jumentis & fœris, quæ non habent dominium sui actus, cùm non tam agant, quàm agantur, ideoquè nec veram spontaneitatem, quam non evertit in homine, quod τὸ appetibile, à quo appetitus ejus movetur ad agendum, sit extra, spontanei verò principium intra.

Quamvis enim principium ejus sit intra tamen non est contra rationem, ut principium illud intrinsecū moveatur ab extrinsecō, quia non est abscissē de ratione spontanei, ut principium intrinsecum sit principium primum, sed ut proximum. Scilicet τὸ operari spontē, (ut rem mittam in compendium,) est operari cum appetitu. Operans cum appetitu vel operatur sine cognitione, ut inanima, & animata imperfectiora, vel cum cognitione, eâque vel obscurâ, ut animata irrationalia perfectiora, vel distinctâ, ut homo, qui germanissimē spontē agit, quia agit cum voluntate & ratione. Quam in rem sic divinē Thomas: Ad rationem voluntarii, inquit, requiritur, ut principium actus sit intra, cum aliquâ finis cognitione. Hæc cognitio finis vel perfecta est, vel imperfecta. Perfecta cognitio finis est, quando nō solū apprehēditur res, quæ est finis, sed etiā cognoscitur ratio finis, & proportio ejus, quod ordinatur ad finem, qualis cognitio cōpetit soli naturæ rationali. Imperfecta cognitio finis est, quæ in solâ finis apprehensione consistit sine hoc, ut cognoscatur ratio finis, & proportio actus ad finē, qualis reperitur in brutis per sensum atque æstimationē naturalem. Unde colligitur, soli rationali naturæ cōpetere voluntariū secundum rationem perfectā, brutis verò animalibus secundū rationem imperfectā, quoniam

niam & in his est principium, non solum ut agant, sed etiam ut agant propter finem, neutrum verò competere inanimis, ut quæ nullam notitiam finis habeant, neque tam moveant seipsa, quàm ab aliis moveantur. Quamvis enim & in eis sit principium motus, non tamen ejus motus principium est in iis, quod est moveri propter finem, quod principium in alio, à quo ipsis imprimitur principium suæ motionis in finem: Hæc Thomas. *Sicut verò Actio Moralis Differens, eaque tam Bona quàm Mala, Spontanea est sive Voluntaria, ita Actio Moralis Indifferens, eaque nec Bona, nec Mala, Invita sive Involuntaria ferè, vel idèd, quia omnis actionum bonitas ac malitia moralis non ab opere aut eventu æstimanda est, verùm ab animo, qui si abest, uti abest in invito, moraliter quis nec benè nec malè fecisse præsumitur. Unde in foro Politico sive externo factum inuitum habetur pro infecto moraliter* *invenit* quâdam, licet interim in foro interno sive animæ sit peccatum. Quod dixi de eventu, id eventualiter, & cum interstinctionis colo ac commate accipiendum est. Vel enim eventus ille est præcogitatus, vel incogitatus: Si prius, addit ad bonitatem vel malitiam: si posterius, si per se sequatur ex actu, & ut in pluribus, tunc addit ad bonitatem vel malitiam actus, si per accidens, & ut in paucioribus,

non item. Neque enim iudicium datur de re aliquâ secundum illud, quod est per accidens, sed solum secundum illud, quod est per se, quomodo virtutem causæ judicari videas secundum effectus per se, non per accidens, conquē venienter pœnam, quæ infligitur v. g. domino bovis cornupetæ, augeri quidem ex eventu, sed quatenus ille per se sequitur ex tali causâ, ut non præintensus, ita præcogitatus, saltem non incogitatus. *Sed undenam noscitare possum, quærat argutulus, quænam actiones sint moraliter differentes, hoc est, bonæ vel malæ moraliter, quæ indifferentes, hoc est, nec bonæ nec malæ moraliter?* Ex necessariorum requisitorum affectu vel defectu, præsentia vel absentia. *Actiones Moraliter Bonæ sunt,* quæ habent hæc quatuor requisita conjunctim, Voluntatem Agentis, Bonitatem Objecti, Bonitatem Finis, denique Bonitatem Circumstantiæ. Sola voluntas agentis non constituit actionem bonam moraliter, tum quia, tanquam causa efficiens extrinseca, non est de essentia actionis, ideoquē inter actiones essentialem differentiam constituere nequit, tum quia, à quâ voluntate procedere potest bonitas, ab eadem etiam malitia, tum quia actio mala esse potest, tametsi involuntaria, prout patet ex ipsâ *power*, & primâ commotione concupiscentiæ, quæ mala, & lege Dei prohibita. Nec obstat in-

con-

contrarium, quòd à voluntate petantur delictorum gradus, ratione majoris minorisve intensiōis, extensiōis, protensiōis, Sicut enim ob majorem approximationem ignis ad aquam gradus caloris intenduntur in aquà, essentialis tamen caloris à frigore differentia inde non habetur, gemino modo τὸ voluntarium auget quidem benè vel malè factum, essentialē interim ei differentiam non largitur, non plus, quàm circumstantiæ, quæ delictum augent, non faciunt. Non magis obstat, quòd sic nihil differre videatur actio humana à bestiali. Quamvis enim & homo & bestia agant nonnulla *ἀνθρώπιως*, tamen actio bestię invita, nec bona, nec mala: Non bona, quia nec in voluntate, nec à causâ voluntariâ, sicut actiones in homine bonæ non voluntariæ: Non mala, quia v. g. cornupetitiō bovis invita non est *ἀνθρώπινα* privativa, sed negativa. Sola objecti bonitas non constituit actionem bonam moraliter, speciemquē si vè specificationem dat. Tametsi enim objectum distinguat actus inter se, v. g., actum furandi ab actu latrocinandi, ramen in genere moris primò & per se non distinguit actus bonitatem à malitiâ. Unde namque, amabò, colligere potis sit ratio nostra, unde, objectum hoc vel illud esse honestum? Dico solà, & primò ac per se: Aliàs siquidem, sicut in rebus naturalibus speciem

ciem dat forma, ita in moralibus suo loco objectum, pro cuius ratione actus tam interni quàm externi sunt conformes vel difformes & inconformes rectæ rationi, accipiuntquæ bonitatem ac malitiam, tam formalem, quàm objectivam, ab objecto, verum integro, conflato ex materiali & formali, sive ex re volitâ, & ratione volendi, quorum alterutrum si absit, actus haud dubiè malus est, ut si quis furetur, quò det eleemosynam. Sicut enim dare eleemosynam, (ut maneam in hoc circo,) bonum est, quia est objectum conveniens, quod exhibeatur pauperi, talequæ esse judicatur à rectâ ratione, ita non dare eleemosynam pauperi, cùm debeas, malum atque inconforme rationi, eripere eidem eleemosynam, quam ab alio acceperit, id verò pejus in comparatione, magisque inconforme rationi, quarum actionum species ex objecto utrique. Nec obstat etiam hîc in contrarium, quòd objecta non videantur habere bonitatem malitiamvè moralem, ideoquæ neutram præstare queant actibus. Quamvis enim illam non habeant formaliter, habent tamen causaliter atque objectivè. Cùm enim dicitur, actus specificari ab objecto, hoc non in eam interpretandum partem, quasi species, quæ est in objecto, redundet & transfundatur in actum, quem specificat, sed quòd per ordinem ad illud objectum

constituatur specifica ratio actus. Ut ita bonitas ac malitia moralis formalis fit in ipso actu, quatenus à ratione & voluntate procedit, materialis verò quidem & ipsa in actu, verum quatenus ab his procedit, atque ut perficitur à suâ potentiâ in objectum, ad quod humanæ actiones referuntur, ut ad mensuram sui esse, & causam formalem extrinsecam. Sic vita v. g. proximi, & res proximi, (ut rem exemplo illustratum eam,) est objectum, nec habet vel bonitatem vel malitiam moralem, & tamen circa illam versatur, ut hominis saluum, ita hominis perditionem, sive homicidium, circa hanc, ut abstinentia à re proximi, ita inabstinentia, sive furtum, quarum rerum alteræ bonæ moraliter, alteræ malæ, haud quidem à parte rei, ut sunt, verum ut proponuntur à ratione. Sola finis bonitas, aut intentio boni finis, & ipsa non constituit actionem moraliter bonam, quia enim fieri potest, ut finis sit optimus, media verò pessima. Ita exerceat quis v. g. prædatoriam terrâ, piraticam mari, quò proximum cum paupertate conflictantem sublevet, bonam ille quidem rem intendet, sed non bonè, intentionemquæ habebit boni, at non bonam, quæ non permittit electionem mediæ mali. Sicut enim ex veris principiis non potest inferri falsa conclusio, ita nec ex intentione bonâ electio turpis;

pis. Ut ita ad formalem bonitatem actus non magis in sensu diviso sufficiat bonitas finis, quàm bonitas objecti, cùm quod bonum sæpè est ex objecto, id malum sit ex fine, ut si quis eleemosynam det vanæ gloriolæ causâ, & contrà, quod bonum est ex fine, id malum sit ex objecto, ut si quis misericordiâ motus eleemosynam det eo fine, quo dari solet, verùm de alieno, sive re furtivâ. Sola denique bonitas adjunctæ circumstantiæ non constituit actionem moraliter bonam, semel, quia non pertinet ad substantiam actus, iterum, quia quod bonum sæpè est ex objecto & fine, id malum nonnunquam est propter solam circumstantiam, cùm optimæ actioni possit adhærere circumstantia pessima. Sic pugnare v. g. cum hoste, propter victoriam, in bello licito, bonum & ratione objecti, & finis, at si id facias loco & tempore inopportunis, malum est propter circumstantias, quæ augent quandoque tantùm vel minuunt bonitatem & malitiam moralem, quæ inantè aderat, non specificant, quomodo si quis multum accipiat de re alienâ, furtum ea res haud facit, sed reddit majus, sicut si quis multum eroget in honorem divinum, actionem bonam ea res non facit, verùm meliorem. Sed cur, quod bonum sæpè ex objecto & fine, id malum propter circumstantias? Quia enim recta ratio non tantùm præscri-

scribit, quid fieri oporteat, & quâ fini, sed etiam quando & ubi, quæ ideò concurrere convenit ad actionem perfectè bonam. *Actiones Moraliter Malæ sunt*, quæ aliquo horum requisitorum destituuntur, ut si quis liberalis, verùm populariter, publice, precabundus, verùm hypocriticè & Pharisaicè. Sicut enim bonum causatur ex integrâ causâ, ita malum ex quolibet defectu. Quo fit, ut actus nostri ex omnibus modò commemoratis conditionibus videntur, & deficiente vel unâ jam non sint conformes sed diffformes rationi, licet inde interim præcipuè mali dicantur, quia discedunt discessu non negativo sed privativo à lege æternâ. *Actiones Moraliter nec Bonæ nec Malæ sunt*, quæ cùm per se ac sui naturâ sint indifferentes, bonæ tamen aut malæ fiunt, vel latâ civili lege, vel ob circumstantias adjectas. Sic digitum exerere pallio, festucam de terrâ levare, caput fricare, baculum manu movere, morales actiones non sunt, quâ tales, cùm differentiæ boni & mali in iis non reperiantur, sicut nec, quòd Paulus, Apostolus gentium, Timotheum circumcidit, non circumcidit Titum tempore nascentis Christianismi, rebus indifferentibus pro indole atque ingenio ejus temporis usus indifferenter, contra Petri cõapostoli & cõevangelistæ li maleficium, qui contra naturam rerum in.

indifferentium cōēgit gentes Judaizare, rebus indifferentibus usus ut necessariis. Excipis: Inter contradictoria non dari medium, ergò nec inter actiones moraliter bonas & malas! Redexcipio, has non contradictorias, sed contrarias esse. Instas: Obiectum vel esse conforme rationi, vel inconforme, nec dari tertium? Obinſto, dari non quidem positivè, sed negativè, hoc est, non quidem per deformitatem aut difformitatem positivam, sed per non conformitatem, quæ mediat inter conformitatem & difformitatem sive deformitatem

CAPUT XXVI.

Vtriusque, tam Spontanei, quàm Inviti, sectio in rō Simplex, & Secundum quid: Simplicis Inviti iterum in Invitum per Vim, & per Ignorantiam, cum hujus divisionibus, & subdivisionibus, Simplicisque Spontanei Compositione cum Invito Simplicis, interposito judicio Philosophico.

Actio Moralis, tam Spontanea, quàm Invita, vel Simplex est, vel talis Secundum Quid. Actio Moralis Spontanea Simplex est, quando actionis principium est in eo, qui agit, cum singularum circumſtantiarum cognitione, sive, cū quis illud, quod in suā potestate est, volens ſciensquē fa-

facit, ut si quem, quâ re, quo modo, quam obrem, non ignoret, & hoc amplius, neque casu, aut vi metuvè coactus faciat, quod facit. Ut ita ad τὸ sponte germanum duo sint connecessaria, videlicet Scientia & Potentia, Potentia & Scientia. Alterutrum si absit, non est spontaneum, ut si, quem sciam esse patrem, percutiam, verùm metu & vi subactus, aut à nemine quidem coactus, sed patrem eum esse ignorem, quo in casu etsi quis intendat actionem secundum substantiam, agit tamen invitus, siquidem factum sequatur pœnitentia cum Oedipo, quia eam non intendit secundum qualitatem ac differentiam moralem, quæ pender à circumstantiis illis, quas ignorat, utiquè ignorantem ignorantia in terminis excuset secundum quid, sive in tantum, excusat nihilominus eum in totum sive totaliter à re ignoratâ, v. g. Oedipum, ut non ab adulterio & homicidio, ita ab incestu & parricidio, quem incestum & quod parricidium sibi conscivit inconsultò, ergò non spontè. Ut enim non semper valeat syllogistic, hoc est factum spontè, quare consultò, quia quædam spontè sunt etiam inconsultò, ut quæ irâ aut simili perturbatione fiunt, temerè, inquam, impetu atque ardore quodam cum Milone, qui Clodium occidit non consultò, atque absque antegressâ deliberatione, spontè tamen, valet
ni-

nihilominus altera, hoc est factum consultò, quare spontè cum Clodio, qui Milonem consultò aggressus est, ideoquè non non spontè. *Actio Moralis Simplex Invita est*, quæ per Vim, aut per Ignorantiam fit, quarum illa adversatur Potentiæ, eiquè tam naturali, ut si ennuchus impotenter contrahat matrimonium, quàm legali, ut si Pulcheria nubat Martiano sub virginitatis fide, hæc Scientiæ, absque quâ quod fit, nec benè nec malè factum dicitur. Utut interim etiam à sciente quædam invitè fieri possint, nempè quòd in ejus non sint manu & potestate, ut fit in naturalibus actionibus & perpeffionibus, quæ scientibus nobis contingunt, verùm invitis per se, ut senescere, canescere, mori, cibum concoquere, volentibus per accidens. Quàmvis enim propriè nobis invitis accidant, cùm à naturâ pendeant, quia tamen & nos aliquid opellæ conferimus, accersendo mortem, retardando canos, reprimendo famem, eâ re quodammodò etiam in nostrâ potestate dici possunt, ac proindè non sunt planè invita. *Actio hæc Invita Simplex* (ut à privativo, hoc est, non spontaneo, incedam ad positivum, hoc est, spontaneum, quia major in illo varietas, major animi advertentia, quàm in hoc, cùm rò invitum, ut quod pendeat à principio externo, incurrat in oculos, non item, saltem non æquè, spontaneum, quod pen-

pendet à principio interno , inincurrente in sensus :) *duplex est. Vel enim est talis per Vim, vel per Ignorantiam: Illa Invitum per Vim, hæc per Ignorantiam indigetatur. Invitum per Vim est* , cujus principium est extra, atque ejusmodi, nihil ut adjumenti afferat is, qui agit, aut patitur. Græcè Philosophantibus βίασιον , Latine Philosophantibus violentum dicitur, sed rectius & correctius vi-factum. Neque enim vocabulum βίασιον hîc est ενεργητικόν , quomodo ventos tempestates homines violentos dicimus, quia vim afferunt, sed παθητικόν , capiundo id de iis, quæ vi fiunt, hoc est, per majoris rei impetum, qui repelli non potest , ut cùm tempestare quis ad scopulum alliditur , aut miles ad aram nolens vi gestatur , vel quis Rhodo pulsus eandem ad insulam ventorum impetu refertur , perqué lictorem invitum in custodiam ducitur, quæ vis utique, ad quam tria requiruntur , ut actionis principium sit externum, ut benè validum, ut nihil ad id conferat is, qui agit , aut patitur. Sed juvat αναλύειν Ἀριστοτελικῶς. Definitum est τὸ vi-factum. Definitur à Philosopho per principium, non quodvis, sed externū, nec hoc quodvis, non utique per finem sed efficientem, nec hanc quamvis , non utique per naturam, quæ principium internum, artemvè, cùm artificum opera omnia fiant quidem principio externo, cista v.g. non suâ

vi, verum manu opificis, neque tamen vi, sed nec per reliqua efficientia externa, cum quis ab aliquo deportari possit volens, quod externum principium, neque tamen vi factum, verum per principium externum violentum, ubi nihil adjumenti afferi is, qui agit aut patitur quibus verbis diversis respectibus eandem personam denotat Philosophus. Eâ quippè ratione, quâ quis suscipit in se vim, dicitur patiens, eâ porro ratione, quâ compulsus agit, agens, ut si quis baculû habens in manu coactus à potentiore percutiat alterum. Quæ causa, quare idem modò conjungat agentem & patientem, modò disjungat in circumscriptione τῷ βιάσθαι & aliàs τὸν βιάσθαιμενον denominet ab agente, aliàs à patiente, aliàs ab utroque, quoniam nonnunquam illud, in quod externum agens operatur, solum patitur, ut fit in motu violento lapidis sursum, ignis deorsum, nonnunquam est intermedium & partim agit, partim patitur, ut quando quid coacti agimus, quo in casu nos cooperantes sumus id, quod primus motor operatur. *An verò voluntas cogi possit per accessoriam sive externam vim, eique violentia inferri aut afferri, sicut eam fieri videmus corpori organico, singulisque ejus organis dictum, quæstio est classica, super quâ magno hiatu & conatu classicum canunt Moralistæ clas-*

classici, neque id uno tenore omnes. Alii siquidem distinguunt heic inter actus voluntatis elicitos sive immediatos, qualis v. g. velle, & imperatos sive mediatos, mediante aliâ potentiâ exercitos, qualis v. g. ambulare: In illis, nempe actibus voluntatis elicivis, voluntatem vim pati posse negant, ne materialiter quidem, quia procedunt ab intrinseco affectu atque inclinatione ipsius voluntatis, adeoque à principio intrinseco, jam verò repugnat, esse quid voluntarium, sive ab inclinatione intrinsecâ, & principio intrinseco, & esse violentum, sive à principio extrinseco, contra inclinationem intrinsecam, quæ contradictio in adjecto, cum $\tau\delta$ velle sit naturaliter ad aliquid inclinare, sive ex interno principio ad id ferri, cogi verò ab externo principio & non naturali moveri: Aut, si voluntas etiam quoad actus elicitos vim potis est pati, tunc verò vim illam illa patitur, vel antequam actus illi eliciantur, vel postquam sunt elicti: Non antequam eliciantur, quia fieri nequit, ut ab aliquo quis cogatur, hoc ut velit, illud nolit, nisi mutatâ voluntate cœperit nolle, quod voluit, velle, quod noluit, & quia sic homo, siquidem cogi posset ad actum voluntatis eliciendum, imperfectior foret bestiis, quarum appetitum nullus cogere metus potest, cum sit naturalis positisque omnibus ad agendum necessariis

requisitis connecessarius , quomodo nemo v. g. facere potest, ut musca non delectetur cibo, aranea textu telæ : Sed nec postquam sunt elicit, quia impossibile, cū velis , ut ab aliquo cogaris, ut nolis , quoniam nemo simul potest velle & nolle, nolle & velle: Adeoquē si cogeretur voluntas, tū verò cogeretur, vel à iudicio intellectus, vel à concursu divino, vel ab affectibus, nominatim metu, vel à volentiâ, vel à lege: Non à iudicio intellectus, quia sic semper positis duobus inæqualibus majus præferret minori in electione, quia hoc mens celebrandum judicat, cū sæpè præoptet minus, eò quòd intellectus eam moveat, non secūs ac sanitas , quæ nondum est, appetitum ægri, hoc est, motu metaphorico, non propriè dicto, inque genere causæ efficiētis , determinet quin etiam, verūm determinatione, non coactivâ , sed cōsultativâ, id est, eâ, quæ libertatē voluntati relinquit salvam, ut suo loco dicemus: Non etiam à concursu divino , cū cooperatio Dei & creaturæ sit actio una eademquē, nulla autem actio una eademquē cogat se ipsam violenter: Nec ab affectibus, quia si affectus cogerent voluntatem , tunc semper id facerent , atqui sæpè iis reluctatur voluntas , rectæ rationis directorium secuta : Nominatim metu , quia sæpè id suscipit voluntas, à quometus periculi deterret , uti id animadvertere est spiritualiter in martyribus,

ribus, moraliter in audacibus : Sed nec à violentiâ , quia , quamvis ea cogere possit locomotivam, ne exequatur, quod voluntas vult omni animi conatu , tamen in medio violentiæ ardore non cogitur , quo exemplo videmus, hominem cruciarium, & patibuli candidatum, eo ipso articulo , quo ad crucem abducitur, velle inabduci : Nec denique à lege , quia quamvis ejus obligatio cogat Politicè voluntatem de jure , tamen non cogit Physicè de facto , renitente sive in contrarium nitente voluntate. In his, (nempè actibus voluntatis imperativis,) voluntatem omninò vim pati posse aitant, in quantum per exoticam vim exteriora membra impediri queunt , quò minus imperium voluntatis exequantur. Quanquam enim sit in cujusque manu & genu , qui velit, non est tamen peræquè sive adæquè, quid possit vel facere cuiquam , vel pati à quoquam. Ut ita voluntas vim pati possit in actibus aliarum potentiarum, quæ agere, atque applicari ab extrinseco possunt ad agendum , homine renitente per voluntatem, ut cùm quis aliò invitatus rapitur, contra voluntatem atque appetitum elicitum, quod ubi fit , homo in actibus imperatis materialiter patitur vim. Cùm enim actus illi sint violenti , voluntarii utique esse nequeunt, imperativè à voluntatè. Alii heic distinguunt inter vim activam & passivam,

G 2

qua-

quarum illâ homo cogitur agere , v. g. voluntate repugnante videre, audire, currere, hâc pati, v. g. aliquid in se suscipere voluntate reclamante , persuade, habitum infusum, aliamvè qualitatem. Alii denique inter coactionem βίασιν, civilem, quæ in armis gladiis externâquæ violentiâ consistit, nihilquæ est aliud , quàm compulsio ad actum, aut actus inhibitionem , à principio extrinseco , naturali voluntatis inclinatio-
 ni contraveniens, violenta, inquam, impulsio, ab externo principio profecta , & ἡγεμονικὴν, moralem, quâ spes præmii laudis honoris alicui proponitur , delicti gravitas ostenditur, pœnæ subsecuturæ , infamiæquæ ac vituperii notæ , ob oculos ponuntur. Voluntas cogi potest, non priori, sed posteriori modo, putà moraliter, non civiliter, hoc est, impelli, moveri, flecti, atque ad frugem perducì potest voluntas , non autem cogi propriè. Quòd si objiciendo dicas , saltem Deum posse necessitare voluntatem ad actus suos , ita ut nullo modo possit reniti, igitur & cogere eam , quare voluntatem posse cogi minimùm ut sic : Responsi loco accipies à Scholâ , hujuscemodi actus esse quidem necessarios , at non violentos , magnumquæ discrimen esse inter τὸ pati necessitatem , & τὸ pati vim sive violentiam. Quin voluntas , tam in actibus elicitis, quàm imperatis , possit pati
 ne-

necessitatem, nemo negâssit, ne Carneade^s quidem, quia à Deo determinari, atque ad agendum necessitari est nata: Sed hi actus propterea non desinunt esse voluntarii, licet sint necessarii, quia fiunt ab intrinsecâ inclinatione, nullo modo renitente voluntate. Verùm redeamus ex hoc diverticulo in diversorium nostrum. *Invitum Simplex per Ignorantiâ sive ex Ignorantiâ est*, cùm ignorantia est causa actionis, non aliud quidpiam, quod ignorantiam induxit, putà, affectus aliquis, aut corporis, ut ebrietas, aut animi, ut ira, qualiter agentes ignorantes quidem ignorantervé agunt, at non per ignorantiam, quoniam in illorum potestate fuit, istâ ignorantia, quæ principium actionum invitum internum, propter quod homo in actione actionisvé circumstantiis errat, princepsqué adeò causa, cur quid agamus, non acturi, nisi adfuisse, non laborare. *Ignorantia hæc variè dividitur in Scholis. 1. Respectu Intellectus in Theoreticam & Practicam.* Ignorantia Theoretica est, cùm ignoratur, an, quid, & qualis res sit: Practica, cùm ignoratur, utrum illa sit bona, vel mala. Conjunctam hæc quandoque habet Ignorantiam Theoreticam, & plerunque Ignorantiam, quam vocant, Interpretativam, quæ nihil aliud, quàm inconsiderantia intellectus, cùm quis, quamvis sciat id esse malum, quod vult, non

considerat aut recogitat tamen, certè non ita diligenter, atque vel poterat, vel debebat. *II. Respectu Voluntatis in Voluntariam & Involuntariam.* Ignorantia Voluntaria est, quæ directè vel indirectè est volita. Duplex numero. Velenim est Vera, vel Simulata si-
 ve Affectata. Ignorantia Voluntaria Vera iterum aut Actualis est, simpliciter ipsoquæ actu talis, concomitans Scholasticis, eò quòd comitetur voluntatem, ut cùm quis, quod facit, facit quidem ignorans, sed id ipsum faceret, si maximè sciret, v. g., interficit hostem suum ignorans, idem factur-
 us sciens, quo in punctistitio τὰ ignorare & velle eodem hospitantur in subjecto, neque tamen vel ignorantia voluntatis est causa, quoniam, si quis maximè non ignoraret, ta-
 men veller, vel voluntas ignorantiae, aut Virtualis, talis virtualiter, atque in suâ cau-
 sâ, quoniam causa, quâ quis sibi hanc igno-
 rantiam contraxit, fuit voluntaria, ut si quis cum Lacedæmoniis approbet furta in-
 geniosa, antecedente sepulturâ morali se-
 minum, de justo & injusto, honesto & in-
 honesto, in animum divinitus sparsorum. Adhuc duplex, Dispositiva videlicet & Ha-
 bitualis. Ignorantia Dispositiva est, cùm quis ex affectu quopiam, aut levi de causâ, consentit in causam ignorantiae, v. g. homo in ebrietatem, iramvè: Ignorantia Habi-
 tualis est, cùm quis constanti quâdam con-
 sue-

ſuetudine iſtam ignorantiam, ſive cæcitate in ſuſcipiendis conſiliis, ſibi petulanter attraxit, v. g. per ebrioſitatem iracundiamvé, non jam peccans per illas, ſed per has. Ignorantia Voluntaria Simulata eſt, cum quis ſimulat ſe ignorare, quod ſcire nolle, ut ſi medicus noſcitabundus, dicam, an ignorabundus opium pro apio præbeat, aut apium pro opio. Affectata audit aliter, propter ignorantia affectationem uſurpationemqué, quoniam per eam neſcimus, ſaltem neſciturimus ea ſæpè, quæ inquirere ac ſcite poteramus, debebamusqué, & de jure, & de facto, & in univerſali, & in particulari. Hæc qui peccant, non peccant propriè δι' ἀγνοίας, verùm ἀγνοούντες, ſicuti per ignorantiam in affectatam, hoc eſt, probabilem & improvidam, qui peccant, non ἀγνοούντες, verùm δι' ἀγνοίας, Ecquâ de re? Quia enim in affectatâ ignorantia erroris cauſa non eſt propriè inſcitia, ſed agentis volûtas improbitas & ignavia, in in affectatâ verò & probabili cauſa non agentis inertia, ſed fortuna, quin immò ignorantia ipſa, eò quòd in tantâ fortuitorum caſuum varietate multa etiã maximè prudenti accidere poſſint non præviſa, aut non ſatis cognita ut ſi forte fortunâ paterfamilias domi ſuæ recipiat furem, quem talem eſſe neſciebat, patervé in teſtamẽto prætereat filium, nunciatâ ſalo ejus morte. Unde etiã pro invo-

luntariâ habetur. Ignorantia Involuntaria est, quæ neque directè neque indirectè est volita. Et ipsa duplex numero. Vel enim est Negativa, vel Privativa. Ignorantia Involuntaria Negativa est mera nescientia ejus, quod quis nec scire poterat, nec debebat. Ignorantia antecedens Scholasticis, eò quòd omnem actum voluntatis antecedar, item invincibilis, eò quòd morali diligentia superari nequeat, causaquæ sit, ut quis quid velit, quod si sciret, nollet. Ignorantia καὶ ἀπὸ φασιν Græcis, simplicis negationis Latinis. Adhuc duplex, Juris nimirum & Facti. Ignorantia Negativa Juris est, cùm quis nec debuit nec potuit illud jus, in quod peccavit, scire, ut cùm malè caligatus Caligula jura sanxit, sed vel illa non promulgavit, vel minutissimis characteribus descripsit, & quidem in loco angusto atque obscuro. Ignorantia Negativa Facti est, cùm quis factum aliquod ignorat, quod nec scire poterat, nec debebat, ut si peregrè absens nesciat decessisse eum, cujus ipse est heres. Ignorantia Involuntaria Privativa est nescientia ejus, quod quis & poterat scire, & debebat. Ignorantia vincibilis Scholasticis, eò quòd morali diligentia superari queat, καὶ ἀπὸ διὰ θεσιν Græcis, pravæ dispositionis Latinis. Et ipsa duplex, Juris videlicet & Facti. Ignorantia Privativa Juris est, cùm

cùm quis jus suum, in quod peccavit, scire poterat, aut debebat, idquẽ tam universale, quale jus naturæ, in quo nemo sanæ mentis, & justæ ætatis, potest ignorantiam prætendere commissis suis ommissivẽ, cùm præcepta ejus adedò sint evidentia, ut consilii regionem fugere nequeant, quàm particulare, quale positivum, in quo consimiliter nemo rectæ mentis & ætatis potest allegare eandem, cùm quilibet teneatur scire jus suæ Reipublicæ, in quâ agit, exceptis specialibus casibus, in quibus ipsius juris dispensatione & dispositione indultum est jus ignorare militibus, scæminis, rusticis, minorenibus. Ignorantia Privativa Facti est, cùm quis ignorat factum esse, quod scire poterat homo, neque omninò curiosissimus, neque omninò negligentissimus, vel brevius, cùm quis ignorat factum, idquẽ vel suum, vel alienum. Ad ignorantiam facti nostri pertinet artificum imperitia, quæ culpæ annumeratur, ad ignorantiam verò facti alieni, cùm quis v. g. propter locorum intervalla non resciscit cognatum vitæ functum esse, seriusquẽ ex eo petit hereditatem, quarum ignorantiarum prior affectata ferè, posterior probabilis. Ignorantia hæc Facti universè vel Objectorum est, vel Mediorum, vel Finium. Ignorantia Objectorum iterum est, vel Personarum, ut cùm Jacobus patriarcha Leam duxit pro Rachele, vel Rerũ,

ut cùm Ceres à Tantalò invitata carnem humanam inscia comedit, vel Verborum, ut si quis inter loquendum per imprudenciam verba quædam proferat, quæ nunquam in animo habuit proferre. Ignorantia Mediorum vel Instrumenti est, ut si quis alium bombardâ transverberet, ignorans eam esse saburratam pulvere pyrio, hæcâvé lædat, quam putabat esse obtuso mucrone, cum fuerit acuto, jactuvè lapidis vulneret, cùm non putârit esse lapidem, sed pumicem, vel Modi, ut si quis gladiatorum, gladio alterum leviter attacturus, graviter eum consauciet, talovè astragalo clavi aut cucumâ quem interficiat in rixâ, vel Loci, ut si quis bombardam in castris aut munitionibus jovialiter explodat, ignorans hoc ipsum esse prohibitum, vel Temporis, ut si quis die veneris carnibus vescatur, nescius interdicti pseudo-ecclesiastici, profestovè die rem divinam faciat, credens eum esse festum. Ignorantia Finium vel est finis per se, ejusque vel subordinati, vel ultimi, ut si quem castigandi atque emendandi animo percussu in quis morti det, medicusvè præbito medicamento valetudinis recuperandæ causâ, ægrotum non curet, verùm interficiat, vel per accidens, ut si quis usum rei, ad quam accidentario casu tendit, vini v. g. Armeniaci efficiam ignoret cum Noacho cataclystâ. Sed hæc Ignorantia ad

Igno-

Ignorantiam Circumstantiarum , quâ ignoratur circumstantiæ , in quibus totius actionis cardo vertitur , pertinet scilicet , quæ hæc. *Τίς*, quis faciat , aut fecisse ignoret ? Quæ circumstantia vix ignorari potest , cum nemo possit ignorare seipsum. *Τί*, quid faciat , aut fecisse ignoret ? *Τίνι*, quâ in re, seu in quem ? *Περί τίνος*, quâ re & facultate velut organo ? *Ἐν ἑκάστῳ*, cujus rei causâ ? *Πῶς*, quo agendi modo ? *Ποῦ*, ubi, seu quo loco ? *Ὅτε*, quando , seu quo tempore ? Cujus orationarii hæc ratio reddi solet à Moralistis. In actionibus , inquirunt, spectatur & res semper, & rei causa, cum suis adjunctis. De re quæri solet , quid sit, ut quodd sit factum ? De causâ, utrum efficiens, finis, materia, forma ? Ab efficiente principali manat attributum quis , ab adjuvante, quo organo, à fine, cujus rei gratiâ, à materiâ, quâ in re, aut in quem, à formâ, quomodo. De adjunctis rei quæri solet, quo quid factum sit loco, & tempore, atque hinc porro manant attributa ubi & quando. Ubi per terminum quid in catalogo sive syllabo circumstantiarum non intelligitur ipsa substantia actus , cum actus nequeat esse circumstantia, ut quæ sic dicatur , quasi circa substantiam actus existens , sed porius conditio quædam annexa , sive accidens effectus per actum producti, argumento, quod ipsa actus substantia ignorari potest , licet

circumstantiæ sint notæ, & contrà: Similiter per terminum, cujus rei gratiâ, non intelligitur finis, qui dat speciem actus, qui & ipse non est circumstantia, verùm aliquis finis adjunctus, ut quod fortis agat fortiter, non propter bonum fortitudinis, qui finis specificans, sed propter liberationem civium, aut populi Christiani, qui finis accessorius: Sicut nec per terminum materiæ materia propriè dicta, quæ & ipsa non est circumstantia, verùm consequens ejus, quomodo quòd aliquis, perfundens quem aquâ, eum abluat, hæc non est circumstantia ablutionis, sed quòd abluendo eum infrigidet calefaciatvé. Idem pronuncians: dum videtur de formâ seu modo, per quem heic non intelligitur substantialis forma actus, sed qualitas quædam accidentalis. Franciscus Piccolomineus præallegatis circumstantiis superaddit per libertatem, dicam, an liberalitatem Philosophicam, circumstantias coram quo & quàm diu, sed harum alteram commodè ad modum, alteram ad tempus agendi modificatum revocâssis. Alii obaddunt circumstantiam quoties, quæ inter circumstantias recenseri nequit, quia enim eæ circa eundem actum sunt, numerus autem non citcumstat unam eandemquæ actionem, verùm diversas. Ex his (persuade circumstantiis,) *κρυψιόταται* principalissimæ sunt, objectum, sive res ipsa,

psa, quæ agitur, & finis, five tamen cujus gratiâ agitur res. De objecto seu re ratio illa, quod facta pleraque ex strato distingui soleant, parricidium v. g. à cæde simplici, adulterium à stupro: De fine ista, quod in omni facto maximum sit positum in eo momentum, adeò, ut non tam quæratür sæpenu-merò, quid sit factum, quàm quo animo & fine: De utrisque hæc, quod voluntatis moti-
vum sit objectum & finis. Reliquæ circumstantiæ omnes sunt minùs principales, magis minusvè in suo orbe, secundum quod magis vel minùs ad has approxi-
mant. Neque quid operatur in contrarium, quod finis sit extrinsecus rei, sicuti suo loco locus & tempus? Quamvis namque finis non sit de substantiâ actus, sicut nec locus, tempusvè, tamen est & manet causa actus primaria ac palmaria, inquantum movet agentem ad agendum. Unde & actus mora-
lis maximè speciem accipit ex fine, proxime verò ex objecto. Dico maximè & proxime. Nam & à cæteris circumstantiis pendet actionum moralium discrimen, hoc est, bonitas ac malitia moralis, atque utriusque gradus. Bonitas & malitia moralis. Quamvis enim species actus maximè sit ex fine, proxime verò ex objecto, tamen reliquæ circumstantiæ & ipsæ dant speciẽ actui, quatenus considerantur, ut quædã conditio ob-
jecti, qualique quædã ad specifica differentia
ejus:

ejus: Quamvis item circumstantiæ, manentes in ratione circumstantiæ, non dent speciem, cum habeant rationem accidentis, tamen dant, inquantum præter principalem illam conditionem objecti, inquam mutantur, & quam induunt, important aliquam consonantiam vel dissonantiam ad rationem, unde utriusque perspicuè proficiuntur gradus, pro consonantiâ vel dissonantiâ ad rationem majore minorivé, ita tamen, ut gradus illi moralitatis nequaquam specificent, eò quòd majus & minus non diversificent speciẽ, ut habet maxima. Sic v.g. tollere alienum in magnâ vel parvâ quantitate, non diversificat speciem peccati, sed illud gravat vel levat, non magis, inquam, quàm in albedine magis & minus mutant speciem coloris, aut intensius & remissius in calore speciem caloris. Quod si objicis, malum causari ex singulis defectibus, quamlibet autem circumstantiam, aggravantem malitiam, habere singularem defectum, ergò quamlibet addere novam mali speciem, geminâque ratione quamlibet circumstantiam, augentem bonitatem, novam speciem boni, sicuti videmus, quamlibet unitatem, additâ numero, constituere novam ejus speciem: Repono objicienti, non quamlibet circumstantiam inducere singularem defectum secundum seipsam, sed solum secundum ordinem ad quid aliud, simili

militer non quamlibet superaddere novam perfectionem, nisi per comparationem ad aliquid aliud, & pro tanto, adeoque licet augeat malitiam bonitatemvè in suâ specie, non tamen semper variare ipsam speciem mali boniue, planè sicut instrumentũ, putà gladius aut fustis, quo quis hominem repetitis ictibus immaniter interimit, non reddit in homicidio malitiã specie diversã, verũm graviozem, licet si quis eodem gladio fustevè interficiat hominem, quò cum spolièt, circumstantia hæc spoliationis homicidio addat deformitatem novæ speciei, nempè furtum, quod specie differt ab homicidio.

III. Respectu Operis, quod sit vel Ex Ignorantiã, sive Per Ignorantiã, vel Cum Ignorantiã, in eam, quæ est causa effectus, & quæ non, quarum priore effectus dicitur fieri per, posteriore cum ignorantia, quæ tunc dicitur causa effectus, cum effectus non fuisset futurus, si fuisset cognitus, sive si ignorantia abfuisset, quoniam efficienti displicet, sicut negatur eadem fuisse causa effectus, quando is sit quidem cum ignorantia, sed fuisset tamen futurus, si fuisset cognitus, quoniã efficienti placet. Scilicet, quæ per ignorantiam fiunt, sive in universali, ut si quis ignoraret, adulterium esse turpe, sive in particulari, ut si nesciret, hanc esse uxorem vicini, persuasum habenseam esse suam, eorum causa est ipsa ignorantia, non item eorum, quæ

ab ignorantibus, qui ignoranter quidem & cum ignorantia agunt, at non per ignorantiam, atque ex ignorantia, ut ebrii, qui ignorantes sunt, neque tamen per ignorantiam agunt, ebrietate mentis aciem obumbrante, vel pervertente. Quod prædeterminatum Ethice de eo, qui agit ignorans, & per ignorantiam, idem cōdeterminandum de eo, qui agit iratus, & per iram. Sicut enim ignorans quis agere dicitur, quando ignorantia non est causa actionis, similiter iratus, quando ira, & sicut per ignorantiam quis agere dicitur, quando ipsa ignorantia est principalis causa conficiens, ob quam quis agit, similiter per iram, quando ira. Tametsi enim, qui per iram similemve affectum, quid perpetrarunt, ad ignorantiaæ asylum confugere soleant, usitatiùs tamen iræ atque affectibus ea tribuere solemus. *Atque aded actiones, quæ ex irâ, cupiditate, aliavè animi perturbatione fiunt, non invitatas, verùm spontaneas esse, contrâ Platonem, qui statuebat eas mediare, harumquæ alias esse similes illis, quæ fiunt invitè, alias illis, quæ spontè, necnon eos, qui invitatis actionibus has ascriptum ibant, eò quòd primi animorum motus non forent in nostrâ potestate, (putà Physicè, non Ethicè,) id verò sequentibus astruitur rationibus, tum quia actiones, quæ sic fiunt, nec per vim fiunt, nec per ignorantiam, quare*
spon-

spontè , ut quæ sint humanæ & hominis propriæ , in ejusquæ idèd manu & potestate, cum pendeant à principio interno, cumquæ incunditate conjunctæ sint , quæ signum spontaneitatis, tum quia honesta, quæ fiunt ex irâ; aliâvé animi perturbatione , fiunt spontè, ergò igitur & turpia , quoniam sanè quàm ridiculum foret, ejusdem causæ dissimilia ponere effecta in eodem strato, tum quia aliàs absolutè veniâ digni essent, qui sic acti agunt, cum tamen non sint , eò quòd pœna non tam respiciat affectum, nisi æquitate quâdam, quatenus qui quid committunt irati, aut per iram, perturbationemvè aliam, vel non sunt mentis compotes, vel saltem minùs cæteris , quàm effectum, sive designatum scelus, quod puniendum, non tam quia spontè factum , quomodo jumenta feræ pueri puniendi forent cum Dracone, quàm quia cum libertate arbitrii, cujus illa illæ & illi partipices non sunt, tum quia , si fierent invitè , quæ sic committuntur omittunturvè, tunc verò nullum cæterorum animalium , ad pueros usque inclusivè, spontè ageret, cum feræ jumenta pueri solis ducantur perturbationibus.

IV. Denique ex consequenti in Ἀλυπον Impœnitentem, & Ἐπίλυπον Pœnitentem. Aut enim ignorantiam comitatur dolor & μετανοία, ut si quis cum sorore nuptias contrahat, quarum ipsum postea pœniteat , quæ igno-

ignorantia ἐπίλυπος fuerit, aut nullus dolor, nulla μετάνοια, ut de quodam refertur, qui cum fortè emissò telo novercam læsisset, euge dixit, nec hoc malè, quæ ignorantia ἄλυπος fuerit. Quamquam hîc de novercâ propriè invitus sive ἄκων nequeat dici, utpotè qui gaudeat factò, jam verò propriè ἀκούσια invita, quæ conjunctum habent dolorem, sed nec ἐκων volens, quia scientia abfuit, quæ in voluntariis requiritur. Quare cum neque dici possit ἄκων propriè seu nolens, neque etiam ἐκων seu volens, dicetur οὐχ ἐκων, non volens, hoc est, non quidem invitus, sed tamen neque volens. Unde quasi per formam confectarii consequitur, omnia quidem, quæ per ignorantiam fiunt, esse non voluntaria, neque tamen omnia οὐκ ἀκούσια, involuntaria sive invita. Quædam namque tantum sunt ἀκούσια, quæ cum dolore, alia οὐχ ἐκούσια, quæ absque, ut ita genus sit οὐχ ἐκούσιον, non voluntarium, species verò ejus duæ, ἀκούσιον una, οὐχ ἐκούσιον altera, retento generis vocabulo. Cum enim non habeat proprium nomen, & sit tamen aliud ab invito, rectè appellabitur nomine generis. Esse aliud ab invito arguitur inde συλλογιστικῶς. Omne, quod fit per ignorantiam ab invito, postea sequitur pœnitentia, ut si quis per ignorantiam quem interficiat, & cum rescierit, doleat: At aliquid fit per ignorantiam, quod non
fe

sequitur poenitudo & dolor, ut si quis pro plumbo sibi debito ignoranter accipiat argentum, neque eum acceptionis poeniteat, qualis nequit dici, quod invitus acceperit, cum eum acceptionis non poeniteat, nec etiam quod volens, cum ignoraverit: Ergo aliquid fit per ignorantiam, neque tamen ab invito, sed nec à volente. Quare, ut concludam, quando Aristoteles τὰ ἀκούσια invita dicit esse illa, quæ vel per vim, vel per ignorantiam fiunt, id intelligendum non de omni ignorantia, verum de eâ, quæ cum dolore fit, ut hi sint gradus in scalâ hâc morali actionû: Qui agunt, illi agunt vel sponte vel nō spontè: Qui spontè, illi agunt per cognitionem & consilium: Qui non spontè, illi vel per vim, vel per ignorantiam: Qui per ignorantiam, illi vel invitati, quia postea poenitet, vel non spontè, id est, nec volentes, nec nolentes, quia impoenitet. Sed cur tanto apparatu de ignorantia, tamquæ articulatè & partitim Doctores? Ut sciatur, quæ ignorantia propriè actionem reddat invitam, sive, ut loqui amat Thomas, causet involuntarium, privans hominem cognitione, quæ præexigitur ad τὸ voluntarium. Neque enim omnis ignorantia id facit: Non utique Theoretica, sed invitû per ignorantia pro principio & fundamento habeat, nō insipientia, quæ intellectus Theoretici, sed imprudentia, quæ intellectus Practici, à cujus iudicio

cio ultimo determinatur voluntas quoad specificationem, quoque errante errat, volens id, quod errore cognito nollet: Ergo Practica: Sed nec hæc omnis: Non utique Ignorantia ἐκ Προαιρέσεως, Malæ Electionis, quia heic causa facti non est propriè ipsa ignorantia, sed potius agentis voluntas & perversitas, qui ea scire noluit, quæ potuisset & debuisset, antequam ad actionem accingeretur, si vel mediocrem diligētiam adhibuisset: Non etiā Ignorantia τοῦ Καθόλου, Universalis, quæ committitur in rebus absolutè judicandis, & vel bonum absolutè putat esse malum, vel contrà, quia ejus causa ipse homo, in cujus potestate erat, tam cognoscere ea, quæ cognoscenda sunt, actionis putà fines, & qualitates præcipuas, honestum, turpe, utile, (quo aspectu ignorantia τοῦ τέλους & τοῦ καλοῦ audit Philosopho,) quàm non cognoscere, aut etiam perverse cognoscere, quod alio modo est ignorare: Non etiā Ignorantia τῆς Συμφέροντος, sive Expedientiae, quæ committitur in rerum comparisone, præponendo postponenda, postponendo præponenda, sive in universali, ut si quis ignoret, adulterium esse malum, sive in particulari, ut si quis ignoret, hoc vel illud esse adulterium, qui enim fit cum deliberatione atque electione, quod autem tale, illud non est invitum: Sed nec Ignorantia Circumstantiarum in Universali, si quis

quis v. g. ignoret tempus, locum, & alias hujusmodi circumstantias, neque hoc tantum, verum ipsas neglectas variare res agendas, quia in his ut ignorare ita scire in nostrâ collocatum est manu & potestate. Quæ ergo Ignorantia actionem invitat, siue invitam reddit, quæ? Ignorantia Circumstantiarum in Particulari, siue Singulari, ut si quis, cum operatur, ignoret aliquam circumstantiam, quia ea ei non potuit in particulari esse nota, filiumque v. g. percuriat, existimans esse hostem patriæ: Sed nec hæc omnis, verum Ignorantia Probabilis, siue Improvida: Ac nec hæc omnis, verum *Ἐπίλυπος*, siquidē dolo careat, nostrâque accersita culpâ haud sit. Sic ferè Peripatetici in suo Peripato. Aliter in speciem Scholastici in Scholâ, qui distinguunt inrer varios ignorandi modos, quorum alii factum reddunt planè non factum moraliter, quia ob illud nemo vel benè vel malè fecisse dicitur, nemo vel laude vel vituperio mactatur, nemo vel præmium vel pœnam meretur, alii factum vel bonum non tantoperè laudant, vel malū excusant, atque absolvunt à pœnâ, licet non in totum, tamen in tantum, alii factum planè reddunt, vel laudabile, vel culpabile & damnabile. Ad primam classē spectat omnis Ignorantia Involuntaria Negativa, tam Juris, quàm Facti. Ad alteram classē refertur Ignorantia Voluntaria Pri-

Privativa, quæ est Juris Particularis, tum Facti, Voluntaria item Vera, sed Virtualis, nec non Virtualis Dispositiva. Etenim in his omnibus casibus invenias, quod accuses, iterum quod excuses. Tertiæ classi ascribitur Ignorantia Involuntaria Privativa Juris Universalis, uti & Voluntaria Vera Actualis, Habitualis, & Simulata sive Affectata, quæ omnium pessima, quia est conjuncta cum mendacio. *Præter Spontaneum atque Invitum Simplex datur Spontaneum atque Invitum Secundum Quid*, sic dictum, quod partim interiorē per consensū, partim externā per vim consciscatur, exemplo Jovis Homericī, qui Junoni salutatrici & sollicitatrici, post familiare certamen, annuit vel tandem, ἐκὼν ἢ ἐκὼντιγθυμῶς, volens nolente animo. *Hujus commatis, Actiones Mediæ sive Mixtæ dicuntur aliter*, eò quod in iis misceantur quodāmodò voluntas & noluntas. Verā quippè re illi, qui hoc modo agunt, volentes nolentes agunt, hoc est, voluntate remissā & reſtractā, adeoque noluntate, non quidem positivā, quæ aversationē atque improbationē, cum impediendi studio ac conatu conjunctam, habet, sed negativā, quæ simplex averſandi atque improbandi studium, absque impediendi conamine & tentamine, significat. *Actiones hæc sui naturā atque indole partim Voluntariæ sunt, sive Spontaneæ, partim Involuntariæ, sive Invitæ. Voluntariæ,*

riæ, five Spontaneæ. i. Respectu principii interni, ejusquæ tam eligentis, quàm imperantis: *Eligentis*, quia post intellectus consultationem voluntas liberè optat, quamvis appetitu semipleno, hoc est, sanè quàm ligato, tristi, atque ægrè sequaci: *Imperantis*, quia post voluntatis jussum facultas locomotiva exequitur id, quod voluntas voluntariè, tum optavit, amplectendo unum oppositorum, tum imperavit locomotivæ, quoad executionem subsequam. ii. Respectu mediorum sive instrumentorum, quæ libera in agentibus tunc temporis supponuntur, cùm nulla hîc sit violentia, inscientia nulla circumstantiarum. Quamvis enim hîc causa quædam sit externa, quæ aliquem subigit, tamen is ipse, qui agit, & cogitur ad agendum, non omninò nihil adjutorii affert, cùm possit, si velit, damnum aut mortem potius subire, factum illud prætermittere: jam verò coacta voluntas etiam est voluntas, cùm retineat quoque sic libertatem in delectu operum, queatquæ alia externa opera aliis anteferre. iii. Respectu finis, ad quem terminatur actio, quatenus homo agens, in hoc vel illo fortunæ articulo constitutus, vitare discupit mala, quæ malè metuit, & consecrari bona, quæ benè sperat, five illa sint οὐλομένη re talia, five φαινομένως, apparenter tantum, atque adumbratè.

Quod

Quod si enim v. g. jacere merces in mare fit ob salutem, ut fit, hæcquæ est finis, qui pro illo tempore expetitur, non mercium ejectio, quam non magis intendunt nautæ vectoresvè, quàm morbo laborantes medicamenta, sectiones, & unctiones, isquæ, qui has projicit, aut projici curat, hoc cognoscit & noscitat, eo in casu utique non præpeditur appetitus, cognitiove, quæ principia voluntarii. *Involuntariæ sive Invitæ*, consideratæ ἀπλῶς, atquæ in genere, obsequæ personis, locis, temporibus, aliisque circumstantiis: 1. Ratione objecti, sive principii extrinsecus violenter impellentis, à quo agens ad actionem quasi cogitur, quam aliàs voluntas, si ex omni parte fuisset libera, nunquam suscepisset. Nemo quippe sanæ mentis jacturam v. g. facturus mercium, necessitate præsentis non postulante. 1. 1. Ratione temporis, sive primi motus, in quo agens planè involuntariè se habet, v. g. virgo, quam horridus miles his verbis aggredditur, aut sanguinem, aut florem virginitatis. *Interim unversè magis Voluntariæ in comparationè, quàm Involuntariæ, Spontaneæ, quàm Invitæ*, tum ratione principii, quia tunc, cùm fiunt, in optione agentis est fierinè debeant, necnè, quæ autem ejus sunt naturæ, ut pro arbitrio agentis fieri aut prætermitti possint; a certum est esse voluntaria, cùm principium & causa illarum fit

sit in facientibus, tum ratione medii expedi-
dienris, quod & ipsum pro tunc in agentis
manu, tum ratione finis, qui est eminentius
bonum, ideoque eligibilius, quare sponta-
neum. Accedit ad numerum, quod ex fa-
ctis his mixtis existant laudationes & vitu-
perationes, ea autem facta, quæ laudatione
ac vituperatione digna sunt, næ voluntaria.
Neque derogat dictis, quod, quæ per se ma-
la rejiciendaque sunt, illa non possint pro
aliquâ conditione censerì bona ac præeli-
genda. Quando enim aliquid per se est tale,
illud nec per se, nec ex eventu, videtur pos-
se recipere oppositam conditionem, dum-
que per se tale est, per nihil extrinsecus
adveniens reddi non tale. Verùm respon-
sio ad manum est, absolutè videlicet
mala semper esse mala in suo definito gra-
du, ideoque nunquam ratione sui præeli-
genda, enimverò comparata cum aliis, &
magis & minus mala dici posse, necessaria-
que nonnunquam esse pro boni alicujus a-
deptione. Etenim ñ absolutè malum, &
alicui utile, non pugnant inter se in relatio-
ne atque comparatione, ut in præsentique
argumento, quod sub manu. Non magis,
quod denominationem fieri conveniat ab
eo, quod absolutè est tale. Petenda petenda
siquidem denominatio à fine quidem, ve-
rùm ultimo, qui hîc est majus bonum, nec
ab eo, quod materiei, sed quod formæ obti-

net locum in actione. Quamvis ergò res, quæ sit, sit absolutè mala, tamen ea, quæ actionem formant, reddunt eam spontè factam. *Sed quid fiet de Cyrenaicis, qui præter duo superiora vi factorum genera, hoc est, simplicia & mixta, adjunxerunt tertium à pulchritudine & voluptate, ab extra compellentibus?* Aristoteles nullam hîc, in rebus, inquam, pulchris & jucundis, vim aut necessitatem agnoscit, quæ nos ad turpitudinem impellant, semel, quia sic efficeretur, omnia esse necessaria, cùm pulchritudinis & voluptatis causâ omnes agant omnia, tam probi, quàm improbi, illi virtutum pulchritudinem, hi vitiorum voluptatem persequentes, iterum, quia necessaria sequatur dolor, quæ autem voluptatis & pulchritudinis causâ fiunt, voluptas. Sanè omnis res necessaria molesta, nemoquæ vi agens agit cùm voluptate, eò quòd talis actio voluntari repugnet, quæ autem accidunt nobis nolentibus, ea sine dubio molesta sunt: Jam verò, quæ voluptatis aut pulchritudinis perficiendæ causâ fiunt, illa fiunt libenter & lubenter, five cum voluptate: Ergò non per necessitatem, aut vim. *An verò nominatim Metus caujet, fas ita loqui, Voluntarium simpliciter, Involuntarium verò secundum quid, conquè venienter, quæ metu fiunt, univèrse magis sint voluntaria, quàm involuntaria, spontanea, quàm invita?* De hoc lemmate
ita

ita Scholastici in terminis. Quod ex metu fit, five per metum agitur, illud est mixtum ex voluntario & involuntario, sic ramen, ut sit voluntarium simpliciter, quia spontè atque ex intrinsecà inclinatione ac principio fit, secundum quod in actu hîc & nunc, subquè aliis conditionibus individualibus est, quod sic fit, ad evitandum in casu maius & magis malum, quod timerur, cujusquè illud est impedimentum, involuntarium verò secundum quid, five secundum rationem tantum, quia displicet agenti id, quod sic facit, & dolens illud facit, nec libenter, ac cum quâdam ut displicentiâ ita repugnantia voluntatis, nec nisi positis illis circumstantiis, atque in eo casu, non facturis illis sublatiis, atque extra eum casum. Quamvis enim, qui sic coactus consensit in factum. absolutè quidem consentiat voluntariè, omnibusquè consideratis velit, illi tamen volitioni tacitè jungitur nolitio aliqua, saltem nolleitas, atque ut sit voluntarium simpliciter, secundum quod actu agitur, tamen est involuntarium sub conditione, si talis metus non immineret, ideoquè secundum quid tale, quia tale conditionaliter. Dico voluntarium simpliciter, involuntarium verò secundum quid, non contrâ. Neque enim, sicut vis causatur involuntarium simpliciter, idquè præsentialiter, similiter metus, sed futuritivè: Ec-

cur? Quia enim ea, quæ aguntur per vim & metum, non solum differant secundum differentiam præsentis & futuri, verum etiam secundum hoc, quod in eo, quod agitur per vim, voluntas agentis nihil confert ad actum, ut qui omnino sit contra motum voluntatis, in eo verò, quod per metum, voluntas timentis aliquid, quoniam motus voluntatis fertur in id, si non propter illud, saltem propter aliud, persuade ad repellendum malum, quod timetur: Jam verò ad rationem voluntarii sufficit, ut sit tale propter aliud. Voluntarium namque est, non solum quod propter seipsum volumus, ut finem, verum etiam quod propter aliud volumus, v. g. propter finem, adeoque relativè, quo in casu nihil prohibet, aliquid, quod de se non esset voluntarium, alteri comparatum fieri voluntarium, per comparisonem ad aliud. Ut breve faciam, contractus, metu qui fit, simpliciter voluntarius est, quia etià in metu inest voluntas, & in quantacunque scintillâ liberatis actus liberi arbitrii fundari est potis: (Sicut enim non est cæcus, qui parum videt, ita nec sine voluntate, qui parum vult, voluntatis libertate coangustatâ atque coactâ in arctum:) involuntarius verò secundum quid tantum. Licer enim, si quis gravi metu compulsus cogatur ad stipulationem rei illicitæ, vel naturali, vel divinâ, vel humanâ interdictione, aut ad id, quod majus

bo.

bonum morale impediret constipulatum , annullari atque irritari possit talis contractus , immò debeat , dum privatâ autoritate id non fiat modò , tamen non ideò irritatur , quòd voluntarius non sit , sed quia in malè promissis quis vi legum servare fidem non tenetur , neque verò valent promissâ facti per se illiciti , quia ad illa nemo jus habet , habere vè potest per leges honestatis.

· C A P U T XXVIII.

*De quadrigario Actionum Mediarum ;
Laudabilem, Vituperabilem, Venia-
lium, & Pœnalem moraliter.*

*A*ctiones Mediæ sive Mixtæ , vel Laudabiles sunt, vel Vituperabiles, vel Veniales, vel Pœuales, saltem Non-Veniales denique. Actiones Laudabiles sunt , quando propter magnum aliquod arque evidens bonum aliquid indecorum fœdum ac deforme committitur, exemplo Solonis , qui abrogandæ legis vitiosæ causâ furorem, Bruti, qui liberandæ ac tuendæ patriæ gratiâ insaniam affectavit, Zopyri, qui victoriæ ergò in se admisit mutilationem, Attilii Reguli, qui conservandæ fidei ergò clavismum , Zaleucus , qui orbitatem partialem visus ob legis à se latæ reverentiam , omnes propter turpe quid, corporis non animi respectu.. Est enim duplex turpe , unum simpliciter ,

& de se, quod nunquam honestè agi potest, ut homicidium, adulterium, quæ semper turpia, & digna reprehensione, aliud secundum quid, ut virum in magistratu constitutum per locum publicum currere, in publico esitare, id quod ab alio fieri fortean potest non turpiter. *Actiones Vituperabiles sunt*, quando levibus de causis, & boni minoris gratiâ, turpitudine aliqua admittitur, aut quid indecens patrarur, habens rationē culpabilis, propter deviationem ab ordine rationis in actu moris, exemplo Rabirii, qui pecuniæ creditæ persequendæ causâ Alexandriæ turpiter togam pallio mutavit, abjecto cultu Romano, item Vespasiani, qui è lotio non minùs turpiter tributum exegit urinarium, Scilicet inde actiones, ut laudabiles, ita vituperabiles, audiunt in Scholâ Ethicâ, quia imputantur agenti, propter bonitatem vel malitiam actus, cujus agens habet dominium, constitutivum ut laudis, ita vituperii, sive culpæ, ut in præsentiquè argumento nostro. Ideo idè enim prædictæ actiones laudantur, culpanturvé, quia in nostrâ potestate fuit, celebrare vel incelebrare factum, illud admittere omitterevé, *Actiones Veniales sunt*, quando gravibus de causis solœcismus moralis committitur, exemplo eorum, qui turpe quid designant, subacti gravissimis cruciatibus, quibus perfetendis humana natura est impar,

par, ut si quis laceratus tormentis arcana prodat, vitæque conservandæ causâ ex infirmitate quâdam in fugam se det, aut cum Popilio Romano ab hoste conclusus, cum effugere non posset, ad depectiones, five turpes pactiones, descendat, vel cum Rutilio Ruffo, in ultimæ necessitatis præcipitio, ad togæ Italicæ mutationem cum pallio Græculo, cujus clâssis facta non comitatur laus, ut facta primæ clâssis, nec vituperium, ut facta secundæ clâssis, sed venia, eò quòd non quidem sint scelestæ, ut facta quartæ clâssis, probrosa tamen. *Actiones Pœnales sunt*, quando quocunque tandem fine scelestum quid aut impium committitur, cum nullis cruciatibus aut damnis quis adduci aut induci debeat, ut talia faciat, eò quòd nō tantum suâ vi & naturâ sint turpia, verum etiam fiant turpiter, ut si quis cum Alcmaone interficiat matrem, hortante atque impellente Amphiarao patre, si tyranni interimendi causâ cum uxore ejus consuescat; mentiatur cum Platone Reipublicæ causâ, aut cum Juliani Apostatæ Thesaurario, & Constantii Imperatoris purpuratis, metu ignominia, exilii, mortis, religionem abjuret, vel ad dapes humanas cum Numaninis & Caliguritanis veniat. Quamvis enim violentissimæ heic sint causæ cogentes, tamen prohibentes longè fortiores esse debent, efficacioresq;, imitatione Susannæ, Jo-

sephi, Hippolyti, Crispi, qui pudicitiae mortem posthabuerunt, Principis Condæi, qui religioni eandem, eamque tam civilem, quam naturalem, Periclis, qui rogatus ab amico, ut pro causa ejus dejeraret, juramenti religionem prætulit perjurio, denique Antigones, quæ contempto Creontis inhumano edicto fratrem humavit, inhumandum per interdictum, mota pietatis officio. Nec est, quod quis opponat, ad derogandum actioni pœnariæ ex eo, quod nullus videatur mereri pœnam, qui disponit de eo, cujus ipse est dominus, pro lubitu. Neque enim quis punitur, quod v. g. destruat rem suam, sed quod alienam, nec quod malè disponat de suo, verum quod de re alterius. Obrogo deroganti, etiam ralem mereri pœnam, saltem non mereri veniam, dum malè disponit suos actus, si minùs, in quantum est suus; minimùm in quantum est alterius, hoc est, communitatis, cujus est pars, & cui de suo servire debet, & per leges, & per mores.

C A P U T XXIX.

Quales Actiones sint Actiones Spontaneæ, Elicitæ, an Imperatæ? Et quid utraque? Quæque earum Principia ac Fontes Morales in animæ tetrarchiâ?

Actiones Spontaneæ sunt Actiones Imperatæ, profectæ ab Elicitis, ut à causis suis ac

is ac principiis. Actiones Elicitæ dicuntur Practicæ, quas immediatè producit appetitus, secutus judicium Intellectus Practici, Phantasiævé, ceu sunt, velle, nolle, eligere, averfari, id nominis sortitæ, quòd in appetitu sint, isquæ eas ex se eliciat, ad producendas actiones imperatas, cùm cæteræ sint in aliis potentiis, & ab aliis etiam potentiis eliciantur. *Actiones Imperatæ dicuntur Practicæ*, quas mediante aliâ potentiâ producit appetitus, secutus judicium Intellectus Practici, Phantasiævé, ceu sunt, loqui, ambulare, id nominis sortitæ, quòd licet has ex seipso non eliciat appetitus, excitet tamen potentiam aliam, à quâ eliciantur, quomodo v. g. ambulare actio spontanea est, neque tamen actus ex appetitu elicitus, sive qui proximè ex ipso appetitu emergat, aut primò homini per eum competat, sed per facultatem locomotivam, quæ est principium ejus proximum, quatenus paret appetitui in producendâ ambulatione. *Actiones Elicitæ partim pertinent ad partem rationis compotem, idq; ἀπλῶς simpliciter, partim ad partem rationis impotem, idquæ πῆτ̃ ε̃ πῶς*, quarum partium illa rationalis de naturâ suâ, ac per essentiam, suiquæ constitutionem, hæc non quidem rationalis per essentiam, quoniam ut sic rationis est expers, ut quæ nihil intelligat ipsa, rationisquæ imperio responderet sæpè,

H s

quod

quod autem tale, illud irrationale, quia ratio non repugnat rationi, verum per participationem, quomodo rationis nutui & actu pareat, & potentia parere est nata, apta, inquam, nata obedire rationi, audireque ejus, cum admonitiones, tum oburgationes, & quoad τὸ πρᾶττεν, agere simpliciter, in qualitate naturæ, & quoad τὸ πῶς πρᾶττεν, hoc vel illo modo agere, in qualitate personæ. Quamvis enim propriam rationem non habeat, tamen utitur aliena, ut luna, quæ ob fulgorem solis lucere dicitur, aut ut cæcus, qui, dum videntem sequitur, quodammodo videns, particepsque visus esse creditur, aut ut filius, amicusve, qui perhibentur, ille habere rationem patris, hic amici, non quod ratio patris insit in filio, aut amici in amico, aut quod filius rationem, cur pater sic agat, vel amicus, cur amicus, reddere queant, sed quod sequantur rationem atque judicium patris & amici, hoc est, eorum rationi obtemperent. *Actiones Elicitæ, quæ ad rationalem animæ partem spectant, vel Intellectus sunt, ejusque Practici, vel Voluntatis, sequentis judicium ejus: quæ verò ad irrationalem ejus partem, illæ verò vel Phantasia, vel Appetitus Sensitivi, quæ tetrarchia elicitiva facultatum in regno morali animæ, prout dabunt sequentia successivè, & per capita.*

CAPUT XXX.

De primo Fonte Morali Actionum Elicitarum, Intellectu, quem vocant, Practico, ut indistincto ratione ratiocinante à Theoretico, ita distinguibili ratione ratiocinatâ ab eodem. Vbi de Imperio ejus Metaphorico in Voluntatem:

Primus Fons Moralis Actionum Elicitarum est Intellectus Practicus, Subiecto indistinctus à Theoretico, distinguibilis interim ab eodem Objecto & Fine. Subiecto indistinctus à Theoretico: Quia enim subiectum utriusque una eademque anima, cujus uterque facultas reapse una tantum, quoniam una una vis, quâ anima percipit & res necessarias, circa quod argumentum occupatur Intellectus Theoreticus, habitusque scientiæ, quo ille informatur, & contingentes, circa quod argumentum sudat Intellectus Practicus, habitusque Prudentiæ, quo hic. Objecto interim ac Fine distinguibilis ab eodem. Objecto hætenus, quia harum quasi duarum animi partium strata in collatione non sunt eadem, alterius res, quæ fiunt à naturâ, & non à nobis, alterius, quæ fiunt à nobis, non à naturâ, illius res necessariæ, quia extra hominem principium ac sedes eorum, hujus contingentes,

quia in homine principium earum , utræque genere discrepantes, igitur & ipsæ illæ partes , idquæ ob convenientiam ac cognitionem, quam habet facultas percipiens si-ve perceptiva , v. g. visus , auditus , gustatus, cum re perceptibili ac percipiendâ v. g. cum visibili, audibili, gustabili, potentiâ actuvè , quoniam perceptio fit secundum similitudinem quandam percipientis ad id , quod percipitur : *Fine hætenus* , quia harum quasi duarum animi partium fines & ipsi in collatione non sunt iidem, alterius res prioris commatis cognoscere cognoscendi causâ, quoniam produci agendo nequeunt, alterius res posterioris commatis cognoscere quidem & ipsas , verùm non tam cognoscēdi animo & consilio, quàm agēdi, nec quâ cognoscibiles exclusivè, sed quâ agibiles inclusivè , & quidem per se. *Intellectus hic Practicus , contradistinctus saltem contradistinguibilis à Theoretico, Imperium in voluntatem exercet Metaphoricum, dum eam determinat, non quidem Determinatione Coactivâ, & quoad Exercitium Actus, verùm Consultativâ, & quoad Specificationem ejus. Imperium Intellectus Practici Metaphoricum voco , quo Intellectus Practicus , non tantùm indicat , sed etiam judicat virtualiter, immò præcipit, quid voluntati, & in thesi, & in hypothesi, sequendum, quid contrà fugiendum sit, absque jurisdictione tamen.*

tamen. Cùm enim duo contineat imperium propriè dictum, ostendere sive præscribere, quid fieri debeat, atque impellere ad agendum, cum vi quâdam cogendi, Intellectui Practico prius tantùm competit, ut cujus munus sit, illuminare ac dirigere voluntatem, normamquæ ejus actibus præscribere, non etiam insimul impellere, nisi proponendo fortè objectum, ejusquæ bonitatem explicando, qui propriè impulsus non est, non magis, quàm cùm pomi pulchritudo nudè ostenditur, absq; ulteriori impulsione aut compulsionem ad apprehendendum. Ita siquidè imperium hoc in intellectu est, ut voluntatis aliqua motio concurrat, neque absolvatur dictatoriè solâ denunciatione intellectus: Quin immò, licet voluntas non imperet præscribendo ac præmonstrando, sicut intellectus, hoc est, priori modo, imperat tamen movendo, hoc est, posteriori modo; utut interim imperium intellectus vero imperio similis sit in comparatione. Ostendere siquidem, denunciare, præscribere, quid factò opus sit, regimen magis repræsentat, quàm incitare atque impellere ad agendum: Atque aded, licet voluntas ad aliquem actum possit inclinare intellectum, non tamen potest inclinare ad primum, sed necessarium est, præcessisse aliquam præintellectionem objecti, saltem in confuso, & hætenus, ut voluntas intelle-

Etiam ulteriùs applicet ad profundiorē illius cognitionem. Quid multis? Cū imperium competat toti supposito, intellectu & voluntate prædito, idē illud, nec intellectui, nec voluntati, sigillatim transcribendum, nisi secundum similitudinē quandam, atque ita solū, ut unum illorum, ex quibus imperium propriè constat, uni facultati, alterum alteri, neutri utrumque, aut verum ac plenum in alteram imperium tribuatur. *Determinationem Coactivam* voco, quā potentia aliqua, vel ab objecto, vel à causā externā, ad hoc agendum, non aliud, urgetur, v. g. potentia visiva, indifferens ab objecto, per species ad hoc vel illud videndum. Quæ determinatio in voluntate non invenit locum, tum quia Intellectus Practicus nullam habet efficientiam Physicam in voluntatem, quæ de se est sufficiens causa sui actus, propositoq; quovis objecto ab intellectu, ad actū intrinsecè est indereterminata, ita ut propositis à iudicio intellectus duobus objectis, electioneq; inter eā institutā, suo tamen libitu possit suscipere, quod mens dissuasit, dūquē agit, ipsa seipsam determinet, & ad exercitium, & ad speciem actus: (Quamvis enim illuminare ac dirigere voluntatem intellectus possit, excitare, inquam, eam, ut velit, volitionem tamen ipsam nequit producere, necessitatemquē ei adferre, quia enim hoc foret

foret impellere voluntatem ad volendum ,
cùm impulsus omnis non cognoscitivæ fa-
cultatis fit , sed appetitivæ , neque porro o-
stendere, quid esse appetibile, idem ocyùs,
quòd esse necessariò appetendum :) Tum
quia, si voluntas ita arctè dependeret à judi-
cio intellectus Practici, ut nec sine illo pos-
set determinari ad volendum quid, aut no-
lendum , neque illo posito posset ab eo ul-
latenus discrepare , tunc utique existièti-
bus omnibus requisitis ageret necessariò ,
quod agit , neque amplius esset facultas
movens, sed mota , neque tam ipsa se de-
terminaret, quàm determinaretur, adeoque
pateretur , non ageret , quæ res pugnat
cum naturâ libertatis , cùm nihil sit libe-
rum, quâ patitur & movetur , sed quâ agit
& movet : Tum quia, si voluntas sic deter-
minaretur à judicio intellectus , ut nullo
contravenire posset modo, tunc non magis
liberè ageret ex se , quàm facultas locomo-
tiva , quæ movere potest sursum deorsum ,
antrorsum retrorsum , tantùm necessariò
obsequitur superiori facultati , moventi ad
eum modum, conquè venienter movet, sed
ut mota , & quidem sic mota ab alio. *De-*
terminationem Consultativam voco , cùm
v. g. consiliarius suo principi , consideratis
omnibus circumstantiis, hoc vel illud agen-
dum proponit, ejus verò libertati atque ar-
bitrio relinquit , velitné sacris consiliis pa-
rere,

rere, an suo remigio rem gerere. Atque hæc determinatio in voluntatem commodum quadrat, tum quia nihil appetitur, nisi præcognitum, cum ergò voluntas, tanquam facultas appetens, cujus proprium, non cognoscere, sed appetere, nihil ipsa cognoscat, dirigi debet ab intellectus judicio in rei appetitione, quod judicium simpliciter prius volitione, cum prius sit objectum voluntati ostendi, quàm eam tendere in objectum ostensum, quoniam nequit esse tendentia, nisi sit aliquid, in quod tendatur, tum quia, si voluntas à seipsâ, absque intellectus prævio judicio & cognitione, posset ferri in objectum, tunc verò nulla valeret assignari ratio, cur in hoc potius objectum voluntas ferretur, quàm in illud, cum ad omnia ex se sit æquè indifferens, tum denique, quia voluntas, cum sit potentia cæca, si sibi relinqueretur, nullum unquam haberet objectum sibi propositum, in quod ferretur, quare nihil unquam ageret, si non determinaretur à judicio Intellectus Practici, nec eo quovis, verùm ultimo, quò expensis cæteris sententiis, quæ in mentem venerunt, iisque rejectis, tandem concludit homo acturiens, hoc & non illud rectissimè omnium fieri, non quasi hoc vel illud necessariò sit nunc faciendum atque eligendum, sed quod hoc medium, consideratis omnibus circumstantiis, hic & nunc

nunc aptum natum sit, ut eligatur, atque assumatur. Quo loco non possum non, immò non debeo non, summonere in parenthesis, esse, qui velint, Voluntatem atque Intellectum Practicum se determinare mutuo, ac voluntatem quidem determinari ab illo finaliter, quatenus intellectus ei ostendit bonum, quod non potest respuere, intellectum verò ab hâc efficienter, quatenus voluntas intellectum vult sic judicare, ut determinatè intelligat hoc aut illud, & magis hoc, quàm illud. Sed unde quæso determinabitur ad hoc voluntas? Si dixeris à judicio alio, quod illud? Unde ad illud intellectus? Si dixeris, voluntatem esse causam ejus judicii efficientem, idemquæ causam finalem voluntatis, jam idem semetipso prius & posterius erit. Verùm hæc, non *ὑποκίνησις*, sed *παρενθελίνησις*, ut dixi. *Determinationem quoad Exercitium Actus* voco, quâ pressè determinatur potentia aliqua ad agendum in terminis terminantibus, qualem determinationem voluntatis natura in-admittit. Quamvis enim elicere actum deliberatum non possit sine prodromâ aliquâ cognitione Intellectus Practici, conditio tamen tantum est illa cognitio, & causa sine quâ non, appetitionem autem ipsam non efficit, eò quòd voluntas sit primum movens inter omnes facultates animæ, quoad exercitium actuum, ut cujus proprium,

prium, movere ad agendum, dequē potentia educere in actum, sive ad usum actus, loquendo ex parte subjecti, quatenus est agens actu. *Determinationem quoad Specificationem Actus* voco, quā determinatur potentia aliqua ad agendum ostenso objecto, qualem determinationem voluntatis natura haud abnuī, quam intellectus Practicus hoc motionis modo movet, dum præsētat ei objectum suum, determinans actum ad modum principii formalis, à quo etiam in rebus naturalibus actio specificatur, v. g. calefactio à calore, verū motu metaphorico scilicet, dum allicit voluntatem, atque innecessario, si minùs ratione objecti universaliter boni, & secundum omnem considerationem, quod voluntas non potest non velle, minimū ratione objecti, quod non secundum quamlibet considerationem est bonum, quod voluntas potest non velle, eò quòd defectus cujuscunque boni habeat rationem non boni. Implicas, objectum voluntatis comparari ad ipsam, sicut motivum ad mobile, at motivum, siquidem sit sufficiens, ex necessitate movere mobile, quare & objectum voluntatem! Replico ex antegressis, non quodvis objectum id facere, sed quod totaliter habet rationem motivi, neque in aliquo deficit. Sicut enim intellectus ex necessitate movetur ab objecto totali, quod semper

per atque ex necessitate verum , non item ab eo , quod potest esse verum & falsum , similiter à bono voluntas. Triplicas, finem omnes ex necessitate velle, eumque esse rationem volendi ea , quæ ordinantur ad finem, quare voluntatem ex necessitate moveri à suo objecto , quoniam omne , quod volumus, aut finis est, aut ordinatum in illum ! Quadruplico , non omnem finem id facere, sed ultimum, & ea , quæ ordinantur ad illum, sineque quibus ille haberi nequit, non etiam alia , sine quibus haberi potest. Ac de Intellectus Practici Imperio tantum est.

C A P U T XXXI.

De secundo Fonte Morali Actionum Elicitarum , Appetitu , quem vocant , Rationali , sive Voluntate , ejusque Directorio Naturali ac Morali in Confacultates : Eademque de Actionibus Voluntatis Immediatis, quarum altera Βούλησις, Volitio , altera Προαίρεσις, Agendi Consilium.

SECUNDUS Fons Moralis Actionum Elicitarum est *Voluntas*, imperans & Intellectui, & Phantasiæ, & Appetitui Sensitivo, & Locomotivæ, solis Facultatibus Animæ Vegetativæ, ab ea subjectione, ut excipiendis, ita exceptis. Intellectui imperat hæcenus, quatenus

tenus ejus actus ipsius imperio subjacent , & quoad ipsum eorum exercitium , & quoad specificationem. Quoad exercitium , quo aspectu omnes voluntarii sunt. Ut enim rem consideres , aut non consideres , quæcunque tandem fuerit , voluntatis tuæ est, licetquæ de eo tibi pro arbitrio tuo constituere , nisi quod sæpè etiam non volentibus occurrant cogitationes , quas avertere in nostrâ non fuit potestate , quibus tamen id facimus , etiam cogitando , quod volumus. Quoad specificationem , hoc est , assensum vel dissensum intellectus ; quo aspectu ii actus tantum voluntarii sunt, qui causas necessarias , intellectum convincentes , vel non habent, vel saltem non habere nobis videntur. Quàm diu enim intellectus de re quâpiam convictus non est , saltem non videtur sibi esse convictus , eo in casum dissentire quàm assentiri potest , quin immò assensum & dissensum suspendere pro libitu. Secus secus se res habet, ubi intellectus est convictus , vel statuit se certò convictum esse, quo in casu non potest non assentiri vero, quo de convictus est, vel persuasum habet, se convictum esse , si minùs verbis semper, & *προφανεως*, minimùm animo, & *ενδιαθεως*. *Phantasiæ imperat hactenus* , quatenus imaginari & non imaginari possumus, quæ volumus, adeoque imaginationem, quæ motus excitat, avertere aliò, licet

licet non semper, atque omni ex parte. Sæpè enim fit, ut impetus illi ab imaginatione suscitentur, non advertente intellectu, ideoque etiam inadvertente volunrate. *Appetitui Sensitivo imperat hætenus*, quatenus surgentes animi morus reprimere potest, licet non semper, nec perfectè semper, verùm languidè, atque adeò languidiùs sæpè, quàm ut torrenti motuum illorum sistendo sufficiat, quatenus item sensus & horum organa ab objectis, quando & ubi libet, avertit. Videmus enim, audimus, gustamus, olfacimus, & tactu tactilia percipimus, quando ubi & quàm diu volumus, & contrà. *Locomotivæ imperat hætenus*, quatenus membra corporis, quæ organa sunt animæ, prout ea huic aut illi facultati ejus serviunt, imperium voluntatis comiter accipiunt, appetitu sensitivo cum ratione ac voluntate suaviusculè conspirante. Progredimur siquidem de loco in locum, quando volumus, quiescimus, quando progredi nolumus, pedem manum attollimus vel demittimus, adducimus vel laxamus pro arbitrio, adeoque instrumenta sensuum objectis applicamus, vel ab iis retrahimus, ubi, quando, quàm diu libet, utut haud rarò interim, etiam absque voluntatis imperio, locomotiva se exerat per sua instrumenta, voluntate in aliis objectis occupatâ. *Non item, similiterve Facultatibus Animæ Vegetativæ,*

uæ, quoad actiones ipsarum proprias: Ecceur-
id? Quia enim hæc merè naturales sunt,
atque ab instrumentis pendent merè natu-
ralibus, quæ à naturâ applicantur, sine ullo
rationis dictamine, aut voluntatis imperio,
quod non audiunt vel facultates vegetabi-
les instrumentales, attractrix, retentrix, ex-
pultrix, vel principales, ut χυλοποιητικὴ chy-
lificativa, αἱμοποιητικὴ, sanguificativa, θρε-
πτικὴ, nutritiva siue alimentativa, uti nec
facultatum harumce organa corporea.
Quamvis enim applicatio agentis ad pati-
ens, etiam in iis, quæ ad hanc animæ par-
tem pertinent, voluntati subjiciatur, ipse
tamen actus, quoad vim atque efficaciam
agentis, aut passionem patientis, naturalis
est, actus, inquam, nutriendi, licet τὸ cibum
parare, atque in corpus ingerere, in quæ
agat anima vegetans, quemquæ in alimen-
tum & substantiam corporis commutet, sit
voluntarium. Actiones Voluntatis universæ
duæ sunt, Βούλησις siue Volitio, & Προαίρεσις,
siue Agendi Consilium, quarum actionum
illa finis, hæc mediorum, siue ordinabilium,
aut ordinatorum veriùs, in finem, ordina-
bilium disponibilibiter, ordinatorum disposi-
tivè, illorum potentiâ, horum actû, id
quod proprium medii, quod actu defini-
tur, non potentiâ.

CAPUT XXXII.

Quid ἡ Βούλησις, Volitio, Velleitasvé, oppositaqué Nolitio, Nolleitasvé? Et quarum rerum, tam illa, quàm hæ, hæ, quàm illa? Quid item Προαίρεσις? Et quod ejus Genus, Subjectum, Objectum?

Hῆ Βούλησις sive Volitio est actio voluntatis completa, & soluta, quâ voluntas fertur in finem, cum proposito consequendi: Nolitio actio voluntatis completa, soluta contra se habens. Rerum possibilium utraq; cum nihil per volitionem ad id moveatur, quod non valet attingere, aut per nolitio- nem ab eo removeatur, à quo non valet attingi, vel absolutè, vel sub conditione, quale illud, quod fieri nequit, vel simpliciter, vel saltem secundum quid, quod eo ipso perdit rationem, ut boni, ita mali, quorum alterum principium volitionis, alterum nolitio- nis. Quemadmodum namque τὸ velle est rem quandam ex interno voluntatis principio eligere atque amplecti, ita τὸ nol- le rem ex interno ejusdem principio aver- sati & propellere, inter quæ duo contraria mediat τὸ non velle, quod est rem quidem per se averfari, eam tamen vel non impedi- re, cum possis, verum admittere, vel ob ur- gentiorem necessitatem committere. Ut
ita

ita τὸ velle, nolle, & non - velle, differant Philosophicè, τὸ velle quidem & nolle contrariè, τὸ velle verò & non-velle privativè, non item τὸ nolle & non velle, vel illo oppositionis modo, vel isto, cum τὸ nolle non nudam duntaxat voluntatis averfationem signet, sed intinful impèdiendi studium ac conatum, τὸ non-velle autem simplicem volitionis negationem, absque impèdiendi conamine, quomodo v. g. non volo, quando rem fugio & averfor, nolo, quando non solùm fugio, verùm pro virili impedio, cispellovè. *Velleitas* est actio voluntatis incompleta, suspensa, interdum etiam à iudicio Intellectus Practici comparato inhibita, quâ voluntas fertur in finem, sine proposito consequendi: *Nolleitas* actio voluntatis incompleta suspensa contraria. Rerum impossibilium utraque, vel simpliciter, vel secundum quid. Sicut enim v. g. vellemus esse immortales, habere principatum totius mundi, esse alterius sexus, aut diversis in locis unâ horâ, quæ simpliciter impossibilia, vellemus patriam liberare ab immani iugo tyrannidis, quod impossibile secundum quid, ita & nolle-
mus in terminis. Thomas velleitatem vocat voluntatem antecedentem, eò quòd, quæ antecederet volumus, non velimus simpliciter, volitionem verò voluntatem consequentem, eò quòd, quæ consequenter
volu.

volumus, velimus in particulari, consideratis omnibus circumstantiis particularibus, hoc est, simpliciter. Horum alterum exprimitur per τὸ vellem, alterum per τὸ velim κλασσικῶς, similiterque per τὸ nollem & nolim, nolleitas nolitiové, quarum illa voluntas antecedens, hæc consequens. Ita v. g. justus judex antecederet vult omnem hominē vivere, secundum considerationem absolutam, quia hominem vivere est bonum, hominem verò occidi est malū, sed si accedat, quòd sit homicida, quia bonū est talem hominem occidi, malum eum vivere, licet antecederet velit judex omnem hominē vivere, tamen consequenter vult homicidam occidi, simpliciter, inquam, homicidā occidi, quamvis secundum quid vellet eū vivere, in quantum scilicet est homo, quæ velleitas magis fuerit, quàm volitio. *Ergone igitur quoque etiam impossibile voluntas?* Immo verò 1. Voluntate, ut potentiā, quo in casu extenditur etiam ad impossibilia, quia est potentia æqualis intellectui, quantum ad latitudinem suam. Quicquid enim intellectus intelligere potest, illud & voluntas appetere: Cū ergo intellectus intelligat, & ea, quæ sunt, & ea, quæ finguntur, similiter voluntas poterit velle, & ea, quæ possibilia, & ea, quæ impossibilia sunt. Non item, quatenus voluntas consideratur ut potentia, à ratione regulata. Ut sic siquidem simpliciter impossibilia à nemine rectè af-

I fecto

fecto expeti queunt, cū homo rectē affectus voluntatem habeat naturæ conformem, non difformem, adversamvé. 11. Per modum simplicis affectus & complacentiæ, delectando se in objecto impossibili, per intellectum apprehensum, non autem efficaciter illud intendendo. 111. Si per errorem intellectus, quæ impossibilia sunt, possibilia putemus, etiam cognitā rei impossibilitate. 1 v. Velleitate, non volitione, quarum hanc non illam sequitur *προαιρέσις*, quia hæc non illa fertur in finem, cum proposito consequendi, ideoque hæc non illa laborat de mediis, circa quæ ἡ *Προαιρέσις*, quæ, si nomen sive nominalitatem spectes, electio aliis, cū tamen hæc etiam animalibus ratione carentibus suo modo conveniat, non item *προαιρέσις*, studium atque institutum aliis, quod utrumque verbum latius re verbificatā, propositum propositio & destinatio animi aliis, quæ finis, cum *προαιρέσις* sit mediorum, consilium aliis, quod & ipsum distinguitur à *προαιρέσει*, sive illa denotet *συνέδριον* confessum, sive *συμβουλήν*, rationem quandam rei agendæ vel non agendæ, ab aliquo excogitatā, atque alteri datam, nondum tamen decisam, neque fixam, uno verbo, suasionem, agendi consilium aliis, idque appositissimè, quoniam τὸ *προαιρεῖσθαι* est consilium capere, pluribusque rebus, quæ sub actionem cadunt

cadunt, propositis, unam, quam quis agat & sequatur, cū diu multumquē delibera-
verit, cæteris repudiatis eligere, eiquē infi-
stere, quod proprium *προαιρέσεως*, quæ vi
nominis importat rationem rei agundæ,
vel non agundæ, explicatam, fixam, consti-
tutam: Sin rem, sive realitatem, næ illa
nihil aliud, finitore Aristotele, quàm *ἐκού-
σιον προβεβουλευμένον*, spontaneum sive vo-
luntarium quiddam præconsiliatum præ-
deliberatumvé. Juvat iterum *ἀναλύειν Ἀε-
στοτελικῶς*. *Genus Προαιρέσεως non est ἡ Ἐπι-
θυμία, Cupiditas, non ὁ θυμὸς, Ira, non ἡ Δόξα, Opinio, non etiam ἡ Βούλησις, Voluntas, quæ factorum principia, verūm τὸ Ἐκούσιον, Spontaneum, aut Sponte factum potius, idquē quoddam, non omne. Non Ἐπιθυμία, Cupiditas.* 1. Quia cupiditas quoque cadit in bruta, non item *προαίρεσις*, nisi passivè tantum, non etiam activè, quo-
modo videmus sagittam directè tendere ad
signum ex motione sagittantis, haud aliter
ac si ipsa rationem dirigentem haberet,
quam tamen non habet, verūm motor sive
movens, cujus virtus vertitur in motū mo-
bilis: Atqui *προαίρεσις* importat determi-
nationem appetitus, non solū passivam,
verūm activam magis. Eligit quidem canis
panem, negligit aurum, videturquē syllo-
gismo divisivo uti in explorandis feris, ca-
ptat & carpit ovis herbam unam præ aliâ,

hanc præ illâ , illam præ hâc , verùm sine consultatione scilicet , solo sensuum atque imaginationis iudicio , aliquid huc conferente instinctu naturæ , à quo appetitus brutorum naturaliter determinatur , absque præelectione ac consultatione tamē , quam *προαίρεσις* præsupponit , cum dominio aliquo actus. Ut ita in illis suo modo sit electio , verùm affecta , consistens in nudâ mediæ acceptatione , sine collatione ejus cum fine. Unde , si illis offeruntur duo fines æquales , v. g. duo pabula æquè bella , duō vè media æqualia ad finem , quorum neutrum sit necessarium , sed utrumque indifferens , ad alterutrum feruntur , atque alterum præ altero acceptant , ob aliquam rationem , quæ sæpè est occulta , ut , quia sit ad dextram , unde principium motus , aut quia proximè vel magis immediatè videatur , primovè visum sit. Vix quippè videtur fieri posse , ut æquè applicentur duo pabula , ita ut bestia unum præ altero non acceptet , æqualiterquē & à visu distent , eodemquē visualis lineæ puncto. Quod pronunciatum ore & more Philosophico de brutis , idem suo modulo tenet in pueris , in quos & ipsos cadit cupiditas , at non *προαίρεσις* , cujus idèò genus esse nequit cupiditas. Quamvis namque nōrint quodammodò proportionem mediorum ad finem , mediāquē inter se conferant atque expendant , quod-

quodnam sit utilius, rogati què, cur hoc agant, rationem reddant ex ordine ad finem, tamen hæc *προαίρεσις* eorum superficialia ac tumultuaria est, ut qui non intendunt, quod intendunt, in genere moris, cum ut bonitatem ita malitiam moralem nondum per ætatem cognoscant. II. Quia incontinens agit ex cupiditate, neque tamen *ἐκ προαίρεσις*: Ecce id? Quia enim videt meliora, eaque consultatione probat, & tamen sequitur deteriora, cum non rationem, à sensu non seductam, verum sensum, ejusque appetitum, sequatur. Quales enim viri incontinentis amabiles actiones? Annon sequuntur perturbationes, neque tam hominis sunt, ut est homo, quam ut est animal? III. Quia *προαίρεσις* adversatur cupiditati, nihil autem adversatur sibi ipsi, eodem putà tempore. & circa rem eandem, quomodo nemo v.g. eodem temporis momento simultaneè appetit divitias & paupertatem. IV. Quia cupiditas in iis tantum versatur, quæ jucunda sunt & molesta, *προαίρεσις* verò etiam in iis, quæ honesta & utilia, sive compendiosa. *Non οὐμὸς Ira.* I. Quia & hæc brutorum, puerorumque, non itè, neque æquè *προαίρεσις*, quæ præcedit quidem operis executionem, ut τὸ prius id, quod posterius, at non in brutis, puerisvè, qui & quæ ex impetuoso appetitu agunt, quod agunt, procul *προαίρεσις*,

πέρας omnis bruta, aliqualis pueri. II. Quia, si προάψει foret ira, tunc quæ per iram fiunt, fierent ἐν προαίρεσι, consilio sive consultò, cùm tamen ira adversetur consilio. III. Quia ira & ipsa est rerum jucundarum & molestarum tantùm, προαίρεσι verò rerum bonarum & malarum, utilium atque inutilium. Quamvis enim, tam honesta, quàm utilia, sæpè quoque sint jucunda, tamen deliberationis caput de honesto & utili potius esse solet, de jucundo autem non nisi per consequentias. Quo loco notandum notanter, conjunctiorem in comparisonem esse τῇ προαίρεσι, agendi consilio, cupiditatem, quàm iram, eò quòd, quæ ab irato fiunt, minùs consultò accogitatò fiunt, quàm quæ à cupido, quoniam quæ consultò fiunt, cum morâ quâdam & cunctatione fiunt, quam admittit cupiditas, non admittit ira, affiniorem interim eidem esse iram, quàm cupiditatem, quia iratus rationem sequitur, saltem aliquam, cupidus nullam, ut qui sequatur cupiditatem ducem, *Non etiam Δόξα Opinio, vel Communis, vel Singularis. Non Communis: I. Quia opinio est de rebus omnibus, tam æternis, iisque, quæ fieri nequeunt, quàm quæ nostri sunt arbitrii, quomodo videas homines opinari multa de Deo, mundo, infinitis mundis, astris, chymæris, exceptis iis, quæ sensui patent, enimverò προάψει de*

de rebus certis. II. Quia opinio vero & falso inter se dividitur, *προαίρεσις* verò bono & malo distinguitur. De opinione namque non tam quæritur, an sit bona, vel mala, sed an sit vera vel falsa, quia ad *θεωρίαν* pertinet, cui proposita veritas, contrà de *προαίρεσις* non tam an sit vera vel falsa, quàm an bona vel mala, quia ad *πράξιν* pertinet, cui proposita bonitas. Quod si interdum quædam opiniones dicuntur bonæ vel malæ, id sit *καταχρησικῶς*, & ratione compendii sive commodi, quod ex iis ad nostram vitam manat, non *χρησικῶς*. *Non Singularis.* I. Quia *τῇ προαίρεσει*, ex eo, quod bona vel mala consilia suscipimus, *ποιοί τις*, cujusdam modi, sive qualitate aliquâ affecti, dicimur, hoc est, boni vel mali, ex opinione non item. Nemo quippè sapiens, temperans, mansuetus, & in genere bonus aut malus est, quia se opinatur talem, at qui consilio capto, quod *προαίρεσεως*, boni quid aut mali suscipiunt, boni inde aut mali dici solent. Scilicet viri boni fiunt tales benè agendo, mali malè, quod *πράξιόν*, non opinando benè vel malè, quod *θεωρητικόν*. II. Quia finis *προαίρεσεως* est *πράξις* actio, hoc est, adeptio aut fuga eorum, quæ bona vel mala sunt, ut cujus proprium, ut expetere & persequi. ira fugere & aspernari, opinionis verò *γνώσις* cognitio, ut cujus proprium exquirere, quid sit hoc aut illud,

cui rei sit utile, quomodo & quatenus eo sit utendum, quid sit v. g. virtus, an dulcia noceant stomacho, an moderata post cœnam deambulatio sit utilis? III. Quia *προαίρεσις* laus & virtus rectum esse, opinionis verum esse. Sicut enim *προαίρεσις* laudatur, quod bona, viruperatur, quod mala, ita opinio laudatur, quod vera, vituperatur, quod falsa. IV. Quia *προαίρεσις* est de iis rebus, quas certò scimus, quasquè certò exploratas habemus, opinio autem de rebus plerunque incertis, aut non satis cognitis. V. Quia, si *προαίρεσις* & opinio idem essent, sequeretur eos, qui optimas habent opiniones, optima eligere: Atqui plurimi cum Medeâ, quod melius est, opinantur, at consilio id, quod pejus est, sequuntur. VI. Quia opinio plerunque prægreditur, cùm ad cognitionem pertineat, *προαίρεσις* ponè sequitur, cùm pertineat ad appetitum, qui ab opinione excirari consuevit, cognitione vè. De rebus enim prorsus non cognitis, neque in opinionem revocatis, nemo *προαίρεται* consultat, aut consilium capit. Dico plerunque. Fit enim interdum, ut *προαίρεσις* posterior sit opinio, velut in iis, qui non prout judicant amant, sed prout amant judicant, quod vitium familiare in vitâ. Non denique *Βούλησις* Voluntas. Quamvis enim magnam inter se habeant cognationem, cùm utraque sit hominis

minis propria, utraque appetitus cum ratione, & neutra sine alterâ, cum & velimus ea, quæ eligimus, & eligamus, quæ volumus, differunt tamen: I. Quia voluntas etiam esse potest τῶν ἀδυνάτων, earum rerum, quæ fieri nequeunt, eò quòd absolutè atque abstractè bonum spectet, quomodo videas multos velle cum Peliâ repuerasce-
re, non item προαίρεσις, eò quòd ad facta humana se referat, accommodans se ad ea, quæ nobis usui esse possunt actu. II. Quia voluntas sæpenuerò est eorum, quæ, licet possibilia sint, tamen à nobis fieri nequeunt, ut cùm optamus hunc vel illum athletam vincere, non item προαίρεσις, quæ eorum tantùm, quæ à nobis fieri confieri possunt. III. Quia voluntas respicit non tantùm pertinentia ad nos, verùm etiam ad alios, cùm non propria tantùm, sed etiam aliena velimus: at προαίρεσις ea solùm, quæ ad nos pertinent, quæquæ à nobis geri possunt, aut ab aliis nostro jussu. Quid enim stultius, quàm deliberare de rebus ad nos non pertinentibus, v. g. de rebus, quas agat rex Indiæ? IV. Quia voluntas magis se refert ad finem, προαίρεσις ad ea, quæ pro fine aut ad finem. Ita cupimus v. g. benè valere, ideoquæ consilium capimus de medicamentis, exercitiis, diætâ, cupimus esse beati, ideoquæ media ad hunc finem tendentia & ducentia circumspicimus. Quorsû apud

Græcos verbum βουλευέσθαι finibus, προαι-
 ρέσθαι mediis attribuitur. Non enim, quem-
 admodum dicimus, βουλόμεθα εὐδαιμονεῖν,
 sic dicimus, προαιρούμεθα εὐδαιμονεῖν. V.
 Quia voluntas simplex mentis iudicium
 exposcit, προαίρεσις etiam consultationem,
 per quam unum alteri præferat, tanquam
 προαιρετὸν, præ cæteris optabile. Quid enim
 aliud τὸ προαιρέειν, quàm τὸ πρὸ ἐτέρων αἰρέειν,
 id quod præ alio eligitur, eligi autem præ
 alio nihil potest ἄνευ λόγου ἢ διανοίας, absque
 ratiocinio mentis. *Quid ergò ἡ Προαίρεσις*
generis respectu, si nec Ἐπιθυμία Cupiditas,
nec θυμὸς Ira, nec Δόξα Opinio, nec Βούλησις
Voluntas, quid? Uno verbo, Ἐκούσιόν ἐστι, quid-
dam Spontaneum, vel potius Sponte-factum.
 Dico signanter quiddam. Neque enim, si-
 cut omnis προαίρεσις est ἐκούσιόν τι, ita omne
 ἐκούσιον προαίρεσις, cùm τὸ ἐκούσιν quoque
 puerorum sit, quoque quĩ etiam bruto-
 rum animantium, quæ agunt quidem spon-
 tē, neque tamen consilio, eò quòd consili-
 um non sit absque rationis agitatione seu
 disputatione, jam verò ratione carent ani-
 mantes, disputatione pueri, & interdum et-
 iam adulti, quādo repentino impetu agunt,
 quomodo spontē quidem agunt, at non
 consultò. Ut ita ritē subductis rationibus
 τὸ ἐκούσιον sit genus τῆς προαιρέσεως, ἡ προαίρεσις
 species τοῦ ἐκούσιου. *Differentia Specifica*
τῆς Προαιρέσεως, exprimitur, quando in defini-
tionē

tionē additur, quodd sit ἐκθύσιον, non quodvis, sed προβεβουλευμένον, præconsiliatum sive prædeliberatum, idquē ideò, tum quia ἐκθύσιον, non simplex, verùm πρὸ ἐτέρων αἰρετὸν, id quod sine consultatione fieri nequit, ideoquē sicuti προαίρετον idem, quod βουλευτὸν ὀρεκτὸν, ita & ἡ προαίρεσις, quod ὀρεξις βουλευτική, ὀρεξις διανοητική, νοῦς ὀρεκτικός, intelligens appetitus, atque intellectus appetens, sive mavis, appetitio intellectiva, & intellectio appetitiva, tum quia ratione atquē discursu utitur, id quod iterum fieri nequit absque consultatione, quam προαίρεσις præsupponit, quæ ideò meritisimo suo ἐκθύσιον προβεβουλευμένον, voluntarium cum antegressâ deliberatione earum rerum, quæ ἐφ' ἡμῖν, in nostrâ potestate sunt, ita ut agier vel non agier possint. Subiectum Προαίρεσεως, quod vocant, InhæSIONIS duplex est, ut Quod, sive Mediatum, & ut Quo, sive Immediatum. Subiectum InhæSIONIS ut Quod, sive Mediatum Προαίρεσεως est homo elector, non consul, adeoque anima sive animus hominis, ille remotum, hic propinquum. Subiectum InhæSIONIS ut Quo, sive Immediatum & Proximum Προαίρεσεως ratione actus, quo appetitus tendit in aliquid, quod proponitur ut bonum, ex eo, quod per Intellectum est ordinatum ad finem, secundum Thomam & sequaces materialiter est Appetitus, formaliter Intellectus Pra-

cticus, ita tamen, ut substantialiter ea non sit propriè actus intellectus, verùm appetitus, cùm non sit essentialiter ipsa syllogizatio antecessoria operationis, quæ opus intellectus, in quo *προαιρέσις* originaliter & radicaliter, verùm consecutoria, quæ opus appetitus, in quo eadem virtualiter, *πρώτως* primò in apperitu rationali, qui voluntas, *δευτέρως* secundò in irrationali, qui appetitus sensitivus. *Objectum Προαιρέσεως* sunt Media, non quævis, verùm præsentia, non præterita, quia res facta infecta fieri nequit, tum possibile nobis, non impossibile, quorum illa agibilia, sive spectes usum eorum actuum, qui illius, qui inito consilio, factâque electione, utitur aliquo tanquam medio, u. g. ferrâ ad secandum, interveniente activâ applicatione potentiæ, vel instrumenti potentialis, ad operandum, sive usum eorum passivum, qui istius, qui inito consilio, factâque electione, utitur aliquo aliter tanquam medio, v. g. usu ferræ, superveniente operatione potentiæ, vel instrumenti potentialis, applicati ad operandum, quorum actuum alter in genere moris est actus voluntatis, applicantis cæteras potentias, perquæ illas, quod ipsa elegit, exequentis, per modum operantis activè, alter operatio potentiarum, à voluntate applicatarum, per modum exequentis passivè.

CAPUT XXXIII.

Annon ἡ Προαίρεσις, quæ actio Voluntatis, necessitudinem quandam habeat cum Βουλευσὶ Consultatione, quæ actio Intellectus Practici, in ipsâ innecessitudine? Et quæ Βουλευσι Consultabilia propriim, quæ non?

H' Βούλευσις Consultatio triverbio est ratiocinatio circa media, pluriverbio nihil aliud, quàm inquisitio, aut disquisitio potius, mediorum latentium, & collatio patentium inter se, ut ex cæteris commodiora eligantur, atque ad finem decernantur, propter quem eliguntur. Inquisitio sive disquisitio ideò, quia circa res agendas occupatur, in quibus multa incertitudo, eò quòd actiones sint circa singularia contingentia, quæ propter sui variabilitatē incerta sunt, jam verò in rebus incertis ratio non profert iudicium absque inquisitione præcedente, utut interim differant inquisitio & consultatio, semel quia inquisitio de quâcunque re, consularatio de re agibili, agendâvé, iterum quia inquisitionis finis scienria, consultationis actio, demùm quia omnis consularatio inquisitio, non contrâ. Collatio & comparatio mediorum ideò, quia enim in ordine acticum τῶν καὶ λόγων duo semper spectanda, finis nempe & media, ac finis

quidem certus ponitur, de mediis verò inquiritur, sintné reperta, an reperienda, si nondum, tunc inuenienda scilicet, si secùs, tum verò videndum, plurané sint, an unum duntaxat, si plura, ea deligenda, quæ facilliora, atque ad rem perficiundam opportuniora, si unum, quâ ratione hoc uno res confici possit, dispiciendum, hinc progredientes videre nos convenit, hoc ipsum unum unde pendeat, quâq; aliâ re obtineri possit, quod secundum assecutis, ad tertium, & reliqua deinceps, condescendendum, donec ad primam totius consilii causam sit perventum, hoc est, ad primum medium, ex quo reliqua fini propinquiora pendent, quod primum quemadmodum inventione ultimum *ἐν ἀναλύσει*, in resolutione, ita *ἐν συνθέσει*, in compositione & actione primum. Ut enim in geometriâ posteriores figuras resolvimus in priores, probando semper posteriores designationes per priores jam probatas, quousque deueniamus ad unam primam indemonstrabilem, quæ nullo modo in aliam resolvi possit, simili modo consultans proposito fine videtur perquirere media, & resolvere, resolvendoque pervenire ad unum, quod est ultimum, quod invenit in perquirendo, est primum, à quo incipit operari, postquam desierit deliberare. Ita v. g. de pluribus mediis anquiritur, quando belli causâ deliberatur, equitatuné

an peditatu illud sit gerendum, copiis terrestribus, an navalibus, si qua oppugnanda urbs, scalisnè scanfilibus sit oppugnanda, coronâvé, cuniculisvé, tormentisvé. Constituto, equitatu conficiendum bellum esse, ulterius quæritur, quo is paretur modo, cogniroqué, pecuniâ eum comparari, mox de eâ inveniundâ agitur, cumqué ejus inveniundæ complures sint rationes, tributum indicitur, ab eoqué actio tota instituitur, planè sicut in domo ædificandâ ponitur primùm finis, qui est, ut nos arceat ab injuriis cœli, medium inde ejus cognoscitur, quod tectum, quod ut perficiatur, collocandi sunt parietes, locanda fundamenta, ad quæ necessarii fabri, lapides, materia, cœmenta, quæ cùm pecuniâ parentur, hæc primùm reperiunda. Scilicet in scalâ morali actionum hi dantur gradus successivè, januam ejus scalæ aperiente $\tau\eta\ \acute{o}\rho\acute{\epsilon}\xi\iota$, primo impetu objectivo, & $\acute{o}\rho\mu\eta$, motu subsequo appetitus, nondum illuminati à ratione. Primò intellectus absolutè rem judicat, id quod cognitionis absolutæ: Secundò sub ratione boni rejudicat, id quod cognitionis relativæ: Tertiò, quod sic judicatum & rejudicatum, voluntas vult, id quod volitionis, sequentis cognitionem relativam, per velle relativum: Quartò, vis consultandi de mediis pro ejus consecutione consultat, id quod $\beta\omicron\upsilon\lambda\epsilon\upsilon\sigma\iota\omega\varsigma$, consultationis: Quintò,

tò. id quod judicatum, rejudicatum, volitum, deliberatum, voluntas decernit, id quod γνώμης propositi, consequentis consultationem: Sextò, quod cæteris in consultatione prælatum, vis eligendi præeligit, nisi appetitus sensitivus obliſtat, id quod προαίρεσις, quæ sicut à βουλεύσει differt tempore, quia ἡ βούλευσις præcedit, προαίρεσις sequitur, quæ si facta, cessat βούλευσις, differt subjecto, quia ἡ βούλευσις facultatis cognoscentis, προαίρεσις facultatis appetentis, differt qualitate, quia ἡ βούλευσις dirigit, investigando parando & comparando media, deque his ratiocinando, προαίρεσις exequitur, amplectendo rem decisam, atque in consultatione cæteris præpositam, januam scalæ moralis claudente actione, tanquam βουλεύσεως & προαίρεσις, deliberationis & electionis termino, ita cum eadem βουλεύσει convenit objecto, quod geminum re, geminatum ratione. Quatenus enim sub βούλευσει consultationem cadit, dicitur βουλευτὸν, quatenus verò sub προαίρεσει consilium, dicitur προαιρετὸν, illud antecedenter, hoc consequenter, quia quicquid consilio suscipitur, id prius in consultationem uti venerit necesse est. Ita v. g. quàm diu deliberatur, an bellum gerendum sit, necné, hoc est βουλευτὸν, sed cum decretum atque statutum est, illud esse gerendum, jam est προαιρετὸν, desinente τῇ βουλεύσει consultatione in προαίρεσιν

μεσιν agendi consilium, quod, ubi illa definit, incipit. *Cæterum τῆς Βουλευσεως Consultationis Objectum universè vel Negativum est, vel Positivum. Objectum Βουλευσεως Negativum iterum vel Generale est, vel Speciale. Objectum Βουλευσεως Generale Negativum sunt illa, de quibus homo stolidus aut furiosus deliberat, hoc est, homo mentis impos & exul, non compos & consul, quæ indeliberabilia. & deliberabundi potius, quàm deliberantis. Cum enim quæritur, quæ res in & sub deliberationem cadant, id non capiendum de iis rebus, de quibus deliberant interdum stulti, ut si quis secum deliberet, quando in cælum volare possit, verùm de iis, de quibus deliberant sapientes, adeoque ii, qui duplum vident; sive unus, sive plures numero, uti sit in rebus magni momenti, in quibus solemus assumere socios ad consultandum, quò fiat aggregatum ex pluribus consiliis, hoc est, magnum consilium sive confiduum, inde dictum, quod multi consideant ad conferendum sive consultandum simul. *Obiectum Βουλευσεως Speciale Negativum sunt: I. Res Semipiternæ, quæ semper sunt tales, ut Deus, mundus, principia naturæ nota, adeoque ea omnia, quæ in scientiis & disciplinis liberalibus ad absolutam necessitatem pertinent, qualia principia necessaria, & conclusiones necessariae, de quibus nemo sanæ**

men.

mentis consultat, ut in quibus sit quædam ut principiorum ita conclusionum necessitas. Quæ enim certis atque exquisitis in artibus ac scientiis determinata sunt, de his non videtur deliberandum, ut quibus v. g. litteris vox quæque sit scribenda, quâ ratione syllogismus primæ figuræ sit conficiendus? Vel ideò etiam, quia consultamus propriè de iis, quæ sub actionem cadunt, non scientiam, nisi fortè $\pi\eta\epsilon\pi\alpha\sigma$, modo quodam, atque ex eventu, semel, quia sæpè eadē conclusio per varia media inferri potest, quo in casu datur consultatio, quodnam eorum sit efficacius, & consequenter eligibilius, iterum, quia cum scientiâ variæ opiniones complicantur, de quibus non valemus reddi certi, cum pro omni parte sint rationes, consultatione quæ ex eo opus, quænam earum verior, & utra alteri debeat præferri in comparatione. II. Res Naturales, siue eodem se illæ semper habeant modo, quæcunque tandem ejus perpetui motus sit causa, necessitas, an natura, siue varient. Prioris generis sunt, ortus & occasus solis, aliæque conversiones corporum cœlestium, sicut & illa, quæ his à motibus dependent, ut annorum, mensium, dierum, noctium vicissitudo & varietas, æquinoctia, solstitia, ver, æstas, autumnus, hiems, eclipses, & alia congenera. Posterioris generis sunt, siccitates, imbres, venti, steri-

sterilitates, æstus, frigora, tonitrua, tempera-
menta corporum, canities, quæ omnia alie-
nissima à cōsultatione, quia hæc circa ea ver-
titur & versatur, quæ à nobis fieri possunt,
illa autem non possunt fieri à nobis, atque ut
plerunque accidunt ita, non accidunt tamen
ratâ & statâ ratione. III. Res Fortuitæ,
qualis thesauri effossio, & aurei tripodis in
piscatu inventio. Quanquam enim etiam
ea, quæ fiunt à fortunâ, dicantur fieri à men-
te humanâ, tamen fiunt per accidens, & id-
eò non videntur propriè & proximè fieri à
nobis, quia fiunt atque eveniunt præter in-
tentionem nostram, quâ causam efficien-
tem, quâ media, quâ finem denique. IV.
Res Humanæ, quæ per nos effici nequeunt,
& ad nos nil attinent, quomodo nemo v. g.
Spartanorum deliberat, quâ ratione Scy-
thæ Rempublicam suam constituent quàm
optimè. Utut enim de alienis quæri possit,
quando fieri quàm commodissimè queant,
tamen illa disquisitio non est βούλευσις, quæ
semper actionis ergò instituitur; sed potius
ζήτησις: Utut item consiliarii principum
deliberent de attinentibus ad principes, pa-
tres de attinentibus ad filios, viriquè pru-
dentes de attinentibus ad alios, quorum a-
ctiones rectâ consultatione dirigere & corri-
gere cupiunt, tamen illa consultatio non est
propriè de iis, quæ ad nos haud pertinent,
cùm per nos intelligere debeamus, non so-
lùm nos individuos, sed insuper omnes, qui
ad

ad nos pertinent, qui nobis sunt juncti, nostræque curæ ac diligentiae crediti, cujus commatis etiam sunt domini, filii, amici, familiares, alumni, clientes. Etc. Quod si nonnunquam consultamus de alienis, vel id facimus exercitii gratiâ, quod rectius nostras actiones valeamus dirigere, prudentioresque exinde evadamus, vel consultationes tales sunt inanes, sineque destitutæ; unde fit, ut sæpè nos ipsos carpamus eo nomine, quod inaniter laboremus: Vel dicendum, nos hoc facere ex suppositione, nec alio animo & consilio, nisi hoc; quod si hæc ad me pertinerent, his similibusque mediis uterer, per hæc in finem tenderem. Ut multa paucis cōplectar, consultatio pressè est *περὶ τὰ οἰκεία*, circa ea, quæ ad nos tantum spectant, non etiam quæ ad alios, nisi in quantum aliorum facta, de quibus consilium capessitur, sunt quodammodò unum nobiscum, uel per unionem effectus, sicut amicus consilium capit de his, quæ ad amicum spectant, velut de suis, vel per modum instrumenti, quomodo dominus consilium capit de his, quæ sunt agenda per servum, tanquam de suis. Sed nec de impossibilibus deliberat quisquam mentis integræ, quia eadem deliberatio sic est *περὶ τὰ οἰκεία*, ut insimul sit *περὶ τὰ ἐφ' ἡμῖν πρᾶκτα*, circa ea, quæ à nobis fieri queunt possunt, qualia possibilia, non impossibilia. Hinc videas homi-

homines , quando in consultando perveniunt ad id , quod est impossibile , re infectâ discedere, quasi non valentes ulterius procedere. Et quî de impossibilibus deliberer quis, quî, cùm ad id, quod est tale, nemo moveatur? Ideò ideò quippè ferimur in finem, tanquam possibilem , quia apparêt id, quod est ad finem, possibile. Neque enim finis potest esse possibilis, nisi id, quod est ad finem, fuerit compossibile. V. Res Præteritæ , quia facta infecta fieri nequeunt , eò quòd non sint in nostrâ potestate , quâ re solâ, juxta Agathonem Poëtam, privatur Deus , ut facta non infecta possit reddere, nedum homo , qui consultat quidem etiam de futuris eventibus , qui & ipsi non sunt in manu nostrâ , verùm in quantum per futuros eventus cognitos dirigitur ad operandum , hoc est , aliquid faciendum , vel evitandum : Jam verò consilium non solùm de his , quæ aguntur , sed etiam de his , quæ ad operationes ordinantur , agique possunt , igitur & de futuris , saltem istactenus. VI. Res Singulares , sub sensum cadentes, ut an mons Bruëterus in Saxoniâ sit altissimus? Sitné hic panis, & an rectè coctus? Sed cur non cadunt sub deliberationem hujus segmenti res, cur? Tum quia sensu cognoscuntur & dijudicantur, deliberatio autem est cum ratione, & animi agitatione, tum quia alioqui efficeretur, ut

vana

vana & irrita foret deliberatio. Nam si etiam sensibus fides non habetur, & omnia in disputationem revocantur, tunc ad exitum perducere deliberatio haud poterit; eritque infinita, si infinita, ergo vana, semper siquidem deliberabitur, nihil verò geretur, cum tamen deliberatio rei gerendæ causâ instituat. VII. Finis, qui in omni deliberatione præsupponitur. Alioquin enim ex parte finis esset processus in infinitum, quomodo Medicus v.g. præsupponit sanitatem, deinde consultat de iis, quæ ducunt ad sanitatem, orator supponit suasionem, deinde consultat de argumentis suasoriis & persuasoriis. Scilicet finis in operabilibus habet rationem principii, eò quòd rationes eorum, quæ sunt ad finem, ex fine sumantur: Principium autem non cadit sub quæstionem, sed principia oportet supponere in omni inquisitione: unde, cum consultatio sit quæstio, de fine non est consultatio, sed solum de his, quæ sunt ad finem, nisi finis respectu quorundam ordineretur ad alium finem, quo in casu, sicut id, quod est principium unius demonstrationis, est conclusio alterius, ita id, quod accipitur ut finis in unâ inquisitione, potest accipi ut ad finem in aliâ, putà si res eadem plures ad fines æquè distitos referatur, ut si quis dubitet, bonis litteris privatim an publicè uti velit? Virtutemné, an voluptatem, an honores,

nones, an divitias, ut summum bonum
confectari? Si dubitabiliter & dubitativè,
consultatio erit non de fine, sed de eo, quod
ad finem, quia finis quid determinatum,
ea verò, quæ ad finem, quid determinan-
dum, per determinatas vias, ad determina-
tos fines: fin indubitabiliter & indubitati-
vè, jam non βούλευσις fuerit, sed βούλησις,
hoc est, applicatio appetitivi motus ad ali-
quid præexistens in potestate applicantis.
Quo fit, ut motus appetitus in finem non
tam applicetur consultatione, ἢ βούλησις
βουλεύσει, quàm consultatio ipsi, ἢ βούλευσις
βουλήσει, quia consultatio præsupponit ap-
petitum finis, appetitus verò eorum, quæ
sunt ad finem, determinationem interveni-
ente consilio sive consultatione, in quan-
tum motus appetitus, ἢ βούλησις, applicatur
ut sic ad id, quod τῇ βουλεύσει consultatio-
ne est indicatum. Horsum Franciscus Pic-
côlomineus distinguit inter finem ultimū,
& subordinatum, & de illo nullam esse pe-
nitūs vult consultationem, eò quòd eum ita
velint omnes, ut nemo eum possit nolle,
cùm nihil includat, quod non omnibus fa-
ciat satis, quam consultationem tamen ad-
mittit in hoc, eò quòd finis relatus ad ulti-
mum obtineat rationem mediū, aliudquē
sit consultare de fine, aliud consultare pro
fine, quomodo studiosus deliberat v. g. de
facultate, cui se consecrare velit, tanquam
de

de fine subordinato, non item de eruditione, tanquam fine ultimo: Quam in rem sic Thomas, *παράλληλως* superioribus: Sicut in speculativis nihil prohibet id, quod est unius demonstrationis vel scientiæ principium, esse conclusionem alterius demonstrationis, vel scientiæ, utut interim primum principium indemonstrabile non possit esse conclusio alicujus demonstrationis, vel scientiæ, ita in operabilibus nihil prohibet id, quod est in unâ operatione, ut finis, ordinari ad aliquid, ut ad finem, atque sic sub deliberationem cadere, sicut in operatione Medici videmus sanitatem se habere, ut finem, atque ut sic sub deliberationem non cadere Medici, licet cadat, quatenus ordinatur ad bonum animæ, utut interim ultimus finis sub deliberationem non veniat, qui, tanquam primum principium Practicum, indeliberabilis, sicut primum principium Theoreticum indemonstrabile in suo regno. Contra Wolfgangum Heiderum, qui etiam de ultimis finibus vult esse consultationem, non intermediis tantum, mediorum instar se habentibus, eò quod sæpè de finibus, non ratione sequentium, sed ratione antecedentium, deliberetur, ut, si bellum vicinis sit inferendum, pœnæné, recuperationisné, an defensionis ergò sit inferendum? Quod si verum, tunc ea, quæ *Περὶ ἀληθείας* dicta sunt, in sensu

com.

comparativo accipienda fuerint scilicet , hoc est , ita , ut in comparatione magis de mediis , quàm de finibus , deliberationes instituantur , instituantur tamen , nempè tunc, si minùs sint certi, pluresvé. *Objectum Βουλευσεως Speciale Positivum sunt* : I. Τα Ἐνδεχόμενα, Contingentia, hoc est, res, quæ plerunque accidunt, saltem accidere possunt, id quod eo ipso invitat ad deliberandum. Cuivis siquidem accidere potest, quod cuiquam potest. II. Τα Ἀόριστα, Incerta, quia enim deliberatur de rebus incertis, non certis, eventualibus, non evenientibus. III. Τα Δυνατὰ, Possibilia, qualia quæ nostri sunt arbitrii, quæquæ per nos aut amicos peragi possunt: Nam & tunc principium in nobis est positum, cùm amici agant nostri respectu, hoc est, nostrâ voluntate & jussu: Jam verò, quod quis per alium facit, per seipsum fecisse videtur, præsertim cùm amicus sit alter idem, vel alter ego, adeoque instrumentum. Quemadmodum ergò instrumentorum usus principium est in nobis, ita & amicorum. IV. Τα Ὀρισμένα, Finita acta, tam ex parte principii, quàm ex parte termini: Ex parte principii, ejusquæ tam proprii, quòd finis, quàm assumti, quod sensus: Ex parte termini, qui ἴσθ' ἀγίβη. Sicut enim finis habet rationem principii, ita id, quod agitur propter finem, rationem conclusionis, quodquæ

πρώτως primò agitur , conclusionis ultimæ. Dico finita actu. Nihil quippé prohibet, ut consilium, ita consultationem , infinitam esse potentiâ, secundum quod in infinitum possunt aliqua occurrere consultabilia , alia videlicet ex aliis , & super alia , & post alia , ita ut, quemadmodum lana lanam trahit , sic unum consilium aliud, unum consultabile aliud atque alterum. V. Τέχναι, Artes , quæ universè magis in deliberationem cadunt , quàm scientiæ , quia plures dubitationes in illis, quàm in his, oriuntur, præsertim ποχασικαὶ Conjecturales, quas constat esse incertas , deliberatur verò de rebus incertis, hoc magis, quò sunt incertiores. VI. Τα' Μέσα, Media, sive ordinata ad finem, in quo assequendo omnis consultandi labors est positus, assequimur autem eum per media, aliàs plura, aliàs pauciora, aliàs unicum tantum. Sed heic scilicet interdum media, siquidem absint, quærenda , sin adsint , ratio ineunda, quomodo iis commodè uti valeamus. Nonnunquam enim quæritur, quibus mediis, quandoque πῶς, quomodo his utamur, semper autem quæritur , unde deliberatio ipsa quæstio, & qui deliberant , quærere dicuntur.

C A P U T XXXIV.

Quæ Βουλευτὴ Volibilia proprium , quæ non ? Atque istorsum de Libertate
Ar.

*Arbitrii Topicè, quid illa sit, & an
detur in terminis?*

*Sicut τῆς Βουλευσεως Objectum τὰ Βουλευτὰ
Consultabilia, ita τῆς Βουλῆσεως Objectum
τὰ Βουλῆτὰ Volibilia, & sicut illius Objectum
pingui Minervà vel Negativum, vel Positi-
vum, item similiterque hujus Objectum Βου-
λῆσεως Negativum est, in genere Malum,
in specie Medium. In genere Malum, quod
percipit voluntas sub ratione malitatis, si-
ve mali, non equidem volendo illud, sed
nolendo, quia nolibile de se, sicut intelle-
ctus concipit falsum sub ratione falsitatis,
sive falsi, non equidem affirmando illud,
sed negando, quia negabile de se. Quic-
quid sit, saltem voluntas non vult malum,
quà malum, sive sub ratione & notione
mali, tum quia impossibile, ut quis velit
malum, quà malum, quoniam malum, ut
malum, est non ens, à quo omnis naturalis
appetitus abhorret, ideoquē in se inappe-
tibile, quod propterea non magis appetere
possumus, quàm sentire, quod non est sen-
sibile, aut scire, quod non est scibile, tum
quia appetitus est inclinatio appetentis in
aliquid, nihil autem inclinatur in id, quod
est inconveniens, vel saltem, quod appre-
henditur ut tale, quale malum utrovis mo-
do, tum quia, quod appetitur, id obtinet
rationem finis, cū in eo consistat finis cau-*

salitas, ut metaphoricè moveat appetitum, malum verò non habet rationem finis, quoniam nemo intendens ad malum operatur, licet interim hoc stante, neque tamen obstante, malum voluntas possit velle sub ratione & notione boni, purà, si id, quod malum est, bonum esse appareat, quomodo sub ratione boni sæpè volumus illud, quod pessimum, & contrà sub ratione mali volumus illud, quod optimum. Ut ita his positis & suppositis actus nolendi pro objecto habeat malum tantum, sive *ὄντως*, verà reale, sive *φαινομένως*, apparenter tale, illud per se, hoc per accidens, idquè vel perpendiculariter & directè, quia apparet simpliciter malum, vel appendiculariter & obliquè, quia non quidem simpliciter apparet, tale, verum cum eo conjungibile, conjunctumvé. Unde triplex resultat ratio nolendi. Aut enim non vult voluntas aliquid, vel quia reverà malum est simpliciter, vel quia apparet simpliciter malum, vel quia non quidem simpliciter apparet malum, verum secundum quid, hoc est, quatenus cum malo aliquo est copulatum. Contrà Occamum Scholasticum, & Occamistas, qui autumant voluntatem posse velle malum, quod nec bonum sit realiter, nec apparenter, eò quod etiam circa malum cognitum quis possit se gerere benè & malè, benè, si quidem persequatur illud, malè, si quidem pro-

prosequatur illud. Manifestissimo solœco, dicam, an solœcismo. Ut enim malum cognitum quis prosequatur, tamen non prosequitur illud, ut tale, aut ut apparet tale, verùm ut videtur cum eo boni quid combinatum, quod quis assequi discupit. Neque vel hilum valet, nedum evalet, & prævalet in oppositum, quòd eadem potentia sit oppositorum, visus v. g. nigri & albi, similiterque voluntas, non solum mali, sed etiam boni. Ut enim voluntas se habeat, & ad malum, & ad bonum, tamen non eodem ad utrumque se habet modo, verùm ad illud fugiendo, ad hoc appetendo, quorum prius voluntatis, posterius voluntatis. Non magis, quòd voluntas hominis perversi peroderit Deum, id quod simpliciter malum esse non non novit, & in quo nihil boni esse nō non scit: Quà de re? Quia enim voluntas hominis perversi odit Deum, non quā bonum, sed quā malum impio, adeoque quā zelotem, hoc est, judicem & vindicem severum Quare dicendum, si in odio Dei nullum, ne quidem apparens bonum, homo apprehenderet, tunc fore, ut, qui ita Deum oderit, in malum feratur sub ratione mali, id quod *πρῶτον ψεῦδος ἢ ψευδὲς* falsimonium primæ notæ. Nunquam nunquam enim averfatur Deum creatorem creatura; quin aliquid in fugā illā bonum esse sibi falso persuasum habeat, cum ideò eum fugiat

& fugitet, ne præcepta ejus observare cogatur, atque ut pœnam, transgressionì positam, evitet. Nec magis, quòd si nulla voluntas feratur ad malum, quàm malum, sive sub ratione & notione malì, sic nulla detur transgressio ex malitiâ, sed vel ex ignorantia, vel ex affectu, vel quâvis aliâ infirmitate: Quia peccatum malitiæ, non tam ex objecto, quàm ex subjecto, æstimandum. Quòd si enim v. g. homo, malo consilio, nullo præventus affectu, nullo errore occæcatus, eligat malum ob solam jucunditatem, utilitatemvè, quam de re illâ concipit, quam eligit, nã malitiosè agit, licet malum non eligat, quàm malum: Eccur id? Quia enim non necessum est ad peccatum, quod ex malitiâ committitur, in malum uti volunras sub ratione malì feratur, cùm, qui ex malitiâ peccat, is malum agat prudens & sciens, quo fit, ut sufficiat ad hoc; ut quis malitiosè agat, si feratur in volitum, adeoquè id, quod simpliciter malum, partim liberâ voluntate citra errorem, partim citra affectus violentiam, licet ad illud eum pelliceat utile quippiam ac delectabile, quod malo isti adhærere quis arbitrat. Sed nec, quòd quis possit in experimentum virium sui arbitrii. per in & abs se eligere malum, respuere bonum, quia enim id facit, qui facit, sub ratione boni in illo ipso formali experimento. Non deniq; quòd
volun-

voluntas liberè feratur in ipsas boni privationes, quoniam privationes illæ non appetuntur, nisi quatenus cum privatione unius boni conjunctum est bonum aliud, vel saltem simul malum aliquod tollitur, seu verum, seu apparens, sive adumbratum. *In specie Medium*, quia voluntas propriè est ipsius finis, tanquam per se boni & voliti, non mediorum, sive eorum, quæ sunt ad finem, quæ quia non bona propter se ipsa, idè nec volita, nisi in ordine ad finem. Unde voluntas in ea non fertur, nisi quatenus fertur in finem, quo fit, ut hoc ipsum, quod in eis vult, sit finis, planè sicut ÷ intelligere est eorum propriè, quæ secundum se cognoscuntur, scilicet principiorum, non eorum, quæ cognoscuntur per principia, nisi in quantum in eis ipsa principia considerantur. Sic siquidem se habet finis in appetibilibus, sicut se habet principium in intelligibilibus, & contrà. *Objectū Βουλῆσεως Positivum est, in genere Bonum, in specie Finis.* In genere Bonum, quod percipit voluntas sub ratione bonitatis, sive boni, non equidem nolendo illud, sed volendo, quia volibile de se, sicut intellectus concipit verum sub ratione veritatis, sive veri, non equidem negando illud, sed affirmando, quia affirmabile de se. Atque adèd voluntatis objectum positivum esse bonum, quà tale, aliàs germanum, aliàs germani-

cum , sive germanissans , id dant rationes.
 1. Quia duplex duplex actus voluntatis ,
 unus improbativus, sive nolendi , qui pro
 objecto habet malum tantum, sive verum,
 sive apparens, illud per se, hoc per accidens,
 alter approbativus, sive volendi , qui pro
 objecto habet bonum tantum , sive verum,
 sive apparens , illud per se , hoc per acci-
 dens. Dico, sive verum, sive apparens, quia
 velle potesse voluntatem etiam , quod ma-
 lum est, & nolle , quod bonum , scrupulo
 caret, putà, si id, quod malum est, bonum
 esse nobis appareat , vel quod bonum, ma-
 lum. 11. Quia bonum est convenientia
 rei cum appetitu, qui nihil aliud, quàm in-
 clinatio appetentis in aliquid , non inclina-
 tur autem quicquam , nisi in id , quod est
 conveniens sibi , vel saltem apprehenditur
 ut tale , quare nullus appetitus ferri in alia
 potest, nisi in ea, quæ vel bona sunt reverà,
 vel apparent esse, si nullus , ergò nec vo-
 luntas. Ut ita his positis & suppositis actus
 volendi pro objecto habeat bonum tantum,
 sive verum, atque *ὄντως* tale, sive apparens,
 atque *φαινόμενος* tale, illud per se , hoc per
 accidens, idquæ vel perpendiculariter & di-
 rectè, quia apparet simpliciter bonum, vel
 appendiculariter & obliquè , quia non qui-
 dem simpliciter apparet tale, verum cum
 eo conjugibile , conjunctumvé. Unde tri-
 plex confurgit ratio volendi. Aut enim
 vult

vult voluntas aliquid , vel quia reverà bonum est simpliciter , vel quia apparet simpliciter bonum , vel quia non quidem apparet simpliciter tale , verùm secundum quid tantùm, id est, haftenus, quatenus cum bono aliquo est conjungibile, conjunctumvé. Neque derogat dictis assertis , quòd rationales potentiae se habeant ad opposita prosequenda , conquè venienter quoque etiam voluntas, qualificata ut sic , non tantùm ad volendum bonum , sed etiam ad volendum malum. Non enim potentiae rationales se habent indifferenter ad quaelibet opposita prosequenda , sed ad ea , quæ sub suo convenienti objecto continentur , quale voluntatis rō bonum , unde ad illa opposita prosequenda se habet voluntas , quæ sub bono comprehenduntur , v. g. ad rō moveri & quiescere , loqui & tacere , sub boni ratione. Non magis , quòd bonum & ens convertantur in suo orbe, voluntas verò non solùm sit entium, verùm etiam non entium, cùm velimus quandoque v. g. non ambulare , non loqui , quare non tantùm boni ! Ad quod repono , illud , quod non est ens in rerum naturâ, accipi ut ens in ratione , idquè sub ratione & consideratione boni. Scilicet voluntatis laxè acceptæ, pro ut tam velle quàm nolle complectitur , objectum materiale est , tam ens , quàm non ens, formale, tam bonum , quàm malum ,

illud ut persequatur, hoc ut aversetur : E-
 jusdem voluntatis pressè sumtæ, prout rō
 velle & nolle opponitur, objectum materi-
 ale itidem, tam ens, quàm non ens, quo-
 modo propiciæ quæ optant non esse, for-
 male verò tantum bonum, quia illi ipsi pro-
 picia ipsum illud non esse volunt & o-
 ptant sub specie boni, ut pueri medica-
 mentum insipidum, sed quatenus saccharo
 illitum. Nec magis, quòd si voluntas non
 liberè inclinè, tam ad bonum, quàm ad
 malum, tunc nulla amplius futura sit li-
 bertas ad bonum & malum, verum omnis
 ad bonum, exemplo libertatis angelicæ
 bonigeniæ. Quasi verò libertas ad bonum
 & malum idè dicatur, quòd tam bonum
 quàm malum velit voluntas, & non potius,
 quòd bonum velit, malum nolit, imitami-
 ne bonorum geniorum. Sed nec, quòd
 quis circa bonum cognitum benè se gerere
 possit, & malè, benè, siquidem id prosequa-
 tur, malè, siquidem persequatur. Quasi ve-
 rò illud persequeretur, ut est tale, aut ut ap-
 parer tale, ac non potius, quatenus cum eo
 videtur mali quid conjunctum, quod quis
 effugere percipit. Non denique, quòd vo-
 luntas saltem in bonum feratur liberè.
 Quamvis enim liberè feratur in illud, ta-
 men ita fertur, ut possit velle illud, & non
 velle, non autem, ut velle, eademque odif-
 se. *In specie Finis*, sumto vocabulo volun-
 tatis,

tatis, secundum quod propriè nominat actum ejus, non quemvis, sed volitionem, quæ finis, in quem ut sic fertur voluntas, ἀπροβουλεύως quidem, hoc est, sine præviâ deliberatione, quæ mediorum, sed non ἀκρίως, hoc est, sine prævio judicio mentis, quod voluntas supponit, quia nihil appetitur, nisi præcognitum, cum nulla ignoti sit, ut scientia, ita cupido. Nimirum voluntas quandoque dicitur ipsa potentia, quâ volumus, quandoque actus ejus. Quod si loquamur de voluntate, secundum quod nominat potentiam, sic se extendit, & ad finem, & ad media: Ad ea enim se extendit unaquæque potentia, in quibus inveniri potest quocunq; modo ratio ipsius objecti, sicut visus se extendit ad omnia, quæcunque participant quocunque modo colorem, ratio autem boni, quod est objectum potentiae voluntatis, invenitur non solum in fine, v. g. sanitate, sed etiam in his, quæ sunt ad finem, v. g. iis, quæ sunt propter sanitatem: Sin loquamur de voluntate, secundum quod proprie signat actum, ut sic est finis tantum, quoniam omnis actus, denominatus à potentia, nominat simplicem actum illius potentiae, τὸ intelligere v. g. actum intellectus, simplex autem actus potentiae est in id, quod est secundum se objectum illius potentiae, quod est in nostro argumento finis, tanquam bonum pro-

pter se volitum, non medium, quod bonum volitum propter illum. Neque officit luminibus voluntatis, negativè se habentis ad malum, positivè verò ad bonum, vel illud Philosophi, quòd voluntas sit finis, *περὶ αἰσθητικῶν* verò eorum, quæ ad finem, vel istud, quòd ad ea, quæ diversa sunt genere, diversæ potentiæ animæ ordinentur, conquæ venienter etiam ad finem, & ad media, quæ in diverso genere boni, cùm bonum honestum & delectabile, quod habet rationem finis, sit in genere qualitatis, vel actionis, vel passionis, bonum autem utile, quod habet rationem medii, in eo, quod est ad aliquid, vel hoc, quòd habitus proportionentur potentiis, cùm sint earum perfectiones, in habitibus verò, præsertim operativis, ad aliud pertineat finis, ad aliud, quod est ad finem, v. g. navis usus, qui finis ejus, ad nauticam, ejusdem constructio, quæ propter finem, ad navifactivam: Non illud, quia voluntatis vocabulum heic actus, sive volitionis, non potentiæ, sive voluntatis *γνώσις* sic dictæ: Non istud, quia id verum de diversis genere, ex æquo se habentibus, quomodo ad sonum & colorem, cum sint diversa genera sensibilibum, ordinari videas diversas potentias, auditum videlicet & visum, jam verò honestum & utile non ex æquo se habent, sed sicut quod est secundum se, & secundum alterum, cujus ge-

generis quæ sunt, semper referuntur ad eandem potentiam, sicut v. g. color & lux: Non hoc, quia non quicquid diversificat habitum, diversificat potentiam, eò quòd habitus sint quædam determinationes potentiarum ad aliquos speciales actus, quæ res non impedit, quòd minùs habitus operativus consideret & finem, & id, quod ad finem, & contrà, v. g. nautica, & finem, ut quem operatur, & id, quod ad finem, ut quod imperat, navifactiva, & id, quod ad finem, ut quod operatur, & id, quod est finis, ut ad quod ordinat id, quod operatur. *Movetur ergò voluntas diversis respectibus, & in finem, & in media, sive ea, quæ ad finem, & pro fine ἐν πλάτει: Sed an eodem volendi actu, & in illum, & in ista, an verò distincto?* De hoc lemmate ita Scholæ. Voluntas ferri dicitur in finem dupliciter, uno modo absolutè secundum se, quomodo fertur in finem, in quantum hujusmodi, sine hoc, ut feratur in ea; quæ sunt ad finem, alio modo, sicut in ratione volendi ea, quæ sunt ad finem, quomodo fertur in ea, quæ sunt ad finem, tanquam volita propter illum, motibus, ut distinctis, ita distinguendis, ut cùm quis, non usque adeò belle valens, de sanitate recuperandâ cogitat, neque statim tamen, verùm per intervalla, de Medico & medicamentis anquir, quo in casu actus, quo is vult sanitatem,

næ distinctus tempore ab eo, quo vult media sanitatis. Utut verò actus volendi finem, ut sic, sæpè sit distinctus ab actu volendi media, quando scilicet in finem absolute atque in se fertur voluntas, tamen uno eodemque actu ferri potest in utrumque, si non formaliter & explicitè, saltem virtualiter & implicitè, putà, cùm finem appetit voluntas eatenus, quatenus ille rationem includit, propter quam appetuntur etiam ea, quæ ad finem illum conducunt. Sicut ergò in intellectu, cùm priùs cognoscuntur principia, & deinde ex iis conclusiones eruantur, actus, quo cognoscitur principium, non est formaliter idem cum eo, quo conclusio ex principio illo deducitur, cùm sæpè etiam tempore se jungatur, & tamen virtualiter cognitio conclusionis includit cognitionem principii, ita quoque appetitus finis, licet non sit formaliter vel explicitè simul appetitus mediorum, est tamen implicitè & virtualiter, quin immò interdum & jam uno actu formaliter atque explicitè, ut si quis cogitet de sanitate per medicinam recuperandà. Obstatè videtur dictus obstanter. 1. Quòd, ubi unum propter alterum, medium v. g. propter finem, ibi unum unum tantum, quare uno eodemque actu movebitur voluntas, & in finem, & in media. Sed hætenus scilicet, quatenus voluntas fertur in finem, ut est ratio volendi ea,

quæ

quæ sunt ad finem. 11. Quòd, sicut lumen est ratio visionis colorum, eodemquæ actu videtur, quo color, sic & finis eodem actu intenditur, quo media. Sed non contrà scilicet. Ut enim, quodocunque videtur color, eodem actu videatur lumen, similiterquæ, quando quis vult ea, quæ sunt ad finem, is velit eodem actu finem, tamen lumen videri potest sine hoc, ut videatur color, item finis expei sine hoc, ut coexperantur media. Sicut enim intellectus aliquandò intelligit medium, neque tamen ex eo procedit ad conclusionem, pariter voluntas aliquandò vult finem, neque tamen procedit ad volendum id, quod est ad finem, licet sicut intellectus devenit in conclusionem per principia, sic voluntas per finem ad volendum ea, quæ sunt ad finem. Agendi Facultas, quæ circa malum & bonum, media & finem, aut bonum & malum verius, finem & media, libertatem servat contrarietatis, quâ homo potest agere tam bonum, quàm malum, atque è duobus objectis contrariis eligere unum præ alio, virtutem præ vitio, libertatem contradictionis, quâ media potest eligere, vel non eligere, finem velle, vel non velle, libertatem à coactione, quâ, quod agit, agit spontè, nemine extus urgente, libertatem à necessitate, quâ positis quantumvis omnibus requisitis ad agendum, iisque nihil mutatis, potest agere,

re, & non agere, elicere atque suspendere actum, ad utrumque oppositorum, sive utramque partem contradictionis, indifferenter se habens, atque æquè ad utrumque, ita ut positis requisitis necessariis adhuc posset velle & nolle, adeoque eodem instanti, quo quid vult, nolle, quo non vult, velle, hæc agendi, inquam, facultas Græcè Philosophantibus *Ἀντιζούσια*, *Ἀντιζούσιότης*, *Ἀντιζούσιον*, Latinè Philosophantibus, modò Libertas Arbitrii substantivè, modò Liberum Arbitrium adjectivè vocitatur. Quid enim aliud *Ἀντιζούσιον* sive liberum esse, quàm dominum suarum actionum, agerequè, & non agere, quidquid quando & quantum libet, idquè præeunte consilio? *Libertas hæc Arbitrii, sive Liberum Arbitrium, est facultas hominis, ut totius agentis, intellectus verò & appetitus; ut partialium agentium, quâ homo per intellectum discernit bonum & malum, per appetitum verò spontè eligit illud, negligit hoc, sine omni coactione, necessitatevè, motu proprio, cum aptitudine ad alterutrum, ei munere naturæ naturantis & naturatæ, pro sui perfectione, tributa.* Juvat iterum *ἀναλυτικῶς ἀναλύειν*, hoc est, resolvendo resolvere, atque, ut ita dicam, exenterare atque edorsuare Philosophicè. *Genus liberi Arbitrii est Facultas.* Cum enim libertas sit aliquid, necessariò vel erit substantia, vel accidens: Non substantia, quia non materia, non for-

ma, non compositum ex materiâ & formâ, quare aliquid, per quod forma vel compositum denominatur, hujusmodi autem debet esse accidens, cumquē accidens sit, vel debebit esse accidens per accidens, vel per se, non illud, quia id non sequitur formam speciei, quam sequitur libertas, ergò hoc, conquē venienter vel actus, vel habitus, vel facultas naturalis, non actus, quia principium ejus, idquē permanens, quod adest nobis, etiam cū nihil agimus, nec habitus, cū naturâ insit & insideat, quare facultas, & ea quidem activa. *Differentia specifica Liberi Arbitrii sumitur à Causâ Efficiente, Materiâ, Formâ, & Fine. Causa efficiens Liberi Arbitrii est solutio sive abjunctio facultatis à materiâ corporea.* Ex eo enim, quòd forma, primumquē agendi principium, à corpore ac materiâ non pendet, libera ac sui domina esse dicitur, neque manceps corporis, hoc liberior, quò magis à materiâ soluta, minùs libera, quò magis mersa in materiâ. Quo fit, ut libertas *πρώτως* primò sit in Deo, cū omni ex parte sit à materiâ sejunctus, ideoquē non solū maximè liber, sed ipsamet libertas, *δευτέρως* verò & proximè in separatis mentibus, tanquam immaterialibus, inde in homine, qui solus animalium rationis particeps; ex eodemquē libertatis confundamēto. Duorum quippè alterutrum oportuit, aut rari.

tionis hominem expertem esse, aut si ratione sit præditus, liberum habere arbitrium.

Qui enim ratione præditus est, non solum contemplatur ea, quæ sunt, sed etiam deliberat de iis, quæ fieri debent, ut, quod in consilio prælatum est cæteris, eligat, agatque, quod elegit. *Materia Liberi Arbitrii duplex est, una, cui tanquam affectio convenit, altera, circa quam versatur. Materia Liberi Arbitrii, cui tanquam affectio convenit, duplex est. Vel enim est Subiectum ut Quod, vel ut Quo. Subiectum Liberi Arbitrii ut Quod est Homo, qui integrum agendi principium, cujus ut totius agentis dicuntur esse actiones, ita ut liberè possit velle & nolle, idquæ agere, quod vult, & inagere, quod non vult, ut qui liberè decernat, quod judicat sibi expedire, ideoquæ non possit non velle, & nolle, agere atque inagere, adeoque hoc potius velle & agere, quàm illud, convenienter judicio suo, eò quòd, quidquid intellectus potest apprehendere, ut bonum, in id appetitus possit tendere, atqui intellectus potest apprehendere, ut bonum, non solum hoc, quod est velle, agerevé, sed etiam, quod est nolle, inagerevé, ergò. Non Bestia. Et si enim & ipsa agere aliquid & non agere certo modo possit, idquæ præviâ cognitione aliquâ, non tamen libertas hæc arbitrii est, eò quòd objecto præsentem, sequè præsen-*

tan-

tante, cum requisitis omnibus, quæ ad actionem aliquam agentis requiruntur, ita in rem feratur, ut suspendere actionem nequeat. Dico objecto præsentente, sequè præsentante cum omnibus requisitis ad agendum. Si enim vel objectum ipsum non adsit, vel illud non sit ita dispositum, ut movere appetitum bestię possit, vel, si moveat, sit tamen aliud, quod impediat, quò minus illa genio suo obsequi valeat, nihil mirum est, actionem non sequi, quomodo canem, quando à fame urgetur, cibulquè præsens est, ita ut videre & odorari eum possit, ejusquè compos fieri, nihilquè sit, quod illum impediat, putà plagæ, aut metus earum, cernas ferri in cibum necessariò, sive ita, ut temperare sibi nequeat, neque facere aliter, facereve potesse, quàm diu requisita illa aderunt, licet interim id, quod facit, faciat incoactè, hoc est, motu spontaneo, cum prævio judiciolo aliquo, quantum id esse in cognitione sensus potest. Atque hinc patet discrimen, quod est inter hominem & bestiam hâc parte, quòd homo sit agens liberum, non à coactione solum, uti bestię, verùm etiam à necessitate, quoniam non ut omnes grues vigilias agunt, omnes lupi insequuntur agnos, naturali quâpiam speciei suæ necessitate, ita omnes homines perindè furantur, perindè latrocinantur aut latrunculantur, id quod fieri

fieri tamen necesse foret, si à coactione solum esset solutus, non etiam à necessitate. *Subiectum. Liberi Arbitrii ut Quo est Intellectus & Appetitus*, arbitrium ratione, intellectus, qui arbitratur & judicat, liberum ratione appetitus, qui eligit unum, ita tamen ut eligere quoque etiam possit alterum; *Rationes pro Intellectu contra Appetitum sunt.* I. Quòd facultas appetens non cognoscit, cùm distinguatur à cognoscente: Atqui facultas libera debet cognoscere, ut quæ ideò dicatur posse opposita, quia utrumque cognoscit & noscit. II. Quia ea facultas, quæ libera est, debet esse movens, non mota, agens, non patiens, cùm id, quod movetur & patitur, dirigatur, contrahatur, determinetur, ideoque serviat moventibus & agentibus: Atqui talis facultas appetens, hoc est, mota & patiens: Ergò. III. Quia libertas facultati nobiliori competere debet, cùm importet perfectionem: Quare facultati cognoscenti, cujus officium imperare, non appetenti, cujus officium exequi, atque implere imperata. IV. Quia libertas maximè fulget in ordinatis ad finem: Quare facultatis cognoscentis potius, quàm appetentis, quæ finis. V. Denique, quia quod est causa, cur facultas appetens quid appetat, vel inappetat, id fundamentum libertatis: At hujusmodi causa est facultas cognoscens; Ergò!

Ra.

Rationes pro Appetitu contra Intellectum sunt. I. Quia, ut quis sit præditus facultate cognoscente utrumque oppositum, coactus-que interim sit velle definire unum eorum, statim perit eòpse universa libertatis forma, facultate appetente contrahente talem hominem indifferentem ad unam definitam partem. Quòd si nonnunquam argumentemur, interveniente facultate cognoscente, jam pro unâ parte, mox pro alterâ, & hoc pendet à facultate appetente, quæ facultati cognoscenti præcipit, ut pro hâc vel pro illâ parte ratiocinetur, naufragium patiente libertate in hoc freto. II. Quia facultatis cognoscentis judicium non est positum in ipsius potestate, ut quæ non possit bonum v. g. judicare malum, & contrâ, sed cogatur tale judicare objectum, quale se offert: Quare judicium ejus non est liberum, hoc magis, quia facultas cognoscitiva ex naturâ rei sumit definita principia, atque ex his condefinitam & condeterminatam colligit conclusionem, idque tam in speculativis seu speculabilibus, quàm activis seu agilibus. III. Quia facultas appetens imperat facultati cognoscenti, & est causa, ut liberè cognoscat & judicet: Ergò liberior in comparatione. IV. Quia libertas arbitrii ἐν τῷ velle & nolle, appetere & non appetere, est posita: Quare in facultate appetente, non cognos-
scen-

scente. V. Quia in eo posita libertas, ex quo pendet ratio probitatis & improbitatis, virtus, inquam, & vitium actionis, undeque digni præmio vel pœnâ, laude vel vituperio reddimur: At hoc pendet non à facultate cognoscente, sed appetente: Quare in hâc, non illâ, posita est libertas. VI. Denique, quia positâ facultate appetente ponitur libertas, & demtâ demitur: Jam verò in eo censeri debet sira libertas, in quo cæteris circumscriptis servatur, eoquæ solo demto, remanentibus cæteris, servari nequit: At demtis cæteris, hoc solo servato, quòd actio fiat cum appetitu, servatur libertas, eoquæ dempto, superstitibus cæteris, perit & perimitur libertas: Quare in facultate appetente ea, non cognoscente, nedum vegetante, locovè motivâ. Quamvis enim hæc rationi obediat, liberequæ ut sic agere videatur, liberè v.g. ambulare, tacere, loqui, tamen hæc liberè fieri dicuntur tantum, ut actus imperati, non ut elicit, hoc est, libertas illa propriè est in facultate, quæ actum imperat, non quæ elicit. *Sed scilicet in utroque in utroque datur Libertas Arbitrii, sive Liberum Arbitrium, & in Intellectu, & in Appetitu*, cum distinctionis virgulâ tamen, in illo, ut in dirigente, in hoc, ut in exequente, in illo potentialiter, in hoc virtualiter sive efficientur atque opérativè, in illo primò secundum naturam, in hoc primò

primò nobis , quorum appetitus est proximius agendi principium, in illo, quatenus per naturam non est ita definitus ad unum, quod ei offertur , quin possit de oppositis ratiocinari, sequé primum constituere principium agendi aliquid , vel non agendi , in hoc, quatenus in eo puncto servatur libertas , in illo sicut causâ , cùm ex hoc appetitus possit ad diversa ferri , quia intellectus potest diversas habere conceptiones boni, in hoc ut in subjecto , denique in illo radicaliter & præsuppositivè , in hoc formaliter & formulariter. Etsi enim in intellectu sit radix libertatis , tanquam origine & fundamento , ipsum tamen intelligere , neque quoad actus exercitium , neque quoad ejus specificationem , formaliter, atque in se liberum est. Quamvis namque nulla possit esse libera appetitio , ubi non est rerum appetendarum cognitio , & comparatio inter se, quarum neutra sine intellectu institui potest , ipsa tamen libertas in intellectione rei præcisè non est posita , sive libertatem consideres , ut possit agere & non agere , quæ libertas contradictionis , sita in exercitio ipsius actus, sive ut possit agere hoc, & agere illud, quæ libertas contrarietatis, dans speciem vel specificationem actus. Nullo horum modorum intellectus liber in se & formaliter. Non quoad actus exercitium. Ut enim potentia se determinet ad agendum, ne-

neceſſe eſt id fieri , vel impetu naturæ , vel liberâ appetitione actus : Atqui potentia libera, quâ talis, non agit ex impetu naturæ : Ergò ex liberâ inclinatione ſive appetitione. Appetitivum autem duobus modis quid dicitur , vel ut elicitum , vel ut imperatum. Priori modo actus intellectus non ſunt appetitivi , eò quòd intellectus non ſit facultas appetitiva, ita ut ex ſe eliciat ullum appetere : Poſteriori modo appetitivi quidem ſunt , at id , non libertatem ipſius intellectus , verùm alius potentiaë , à quâ ad agendum movetur atque excitatur , arguit. Ut enim quis intelligat, vel non, id appetitus eſt. Quæcunque ergò hæc in re libertas, ea totâ appetitus , non intellectus eſt, qui poſito objecto , & neceſſariis requiſitis, non magis poteſt rem non cognoscere , quàm oculus apertus in mediâ luce objectum ſuum non videre. Sed nec quoad ſpecificationem actus. Vel enim res eſt perſpicua & evidens , & tum neceſſariò aſſentitur intellectus, ſiquidem vera eſt, diſſentit , ſiquidem falſa , vel penitùs eſt obſcura , & tunc neutrum actum elicit, eò quòd objectum non repræſentetur , planè ſicut non videmus , cùm lumen deeſt, vel denique res in utramque partem probabilis eſt , & tunc iterum nec diſſentit , nec aſſentitur , niſi fortè appetitus ad alterum moveat , idque ideò , non quòd in poteſtate ejus ſit
neu-

neutrum facere, sed quia objectum sufficienter non proponitur, aut potius, quia utramque partem movet, quod ubi fit, una motio impedit alteram. Quoties itaque intellectus rei, aut assentitur, aut ab eâ dissensit, næ naturaliter id facit, non liberè, quoniam evidentia veritatis cogit assentiri, falsitatis verò dissentire, quæ cùm deest, nihil agit intellectus, nisi appetitus ad id impellat. Ut breve faciam, indifferentia intellectus ea est, quòd ostendat rem indifferentem esse, conquè venienter tam hoc quàm illud indifferenter eligi posse, id quod causa liberæ electionis esse potest, electio ipsa non item, eò quòd libera electio sit à potentia, quæ indifferenter agit, ipsaquè est indifferens, cujusmodi quid intellectui non competit, cùm cognoscat tantum & proponat indifferentia: Enimverò appetitus non tam appetit indifferentia, quàm appetit indifferenter, quidquid appetit. Ut ita sola sola appetitus indifferentia constituat libertatem, indifferentia autem intellectus non tam sit indifferentia actuum ipsius, quàm objecti, quod cognoscit, & appetitui proponit, quo fit, ut appetitus indifferenter res appetat & aversetur, quoniam intellectus ostendit & proponit tales, quæ indifferenter appeti queant, inappetiquè, liberè tamen. *Materia Liberi Arbitrii, circa quam versatur, sunt res Humanæ Inne-*
ces.

cessariæ, sive necessitate carentes. Quamquam enim appetitus, stante & durante intentione efficaci, per eam aliquo modo determinetur ad persecutionem finis, atque electionem mediorum, aliquandò quoad speciem, sive specificationem tantùm, si tantùm sit unum medium, quo in casu necessariò illud eligit, aliquandò quoad exercitium tantùm, si in intentione præscribatur certum tempus, quo quis finem velit consequi, sint autem plura media, aliquandò quoad utrumque, quando utrumque illorum concurrit, aliquandò quoad neutrum, nisi in confuso, quando plura quidem sunt media, neque appetitus tamen sibi in intentione præscribit certum tempus, quanquam, inquam, omnis intentio aliquo modo determinet ad electionem, licet non determinet ad aliquod medium in particulari, determinatumvé tempus semper, verùm ad alicujus medii utilis ad finem in confuso electionem, indeterminato tempore faciundam, tamen non necessitatur hîc aut nunc eligere appetitus, siquidem unum tantùm sit medium, aut hoc præ illo eligere, siquidem sint plura, cùm electio omnis in se simpliciter sit libera, quoniam procedit ab appetitu cum dominic actus, sive illa sit bonâ, sive mala, sive meritoria, sive demeritoria. Neque enim necessitas & determinatio, orta ex supposito.

fitione liberâ concomitante & consequente, tollit libertatem, verum quæ ex antecedente, quomodo concoctio v. g. cibi necessaria est, licet comestio prævia fuerit libera, homicidiumquæ, per ebrietatem commissum, non est liberum in se, licet ebrietas fuerit libera. Quare dicendum, tunc demum, quod oritur ex suppositione antecedente liberâ, esse liberum, quando remanet in potestate appetitus, suppositionem illam tollere, illiquæ adimere efficaciam, id quod fit in proposito, quia positâ intentione finis, ante instans electionis, executionisvé, semper manet in potestate appetitus, tollere illam intentionem, illamquæ reddere inefficacem. Quo fit, ut determinatio, quæ est in electione ab intentione præviâ, non sit determinatio simpliciter, qualis est, cum appetitus determinatur antecedenter ab extrinseco, quam determinationem tollere nullo in illius potestate est modo, verum secundum quid tantum, atque in sensu composito, posito scilicet, quod perseveret appetitus in suâ intentione, id quod totum in appetitus potestate, in cuius manu manet, ut non amplius intendere, ita nec eligere. Neque operatur in contrarium, vel quod, sicut ex principiis ex necessitate deducuntur conclusiones, sic ex fine de necessitate quis moveatur ad eligendum, vel quod, sicut ratio ex

necessitate judicat de aliquibus propter necessitatem præmissarum, sic electio ex necessitate sequatur judicium rationis de agendis, vel quòd, si qua duo sint penitus æqualia, non magis moveatur homo ad unum, quàm ad alterum, multoque minùs ad illud, quod accipitur ut minus, quàm quod accipitur ut æquale: Non illud, quia sicut non semper ex principiis ex necessitate procedit conclusio, verùm tunc solùm, quando principia non possunt esse vera, si conclusio non sit vera, sic non semper ex fine homini inest necessitas ad eligendum ea, quæ ad finem, quia non omne, quod ad finem, ocyus tale, ut sine eo finis haberi nequeat, aut si tale, non semper sub eo conceptu consideratur: Non istud, quia judicium rationis de rebus agendis occupatur circa contingentia, in quibus conclusiones non ex necessitate sequuntur ex principiis necessariis absolutâ necessitate, sed ex principiis necessariis solummodò ex conditione, quale, si currit, movetur: Non hoc, quia nihil prohibet, si aliqua duo æqualia proponantur secundum unam considerationem, v. g. æqualem appetibilitatem in famelico, quin circa alterum considerari queat aliqua conditio, v. g. inæqualis distantia à famelico, per quam magis flectatur appetitus in illud, quàm in istud, hominis esurientis. *Forma Liberi Arbitrii*
vel

vel Substantialis est, vel Accidentalis. Forma Liberi Arbitrii Substantialis est virtus appetitus interna, bonum sine coactione motu proprio eligendi, & malum repudiandi, utrumque necessariò, magis tamen in universali, quàm particulari, quoniam illud ratio non potest apprehendere sub ratione mali, v. g. beatitudinem, quæ bonum universale perfectum, bonivè, v. g. miseriam, quæ malum universale perfectum, hoc potest. Quamvis enim sanitatem, quæ bonum particulare, nemo ita appetat, ut possit eam etiam non appetere, contrariamquè in valetudinem nemo ita fugiat, ut possit eam etiam non fugere, si utramque in se spectes, tamen potest illam non appetere propter malum aliquod conjunctum, sive defectum boni, habentis rationem mali, hanc non fugere, propter bonum aliquod conjunctum, sive defectum mali, habentis rationem boni. Vocatur substantialis, quia est intrinseca appetitui, ideoquè ab eo non magis separari potest, ac calidum à calore. Formalis absoluta aliter. *Forma Liberi Arbitrii Accidental*is est, rectitudo appetitus, quâ objectum rectè cognitum, rectè, si bonum, apprehendit, si malum, aver-
satur, ita ut eligere interim possit bonum præ bono, & ratione objecti, & ratione modi ac gradus, malum item præ malo, loquendo de malo pœnæ, ejusquè prome-

ritæ, id quod eligere potest, & de jure, & de facto, non autem culpæ & pœnæ non promeritæ, id quod de facto quidem, at non de jure, eligere potest, exemplo Principis Condæi, ineligendum in se. Formalis relativa aliter. *Sed an eodem instanti & puncto temporis, quo quid appetit appetitus, tanquam bonum, idemmet possit non appetere, tanquam malum?* quæstionis est non trivialis. Non videtur hoc Nominalibus, signanter Gabrieli & Occamo, quibus voluntas eo tempore, quo quid vult, non videtur posse id nolle, &, quo non vult, velle, eo quod sic simul videretur velle & non velle eodem instanti, quo unum horum facit, quæ *συμβαδύαλα*, impossibilia. Sed videtur scilicet, fide rationum in contrarium. I. Quia, si voluntas eo instanti, quo elicit actum, non est indifferens ad eliciendum, & non eliciendum, tunc nunquam erit indifferens, quia respectu ejus instantis propriè dicitur libera. II. Quia, si eo instanti, quo actum elicit, illum necessariò elicit, jam pari ratione antea semper necessariò eo caruit, in futurumque carebit, atque ita nulla penitus ejus erit libertas: Atque, sicut Deus liberè ab æterno decrevisse mundum condere in tempore ideò dicitur, quia tunc, quando decrevit, potuit non decernere, similiter homo ideò liberè decernere, quia tunc, quando decernit, potest in-

indecernere. III. Quia nemo peccat actualiter, nisi cum id agit, quod tunc, quando agit, poterat non agere: Quod si ergo nemo, quando quid agit, potest idem non agere, tunc nemo peccat, quando quid agit, verum antequam agat, quoniam tunc id vitare poterat, id quod ἀτοπον absurdum. Quod attinet argumentum Occamistarum & Bielistarum, dico eos confundere prioritatem naturæ cum prioritate temporis, & sensum compositum cum sensu diviso. Prioritatem naturæ cum prioritate temporis. Prior prior siquidem naturâ est potentia ad agendum & non agendum, quam agere, neque tamen idè prior tempore. Sensum compositum cum sensu diviso. Et si enim posito, quod potentia agat, non possit ea non agere, potest tamen id, loquendo absolute, illoque non supposito, idque uno & eodem temporis puncti titio, licet puncta naturæ distinguantur. *Finis Liberi Arbitrii est Humana Perfectio.* Cum enim homo sit mundi epilogus, meritò libertate est donatus, per quam in seipso, ut in parvo mundo, valeat imitari opificem magni mundi, cumque sit animal mortale, ex animâ & corpore conflatum, ideoque materiem includat, & ex eo sensibus, perturbationibus, variisque, ut contrarietatibus, ita propensionibus ad corporea, sit obnoxius, quam ultimio rem perfectionem ex-

pectare habuit, quàm ut corporea posset moderari, mentemquè incolumem à labe corporis præservare, id quod sine libertate fieri nequit. *An verò talis libertas arbitrii, suis causis descripta, in hominem lapsum, ante regenerationem, in statu naturæ corruptæ, hoc est, peccati, cadat & quadret?* De hoc commate ita Moralistæ, distinguendo inter actiones spirituales, ad supernaturalem finem tendentes, & civiles, tendentes ad finem naturalem. Libertas arbitrii in homine, lapso, & moraliter sauciato, quoad actiones spirituales, planè nulla est, tum quia intellectus in statu lapsæ naturæ has non cognoscit, quare nec appetitus appetit, cum rem ignotam appetere nequeat, sinequè objecto ut sic foret appetitus, quod impertinens, tum quia appetitus, præviâ quantumvis cognitione, sine speciali ac supernaturali inclinatione, in res spirituales haud fertur, ideoquè ad illas non habet naturalem libertatem, cum suoapte nutu, suisquè viribus, in objectum cognitum non inclinet. Libertas arbitrii, in homine lapso, moraliter sauciato, quoad actiones civiles rationi subjectas, est aliqua, præsertim ante habitus contractos. I. Quia homo rationis particeps, quare & libertatis: Ecce id? Quia enim alioquin inaniter tributa esset ei ratiocinandi vis. Ideò ideò quippè utitur ratione, ut præterita cum futuris, opposita cum oppositis

positis comparans, judicet, quid eorum eligendum, quid negligendum sit. II. Quia enim corpus habet ita fabricatum, ut nervi motibus appetitus inserviant. Cùm enim ratio commovet appetitum, hic spiritus animales ciet, quò effluentes è cerebro nervis influant, musculosquè secum trahentes, motus efficiant liberos, exemplo Achillis Homerici, qui, quanquam ardet irà, tamen à Pallade, id est, ratione commonefactus cöercet manus, ne feriant Agamemnonè, imperatquè pedibus, ut discedant. III. Quia libertate arbitrii sublatà è regno morum, insimul tollitur omne virtutis, ut studium, ita præmium, omnis vitiorum, ut culpa, ita pœna, omnis legum, ut promulgatio, ita observatio, deliberatio omnis; electio omnis, precatio & deprecatio omnis, cohortatio, increpatio, castigatio, educatio omnis, judicium omne, magistratus omnis, ipsa quin immò Politia. Idèò idèò quippè damnamus improbos, laudamus probos, hortamur juvenes ad virtutem, dehortamur à vitiis, leges istorum condimus, cæteraquè consimilia facimus, quia hæc facere atque omittere in ipsorum est manu & potestate. Atq; adèò, si nulla libertas in actionibus est reliqua, tunc verò nulla amplius actio moraliter bona, malavè. Id quippè est benè agere moraliter, ad honestatem actiones suas conformare, con-

formari autem ad alterum nihil potest, nisi id, quod in potestate ejus est, qui vult conformare: Similiter malè agere ille dicitur moraliter, cujus actiones illi regulæ conformes non sunt, cùm tamen esse & potuerint, & debuerint, non conformare autem nihil potest ad alterum, nisi id, quod in potestate ejus est, qui id non vult conformare. I V. Quia id ipsum loquitur experientia, quæ in motibus externis, tam in actionibus moralibus, quàm artificialibus, ipsoquæ adeò motu locali hominis quocunque, agnoscit libertatem, ita ut appetitus eligere possit hos motus, aut non eligere, eis imperare, aut non imperare, idquæ spontè, absque necessitate & coactione, quomodo Eva spontè, & sine necessitate, coactionequæ, elegit esum pomi, imperavitquæ organis mandare id pomum, Scipio se cohibuit, ne attingeret alterius sponsam, Fabricius, ne aurum à Pyrrho missum, hocquæ eodem exemplo pictor potest cervum aut chimæram pingere, Plato ex Academiâ in urbem ire, vel non ire, omnia liberri-
mè. Dico, ante habitus contractos, quia sicut contractus ratione initii voluntarii, post initium verò necessarij, voluntatisquæ adeò contrahere, at necessitatis, contractum præstare, voluntatis, adire arbitrum, necessitatis, arbitri sententiâ stare, sic habitus ratione principij voluntarii, post illud neces-
sarij.

sarii. Quamvis enim ante eorum acquisitionem liber sit appetitus, quod ad delectum boni & mali attinet, tamen progressu ætatis, longâ consuetudine, crebris actionibus, sic devincitur ac mancipatur habitibus, & τῶς ἔθους ita imbuitur, ut in potestate sit moris acquisiti, quoniam consuetudo altera natura, non quidem pollentiâ, sed æquipollentiâ quatenus per eam id, quod agimus, si agimus, ac si per naturam integram ageremus, hoc est, non minùs promptè & facilè, quàm si per naturam operaremur. Quamvis etiam tunc homo rectè dicatur agere spontè, quoniam quisque sui moris voluntarius faber. Scilicet, ut rem mittam in compendium, factorum initia progressus & extrema in nostrâ sunt potestate, siquidem ea non ignoremus, habituum autem ex factis orientium initia duntaxat, hoc est, in nobis positum est, habitus suscipiamus, necné, non item, ut abjiciamus. Præterea, facta semper sunt nostri arbitrii, eò quòd in nobis situm sit, hoc an illo modo agamus, habitus non item. *An verò etiam, ut facta, ita eventus factorum, sint nostri arbitrii, condiscuitur?* Stoici affirmant, eò quòd eventus sint connexi cum suis causis. Id quemadmodum verum de naturalibus agentibus, quomodo cœli motum v. g. videas esse necessarium, inferiora hinc corpora affici à cœlo, neque aliter se

habere,quàm sicut afficiūtur à coelo, quem-
admodum in æstate accedente sole de-
prehendas calefieri terram, hanc calefacti-
onem sequi generationem frugum, ita fal-
sum de agentibus voluntariè, cùm volun-
tas non sit ita connexa cum aliis causis,quin
retineat modum agendi proprium, qui
causa contingentiae. Neque enim sequitur,
temperamentum in Antonio est tale, im-
pellit igitur necessariò, cùm experientia
testetur, voluntatem humanam non esse
necessariò copulatam cum externis obje-
ctis irritantibus appetitionem, ut vel Stil-
ponis & Socratis exempla docent, qui cùm
ad libidines & helluationes essent oppidò
quàm proclives, continentiae tamen & tem-
perantiae laudem sunt consecuti maximam.
Excipitur in contrarium. I. Quòd finis sit
naturalis, neque nostri arbitrii, igitur &
actionem! Repono excipienti, *ut* finis sit
naturalis, tamen ea, quæ sunt ad finem,
non esse naturalia, sed voluntaria, quin
immò nec ipsum finem omninò, cùm pen-
deat saltem *πᾶς* aliquo modo ex nobis,
quoniam dirigitur habitu, cujus nos causa
aliquo modo sumus. II. Quòd non simus
κρίσις τῆς φαντασίας, domini phantasie, eò
quòd hæc sit facultas naturâ nobis insita,
quæ autem talia, illa non sunt in nostrâ po-
testate! Regero, ut phantasia non sit in no-
strâ potestate Physicè, esse tamen Ethicè,
qua-

quatenus dirigitur habitu , cujus habitus nos sumus autores ad aliquem modum. III. Principia habituum in nostrâ potestate esse , quare & ipsos habitus, non actiones tantum , quia quorum principia in nostrâ potestate sunt , ea ipsa in nostrâ potestate sint ! Sed ratione principii scilicet, non termini. Antequam namque habitus acquiruntur , in nobis situm est , eos amplecti , vel fugere , postea verò quàm inveteraverunt , non item , quomodo si quis ignem v. g. accendere velit , potest , si nolit , potest id quoque , subjectâ verò face, quò minùs ardeat , non potest peræquè, non magis , quàm se Leucade præcipitans sustinere, cùm velit. Atque adeò coronidis loco notandum notanter heic discrimen inter actus hominis , & humanos , quorum illi homini cum bestiis communes , hi hominis , quâ hominis , proprii , vel quoad substantiam & entitatem , quo pacto omnes & solæ operationes, quæ manant à potentiis propriis hominis , ut homo est, humanæ dicuntur , ut ratiocinari , flere, ridere , vel quoad modum operandi homini proprium , qui est, ita agere , ut dominium sui actus habeat agens , quomodo eæ tantum actiones humanæ dicuntur , quas homo in suâ habet manu & potestate , illæ humanæ Physicè , hæ Ethicè , saltem Physico-Ethicè.

CAPUT XXV.

*Assuitur sive attexitur Togæ Libertatis
lata fimbria, de Harmoniâ hujus Do-
ctrinæ cum Sacrâ Theosophiâ, & Sanâ
Philosophiâ disciplinativè.*

Doctrina hæc de Libertate Arbitrii, sive
Libero Arbitrio, in Moralibus & Ci-
vilibus, homogenea est & Sacræ Theoso-
phiæ, & Sanæ Philosophiæ. Sacræ Theo-
sophiæ: Quia optimè & bellissimè cum
Providentiâ Divinâ, Fatoque, quod vo-
cant, Theologico, conspirat & concinit.
Quamvis enim respectu providentiæ divi-
næ, quatenus illa consideratur ratione re-
lati, ut est in Deo, tanquam decretum ne-
cessitans res & actus futuros, & correlati, ut
est in causis secundis, idque tam abstractivè,
ut dispositio inhærens causis secundis, di-
vinam providentiam exsequentibus, quàm
concretivè, ut ipsæ causæ secundæ inter se
condispositæ, quamvis, inquam, ut sic,
omnes eventus sint necessarii, tamen hoc
non impedit, quod minùs eventus, aliarum
causarum intuitu, sint & possint esse con-
tingentes, necessarii respectu causæ primæ,
contingentes respectu proximæ, quia enim
necessitas, quam affert providentia divina
voluntariè agentibus, non absoluta sive
Stoica, tollens contingentiam ac liberta-
tem,

tem, sed conditionata, atque ex suppositione, neque consequentis, sed consequentiae, ut quæ importet solum necessitatem infallibilitatis sive incommutabilitatis, non autem coactionis, extrinsecè sive ab extra se habens, non intrinsecè, ideoquæ actui relinquens suam contingentiam, ita ut agens liberum atque incoactum sit & maneat intrinsecè, quamvis necessarium sit extrinsecè: Jam verò unumquodque à principiis suis internis & proximis denominandum, non externis. Et quî quî coactum sit, amabò, cum concursus providentiæ divinæ ad res providentiales non reapse differat ab actione causæ secundæ, nulla verò actio una eademquæ cogat seipsam violenter? Non differre vel illud argumento, quia, si differret, vel hanc sequeretur, vel antecederet, vel comitaretur: Non illud, quia sic non prima sed postrema causa esset: Non istud, quia sic omnem agendi libertatem hominibus adimeret, qui positis omnibus ad agendum prærequisitis, quorum è numero & de numero quoque etiam foret concursus divinus antecedens, non posset non agere, cum tamen non tantum sit subiectum patiens operationis divinæ, ut bruta, ut cum Deus increpat Bileam per asinam, sed etiam instrumentum tale, quod à Deo motum ipsum quoque unà operatur, sesequæ movet: Non hoc, quia sic actio cau-

causæ secundæ aut effectivè penderet ab actione concomitante, aut non penderet, quòd si penderet, tum verò actio causæ secundæ foret effectus, non immediatè Dei, verùm effectus divini, conquè venienter Deus, ut sic, non esset, nisi remota ac mediata causa, requè verà non causa, cùm non influat in effectum remotum, quòd si non penderet, tunc verò Deus rursus actionum nostratum non audiret causa, nedum causa prima, non quasi Deus sit causa etiam adhærentis *αταξίας*, quæ non est actio, sed de-actio, non effectus, sed defectus, verùm ipsius actus, cujus privatio in concursu causæ ascribitur rectè ei causæ, quæ effectum & poterat & debebat impedire, qualis in præsentiquè argumento homo, qui est causa peccati, ut peccati, admittens, cùm Deus sit tantùm causa ejus permittens, ille ejus causa per se, ut est opus malum, hic per accidens, quatenus videlicet est causa materiæ peccati, hoc est, operis, ut est opus & ens, id quod *αυαμάρτητον*. Neque præjudicat dictis, quòd homo, siquidem liberè agit per divinam providentiam, hoc est, non obstante divinâ providentiâ, vel id faciat, dum operatur, vel antequam operatur: Non hoc, quia nondum agit: Non illud, quia, dum operatur, necesse est, ut operetur: Quare non agit liberè, verùm necessariò! Quasi verò, dum homo operatur,

neceſſe ſit ipſum operari neceſſitate cauſæ,
& non potiùs neceſſitate contradictionis
ac conſequentiæ, quæ nihil contingentiæ
derogat. Taceo, quòd licet nihil agat ho-
mo, habeat tamen potentiam liberè agen-
di, ſi minùs propinquam aut proximam
ſemper, minimùm remotam. *Sanæ Philo-
ſophiæ: Quia eadem amicè conſpirat, & cum
Metaphyſicâ ſaniori, & cum Phyſicâ, &
cum Aſtronomiâ, & cum Politicâ, & cum
Logicâ incluſivè. Cum Metaphyſicâ ſaniori
conſpirat hætenus: Quia, ut prima cauſa
operetur cum quâdam naturæ neceſſitate
intrinſecè, ideoquè & pendentia ex primo
principio neceſſario connecceſſariò, tamen
extrinſecè non item, niſi ex ſuppoſitione
Deus, qui, quia ab æterno liberè ſic vel ſic
prædefinivit, neque mutatur, ideò ſic ope-
ratur, & non aliter, cum reduplicatione
homo, ſiquidem neceſſarium, quod agitur,
adæquatè actionis vel acti fuerit cauſa. Dico
adæquatè & coadæquatè. Ut enim neceſ-
ſarium ſit neceſſarium, tamen id, quod ex
neceſſario pendet, ut ex cauſâ communi,
poſteſt in materiâ ac ſubjecto inconstantia
vario modo recipi ob impotentiam ejus,
contrarietatemquè proximorum moventi-
um, quomodo quoque etiam contingentia
ratione communis generis neceſſitatem in-
cludunt, licet indefinita incerta varia & va-
riabilia ſint ratione ſingulorum, in quibus
pro-*

proximè vertitur & versatur operatio, tum quia necesse est contingentia esse in universo ad ejus perfectionem, quoniam aliàs perderet nomen universi, si omnia forent necessaria, tum quia, sicut omne, quod est, quando est, necesse est esse, ita & omne variabile variari, cùm variatur. *Cum Physicâ saniori conspirat hætenus: Quia*, quamvis motores secundi non moveant sine primo, ideoquæ egeant alio præmovente ac prædeterminante, tamen hæc determinatio motoris primi & ipsa nullam affert necessitatem, nisi consequentiæ, quæ non tollit contingentiam, nedum libertatem, cùm non mutet in naturis contingentibus, voluntarièvé agentibus, modum agendi, quoniam Deus, qui est natura naturans, & causa prima, ita utitur ministerio naturæ naturatæ, & causarum secundarum, ut eas minimè destruat, sed cuique suam conditionem, proprietates, vires, ac motus, ut plurimum relinquat, per necessarias causas agens necessariò, per contingentes contingenter, per naturales naturaliter, per voluntarias voluntariè, quomodo fruges v. g. crescere vult Deus, & horum ex montibus decidere pluviam, pluviam irrigare terram, solem iterum è terrâ haurire pluviam, hauritam *κυκλογενέσει* redire in nubes, verùm sine ullâ vi per naturam, homines item idem vult deliberare atque eligere, verum
illud

illud sine necessitate, hoc sine coactione. Contra veteres Physicos, & Stoicos, quorum illi libertatem hominis catenâ ferreâ atque insolubili fati, connexionequé causarum, devinxerunt, hi connexionem, atque, ut ita dicam, concatenationem necessariam causæ primæ cum secundis, & ipsarum secundarum inter se, introduxerunt, ita ut nec prima causa aliter ciere posset, quàm ut secundæ causæ feruntur, nec voluntas hominis aliter agere, quàm ut impellitur à præcedentibus causis. Utrique non tantum ἀφυσικῶς, sed etiam ἀθεολόγως. Αφυσικῶς Physici casci. Cum enim operum naturæ quædam semper, alia frequenter, nonnulla nec semper, nec frequenter, fiant, non omninò omnia fieri necessariò supponendum est, sed quædam contingenter, idquæ vel ob materiam, quæ contingentia, vel ob voluntatem, quæ libertatis causa, quæ libertas haud servatur, ubi intercedit necessitas, siquæ, quemadmodum causæ secundæ, purè naturaliter agentes, ad certos ac definitos effectus producendos ordinantur, similiter causæ secundæ voluntariè agentes ad eosdem, non ad diversos, & varios, atque etiam oppositos, contrariosquæ. Scilicet naturaliter agentia agunt vi naturæ, absque deliberatione, agunt eodem modo semper, nec possunt suspendere actionem admetâ materiâ, enimverò agentia voluntariè

tariè cum deliberatione, dissimiliter, atque cum suspensione actionis, quomodo ignem admoto ferro videas non non urere naturaliter, fabrum imponere ferrum igni voluntariè, ignem eodem modo furcam facere, fabrum dissimiliter, ignem usque urere, neque suspendere posse actionem, quam potest faber, qui vel jam facit, vel alio tempore *Æquè ἀφυσικῶς* Stoici, veterum Physicorum germani fratres, quia non, ut maximè causæ secundæ, quæ sustentantur à primâ, necessariò agerent omnes, ocyùs & prima sustentans, quoniam necessitas illa non est absoluta, sed Physica, ideoquæ Deo subjecta, & hætenus conditionalis, nec concludentior in voluntariè agentibus, quàm si dixis, ignis admotus materiæ combustibili necessariò urit, quare à fabro necessariò admovetur. Neque verò ἀφυσικῶς tantùm physificantur utrique, sed & ἀθεολόγως, quia juxta doctrinam Ecclesiæ causa prima, hoc est, Deus, non pendet ex secundarum causarum naturâ, sed causæ secundæ ex primâ, quæ sicut respectu inferiorum causarum sunt moventes, ita respectu superiorum motæ, liberè haud rarò utrinque, quomodo doctorem videmus docere discipulum, discipulum discere à doctore, utrumque liberè, & illum & istum, & istum & illum. *Cum Astronomiâ & Astrologiâ saniori conspirat hætenus: Quia, ut astrane-*

necessitate quâdam , sibi à primo creatore inditâ , agant in sublunaria omnia , quoad motus eorum naturales & necessarios, conqué venienter etiam in hominem , quoad actus hominis , ipsi cum bestiis communes, quales, accretio , concoctio , nutritio, sensio, appetitio, tamen non item in actus humanos, qui in solidum pendent à libero hominis arbitrio, ideoqué cogi , & fato astrologico impelli nequeunt, vel ideò, quòd omnis actio à fortiori , spiritus autem noster immortalis fortior corpore astrico. Quòd si vaticinio astrologico interdum respondent actionum eventus, prædicti cum formidine oppositi , per accidens id fit. Quemadmodum enim , qui assiduè jacet aleam , vel talos figit, is aliquandò seniones, aliquandò Venerem jacet , sic cùm millies mentiatur astrologus, quid mirum, si semel verum dicat. Neque vel hilum pilumvé valet in oppositum , quòd primo non movente , hoc est , cœlo , quod primum movens corporeum , cætera non videantur posse movere ; perqué consequens nec voluntas ! Sicut enim , qui cylindrum v. g. protrudit , dat quidem principium motus, ipsam interim volubilitatem non dat : Sic nec cœlum volubilitatem , nedum volitionem , quæ à causis propriis & proximis, non à cœli influentiâ. *Cum Politicâ saniori conspirat hætenus.* Quia , utut per leges

ges civiles homo civis perdat quadamte-
 nus libertatem facti, quoad actus impera-
 tos, propter impedimentum, quod inter
 facultatem, & actum externum facultatis,
 interjicitur, quod efficit, quò minùs tan-
 tum possit facultas, quantum cupit, retinet
 tamen in illâ ipsâ impedientiâ libertatem
 facultatis, quæ semper, quoad actus elici-
 tos, in suo sinu libera manet, suæquæ spon-
 tis, ex se determinata intrinsecè, ut inco-
 acta ita incogibilis ut sic in eligendo altero
 oppositorum. Contra maleferiatos atq; con-
 ciliatos Epicureos, qui sic cavillabantur:
 Libertas arbitrii vel est bona, vel mala: Si
 mala, tunc malus foret Deus, qui est ipsa
 libertas, damnandusquæ, quòd nos fecit li-
 beros: Sin bona, cur ergò principes nos
 variis legibus ligant, nequæ permittunt
 nos vivere ad libitum? Vel enim Deus, vel
 ipsi, errant: Non Deus: Quare ipsi. Quasi
 verò ideò leges civiles latæ sint, ne utamur
 libertate, & non potiùs, ne abutamur. Ne-
 que enim ex quocunque operationis sive
 motus impedimento libertas nostra æsti-
 mari debet, cùm omnes cogamur subjecti
 esse majestati & legibus, verùm ex certo,
 eoquæ derogatorio libertatis, quale impe-
 dimentum, quod vocant, externum abso-
 lutum, non arbitrarium, quale leges, quæ
 non absolutè impediunt motum, verùm
 mediante interquæ veniente electione
 nostrâ,

nostrâ , quomodo qui prohibetur pœnis
propositis, ne omnia, quæ vult, faciat, non
opprimitur servitute , verùm regitur ac su-
stentatur. *Cum Logicâ denique saniori con-
spirat hætenus:* Quia enim homo non tam
ideò dicitur liber, quòd sit indifferens ad ea
omnia , quæ per Intellectum Practicum
proponuntur voluntati , cùm summum
bonum huic oblatum non possit ab eâ re-
spui , quàm quòd ratione præditus valeat
judicare finem, atque indagare media , de-
quæ his ratiocinari , unumquæ ex iis præ al-
tero eligere. Contra Logicastros, bis malè
Logicantes in contrarii evictionem. I. Quòd
si , inquirunt, id est in nobis; cujus opposi-
tum est in nobis , & id , cujus oppositum
non est in nobis, non erit in nobis : verùm
oppositum ejus, quod est esse in nobis , est
non esse in nobis, & hoc non est in nobis:
Quare nec id , quod ponitur esse in nobis,
erit in nobis ! Quasi verò , τὸ esse in nobis,
semper accipiatur ὁσαύτως , & non aliàs pro
libertate arbitrii , aliàs pro eo , quod nobis
competere natum est , atque in nobis repe-
riri, iterum, cùm accipitur pro libertate ar-
bitrii , pro facultate, cui libertas competit,
capiatur semper , & non etiam pro objecto
libertatis , circa quod versatur , quæ hîc so-
phisticè confunduntur , voce aut phrasi e-
âdem sumtâ , modò in uno , modò in alte-
ro sensu, per pluri terminium, contra cano-
nes

nes syllogisticos. II. Quòd si, inquit, voluntas liberè agit, vel id ei competit, dum est determinata, vel dum est indeterminata: Non hoc, quia tunc non agit: Non illud, quia dum est determinata pro unâ parte, non ampliùs est libera ad utrumque oppositum, nec motor movens, sed motus, visquè patiens, non agens, ut quæ ab aliquo agente contrahatur ac determinetur: Quare non agit liberè! Quasi verò voluntati non competat libertas, & antequam præligit, & dum præligit: Antequam præligit, quo in articulo quamvis non agat, valet tamen agere, liberèquè, quam velit, partem præligere: Dum præligit, quo in puncto stitio liberè facit, quod facit, nihil in contrarium operante determinatione, ut quæ necessitate careat, ortum ducens à variâ hominis constitutione, qui, si probus, determinatur ad agendum à rectâ ratione, si improbus, à depravatâ ratione, si semi-probus semi-improbusvé, non à ratione, verùm ab appetitu sensus, quæ constitutio in hominis utique facultate, minimùm ratione principii, quorum autem principia sunt in nostrâ potestate, ea ipsa in nostrâ potestate sunt, saltem virtualiter, atq; evenienter. *Vt rem mittam in compendium verborum, tractat de Libertate Arbitrii & Theologus, & Metaphysicus, & Physicus, & Ethicus, verùm ἄλλως καὶ ἄλλως:*

Λωγ: Theologus non tam disputat, quid sit libertas illa, quàm quæ sit ejus conditio in spiritualibus: Physicus ostendit, quòd sit, & quid sit: Metaphysicus de eâdem agit, quando rerum contingentiam explicat, cujus fons & radix causarum rationaliũ libertas, absque quâ foret, nulla propriè esset contingentia: Enimverò Ethicus non solùm considerat, quòd sit aliqua ejusmodi libertas in nobis, & quid illa sit, verùm etiam, quarum illa sit rerum, & an in intellectu, an verò in voluntate, & si qua sunt generis congeneris.

C A P U T XXXVI.

De tertio Fonte Morali Actionum Elicitarum. persuade Phantasiâ. quam Cogitativam & Estimativam sive Existimativam nuncupant Averroista, verùm inconsulto Apolline Philosophico.

Tertius Fons Moralis Actionum Elicitarum est Phantasia. cujus ἰδιον ἔργον, proprium munus, non tantùm res externas, sensibus perceptas, etiam absentes, cognoscere, easquẽ componere & dividere, licet non eodem, quo objecta fuerant in sensibus externis, modo, cùm aliàs, quæ percepta fuerant seorsim, conjungat, quæ conjunctim, dividat, verùm etiam de rebus, ex-
M ternis

ternis sensibus perceptis, formare notiones boni ac mali, eâdemquē judicare, convenientiâ sint objecta, an inconvientia, mediantequē hoc judicio movere affectus objecti boni vel mali, quasi per intellectum respectivè passivum. Dico quasi per intellectum respectivè passivum, quia enim phantasia in homine similis intellectui, hoc est, æstimatoriæ & cogitatoræ potentiæ ejus, vel quia immediatè inservit intellectui suis operationibus per rationē castratis, vel quia ita eminent inter omnes vires sensitivas internas & externas, itaquē alios omnes sensus excedit, ut respectu illorum videatur esse intellectus quidam: Sed similis scilicet, non eadem, tum quia æstimatio propriè dicta est animæ rationalis, & quasi quoddam commune genus ad intelligentiam, scientiam, sapientiam, prudentiam, artem, & opinionem, eliciens species, cognitionemquē specièrum non sensatarum, ex speciebus ac cognitione formarum sensatarū, v.g. amicitia, inimicitia, quæ dicuntur species nō sensatæ, quia formæ earum non sunt sensibiles sensibus externis, ut sunt formæ v. g. colorum, tum quia per cogitativam in nobis percipienter percipimus individua omnium prædicamentorum distinctè, ut hanc substantiam, hanc vel illam quantitatem, non sic per phantasiam. Contra Averroëm, & sequaces, qui post sensus externos duas ponunt

nunt potentias sensitivas perceptivas tantum, putà sensum communem & cogitativam, totidemque retentivas tantum, putà imaginativam & memorativam; sive phantasiā & memoriam quod τετραείχον Philosophicum inventoribus suis remittimus, cum Nota Benè Philosophico.

CAPUT. XXXVII.

De quarto Fonte Morali Actionum Elicitarum, Appetitu, quem vocant, Irrationali sive Sensitivo, ejusque Motionibus seu Affectibus, & quoad ὀνομαστικότητα Nominalitatem, & quoad πραγματικότητα Realitatem.

Quartus Fons Moralis Actionum Elicitarum est Appetitus Irrationālis sive Sensitivus: Irrationālis, quia licet sit rationalis per œconomiam in subiecto homine, hoc est, licet sit aptus natus in eo obedire rationi, non repugnare rationi, tamen est irrationalis de se, sive de naturā suā atque essentiā, ut qui subindē responset rationi: Idem Sensitivus dicitur, quia sicut voluntas rationem, ita hic appetitus sibi relictus sensum sequitur in suis motibus. Motus hi appetitus sensitivi Affectus dicuntur, de quibus multifarii agunt artifices, agit Theologus, agit Physicus, agit Politicus, agit Medicus, agit

M 2

Rhe.

Rhetor, agit *Ethicus* denique : *Theologus*, cum de bonitate pravitatēque functionum humanarum sermocinatur : *Physicus*, quatenus hi motus accidunt certæ speciei corporis naturalis, animæque appetentis naturales sunt affectiones : *Politicus*, quatenus cōsideratur in legibus cōdendis, interpretādis, iurēque adeò reddendo & dicundo, erratisque emendandis vel remittendis, pacatonē, an turbato ab affectibus animo, quid sit factū : *Medicus*, quatenus ad tuendam valetudinem, si adsit, restituendā, si absit, faciunt, ad quietem revocati cum Galeno, qui gloriatur, se quotannis ægros nō paucos sanasse hoc alexipharmaco : *Rhetor*, quatenus faciunt ad movendos atque incitandos potenter animos auditorum sive sit suadendum quid, sive dissuadendum : *Ethicus*, quatenus ad virtutis mediocritatem, cujus sunt objectū, & materia interna, redigendi veniūt. Scilicet res eadem sub diversas cadere est nata disciplinas, quā illarū objectū est materiale, licet quā objectū formale, non cadat nisi sub unam, v.g., affectus ut sic sub *Ethicam*, de quibus ea & in quos proximius intimiusque inquirat, tum quia numerantur inter principia ac causas actionum humanarum, tum quia in his cicurandis atque domandis, dirigendis atque corrigendis, excubat virtutis vigilia, quæ cum suis actionibus argumenti utique *Ethici*, tum quia sic nescio quomodo melius animadvertere est multò di-

discrimen inter virtutes & affectus, ex quibus illæ ad primam speciem qualitatis pertinent, hi ad tertiam. Triverbio, affectuum naturalium theoria Physicæ germana est, earundem praxis variarum disciplinarum, interquæ eas jure domestico & singulari nostræ. *Nomē sive nominalitatē vocis si species, Græcè Philosophantibus motus hic appetitus sensitivi* ὄρμη *Impulsus sive Impetus, πάθος Passio sive Perpeßio, ἥθος, Mos sive Cōsuetudo certa, Latine Philosophātibus, Stoicè Perturbatio & Aegritudo, Academicè Affectio, Peripateticè Affectus, appellatur.* ὄρμη, *Impulsus sive Impetus*, à commotione, quia incitat, impellit, trahit, rapit hic motus. πάθος, *Passio sive Perpeßio*, quia subjectum suum variè afficit, movet, mutat, inclinatur, sistit, avertit, adeoque pati facit, ita tamen ut agat quoque. *Neque enim affectus meræ passionibus sunt, sed ex actionibus & passionibus simul mixti. Passiones sunt affectus.* I. Quatenus appetitus movetur ab objecto cognito. II. Quatenus idem appetitus, ab objecto cognito excitatus, suum ipsius actum in se recipit, id quod pati Philosophi appellant, verum translato patiendi vocabulo, cum hoc pati potius sit perfici, quomodo aërem pati dicunt, cum illustratur à sole, atqui non pati propriè dictum est mutari in deterius, non melius. Certè (ut maneam in hoc circo,) qui dolet, veriùs in comparatione patitur, quàm

qui lætatur , quomodo generationemque nuncupamus eam transmutationem , quâ quid ex deteriore fit melius, corruptionem contrâ, quâ ex meliore deterius, ut ut omnis interim corruptio fit cum generatione, omnisquē generatio cum corruptione, similiterquē passio cum actione qualicunque, & contrâ. III. Quatenus cor reliquumquē corpus, spirituum adminiculo innaturali mutatione afficitur, sanguine nunc ad externas & extremas corporis partes sese effundente, nunc ad internas recurrente, tanquam ad arcem salutis. *Actiones sunt affectus*, quatenus appetitus, ab objecto cognito excitatus, huiusmodi motus in se ciet ac producit, quæ productio quædam actio est haud dubiè. Agit agit siquidem appetitus , quando v. g. amat, quia ciet actum, agit agit, quando odit, ob geminam causam & tamen quoque etiam patitur, quia afficitur utrinque. *Sed univèrse interim affectus magis sunt passionès, quam actionès*, quia passionès in his motibus manifestiores sunt, quàm actionès. Licet enim ex parte objecti occasionantis sint tantùm actionès, tamè ex parte facultatis occasionatæ sunt primò passionès, quatenus videlicet facultas movetur, mox actionès, quatenus eadem facultas, persuade appetens, ab objecto cognito proritata aut irritata mover, actumquē suum in se admittit , respectu verò corporis , tantùm passionès, ut quod se habeat merè

merè passivè, neque moveat, sed moveatur. Ut ita ratio formalis affectuum in passione potius quàm in actione vertatur. Etenim actualis propensio ad prosequendum bonum, & persequendum malum, non est affectus, neque activa corporis ad prosecutionem vel persecutionem incitatio, verùm mutatio, quæ ex hâc inclinatione oritur in facultate appetente, subjectoque ejus corde. Quamvis non eadem omnium affectuum iterum heic sit ratio & natura. Nam qui rationem vel anteverunt, vel evertunt, & eviruant, præcipuo quodâ jure passionem appellari merentur, cùm ab iis ducatur & rapiatur quodammodò appetitus, at qui sequuntur rationem, eiquè se malacissandos permittunt, nescio quomodo magis ad actionum naturam videntur accedere. *ἥθος ἡνὶν, hoc est, Mos sive Consuetudo certa*, quia vocabulum τοῦ ἥθους, non tam morem, quàm moris proprietatem, signat, id est, usum ac consuetudinem vitæ bonæ aut malæ, distinctam ἀπὸ τῆς ἐθέσεως, consuetudine quâvis in rebus quibuslibet. Propriè propriè siquidem ἥθος mores significat, ex quibus hominum animi cognoscuntur, v. g. ex bonis operibus virtuosus, ex malis vitiosus. *Quo loco in transitu notandum intergerinum discrimen inter τὸ πάθος καὶ ἥθος.* Scilicet τὸ πάθος significat affectum in genere, sive sit mitior, & mitificer, sive concitator, & concitet, τὸ ἥθος verò qua-

lemcunque affectionem, à quâ ἔθος, quomodo πάθος v. g. ira, ἥθος iracundia, ἔθος irascencia, sive consuetudo irascendi. Scaliger aliquis diceret, πάθος καὶ ἥθος non solum gradibus differre cum Fabio, ut πάθος sit ἥθος vehemens, sed ipsā οὐκία, ita ut τὸ ἥθος sit principium agendi, τὸ πάθος verò patiendi, quomodo v. g. qui perturbat, ἥθος habet, ut iracundus, qui perturbatur, πάθος, ut invidus. Atque adeò, quanquam in omnibus affectibus sit perturbatio, tam iis, qui perturbant alios, quàm iis, qui ab aliis perturbantur: tamen qui propriè loquuntur, ita dicunt, ut ἥθος exeat ad actionem, πάθος verò ad passionem, sive receptionem actionis, ideoq; ἥθος sit fundamentum. Ita, quando video v. g. miserū, patior & compatior, atq; ea est misericordia, hoc est, πάθος, quæ misericordia gignit munificentiam, atq; hæc ἥθος. Sic patior acceptā injuriā, hoc parit fortitudinem ad depulsionē, ἥθος igitur fortitudo, πάθος receptio sive acceptio injuriæ. Hactenus Scaliger ille aliger. *Stoicis motus hic Perturbatio & Ægritudo audit.* Bis malè, quia perturbatio nomine ipso vitiosa, ut quæ malaciam & tranquillitatem animi turber, sicut & ægritudo, quæ id in animo, quod ægrotatio in corpore: Arqui vox requiritur, quæ denotet affectum intra modum, qualis nec illa, nec ista. Quam in rem sic pertinentur Conradus Hornejus : Per affectus

ctus animi inquit, sæpè tantùm commotio
& permotio ejus denotatur, sine exorbitan-
tiâ, & sine impetu excurrente, non raro cum
exorbitantiâ, atque impetu excurrente, ma-
ximè si non tam affectus, quàm perturbati-
ones animi, dicas. Sed scilicet aliud motus
ipse in se, aliud exorbitantia ejus, aliud v. g.
odium simpliciter, aliud odium hujus vel il-
lius rei, quæ res naturâ distinctissimæ. Quid
enim ad esse, atque naturam motus, quæ est
motus, non quæ motus talis vel talis, si exor-
bitet, aut non exorbitet, cùm tam sit ani-
mi motus, quando malè quicquam metuitur,
quàm cùm benè, quando pravè quicquam
amatur, quàm cùm rectè? Utrumque u-
trumque enim est metuere, utrumque a-
mare, utrumque etiam metuere, & utrum-
que amare, immutat animum cum corpo-
ris aliquâ alteratione, excitante dolorem, vel
voluptatem. Omnes ergò animi motus, sive
excitant, sive non, conveniunt inter se, quæ
motus sunt, & quatenus habent, quæ per
se ad essentiam motus spectant, quòd verò
excurrant, id competit eis, non quæ motus
sunt simpliciter, sed quæ motus vitiosi. Ut ita
vocabulum perturbationis & ægritudinis
non tam affectum ipsum solum, quàm simul
exorbitantiam aliquam denotet, nec pu-
rum putum affectum, sed affectum vitio-
sum. Hæc ille. *Academicis & Platonis Af-
fectio, Peripateticis Affectus*, quarum vo-

cum utraque æquivoca, ut quæ præter affectionem sive affectum animi denotet etiam affectionem sive affectum corporis, v. g. morbum, sed æquivocabilior & æquivocacior interim altera, nempe affectio, ut quæ præter utrumque significatum artificialiter connotet afficietiam cœli & astrorum. *Sin rem sive realitatem vocis spectes, ut sic definißis sanè motum hunc appetitus sensitivi, secundum veteres Academicos, quod sit motus animi rationis expertis; alicujus boni vel mali gratiâ, secundum Platonicos, quod motus animæ sine ratione, natus ex bono aliquo, aut malo, secundum Peripateticos, quod mutatio animi, cum voluptate aut dolore complicata, motus, inquam, appetitivæ virtutis sensibilis, ab imaginatione boni vel mali; cum Damasceno, vertens in persecutione boni, aut fugâ mali; cum Thomâ. Meo bono periculo Affectû sic definiendo definieris in terminis: Affectus est motus appetitus sensitivi in corde, cum aliqua mutatione non naturali corporis, ex apprehensione boni vel mali, mediantibus spiritibus & humoribus ortus, illius consequendi, hujus vitandi gratiâ. Quâ definitione signanter signatur, præter ejus genus, etiam subjectum, & causa, maxime finalis, quemadmodum eam rem nobis articulate & distinctim dabit caput sequens.*

CAPUT XXXVIII.

Quod Affectus propriè dicti Genusque Subjectumque, Causaque, maxime Finalis, secundum Aristotelismum, Stoicismum, & Galenismum.

Iuvat quoque etiam hîc ἀναλύνειν, pro capto capitis præsentis. *Definitû est τὸ Πάθος, Affectus. Definitur Genere, & Differentiâ Specificâ. Genus Affectus est, non Naturalis Animæ Facultas, non Habitus Naturalis Facultatis, verûm Motio ejus sive Motus. Non Naturalis Animæ Facultas. I. Quia recipitur in eâ, estque affectio ejus, sive commotio ejus, media inter facultatem & habitum. Ut enim per naturam v. g. præditi sumus facultate ridendi, postea ridemus, aliàs ex facultate, aliàs ex habitu, ita & à naturâ, & per naturam, præditi sumus facultate concupiscendi atque irascendi, postea concupiscimus & irascimur, aliàs ex facultate, aliàs ex habitu. II. Quia facultas pertinet ad secundâ speciem qualitatis, affectus verò ad tertiam. Non Habitus Naturalis Facultatis. I. Quia nullus affectus, ut genus, de habitu dici potest. II Quia affectus naturæ ventrem quasi partus ejus sequitur, habitus autem comparatur aliquâ operationum repetitione, Theoreticus studio & disciplinâ, Practicus more & consuetudine, Pojeticus exercitatione in ef-*

ficiendis operibus artis. III. Quia affectus inest omnibus, non tantum hominibus, sed etiam bestiis perfectis, non item habitus. IV. Quia affectus est subitus & repentinus motus animi absque *παραίρεσι* sive consilio, non item habitus, ut in quo partim *τὸ λογικόν* habiter, partim *τὸ λογιστικόν*, illud in habitibus intellectualibus, hoc in moralibus & artificialibus. Atque hinc adeo est, quod ab affectu dicimur aliquo modo *κινεῖσθαι* commoveri, quoniam illo animus alteratur nonnihil, & quasi mutatur, ab habitu verò *διακρίσθαι* καὶ *διακρίτεσθαι*, aliquo modo disponi, & *ποιοί πνευ*, cujusdam modi, hoc est, apti & idonei ad aliquid contemplandum agendum & efficiendum fieri. V. Quia ab habitu laudamur, vel vituperamur, ab affectu non item, cum per se sit quiddam indifferens, id est, nec bonum, nec malum, nisi rectè aut secùs gubernetur. Quatenus namque affectus est motus naturalis, ut sic nec laudatur, nec vituperatur, nisi quid moralitatis, hoc est, moralis vel moderationis vel immoderationis accesserit, sive illud sit à naturâ, sive ab assuefactione. Quamvis enim dentur quidam affectus, qui sint laudabiles, ut verrecundia, nemesis, misericordia, tamen non tam sunt tales propter se, quàm propter modum, quod earum sit aliquis modus, neque *ἀπὸ αὐτῶν* tales, sed *παρὰ*, quomodo odium & malignitas vituperioque dignæ. VI. Quia affectus

ctus pertinet ad tertiam speciem qualitatis, habitus verò ad primam. *Sed Naturalis Facultatis Motio sive Motus*, sive affectum consideres Physicè, ut motum cordis innatum, ad usum naturalem determinatum, contradistinctum à pulsu cordis, sive Ethicè, ut motum cordis acquisitum, ad usum moralem determinatum, saltem determinabilem, ut eo mediante animus noster commoveatur, v. g. gaudento, amando, desiderando, irascendo. *At qualis Motio sive Motus, Immanēs, an Transiens?* Immò verò immanēs, quia enim in eà facultate recipitur, ut in subjecto, à quā manat, ut à causā efficiente, id quod proprium actionis immanentis, quæ ita intra agens manet, ut ad aliud extra agens objectum non referatur, in quod transeat, quasi in subjectum aliquod, distinctū à supposito, quod agit, vel saltem quasi in distinctam suppositi partem à parte eā, quæ in eo est activa, qualis sensatio, sive actio sentiendi, quæ recipitur in parte organicā corporis, non in animā, à quā fit, cum contrā actionis transeuntis sit proprium; quòd terminetur in subjectum re distinctum ab agente, qualis actio calefaciendi ab igne, quæ terminatur in aquam, vel ferrum. Objiciendo objiciat quis, affici esse proprium materiæ, facultatem non esse compositam ex materiā, ergò in eā affectum non habere locum! Respondeo cum Thomā, affici sive pati, secundum

dum quod est cum transmutatione & abjectione, id verò proprium esse materiæ, non item affici, vel pati, prout importat receptionem solam, quomodo potestque esse cuiuscunque existentis in potentiâ, & consequenter quoque etiam animæ, ratione potentia-
 litatis cuiuscujus, secundum quam ei convenit recipere, hoc est, afficique, patique.
Differētia Specifica Affectus sumitur à *Sub-
 jectō ejus, & Causâ, maxime Finali. Subjektū
 Affectus, persuadee Inhæssionis, duplex est, ut
 Quod, & ut Quo. Subjektum Inhæssionis
 Affectus ut Quod, iterum vel Negativum est,
 vel Positivum. Negativum Subjektum Inhæ-
 ssionis Affectus ut Quod est Deus & Planta
 exclusivè. Deus, tum quia in eo non sunt or-
 gana affectuum propriè dictorum, tum quia
 hi ad mediocritatē revocādi, τὴν πᾶσιν autē, ad
 mediocritatem redigēda, Deo appingere,
 aut affingere, non tantum ἀθεόλογον, sed et-
 iam ἀφιλόσοφον. Dico affectuū propriè dicto-
 rum. Αναλογικῶς siquidem atque improprie
 eos etiam Deo tribuimus, quomodo Deum
 v. g. irasci facimus, pœnitere, misereri per
 metaphoram, atque ad humanum apprehen-
 dendi ac considerandi modum. Nos enim,
 cū omnia agamus affecti affectibus, idē
 supernis agentibus similem agendi modum
 attribuimus, verū per quandam eminenti-
 am, ut hīc Deo, in quo affectus nihil ali-
 ud sunt, quā actus divinæ voluntatis, qui-
 bus*

bus aliquo modo assimilant affectuum humanorum actus, quatenus perfectionem includunt, quomodo etiam alia Deo assignamus, uti audire, videre, de loco in locum progredi, manu uti, quæ sunt sensuum & locomotivæ. Alii dicunt, affectus in Deo esse, non secundum passionis affectum, sed secundum rem; sive similitudinem effectus. Næ pertinenter! *Planta*, cum ob alias rationes, tum quia affectus sequitur sensum, est, quæ partus appetentis facultatis, ideoque non diffunditur infra animalia, & per consequens nec ad plantas. Quamvis enim quædam arbores rerum accessum sensu percipere videantur, illisque appropinquantibus ramos constringere, recedentibus explicare, reperiuntur quin immò plantæ, se invicem amantes atque appetentes, ut palmæ mares & foeminæ, item fugientes se invicem, atque odio persequentes, ut quercus & olea, hæc & cucumis, vitis & brassica, tamen in has non cadiscunt nedum cadunt affectus propriè dicti, nisi fortè per sentiendi facultatem, quam cum animalibus aliquo modo communem habeant, cum sint zoophyta, verum obscuriorem scilicet; aliarum plantarum sympathiis arque antipathiis, amoribus, inquam. & odiis, quorum origo non à sensu, sed à peculiari temperamento, à categoriâ affectuû hâc virgulâ sequestratis, vel ideò, quia veri & germani affectus, prævio sensu elicit, af-

assuefactione mitescere, immò deponi possunt, id quod in sympathiis & antipathiis planetarum non fit. *Positivum Subjectum Inhæſionis Affectus ut Quod, est in genere Animal, in specie Bestia & Homo, etiam Infans, etiam Puer. In genere Animal, quia affectus accidit certæ speciei corporis naturalis, putà animali, non omni illius speciei indifferenter. In specie Bestia.* I. Quia in bestiis sunt causæ affectuum, anima videlicet sentiens & appetens, suis cum requisitis, quare & affectus, quia positæ causis ponibilibus non non ponuntur effecta. II. Quia in iisdem principia & post-principia affectuum, hoc est, voluptas & dolor passivè. III. Quia in iisdem signa atque opera affectuum. IV. Quia in iisdem species affectuum, irasci, inquam, amare, odisse, lætari, tristari, metuere, sperare, desperare. V. Quia, si affectus non caderent in bestias, tunc procul dubio id inde foret, quia sejungi à rationis usu haud possent: Atqui falsum consequens, cum in infantibus etiam ante rationis usum deprehendantur: Ergò & antecedens. Contra Stojcos, acutum sapientes in obtuso, qui agebant, bestiis quidem competere motiones illas primas, quæ in homine antevertunt consultationem, affectus verò minimè, at eorum vice in iis reperiri, feritatem, rabiem, incursionem, quæ nonnisi per metaphoram affectus nuncupentur, affectionesque tantum

tum sint affectibus similes. Scilicet sic obargumentabantur Stoici : Animalia, quæ non valent ignoscere, illa nec valent irasci, quare nec affici. Febriculose! Dantur dantur siquidem subjecta, quæ contrariorum sunt incapacia, quomodo ignis v. g. calidus, qui tamen frigidus esse nequit, glacies contrà frigida, quæ tamen calida esse nescit. Ne dicam bestias & ipsas ignoscere, ut sine ratione, ita non sine imaginatione, quomodo canis ab hero percussus non mordet, mordet percussus ab ignoto, illi igitur ignoscit, huic non item. Instant Stoici, affectus esse rationis depravationes, ideoque non cadere in bestias rationis expertes. Næ convenienter suis hypothesibus, sed non thesi veritatis. Constat quippè affectus per rationem reduci posse ad mediocritatem, saltem in homine, ita ut amicè consentiant rationi, eique tanquam instrumenta serviant ad præclaras & homini salutares actiones, cujusmodi sunt, bonorum prosecutio, & malorum fuga. Excipiat forte an Stoicus, ut id genus hominum est exceptivum: Quòd si affectus quadrant in bestias, ergò & moderatio affectuum sive mediocritas, quare & virtus moralis! Regero, ut moderatio in eas cadat materialiter, quomodo videmusque etiam ferocissima domari ac mitigari animalia, leones, ursos, elephantos, equos & tauros silvestres, non tamen cadit formaliter, persuade sub formalitate morali,

tum

tum quia moderatio illa non est à ratione propriâ & internâ , sed alienâ & externâ, nempè domantis & domitantis, tum quia finis ejus non est honestum, sed hominis commodum & compendium, tum quia non proficiscitur ex *αγαπῆς*, sed ex phantasiâ tantum forti, & memoriâ sensitivâ. Taceo, quòd moralis virtutis ratio formalis non consistat abscisse in moderatione affectuum, sed hæc ipsa moderatio potius sit effectum & consequens virtutis moralis, quâ de re intrâ in formâ ejus. *Item Homo, ad Hominem Infantem & Puerum usque inclusivè*, cum ob easdem rationes, quæ hîc commilitant, quia in eis se produnt & promunt bonâ fide causæ affectuum, principia & post-principia, signa atque opera eorundem, necnon species, tum quia affectus ante usum rationis non sunt distincti specie ab iis, qui post usum rationis, quare nec in homine infante, puerovè. Neque quid proficit in contrarium, quòd affectus sint materia virtutum & vitiorum moralium, hæc autem non sine suâ formâ, quare non sine virtutibus & vitiis, cum tamen & illarum & horum pueri infantes sint incapaces per ætatem. Ad quam difficultatem facilitando respondeo, materiam virtutum, hoc est, affectus, quâ tales, id est, quâ virtutibus vestiendos, competere quoque etiam pueris infantibus potentiâ, etiamsi virtutes ipsis nondum competant

petant actu. Virtus siquidem cum affectu non connectitur, nisi in homine, virtutis non tam capabili, quàm capace. Quare labascit consequentia, minimum erubescit, quoniam affectus sunt quidem materia virtutum, circa quam versatur τὸ formale earum, verum in subiecto, non subijcibili, sed subiectivo. Quod attinet rationem, sumtam à correspectu & coaspectu materiæ ac formæ, ea verò vera de materiâ & formâ propriè dictis, quæ non nisi substantiarum corporearum, à quibus abscinditur virtus, quæ quid spirituale moraliter. *Subiectum Inhæſionis Affectus ut Quo, & ipsum vel Negativum est, vel Positivum. Negativum Subiectum Inhæſionis Affectus ut Quo est Facultas Cognoscens, sive Mens Stoicorum. & Facultas Appetens, sive Voluntas Scotistarum. Facultas Cognoscens sive Mens Stoicorum*, qui affectus statuebant esse opiniones & iudicia, ac proinde ad cognoscentem facultatem referebant. Ἀφίλοζόφως! I. Quia affectus, γνησίως sic dictus, in objectum fertur, ab eovè auferitur, non sub ratione veri aut falsi, id quod facultatis cognoscentis, verum sub ratione boni aut mali, id quod facultatis appetentis. II. Quia maxima vis est affectus in corpus animalis, quod inde alteratur vehementissimè, huiusmodi autem alteratio non potest proximè esse à facultate cognoscente, sed ab appetente. Neque enim vel mens vel phantasia

tasia per se, tanquam immediata & proxima causa, potest movere sanguinem, aut spiritus, hisquē instrumentis alterare corpus, verum inter eas & effectum intercedit appetitus, qui, dum prosequitur vel fugit objectum, tanquam ministros assumit sanguinem & spiritus, quos vel in objecti emittit occursum, vel ad interiora revocat. Cū enim magna sit in corpore *συνάθεια* inter partes ejus corporeas invicem, quidni quoque sit inter has & facultates animæ materiales, qualis appetitus sensitivus. III. Quia facultas cognoscens in cerebro residet, in quo affectus bonā fide poni nequit, quia ibi vigent operationes & facultates, quæ affectui adversantur, judicium videlicet & ratio, eadem verò facultas actiones pugnantes eodem tempore non producit. IV. Quia affectus sequitur actum facultatis cognoscentis, id eoquē aliquid posterius est actu facultatis cognoscentis, quare non ejus actus, & per consequens, nec opinio, nec judicium, tum quia definitione & subjectis differunt, quod affectus cor, opinionis & judicii cerebrum, quæ concipi nata sine ullo motu cordis, non item affectus, tum quia opinio semper languida, affectus verò modò vehementior, modò languidior, pro vario corporis temperamento, vehementior & intensior in humoribus calidis & siccis, languidior ac remissior in humoribus frigidis & hu-

humidis, tum quia animantibus quidam infunt affectus. five inclinationes naturales, absque omni deliberatione, ideoque & opinione, quas *τοργὰς* Græci vocant, qualis v. g. amor parentum erga sobolem, & sobolis *ἀντιπελαργία* erga parentes. V. Quia nihil movetur in rem quampiam cognoscendo, aut noscitando, sed appetendo, τὸ moveri verò proprium affectus. VI. Quia actio & facultas semper occupantur circa idem subjectum: Jam verò affectus se manifestat per corporalia organa, cùm sit materialis & organica operatio: Quare non cadit in potentiam intellectivam, cum quâ non est tanta corporis *συνπαίδεια*. VII. Quia nullum accidens reperitur, nisi in suo adæquato subjecto: Atqui bruta & pueri, licet usu rationis destituantur, quâ bruta prorsus carent, nihilominus affectibus agitantur: Ergò mens non potest esse adæquatum subjectum affectus. Quid multis? Dum Stoici facultatem cognoscentem cum appetente inscien-ter miscent, eo ipso venatorem & feram, aurigam & currum, fessorem & equum, nauticum & navigium, præceptorem & discipulos, magistratum & subditos, nō pro duobus, sed pro uno, deputant, per solœcismum Arithmeticum: Arithmeticum autem? Immo Ethicum. Obstagium videtur dictis, quòd affectus videantur oriri ex cogitationibus & opinionibus, ut qui ex iisdem objectis orti
non

non afficiant similiter omnes , & nec amare
v.g. faciant omnes, aut semper amare , cùm
alium pudor , alium cogitatio , alium satias
deterreat , univèrseque homo perturbatus
aliter multò judicet , quàm liber à perturba-
tione. Quid id mirum autem , cùm actus
agentis in patiente sint prædispositi Schola-
sticorum scito , quomodo videas ignem ex
lapide efficere calcem , ex ligno carbonem ,
vel cineres, vinum alios facere hilares, alios
tristes, heberiores alios , acutiores alios , lo-
quaces sive locutulejos alios , elingues alios ,
propter dissimile temperamentum , quæ ra-
tio etiam militat in affectibus , qui & ipsi
dissimiliter afficiunt propter temperamen-
torum distemperantiam , quæ diversitatem
causatur , uti affectuum , ita cogitationum
atque opinionum. Quamvis enim objecta
sint eadem , tamen cogitationes de objectis
in phlegmatico cholericu melancholico san-
guineo possunt esse diversæ , cùm affectus i-
ta sint naturales, ut quodam modo dici pos-
sint voluntarii , quia regi aliquo modo pos-
sunt voluntatis arbitrio , regi judicio ac ra-
tione, regi usu atque exercitio, atque ut affi-
ciatur judicium ab affectu , non tamen est
ipse affectus , non magis quàm ratio ira , li-
cet turberetur ab eâ. Obstaculum quoque vi-
detur dictis , quòd affectus etiam nascantur
sæpè ex falsis opinionibus , sintque quid-
dam opinabiliter atque imaginariè conce-
ptum.

ptum. Verùm hoc obstaculum sine obstaculo scilicet. Etsi enim interdum falsis opinionibus excitentur affectus tristitiæ in Jacobo patriarchâ, falsò nunciatâ morte filii, tamen non semper id fit, sed sæpè veræ causæ subsunt, quomodo David nimis quàm verè dolet, allato ad aures tragicò interitu filii Absolonis. Ut breve faciam: Cùm affectus sit motio, orta ex judicio boni vel mali, motio verò non sit judicium, sed sequatur judicium, ut umbra corpus, nec pertineat ad facultatem cognoscentem, sed ad appetentem, jure nec judicium censeretur debet, neque ad facultatem cognoscentem referri, nisi fortè ut ad excitantem & dirigentem. Quamvis enim motio illa, quæ dicitur affectus, non sit judicium, tamen non fit sine judicio. Scilicet facultas cognoscens primò judicat rem, ut veram, vel falsam, mox ut bonam, vel malam. Dum eam judicat ut veram vel falsam, non excitat appetitum, sed dum eam judicat ut bonam vel malam, non quidem absolutè, verùm nobis & nostris, quod ubi fit, tunc demùm accenditur affectus. Atque adeò jure jure hæ duæ facultates debent esse junctæ. Cùm enim facultas appetens ex se sit cæca, nihil prosequeretur vel vitaret, nisi à cognoscente facultate exusciraretur, dirigereturque exuscitata, pariter contrà inane foret judicium boni & mali, nisi ei juncta esset facultas illud asse-

si ei juncta esset facultas illud assequendi, vel vitandi. *Facultas Appetens, sive Voluntas Scotistarum*, qui, licet affectus, conjunctos cum alteratione corporali, collocarent & ipsi in appetitu sensitivo, aliquos tamén affectus propriè dictos locitabant in voluntate, cujus proprium foret, ut condelectari appetitui sensitivo, ita & contristari eidem, *Αφιλοσόφως!* I. Quia affectus propriè dictus subindè repugnat voluntati, ejusquè imperium detrectat, quare alterius, atque à mentis appetitu distinctæ facultatis, quoniam in eadem facultate simul contrariæ actiones vel passionés non dantur, vel ipso Scoto teste in loco. II. Quia omnis animi affectus conjunctus est cum corpore, quod cum eo semper quid patitur, vel experienciâ suffragante, quæ docet, quoties animus affectu turbatus est, variè agitari spiritus, moveri sanguinem, concuti cor, ac sæpè totum corpus: At voluntas immaterialis est, inorganica est: Quare motâ voluntate non necessariò movetur corpus, nisi cum eâ simul moveatur appetitus sensitivus, quæ voluntas ideò esse nequit sedes & patria affectus propriè dicti. III. Quia si in volūtate habitaret affectus propriè dictus, tunc nullus in nobis surgeret subitus motus nobis invitis, cujus cōtrariū loquitur familiaris consuetudo, quæ est nobis cū nobis, & cum aliis cohominibus. Utur interim non diffitear, in voluntate dari aliquid affectibus

ctibus ἀνάλογον, hoc est, affectus per similitudinem & metaphoram, quomodo affectusque ascribimus Deo, & separatis mentibus, per humanum apprehendendi ac considerandi modum, & cum quâdam eminentiâ. Etenim (ut ad voluntatem renavigem,) sicuti appetitus sensitivus movetur à judicio sensus, ita voluntas à judicio rationis. Hujusmodi motiones si quis Nominalium velit affectus nominare, non erit funis contentionis propterea ducendus, modò caveatur, ne motiones appetitus sensitivi cum motionibus voluntatis confundantur. Quòd si dices, quia objectum appetitus intellectivi, sive bonum universale, potentius activum, quàm objectum appetitus sensitivi, sive bonum particulare, ideò rationem passionis magis videri inveniri in illo, quàm in hoc: Respondebo dicenti cum Thomâ, quamvis major virtus agentis esse videatur in illo, tamen majorem passibilitatem patientis esse in hoc: Quare, licet objectum illius sit magis activum, quàm hujus, tamen hoc interim esse magis passivum, quæ autem benè passibilia, illa multum pati etiam à parvis activis. Si instabis, dari nihilominus affectus homini proprios, qui ad gloriam, honorem, justitiam pertineant, aliaque non sensu sed ratione cognita, quomodo quotidie cernimus

N

ho-

hominem verecundiâ duci; æmulatione accendi, commoveri maximè imminutâ estimatione, excandescere læso honore, quam jacturam & quod detrimentum inferior appetitus non percipit, quoniam ratio offensam illam concipit ut turpem, voluntas ut detrimentosam, quare saltem hos pertinere ad facultatem hominis propriam: Responsitabo, hos non constituere novam speciem aut sortem affectuum, quia & ipsi mediante sensu excitantur à ratione, ministerio phantasiæ supernè commotæ, quam superior appetitus post se trahit, ut superior sphaera inferiorem, argumento, quòd etiam tales affectus excitentur per ~~motum~~ motionem sanguinis & spirituum, licet interm à reliquis affectibus differant objecto, quod bonum vel malum intellectui cognitum, differant subiecto, quod homo, differant efficiente, quod intellectus præfatus, differant ordine inexistentiæ, quia secundo insunt, hoc est, homini, non ut animali, sed ut tali animali, hoc est, homini. Cur verò hominis affectus plures sint, quàm reliquorum animalium congenerum, regio ejus rationis hæc est, quia homo plura cognoscit, ideoquæ & cognoscendo appetit, neque unum sed multiplex vitæ genus natus est vivere, pro cuius varietate affectus existunt varii, quos varia concitant objecta: Plures autem? Immo & vehementiores, tum quia

quia maximè omnium animalium homo voluptate & dolore afficitur, quæ principia fomites & assclæ affectuum, quo fit, ut homo solus nonnunquam nimiam voluptate moriatur, dolorevé, solus semper coitum expetat, cætera animalia destinatis temporibus, solus, dum vehementi aliquâ affectione turbatur, magis nescio quomodo extrinsecus mutetur, pallescendo, erubescendo, contremiscendo sive palpitando, tum quia externi sensus, gustus, inquam, & tactus, in homine sunt exquisitissimi, per quos idè vehementissimi excitantur affectus, ob tenuitatem & titillationem cutis, alimentorumquæ ac condimentorum varietatem, tum quia cognitio in homine exquisitior & major ob animæ præstantiam, majorem autem cognitionem atque appetitionem vehementiores sequi solent affectus, tum quia objecta, quæ homini se offerunt, eumquæ sede suâ movent, majora, præstantiora, incitatoria atque concitatoria, magisque impulsiva & compulsiva, tum denique, quia sanguis & spiritus hominis subtiliores, qui idè facilius & vehementius commovetur, quàm crassior brutorum spiritus & sanguis, præsertim cùm homo præditus sit tenuissimis humoribus, temperamentoquæ facillimè nato alterari, cordequæ calidissimo & spirituosissimo. *Subjectum Inbasionis Affectus ut Quo Positivum est Facultas Appe-*

tens, sive Appetitus Sensitivus Peripateticorū & Thomistarum. I. Quia affectus homini communis cum brutis animalibus: Quare secundum facultatem ipsi competit, quam cum brutis communem habet: Ergò secundum appetitum sensitivum. II. Quia affectus est passio materialis, cujus ideò in alterandis corporibus proxima vis, per sanguinis & spirituum multam ac magnam commotionem, quæ ad facultatem rationis immaterialem atque inorganicam immediatè referri nequit, cùm nullus motus ejus cum mutatione corporis primò fiat, proximequè corpus moveat. Thomas diceret, passionem sive affectum propriè inveniri ibi, ubi est transmutatio corporalis, hanc verò reperiri in actibus appetitus sensitivi, non intellectivi, ut qui non sit virtus alicujus organi, quare in illo non in hoc quærendum affectum. III. Quia affectus formam & modum recipit à virtute in more positâ: Quare in eâ regione animæ, in quâ illa. IV. Quia in appetitu sensitivo id persecutio & fuga, quod affirmatio & negatio in facultate cognoscente: Atqui affectus non consistit in affirmatione & negatione, sed persecutione & fugâ: Ergò. V. Quia objectum, quod actione attingitur, vel vitatur, est singulare, singularium verò sensus. *Nominatim Cor, suâ naturâ dilatari vel constringi aptum.* I. Quia, si subjectum affectus propriè dicti non

non est cor, tunc aut cerebrum erit, aut epar:
Non illud, quia in eo sedes quasi & domici-
lium rationis, quæ affectui sæpenumero
adversatur: Non hoc, quia affectui, qui
sunt in epate, iudicio & ratione nequeunt
regi, pativè, ut fames, sitis, impetus ad pro-
creationem: Ut enim possit iudicium seu
ratio imperare facultati moventi, ne cibum
capiat, ne bibat, neu generet, attamen ne se
prodat, ne incitet, ne perturbet & extimu-
let, nequit efficere: Ergò cor, næ conveni-
enter libro & naturæ, qui testatur in affectu
cor reliquumquæ corpus affici non naturali
mutatione ab appetitu, & scripturæ, qui nos
jubet Deum diligere ex toto corde. II. Quia
ipse pulsus hominis est indicium, cor vehe-
menter feriri agitari tremefieri ab affecti-
bus, à quibus nulla pars corporis gravius af-
fligitur, quàm ipsum cor, quod, quò calidi-
us & siccius, hoc vehementiores excitat af-
fectus, quò frigidius & humidius, hoc lan-
guidiores, quò majus & solidius, hoc mayo-
res & constantiores propter spirituum copi-
am, quò minus & laxius, hoc minores & in-
constantiores propter eorundem inopiam.
Unde propter diversum harum qualitatum
cordialium temperamentum homines vel
Cholerici, vel Melancholici, vel Sanguinei,
vel Phlegmatici audiunt, quorum illi ad ira-
cundiam proclives, isti ad invidiam & tristi-
tiam, hi partim ad lætitiā, & amorem,

pro adeptione vel fugâ moventium. Quorum motuum primus affectus non est, verum ejus origo & principium: Sed nec tertius, qui effectus verius, quàm affectus: Ergò medius, hoc est, motus facultatis appetentis, vergentis ad objectum, vel divergentis ab objecto, cum quâdam spirituum & corporis agitatione. *Causa Affectus in suo orbe & spherâ quadruplex est, & Efficiens, Materia, Forma, & Finis. Causa Efficiens sive Conficiens Affectus vel Principalis est, vel Minus Principalis. Principals Causa Efficiens Affectus est idem Cor, è cujus thalamo egrediuntur, & ad quem regrediuntur spiritus vitales, qui affectibus servant. Minus Principalis Causa Efficiens Affectus vel Instrumentalis est, vel Adjuvans. Causa Efficiens Instrumentalis Affectus sunt fibræ cordis, quibus illud dilaturatur & constringitur, quibusquæ attrahit ac depellit quasi manibus objectum. Causa Efficiens Adjuvans Affectus sunt Spiritus & Humores: Spiritus, quia postquam apprehendimus objectum, & judicamus illud bonum aut malum esse, mox spiritus moti in cognitione feriunt cor, quod quasi ictum & pulsatum cietur, atque aut appetit objectum, aut fugit: Humores, quorum alii exæstuant in aliis affectibus, in irâ v.g. flava bilis, in tristitiâ nigra vel atra bilis, in lætitiâ sanguis. Ut ita Temperamentum, hoc est, naturalis*

temperatio spirituum & humorum , cùm in toto corpore , tum in vasis & visceribus interioribus ac principalibus , sit causa adjuvans affectuum. Dico causa adjuvans. Neque enim affectus totaliter & necessariò pendent à corporis temperamento , uti sapores , odores , colores, aliæque qualitates, tam occultæ, quàm manifestæ , verùm partialiter & contingenter. I. Quia plures ad affectuum generationem in homine , affecto , dicam , an affectibili,afficiendovè, concurrunt causæ , tam internæ, quo de numero institutio atque assuefactio , quæ unicuique dæmon ,quàm externæ,quale quid objectum, quod ad varia variè homines allicit, tum ratione quantitatis, quoniam objectum , quò objectivius , hoc magis hominem mover, tum ratione qualitatis, quoniam idem , quò cognitius, hoc magis eum impellit ; quoniam quantò plus inest in cognitione intellectus, tantò plus est in desiderio appetitus: Atqui ratio, quæ affectibus superior , institutione atque assuetudine adjuta , naturæ dominatur , ejusque propensiones in actum vel internum vel externum prorumpere semper non finit, prout documentoque esse possunt biliosi, quos quandoque temperare iræ cernas, phlegmatici, quos habenas laxare eidem, sanguinei, quos, in lætitiā proni cùm sint, ferri nihilominus in contrarium per

per morem atque assuetudinem videas non semel. Usque adeò temperamenta inclinant tantùm, non necessitant! Quamvis enim homines ut plurimum ita vivant, prout per naturam sunt proclives, tamen in viro moraliter renato, id est, rectè instituto, atque educato, secius se res habet, superante ratione, & congruente consuetudine, depravatas naturæ inclinationes. I. Quia, si affectus totaliter, sive in solidum, sequerentur temperamentum corporis, tum verò inanes ac supervacaneæ essent omnes disciplinæ, elusoriæ atq; illusoriæ forent omnes rectæ institutiones, frustraneæ leges, inutiliter præmia probis, pœnæ improbis proponerentur: Eccur? Quia enim de iis solùm, leges & disciplinæ decernunt, quæ pertinent ad mores, haud aliâ de causâ, nisi quia ea sola sunt in nostrâ potestate, non item, quæ à naturâ temperamentovè in plenum. Nam deridendus profectò esset legislator, qui sanciret v. g. lege, viperas & scorpiones non debere esse venenosos, cancrum debere recto gradu incedere, conderidendus idem, siquidem viros naturâ deformes gibbosos claudicantes reprehenderet eo nomine, legequè statueret, ut tales non essent, qui si vitiis inquinatos perurgeat, cum ratione id facit, quia tales non naturâ, sed moribus, *Objectum sive Materia circa quam Affectus* est bonum & malum in genere, sive *bonum & malum*.

verâ re tale, sive *φαινόμενος*, apparenter atque adumbratè, idquè vel toti naturæ, vel parti, sub ratione & notione ut jucunditatis ita tristitiæ, ut honestatis ita turpitudinis oppositæ. Etenim cùm affectus non à sensu solùm, sed etiam à ratione oriantur, non solùm bonum jucundum, & malum triste, ut in bestiis & pueris, puerorumquè simillimis adultis, verùm etiam bonum utile ac honestum, & malum inutile ac turpe, affectus concitare possunt, ut in homine rationis compote, qui si ratio cum phantasiâ in æstimatione boni vel mali consentit, sine ullâ tergiversatione amplectitur objectum bonum, aut repudiat malum, sin ratio & phantasiâ dissentiunt in judicaturâ boni & mali, tunc verò surgit in eo conflictus, saltem fluctuatio quædam animi, quæ non prius componitur, quàm vel ratio affectum, Hercules Antæum, superaverit, vel affectus rationem, Antæus Herculem. Sed in homine benè affecto vincit Hercules scilicet, Dei filius, hoc est, ratio, non Antæus, terræ filius, hoc est, affectus. Cùm verò omnia sensuum objecta cient affectus, tum objecta visus & auditus vel maximè, quomodo v. g. sonum asperum raucum fractum ad indignationem & confidentiam provocare videas Alexandrum, quem Timotheus cantu suo exacuere solebat, mollem contra sonum blandum & concinnum, ad castitatem &

mo-

moderationem Clytemnestram , quâ non nisi post Demodoci cantoris cædem potiri Ægyptus potuit , oculorum illiciis in eum amorem indutus & inductus: Quamvis verò magna objectorum vis sit hâc parte, affectuum multò major, tanta tamen non est, ut propterea τὰ ἀλογα πᾶσι minùs sint ἀνθρωπικά, in hominis potestate, quàm ὁ λογισμὸς , persuade Ethicè, non Physicè. Nam Physicè quidem necessarij sunt affectus , & quâ concipiuntur, & quâ foveantur, & quâ deponuntur, nec magis in hominis potestate, quàm sensus, aut quidvis aliud naturâ ei insitum : Enimverò Ethicè voluntarij sunt, & quâ λῆψιν summionem, & quâ φυλάξιν custodiam, & quâ ἀφάρισιν depositionē.

I. Quia homo liberè determinare potest suos affectus ad bonum vel malum morale, eosquē rectæ rationis imperio subicere liberè, vel non subicere , non valiturus id, nisi in ipsius essent potestate. II. Quia affectus diriguntur habitu, cujus nos sumus auctores ad aliquem modum, Quamquam enim eorum principalis causa sit natura , & res objecta, tamen quia reguntur habitu, cujus causa nos sumus, certè hâc ratione ipsorum quoque causæ in nostrâ sunt potestate , etiam ea , quæ sunt effectus , in nostrâ sunt potestate. III. Quia nisi hoc esset, tum verò iterum vana foret omnis pue-

rorum institutio, quâ ab ineunte ætate con-
docefiunt, ut discant affici iis rebus, quibus
quando & quantum decet, frustraneæ forent
omnes leges ac præceptiones de sedandis &
compescendis affectibus, nullusquæ morta-
lium ampliùs vituperari posset punitivè ob
affectuum intemperiem, cædem v. g. ex
irâ, fugam ex metu. Quâ necessitatis & vo-
luntatis, necessarii & voluntarii distinctio-
ne, quasi unâ liturâ inducuntur omnes ra-
tiones in oppositum, putà, quòd affectus,
siquidem naturales, iidem tunc futuri sint
omnibus, quòd boni omnes, nec nimii, dis-
similiumvé operationum omnes, quorum
contrarium stipulatur experientia. Nec in-
experienter! Multa namque naturalia sunt,
neque tamen eadem in omnibus, ut visus-
quæ, auditusquæ, inclinationesquæ, faculta-
tesquæ; Tum boni omnes, sed quâ natura-
les scilicet, nec vitiosi, nimiivé, nisi per acci-
dens, quomodo in brutisquæ ut minui ita
augeri notamus affectus, v. g. canem, siqui-
dem sæpiùs irrites, fieri irritatiorem, sin de-
mulceas, mitiorem. Quod attinet dissimi-
litudinem operationum, tenet ea etiam in
aliis naturalibus, quæ non eadem in o-
mnibus, sed in his mitiora, in illis vio-
lentiora, nec similium actionum, nisi in
iisdem objectis, non diversis, quomodo so-
lem indurare lutum conspiciamus, ceram
contrà liquefacere, vinumquæ moribus bi-

bentiū attemperari consuetudinariè. Quod movetur de imperio in affectus, sive de gubernatione & regimine eorum morali, illud verò verum non de illis affectibus tantum, qui rationem sequuntur, sed etiā de illis, qui eam anteveriunt atque occupant: Quamvis namque absolute non sint in hominis potestate, quia iudicium ejus anteveriunt, modo tamen aliquo sunt in ejus potestate, quatenus more disciplinā educatione ita comparatum habere potest animum, ut à nullo objecto moveri possit ad aliquid agendum, nisi consultā prius ratione: Non item de iis, qui omnem rationis usum everiunt, ut sunt insania, amentia, furor, quibus animi morbis qui laborant, non tam lege opus habent, quia causæ eorum non sunt in patientium facultate, quàm helleboro & rhabarbaro. *Forma Affectus* est ipse motus cordis, quo homo prosequitur aut fugit objectum, sive rem monstratam, vel, quod in idem recidit, ipsa persecutio, aut fuga. Scilicet objectum affectus vel bonum est, vel malum: si bonum, tunc cor illud prosequitur: si malum, tunc averlatur, atque hæc persecutio aut fuga est causa formalis affectus. *Finis Affectus vel Remotus est, vel Proximus*: Remotus est salus & incolumitas animalis, quæ duabus rebus conservatur, boni necessarii consecutione, & mali innecessarii propulsatione: *Proximus*, consequi idem.

idemmet bonum, & vitare idemmet malum. Etenim re cognitâ sub ratione boni fertur affectus in illam. quò obtineat eam, & contrâ re cognitâ sub ratione mali aufertur à b illâ, quò eam vitet. Unde sequitur corollariè, *Affectus non esse in & per se sive toto genere malos*. I. Quia tendunt in bonum, atque ipsam adeò salutem animalis. Aut ergò natura frustrâ homini concessit appetitum sensitivum, vel etiâ perperam, aut motiones appetitus sensitivi, id est, affectus non sunt in malis numerandi, vel arguente id naturæ opificio, quæ implantavit homini facultatem irascendi & concupiscendi, deditquè huic appetitiones varias, harumquè instrumenta, cor, splenem, fel, jecur, haud dubiè ob finem aliquem, cùm natura nihil faciat frustrâ, sed omnia referat vel ad conservationem speciei, vel ad conservationem individui. Sicuti ergò huic in-sevit procreandi appetitum, propter conservationem illius, famen sitim propter conservationem hujus, ita & alias appetitiones, lætitiâ, v. g. mœstitiâ, amorem, metum, spem, iram, misericordiam indidit, ad expetenda convenientia, fugiendaquè contraria. Formula: Naturalia non sunt mala, cùm sint proprietates à Deo conditæ, & in primâ creatione approbatæ, quâ vidit omnia judicavitquè bona esse: Affectus sunt naturales: Ergò boni in & per

per se, aut, si mali, tunc vitium naturæ redundabit in naturæ autorem Deum, cujus illa est ministra. II. Quia Deus non tantum hominem affectibus obnoxium condidit in naturâ integrâ, sed etiâ post lapsum eosdem præcepit, ut amorem sui, nostri, proximi, conjugum, liberorû, odium contra turpitudinis; Jam verò haud dubiè Deus ter optimus præcipit res optimas. III. Quia ipsi quin Deo, & beatis mentibus, tribuuntur affectus in sacris, saltem καὶ ὁμοιωτήτα, secundum quandam similitudinem. Dicitur enim Deus irasci, misereri, pœnitundine duci, diligere, quæ minimè ei tribuerentur, si tantum vitium & declinationem à ratione indicarent, nihilquè perfectionis & rectitudinis includerent. Quæcunque enim in homine denotant perfectionem; ea verò tribuuntur quoque etiam Deo, verum καὶ ἕχα-
χλω', καὶ ἕχαίρετος, secundum eminentiam scilicet. IV. Quia ipse Dei filius, qui ab omni peccato fuit alienissimus & expurgatissimus, affectibus fuit præditus. Bis quipè flevit, cœpit angi, lætatus est, excanduit, misericordiâ affectus fuit. V. Quia nonnulli affectus facultatis irascibilis contra cupiditatem pugnant pro ratione, quare damnari nequeunt, quin ipsa damnetur ratio, & verò etiam ratione sæpiùs reluctante in nobis excitantur affectus, non igitur sunt vitiosi, quoniam nemo tenetur ad culpam, nisi
pro-

propriâ voluntate deflexerit, quo fit, ut crimen non habeant, quæ inferuntur reluctanti. VI. Quia id, quo benè vel malè uti possumus, non est ex se malum, quoniam, quod de per se malum est, nunquam ad laudabilem mediocritatem redigi potest: Atqui affectus sunt hujusmodi, cum cupiant timeant lætentur doleant boni pariter & mali, sed illi benè, hi malè: Ergò! VII. Quia potentiùs ferimur in optatos fines affectuum beneficio, consequimur eos perfectiùs, fruimur his jucundiùs, siquidem affectibus non abutamur, verùm utamur ut famulis rectæ rationis, id est, non tanquam ducibus & consiliariis, sed tanquam comitibus & auxiliariis. Cum enim affectus sint instrumenta, instrumentorum autem conditio & natura ex congruente usu sit æstimanda, per rectum porrò usum varias ex his eliciamus utilitates, jure utiles judicari debent, neque damnari infructuositatis aut infrugalitatis. Conspicimus siquidem v. g. iram conducere fortitudini, quatenus vires auget, nosquæ reddit expeditiores: Est & suus timori usus in declinandis periculis, misericordiæ item suus, quò aliis hoc promptiùs opem auxiliumquæ feramus, item spei, quæ erigit afflictos. Geminum de reliquâ tribu affectuum judicium. VIII. Quia amor & odium ita per universam vitam, omnesquæ nostras actiones, diffusa sunt,

sunt, ut sine his vita nostra ne vitalis quidem sit. Absque amore namque & odio si foret, nemo se bonis adjungeret, nemo malis abjungeret, eorumque consuetudinem fugeret. Atque adeò, quis non eum jure arguat, qui non amet amandos, oderit dignos odio? Qui, pro quibus oportet, non irascatur? Eorum, quorum misereri convenit, non misereatur? Qui non timeat timenda, speret speranda? Ut breve faciam: Omnis affectus est passio, passio est qualitas, qualitas est accidens, accidens est ens, omne ens est bonum, quare & affectus, præsertim cum virtus circa illum versetur, tanquam propriam materiam, quo fit, ut illa careat, qui caret hoc. Neque quicquam proficiunt tela, quæ contra hoc plephisma Philosophicum intorquentur à porticu ex libro naturæ & scripturæ, perluade, quòd affectus sint ægri-
tudines animi, ortæ à perverso judicio, & depravatâ ratione, similes ægrotationi corporis, quòd conjuncti intumescunt cum voluptate & dolore, consiliariis amentibus, ideoque alii minùs, alii magis, alii maximè rationi adversi, omnes tamen, quòd quòd natura perfectior, hoc minùs, quòd imbecillior, hoc magis perturbetur, quòd expertes affectuum hoc aptiores & factiores ad agendum, denique quòd ipse Moses damnet concupiscentiam, Christus iram, Paulus
Apo.

Apostolus carnis sensus, tanquam profectam inimicitiam adversus Deum. Nihil nihil, inquam, proficiunt hæc tela. Non primū, quia tales affectus non sunt in se, neque moderati, sed immoderati. Cū enim naturaliter sint boni, moraliter verò indifferentes, variis næ variis depravari modis possunt, salvâ conditione universi generis. Non secundum, tum quia etiam in voluptate & dolore datur quædam moderatio laudabilis, quo aspectu scriptura nos jubet, uti gaudere cum gaudentibus, ita lugere cum lugentibus. tum quia scala illa moralis, positivo-comparativo-superlativa, locum habet in serie malorum, non item adiaphororum. Hæc enim, cū per se moraliter nec bona nec mala sint, sicut moderatione bona, ita excessu ac defectu mala evadunt, quomodo v. g. cibum sumere in & per se est adiaphorum, cum modo illum sumere bonum, supra vel infra modum sumere malum. Quare, quemadmodum inscitè argumentetur, qui sic inferat: Usus cibi nimis maximum est malum, ergò mediocris mediocre, minimus minimum: æquè inscitè, qui sic inferat ad affectus. Non tertium, quia aliud perturbari, aliud affici. Minus perturbantur quidem naturæ generosiores; sed interim afficiuntur, & plerunque ardentius, quàm degeneres. Non quartum, quia id verum de immoderatis affectibus, fal-

falsum de moderatis. Non quintum, quia Moses per concupiscentiam non intelligit naturalem ipsius motum, qui bonus, sed *ἀταξία* motus, contractam ex labe originali, quæ mala: Christus item per iram non iram in se, sed iram immoderatam, immoderationem rei, non ipsam rem: Denique Paulus per carnis sensus securitatem carnalem, contemptum Dei, diffidētiam, non affectus in se, qui non mali, nisi per accidens. Sed & illud exindē sequitur, *Affectus quoque etiam cadere in Sapientem*, cū ob rationes præallegatas, tum quia I. affectus sunt motus naturales, qui in homine oriuntur naturaliter objecto proposito: Quare sapiens illis non caret. Etenim si affectus sunt naturales, ut sunt, tunc nemo ab illis potest esse liber: Aut quid causæ dicemus subesse, cur ea, quæ per naturam insunt omnibus, viro sapienti non insint, eaque, quæ in & per se bona, non sint bona bono, huicquē insint? Cū enim affectus ex se non sint mali naturaliter, ad mediocritatem verò si revocentur etiam sint boni moraliter, ergo in sapiente esse possunt, præsertim cū non sit absurdum, diversas res esse in eodem subjecto, & sapere v. g. & lætari, adeoque & affici. II. Quia affectus sunt pars imaginis divinæ in homine, quam inducere velle atque expungere in sapiente impium III. Quia heroici impetus sunt affe.

affectus: Hi verò singularia Dei dona: Quare boni: Si boni, ergò igitur cadunt in sapientem, qui non impenetrabilis, ut rupes, nullum sensum admittens, uti poëta ille anonymus, qui sic Stoicabundus de se saxeo ore & pectore:

*Nescio, quid sit amor, nec amo, nec amor,
nec amavi.*

Dico Stoicabundus, hoc est, Stoicos sequens, qui sic logicabantur captiosè. Qui morbofi sunt, sani non sunt: Qui sani non sunt, insipientes sunt: Ergò, qui morbofi sunt, sapientes non sunt: At ii, qui affectus sentiunt, morbofi sunt quoniam hi sunt morbi animi: Quare affectus nullatenus cadunt in sapientem, ut qui sanus, non morbofus. Quasi verò hoc verum sit de affectibus in genere, & non potius de æquivocis affectuum appositionibus, hoc est, excessu & defectu affectuum, affectibusvé rationi adversis, in quibus medium ferire non licet, ut sunt Ἐπιχαρεια, ἀναισθησία, φρόνησις, quâ de re occasionaliter & cursoriè quædam in calce capitis sequentis.

C A P U T XXXIX.

*Annon Bellum hoc Ethico-Patheticum
quâdamtenus possit componi inter
partes, serram contentionis recipro-
cantes, per syncretismum Philosophi-
cum,*

*cum , idquē viâ conciliationis seque-
strâ?*

*Bellum, fas ita loqui, Ethico - Patheticum
Peripateticorum & Stoicorum , partim
Nominale est, sive Philologicum, partim Re-
ale , sive Philosophicum, utrumque Logoma-
chicum. Nominale sive Philologicum hæte-
nus: Quia enim non convenit partibus de
significatione vocis. Quod enim affectum
volunt esse Stoici, quibus affectus est nomen
rei naturâ suâ & per se vitiosæ, id Peripateti-
ci negant, quibus affectus nomen rei , per
se & naturâ suâ non vitiosæ, sed quæ tamen
per excessum & defectum vitari possit.
Hinc, quod hi affectum , illi ægritudinem
& perturbationem vocant, ipso nomine in-
volventes vitium. Reale sive Philosophicum
hætenus. Quia Stoici affectus omnes opi-
nionem definiunt, ut qui primò in geniturâ
eorum considerent *παρρησία*, visionem ani-
mi subitam, quâ mens hominis primâ sta-
tim specie rei objectæ movetur, secundò
ἡσυχία, cessionem sive admissionem motus,
quâ eadem mens hominis, sic mota , vi
quâdam pellitur, ut si sonus aliquis formi-
dabilis è coelo, aut ex ruinâ, sit datus, repen-
tinusvé periculi nuncius allatus , quo in ca-
su sapientis quoque animum paulisper mo-
veri contrahi pallefcere ajunt, ita tamen, ut
quamvis breviter ac strictim colore & vul-
tu*

tu mutetur, statum interim vigoremque sententiæ suæ retineat, quam de hujusmodi visis terrificis Temper habuit, neque tam moveatur præsentia mali, quàm motu rapido atque inconsulto, ideoque involuntario, tertio συγκατάθεσιν. consensionem, quâ eadem mens humana dictam φαντασίαν, atque εἰς αἴσθησιν assensione suâ approbat stultorum more, qui, qualia sive esse primo animi sui impulsu visa sunt sæva atque aspera, talia esse putant, proptereaque perturbantur quoque, quarto ὁρμήν, appetitus concitationem, adeoque ipsum affectum: Enimverò Peripatetici non opinione hos sed motu definiunt, eoque sensitivo, sive appetitus sensitivi, cujus affectus sunt motus. II Quia Stoici omnes affectus toto genere, sive in totâ latitudine suâ, malos esse pronunciant, distinguendo etiam atque etiam inter πάθος, quod de eorum sententiâ nihil aliud, quàm averſa à rectâ ratione & vehemens contra naturam animi commotio, quæ, si oriatur ex opinatis bonis, libido his & lætitia, sin ex malis, metus atque ægritudo, & εὐπάθεια, quæ de eorundem sententiâ nihil aliud, quàm commotio animi placida, constans, & secundum rationem, quæ, si oriatur ex opinatis bonis, voluntas his & gaudiū, sin ex opinatis malis, cautio, quoniam ægritudini, tanquam πάθος, nullam εὐπάθειαν, sive affectionem laudabilem, opponunt, eò quòd

nolint sapientem suum præsentis mali opinionone affici. Non sine ratione in speciem. Voluntas siquidem bonum appetit, id quod quoque facit sapiens, collaterale huic gaudium est de bono adepto, quod & sapiens adipiscitur, cautio hinc devitat malum, quod & sapiens debet effugere, qui sicut vult & gaudet, ita quoque cavet cavenda, at quia ægritudo de malo est, quod jam accidit, nullum verò malum potest accidere sapienti, ideò nihil in animo sapientis pro illâ ponere Stoici. II. Quia Stoici negant, affectus cadere in sapientem, quem velle quidem concedunt, at non cupere, gaudere, at non lætari, cavere, at non metuere, nedum præsentis mali sensu per moveri, cujus contrarium astruunt Peripatetici. Scilicet Stoici sibi persuaserunt, virtutem perfectam superare appetitum, perfectiorem magis superare, perfectissimam omninò, hancquæ contrariam esse affectibus crediderunt, ideoquæ in summo gradu affectus eam haud admittere existimârunt, quoniam ea contrariorum natura, ut cùm alterum summum fuerit, alterum non compatitur secum in eodem subiecto, quare nec in sapiente, cujus animum a fece affectuum defecatissimum esse præsumpserunt, ideoquæ nihil opus habere purgatione morali, cùm virtus perfectissima omnem omninò excludat affectum. *Utrumque Logoma-*

machicum, & quà λόγον, quatenus signat orationem, & quà λόγον, quatenus designat rationem. Quà λόγον, quatenus signat orationem. Quia, ut ut rectè de hoc articulo morali senserint Stoici, malè tamen locuti sunt, ut qui universum genus perturbationum damnando, damnârint eam partem, quæ ab ipsisquæ damnatur Peripateticis, Stoicisquæ est universum genus, quia id, quod modum non servat, cumquæ ratione pugnat: Atqui non tantùm sentiendum cum doctis, sed & loquendum, minimùm usu artis, quoniam Philosophum δει ἀκροβολουῖν, oportet argutari. Quà λόγον, quatenus designat rationem. I. Quia affectus opiniones & judicia, si non propriè, saltem metonymicè, si minùs in sensu formali, minimùm in causali, quomodo eclipsinquæ solis dicimus esse interpositionem lunæ inter solem & oculum nostrum, eò quòd interpositio hæc defectus solaris sit causa, similiterquæ eclipsin lunæ interpositionem terræ inter solem & lunam, quia interpositio hæc deliqui illius causa, quo dicendi charactere metum ipse Aristoteles appellat expectationem mali, non quòd sit ipsa expectatio mali, verùm quòd affectus, ortus ex expectatione ejus. II. Quia, si affectus consideres ut motus cum Peripateticis, ita moraliter indifferentes sunt, hoc est, nec boni, nec mali moraliter, naturaliter interim bo-

ni,

ni, quoniam tunc nihil intelligitur aliud, quàm ipsæ appetitiones simpliciter, appetitio autem, ut appetitio, naturalis est, ideoquæ bona: Sin eosdem consideres cum Stoicis, ut extravagantes, & quatenus à præscripto rationis exorbitant, tunc omnes utique mali sunt: Aliud autem est dicere, affectus non esse bonos aut malos moraliter, quatenus sunt affectus, id quod dicunt Peripatetici, aliud dicere, affectus nullo modo esse bonos aut malos moraliter, quod ne ipsi quidem dicunt Stoici. Sicut enim actiones multæ sunt malæ, & nulla tamen earum est mala, quæ est actio: Ita etiam affectus mali esse possunt, ut sunt omnes, qui contra rationem pugnant, neque tamen mali sunt, quatenus sunt affectus. Sic ire v. g. contrectarequæ rem, malum non est, quatenus est ire & contrectare quippiam, licet ire in ganeum, & contrectare rem alienam invito domino, malum sit: Adeundem modum nec irasci nec dolere malum est, quatenus utrumque est tale, licet irasci innocenti, aut dolere propter voluptatem amissam, malum sit. Sed & aliud dicere, aliqui affectus sunt mali, aliud affectus sunt mali, quæ affectus, sicut aliud dicere, quædam animalia sunt rationalia, aliud animalia quædam sunt rationalia, quæ sunt animalia. Quod si enim ullum

O

ani-

animal foret rationale, quatenus est animal, tunc omnia forent rationalia, quod absurdum. Quare sicut non sequitur, omnis dolor, qui ex re capitur, ob quam dolere non oportet, qualis dolor invidia, est malus, igitur dolor simpliciter, sic non sequitur, omnes affectus exorbitantes ab honestate sunt mali, ergo affectus simpliciter.

III. Quia affectus considerari possunt vel simpliciter, & sic in sapientem quoque cadunt, quoniam quæ naturales cadunt in omnes homines, & secundum conditionem objecti, circa quod versantur, & secundum conditionem finis, ad quem ordinantur, vel cum adjectione, & sic partim cadunt in sapientem, partim non, cadunt in sapientem, si boni moraliter, non cadunt, si mali. Ut ita affectatum sit discrimen Stoicorum inter τὸ πᾶσι & ἐν πᾶσι δεῖν, quorum illud cadere volunt in animum insipientis tantum, quem cupere, lætari, metuere, ægrè ferre patiquè faciunt, hanc in animum sapientis tantum, quem velle, gaudere, cavere, non item perturbari. Neque enim patet ratio, cur, dum animus sapientis movetur post rectum iudicium, vult, gaudet, cavet, non debeat ea motio appellari παῖθος, præsertim cum pertineat vel ex Stoicantiū sententiā ad eandem facultatē, nempe cognoscentē. Deinde, si ea motio est ἐν πάσι δεῖν, bona affectio, affectio utique erit: Dicere autem, quod

quod non sit affectio, verum constantia affectioni opposita, hoc verò est mutare nomen, non rem, immò uti nomine minùs rectè. Quod attinet sententiam Galeni de generatione affectuum ex temperamento Physico, illam hoc adhibito temperamento Ethico contemperes licet, si dicas, pendere eos quidem à temperamento, sed in tantum, non in totum, nec ut à causâ efficiente proximâ adæquatâ sufficienti, verum remotiori inadæquatâ insufficienti, eademque operâ occideris uno ictu omnia argumenta contraria, petita à temperamento locorum, anni temporum, alimentorum, ætatum, vitæ generum, populorum, ipsâque aded Physiognomicâ, nobilitateque Physicâ, quibus firmamenti munire arcem causæ magistri sui videas Galenistas hodieque.

C A P U T. X L.

Divisio Stoica Affectuum in quatuor, & Peripatetica in duas classes, Ἐπιθυμία, Concupiscentiam, & θυμὸς, Animositatem sive Animi Vigorem, cum libripendio & computo Philosophico.

Variae na variae Affectuum celebrantur Divisiones in Scholis Philosophicis, quarum aliae Heterodoxæ, aliae Orthodoxæ.

Divisiones Heterodoxæ sunt, cùm aliæ, zum hæ. I. Cùm Affectus dividuntur in Affectionales & Affectionatos, ita ut per illos intèlligantur inclinationes & propensiones ad affectus, per hos verò ipsi affectus, hoc est, motiones & commotiones appetitus sensitivi, adeoque fluctus jam concitati.

II. Cùm tribuuntur in naturâ bonos, ceu sunt, fabris hujus divisionis, benevolentia & misericordia, malos, ceu sunt, odium, invidia, desperatio, & medios, ceu sunt, ira, spes, audacia, metus, amor, lætitia, tristitia.

III. Cùm in bonos & malos ex objecto ab iisdem, quomodo lætitia, spes, amor, affectus boni, quia nostra juvant, ruentur, & servant, ira, metus, tristitia, odium, invidia, affectus mali, quia nostra offendunt, lædunt, destruunt.

IV. Cùm in commune desiderium boni, quod sympathias sive consensionis rationem habet facultatis appetentis cum objecto amabili & amicabili, communemque timorem mali, qui antipathias sive dissensionis ab objecto inamabili atque inamicabili, secundum præviam approbationem vel improbationem facultatis cognoscentis.

V. Cùm in Voluptatem, Dolorem, & Iram, juxta triplicem motum spirituum, qui in affectibus vel ad externa tendunt, ut in Voluptate, per quam animus fertur ad apprehensionē, vel ad interna, ut in Dolore, per quem animus fertur ad fugam,

vel

vel partim ad externa, partim ad interna, ut in irâ, per quam animus fertur ad repul-
 sionem, & cum voluptate, & cum dolore, ad externa per illam, ad interna per hunc. Heterodoxas appello, quia nulla earum sustinet rigorem examinis Philosophici: Non prima, ut quæ inepta, & quâ verba, & quâ res, cùm aliud sit *δύναμις*, aliud *παθόν*: Non secunda, quia affectus nudi nec boni nec mali materialiter, sed tales per superve-
 nientem moderationem vel immoderationem, additamentumquæ: Non tertia, quia affectus possunt esse mali, qui circa bona, & boni, qui circa mala versantur, quomodo bonus v.g. metus turpitudinis, mala contrâ insolens lætitia, quâ bonorum fortuitarum, quâ rerû corporearum: Nō quarta, quia sic darentur tantum affectus boni & mali absentis, atqui subordinatum participat de natura subordinantis, quare & affectus de natura non tantum boni & mali absentis, sed etiam præsentis: Non quinta, quia affectus non tam per motus spirituum distingui debent, quomodo alii pro re mitiores, sive *ἡσυχία*, ut in Mitione, auræ miti similes, alii concitatiores, sive *πᾶσις*, ut in Demeâ, vento violentiori assimiles in hoc mari, quàm per objecta, modumvé tendendi in illa objecta. *Divisiones Orthodoxæ sunt, cùm aliæ, tum istæ.* I. Cùm Affectus dividuntur in Prose-
 cutorios & Persecutorios, quorum alteri se

habent per modum accessus ad objectum, alteri per modum recessus ab objecto. Quo loco in transitu notandum, cum motus appetitivæ potentiaë reducuntur ad prosecutionem vel persecutionem, utramque alicujus esse posse, & per se, & per accidens, per se prosecutionem boni, persecutionem mali, per accidens illam mali propter aliquod adjunctum bonum, hanc boni propter aliquod adjunctum malum, quod autem est per accidens, illud sequi ad id, quod est per se, & ergo prosecutionem mali prosecutionem boni, persecutionemque boni persecutionem mali. II. Cum secundum differentiam præsentis & futuri boni malive cum Stoicis, ita ut Desiderium sit boni absentis, ejusque fons & fundus jecur, Lætitia boni præsentis, ejusque fons & fundus splen, Fuga mali absentis, ejusque fons & fundus cor, Tristitia mali præsentis, ejusque fons & fundus fel. Quo loco iterum notandum, quando lætitiæ præsentium esse dicunt Stoici, eos hæc vocabula capere strictè. Laxè siquidem & largiter si sumantur, etiam præteritorum sunt, ut conscientia bona, futurorumque, ut si quis metu imminentium malorum tristetur. III. Cum in *Ἐπιθυμητικὸς καὶ διονυκὸς* cum Aristotelicis sive Peripateticis, eosque tam Simples, quàm Mixtos. Quæ divisio non tantum suo diviso condita, cum non dentur affectus extra hos, verum

verùm etiam contradiuisa in se quoad partes dividentes, Probatur. I. Quia affectus *ἐπιθυμητικοὶ καὶ θυμικοὶ* habent diversa objecta formalia: Atqui diversitas speciei sequitur diversitatem formæ, vel in eadem materiâ, sicut diversitas generis diversitatem materiæ, quo fit, ut affectus prænominati differant sicut species illius generis, respiciendo ad diversa objecta specialia, comprehensa sub uno objecto materiali, quod in præsentiquè argumento bonum & malum sensibile, in quod affectus *ἐπιθυμητικοὶ* tendunt absolutè, *θυμικοὶ* sub ratione ardui, prout est vel adipiscibile, vel fugibile, cum aliquâ difficultate, non quasi difficultatem illam expetant, sed quod utilitatem, cujus causâ difficultatibus obluantur, easquè superant, removendo obstacula, quæ obstant, quò minùs bonum illi consequantur, malumvè fugiant. Næ benè, & naturæ conveniēter! Sicut enim aliis rebus naturalibus indita quædam vis est, non tantùm ad prosequenda convenientia, fugiendavè adversa, sed etiam ad resistendum contrariis, igni v. g. non tantùm indita levitas, quò infera deferens ad supera convolet, verùm præcrea insitus calor, quo cōtrariis agētibus obistat, similiter animantibus duplex indita vis, altera, quâ ad ea, quæ prosunt, incitentur, & ab iis, quæ videntur nocitura, retrahantur, altera, quâ nitantur summove occurrant.

tia rei consequendę impedimenta. II. Quia affectus ἐπιθυμητικοὶ nonnunquam repugnant θυμικοῖς, ut cūm concupiscentia inflammata iram frangit, iravē accensa concupiscentiam minuit: Jam verò nihil sibi repugnat in suo regno. Neque detrahit divisioni, quòd affectus sequantur lætitia & tristitia, hæ autem sint in concupiscibili facultate, quia affectus irascibilis facultatis omnes terminantur ad affectus concupiscibilis facultatis, quoniam ad hoc vis irascibilis data animalibus, ut tollantur impedimenta, quibus vis concupiscibilis in suum objectum tendere prohibetur, vel propter difficultatem boni adipiscendi, vel propter difficultatem mali fugiendi, quomodo affectus, qui sunt in irascibili, quoque etiam consequuntur lætitia & tristitia. *An verò, sicut Affectus ἐπιθυμητικοὶ καὶ θυμικοὶ re & specie differunt à se invicem, ita & τὸ ἐπιθυμητικὸν καὶ θυμικὸν? Et utrum horum prius sit ordine naturæ ac dignitatis?* De hoc dilemmate & bicommate ita Scholæ. De priori, quòd τὸ ἐπιθυμητικὸν ἔστι θυμικὸν, hæ duæ confacultates, non realiter, sed ratione tantum, sint distinctæ, per ordinem videlicet ad diversos actus & objecta, ita ut unus idemque reapse appetitus sensitivus sub unâ consideratione, & respectu quorundam affectuum, dicatur cōcupiscibilis, sub aliâ verò consideratione, & respectu aliorum affectuum,

ctuum, irascibilis. Firmatur. I. Quia unus idē-
quē appetitus potest ōnes illos actus præ-
stare per diversos modos tendendi in suum
objectum. Sicut ergo nō statuuntur diversi
intellectus, qui res spirituales & corporeas
cognoscant, aut diversæ voluntates, quæ in
res sensibiles & immateriales inclinentur,
ita nec statui debent diversi appetitus ex
solâ objecti diversitate, cūquē una voluntas
ad totam boni latitudinem se extendat, cur
nō etiam appetitus sensitivus ad omne bo-
num sensibile? An quis unquam dixit,
diversarum humanæ voluntatis specierum
esse, velle finem, & velle media ad finē, velle
finem, & velle sublata omnia, quæ consecu-
tionem ejus impediunt? Atqui omninō di-
versæ forent hæ volūtatis species, si illæ ap-
petitus distinctæ forent species, quā bonum
delectabile prosequitur, malūquē fugit, me-
diaquē appetit, quibus illud prosequatur,
hoc fugiat. Ita nemo sanæ mentis unquam
dixit, locomotivæ, quæ in manu est, diversis
speciebus è nuce eximi nucleum impedi-
mentumquē, hoc est, putamen removeri.
Sed nec persuaderi sibi quisquam patietur,
diversos in statuario esse habitus & facul-
tates, quibus formam artificialem in
lapidem inducit, & quibus partes lapidis,
formæ inducendæ obstantes, eodem instru-
mento removet. Eâdem eâdem facultate vi-
dendi metam videmus, ad quam cursu con-

tendendum, impedimenta quæ curren-
 ti obijciuntur, quidni igitur eadem quo-
 que facultas circa metam appetendam
 obtinendamquæ, & circa remoras amo-
 vendas, versari possit? Quo appetitu lupo
 aut leo ad prædā fertur, quidni eodem
 quoque ad obstacula, consecutioni prædæ
 obstantia, è medio tollenda, moveatur?
 Ut ita ejusdem potentiæ esse videatur, bo-
 num prosequi, & impedimenta ejus remo-
 vere. Sicuti enim res naturales per eandem
 naturam & formam inclinant in bonum si-
 bi conveniens, & propulsionem eorum,
 quæ bonum illud impedire possunt, lapis
 v. g. in locum naturalem gravitate suā,
 per eandem removens impedimenta, cur
 non item ejusdem potentiæ sit, & versari
 circa finem, & circa media ad consecutio-
 nem finis? II. Quia unicum est objectum
 formale adæquatum appetitus sensitivi,
 quare unica quoque potentia, Quamvis
 namque appetitus irascibilis feratur in bo-
 num arduū, tamen illud bonum, quā arduū,
 non est illi ratio appetēdi, eò quòd difficul-
 tas appetitum arceat potius, id quod tamen
 dicendum foret, si bonum arduum diversam
 constitueret potentiam. Ut enim $\tau\theta$ ardu-
 um in primis fulgeat in appetitu irascendi,
 five artinentibus ad appetitum irascendi,
 tamen propterea non est ocyus ratio consti-
 tutiva facultatis, non magis quàm $\tau\theta$ intel-
 ligi-

ligibile arduum intellectus, visibile arduum visus distincti. III. Quia unicus est sensus internus, qui se extendit ad cognoscendum omne sensibile, ergò & unus appetitus ad appetendum omne bonum sensibile: Ecce id? Quia enim appetitus sequitur potentiam cognoscendi, illiqué conformatur. Contrà est, quòd ex diversitate actuum & objectorum colligi posse videatur diversitas potentiarum, quare & hîc! Sed videatur scilicet. Si ve enim agatur de distinctione numericâ, si ve specificâ, falsum est, quod supponitur: De distinctione numericâ ideò, quia sic, quoties diversus est numero actus, objectūvé, diversæ numero potentiæ essent: De specificâ ideò, quia ex diversis objectis materialibus malè colligitur diversitas potentiarum, quam inducunt diversa objecta formalia, quod heic unum: Formalia autem? sed nec hæc semper, non utique, si unum habeat rationem finis, alterum verò mediî, eoqué sibi subordinentur modo. Contrà, quòd ex diversitate organorum inferri posse videatur diversitas potentiarum, præsertim in potentiis organicis, qualis appetitus sensitivus, tam concupiscibilis, quàm irascibilis, quorum ille in hepate, hic in corde residet. Immodò verò in corde uterque, tanquam vitæ vitaliumqué operationum principio, quarum causâ datus appetitus, utut non in eadem ejus parte, sed locis aliquantulum

discretis, ob diversam qualitatum compositionem, quam cupiditas & ira exigunt, ex quibus illa abundantia humiditatis & caloris gaudet, hæc affluentia caloris & siccitatis. Contrà, quòd appetitus irascibilis appetat contra inclinationem appetitus concupiscibilis, contrarii verò actus arguant potentias contrarias. Quasi, verò appetitus irascibilis simpliciter tenderet contra inclinationem appetitus concupiscibilis, & non potius inclinationi ejus succurreret, per condescensum ad media certa, sine quibus nequit obtineri bonum per se delectabile, verum arduum, aut quasi saltem non aliquandò unius potentia contrarii possint esse actus circa objecta contraria, quomodo eadem v.g. ratio amat Deum, oditque dæmonem. De posteriori, quòd ex duabus prædictis facultatibus & potètiis ordine naturæ prius sit τὸ Ἐπιθυμητικὸν τῷ Θυμικῷ, ordine verò dignitatis prius τὸ Θυμικὸν τῷ Ἐπιθυμητικῷ. Τὸ Ἐπιθυμητικὸν prius τῷ Θυμικῷ ordine naturæ, tum quia affectus concupiscibiles versantur magis circa finem, irascibiles verò potius circa ordinata sive destinata ad finem, jam verò finis prior ordinatis in finem, tum quia naturaliter ex affectibus concupiscibilibus cæteri, qui in irascibili sunt, oriuntur, tum quia affectus concupiscibiles vertuntur circa objectum, sub general ratione, affectus verò irascibiles sub ratio-

ne

ne contractiore. Superaddit siquidem objectum irascibilis objecto concupiscibilis arduitatem, quod propterea ordine naturæ non non posterius illo, tanquam proprium communi, respectivum absoluto. Contrà eos, qui τὸ θυμικὸν ordine naturæ prius esse volunt τὰ ἐπιθυμητικὰ ex eo, quod movens sit prius moto, τὸ irascibile verò, comparatum ad concupiscibile, se habeat ut movens ad motū, cum tollat impedimenta, quibus τὸ cōcupiscibile impeditur, quò minùs frui possit suo objecto: (Verùm per accidens scilicet id fit, non per se:) Item ex eo, quia objectum irascibilis sit bonum arduū, quod videtur supremum inter alia esse bona, ordo verò affectuum sit secundum ordinem objectorum, quæ ratio, ut mihi quidem videtur, propriè militat pro ordine dignitatis, quomodo τὸ θυμικὸν prius τὰ ἐπιθυμητικῷ, tum quia objectum ejus præstantius, tum quia proximius rationi, pro quâ pugnat, tū quia spiritalior hæc pars, & robustior in cōparatione, ideoquē generatione quidē posterior, at dignitate prior, quàm dignitatē vel inde quoque colligas licet, quòd vermes & stirp animalia cupiant, sed nō irascantur, nisi adūbratè. Quāvis nō desint, qui τὸ ἐπιθυμητικὸν etiā ordine dignitatis prius esse contendunt τὰ θυμικὰ, eò quòd appetitus irascibilis sit minister cōcupiscibilis, animaliaquē irascantur propter concupiscibilia, non concupiscant

scant propter irascibilia, quâ de re sis vide
 Conimbricenses disp: Eth: 6. q. 1. a. 2, ubi
 dicunt, ex parte objecti, atque adeò simpli-
 citer, appetitum concupiscibilem nobilio-
 rem esse irascibili, quoniam feratur directè
 atque immediatè in bonum, pertiniens ad
 conservationem animalis, cùm irascibilis
 immediatè tendat in removens prohibens,
 itemquæ ex parte finis, quoniam potentia,
 quæ proximè ordinatur ad finem, excellen-
 tior sit, quàm quæ occupatur circa media,
 appetitus verò concupiscibilis proximè or-
 dinetur ad finem, cùm tendat in bonum
 sensibile secundum se, enimverò irascibilis
 in id, quod utile & conducens ad finem il-
 lum obtinendum, licet juxta aliam conside-
 rationem appetitum irascibilem concupisci-
 bili præstare posse non eant inficias. Ac de
 distinctione affectuum in genere, in specie
 verò affectuum in *ἐπιθυμητικὸν & θυμικόν*,
 secundum τὸ ἐπιθυμητικὸν & θυμικὸν appeti-
 tus, tantum est, nisi quod in caudâ aliquid
 addendum de membris hujus sphingis sive
 monstri ex variorum animantium partibus
 conflati cum Platone, qui cupiditatem dicit
 esse partem ejus, multa bestiarum, hoc est,
 affectuum capita complectentem, unde pe-
 cudibus eos comparat Philo Platonissans,
 examini apum alii, ut numerabili potentiâ,
 ita innumerabili, saltem innumerando, actu.
 Quæ causa, quare nec Plato, nec Aristoteles,

certum horum numerum definiverint, contrà quàm faciunt Stoici, qui quatuor affectus numerant, magis per genera singulorum, cum Cicerone Virgilio & Boëthio, rectè intellectis, quàm per singula generum, contrà quàm Galenus, qui sex, Nemeseus, qui quinque, Cardanus & Ludovicus Vives, qui duodecim, Lælius Peregrinus, qui præter hos octo minùs principales, deniq; Thomas, qui sex in appetitu concupiscente quinque in irascente, ingeniosè quidem, sed minùs rectè, colligit, cujus numeri undenarii hæc ratio reddi solet à Moralistis contra Thomam non Thomam. Affectuum quidam respiciunt bonum aut malum simpliciter, pertinentquè ad appetitum concupiscibilem; alii bonum aut malum arduum, pertinentquè ad appetitum irascibilem. Illi sex sunt numero, tres respectu boni, totidem respectu mali. Oblatâ siquidem re bonâ excitatur primùm in concupiscibili illius amor. Quòd si ea res sit absens, confurgit inde desiderium, quod est motus in rem absentem: Sin præsens, lætitiâ, quæ rei præsentis & adeptæ. Similiter oblatâ re sub ratione & notione mali, oritur primùm in concupiscibili odium, objectivum sive contrarium amoris. Quòd si res, quam odio persequimur, absit, oritur atque exroritur inde fuga, objectiva sive contraria desiderio, quâ malum absens aver-

versamur : Sin adsit , nascitur inde tristitia ,
 objectiva lætitiæ , quâ malum præsens refu-
 gimus. Hi quinque numero , duo respectu
 boni , tres respectu mali. Etenim si objiciatur
 res respectu boni ardui , quam quis obtinere
 se posse judicet , tum provenit statim in ira-
 scibili spes: Sin putet , eam se consequi non
 posse , existit desperatio : Non est autem
 in irascibili aliquis motus respectu boni ,
 quod adsit , & possideatur , quoniam , quod
 jam adeptum est , non habet rationem
 ardui. Cæteri tres affectus , qui malum
 arduum spectant , vel illud spectant ut
 absens , vel ut præsens : Si ut absens , ori-
 tur inde timor , vel audacia , ille , si id for-
 midemus propter difficultatem , hæc , si
 aggrediamur illud , quod depellamus eam.
 Quod si malum arduum sit præsens , tunc
 confurgit ira , quâ animus exardescit ad de-
 pellendum malum præsens. Nos in hoc
 ancipitio Peripateticabimur in Stoâ , &
 Stoicabimur in Peripato , revocatis Affe-
 ctibus ad duas classes cum Peripateticis ,
 Ἐπιθυμίαν videlicet & Θυμὸν , ad quatuor
 verò cum Stoicis pro re natâ , Desiderium
 videlicet , Fugam , Lætitiā , & Tristi-
 tiam , subordinatis subordinandis Patho-
 logicè.

CAPUT XLI.

Species Affectuum Ἐπιθυμητικῶν, sive *Primæ Classis*.

Summa Genera Affectuum, & quasi Prædicamenta, ad quæ cæteri affectus reducuntur complete, cum Stoicis sunt quatuor, Desiderium videlicet, Fuga, Lætitia, Tristitia, secundum differentiam temporis futuri & præsentis, inducentis specificam differentiam in actibus sive modis tendendi in objectum absens & præsens, quibus illud diversimodè apprehenditur: (Neque enim diversitas temporis videtur asferre posse distinctionem specificam:) Species Subordinatæ horum Generum Subordinantium cum Peripateticis sunt, inter Affectus Ἐπιθυμητικῶς, Desiderii duæ, Gratia & Amor, Fugæ totidem, Malevolentia & Odium, Lætitiæ una, persuade ἡ Ἐπαρρηξία, Tristitiæ septem, Misericordia, Nemesis, Invidia, Zelus, Zelotypia, Pudor, Pænitentia, inter affectus verò Θυμικῶς, Desiderii tres, Spes, Desperatio, Audacia, Tristitiæ duæ, Metus & Ira. De singulis ordine atque ordinatè, de Affectibus Ἐπιθυμητικοῖς hoc capite, Θυμικοῖς proximè insequenti. Desiderium Subordinans est affectus appetitus sensitivi, quo expetimus bonum absens, sive bonum futurum nondum obtentum, quod uti con-
veni.

ens fuerit perceptum. Hoc nominis accepit à sideribus, quasi de sideribus peteremus, quod mediante eo petimus & appetimus. Differt à Voto, Optatione, Spe, Cōcupiscencia, Amore: A voto hætenus, quia votū propriè est desiderium habendi bonum à Deo, cum pollicitatione ferè aliquid præstandi: Ab optatione hætenus, quia hæc majorum votorum, atq; in iis, quæ ratione utuntur: A spe hætenus, quia spes de bono arduo, & difficilis adeptionis, desiderium contrà de bono, quod facile obtinetur, spes minùs cōstans & firma, desiderium magis, pro subjecti sperantis & desiderantis conditione scilicet: A concupiscencia hætenus, quia desiderium rationalius, bonique etiam intelligibilis, quod bonum rationis atque animæ, concupiscencia verò sensibilibior, ut quæ boni secundum sensum, ideoque totius conjuncti, hoc est, animæ & corporis, quia sensus est virtus in organo corporeo, conquè sequenter in vi concupiscibili, cū concupiscere nihil sit aliud, quàm appetere quid sub ratione boni delectabilis secundum sensum, finitore Thomâ: Ab amore hætenus, semel, quia amor rei habitæ, sive absentis, sive præsentis, desiderium verò rei habendæ, sive absentis, ut quod re præsentē cesset, cū amor naturâ suâ magis augeatur præsentia objecti amabilis, quod adoptare sibi cupit appetitus, iterum, quia desi-

deri-

um majus amore, ut quod intensiorem gradum sive quātitatem majorem huic addat, præsertim in iis, qui sunt calidiori temperamento, quos videas desiderare ferventiùs, quàm eos, qui temperamenti sunt temperati, qui temperatè magis desiderant, constantiùs tamen. *Gratia Subordinata Desiderio* est affectus appetitus sensitivi cōcupiscibilis, per quem, qui habet, dicitur gratificari indigēti, non ut aliquid pro eā benevolentiā sibi reddatur, aut utilitas aliqua ex eo officio obveniat, sed solūm, ut illi, cui quis gratificari vult, aliquid boni cōtingat. Dico pro eā benevolentia. Neque enim vocabulū gratiæ heic significat vel ipsum δῶρον beneficium, vel αἰνέιδωρον sive αἰνέιδωσιν, retributionem beneficii, vel τὴν φιληπὴν, conciliativa benevolentia alienæ, ceu sunt, gratia morū, formæ, orationis, vel effectum gratiæ, tam nostræ, quàm alienæ, quomodo hominē gratiosum dicimus inde passivè, verūm benevolentia, quā alios complectimur, ad quam quinque requiruntur ingrediētia vi definitionis. 1. Ut detur, quod datur, gratis sive gratiis, hoc est, animo benefaciendi. 2. Ut indigenti. 3. Ut nō remunerationis loco, sive pro re aliquā. 4. Ut nō ideò, quò is, qui dat, aliquid recipiat. 5. Ut ideò, quò is, qui indigus est, sublevetur. Atq; hinc pēdet gratiæ, ut incrementū, ita decrementū: Incrementū, si res, quæ datur, sint magnæ, difficiles, opportunæ, si, qui gratifican-

cantur, aut soli sint. aut primi. aut præcipui: Decrementum, si qui suum commodum in dando aucupentur, si fortuitò & casu dederint, si coacti, si denique reddiderint potius beneficiùm, quàm dederint, id què siue scientes, siue ignorantes, quoniam utroque modo quid pro quo redditur, aliquid pro aliquo. *Amor Sensitivus siue Animalis, Subordinatus Desiderio*, est affectus appetitus sensitivi, per quem expressivâ apprehensione boni in illud fertur, eique per effectum sese coaptat. Unde affectus unionis, quo cum re amatâ unimur, unionemvé continuamus, appellatur Scaligero, non quasi sit ipsa unio, aut relatio unionis, quæ ejus opus, siue consequens, in quantum per complacentiam appetitus amans ita se habet ad id, quod amat, sicut ad seipsû, vel aliquid sui, verùm virtus potius unitiva, quæ ut non nomet motum appetitus, tendentem in appetibile, nominat tamen motum ejusdem, quo immutatur ab appetibili, ut ei appetibile allubescat & complacet, quorsum allubescencia appetitus Ludovico Vivi, complacentia ejusdem Thomæ in eo, quod uti bonum fuerit perceptum, audit, sumtis vocibus pro motione illâ, quam appetitus elicit circa rem, quæ illi allubescit, aut complacet, non pro illecebrâ ipsâ acceptibilis, irritante & proritante appetitum, quæ occasio affectus potius, quàm affectus.

Dico

Dico amor sensitivus , ut hoc genere comprehendā & amorem amicitiae, qui affectus in personam, cui bonum desideramus , & concupiscentiae, qui fertur in rem, quam alteri personae vel nobis desideramus, qui duo amores unum perfectum integrant amorem: Dico, quod sit affectus, quia consistit in quādam immutatione appetitus ab appetibili, quod dat appetitui quandam coaptationem ad ipsum, quae coaptatio nihil aliud, quā quādam allubescencia & complacentia appetibilis, quae amor: Dico, quod sit affectus appetitus sensitivi, quia enim sedem habet in corde, gestiente recipere amabile & amicabile objectum, quorum eos, quos amamus, cor aut corculum nostrum salutamus, inque corde nostro habitare dicimus: Dico expressivā apprehensione boni, quia amor abstrahit à bono absente, vel praesente, contra quā fit in aliis motibus appetitus, in quibus requiritur alia, ut objectio, ita appetitio & apprehensio, quemadmodum v.g. in desiderio, eò quod bonū sit absens & possibile, & in lætitia, eò quod bonum sit praesens & adeptum: Dico, quā fertur in illud, eique per effectum sese coaprat, quoniam amor per quandam analogiam se habet instar ponderis, quod amantem trahit in rem amatam, sicut gravitas lapidem ad centrum. Differt à Dilectione & Charitate: A dilectione haecenus, quia
amor

amor aliquid communius dilectione, quæ supra amorem addit electionem præcedentem, ad complacentiam, inquam, rationis delectum, ut vel ipsum nomen sonat: A charitate hætenus, quia hæc species dilectionis, addens huic ad rationem communem amoris perfectionem quandam amoris, in quantum id, quod amat, magni precii æstimat, ut ipsum iterum nomen designat. Magni quippè æstimare, quod diligas, hoc est charum habere, sicut amare cum delectu rationis, diligere. Ut ita omnis dilectio, omnique charitas quidem sit amor, illa amor quidam cum rationis delectu, hæc amor rei, quam magni facimus, non contrà omnis amor dilectio, charitasvé, ad eum modum reciprocationis, quo bis duo sunt quatuor, & cōtrà quatuor bis duo, aut quo rectilineū rectas lineas habens, & contrà rectas lineas habens rectilineum: *Fuga Subordinans* est affectus appetitus sensitivi concupiscibilis, quo nolumus atq; averſamur malum, quod nobis imminet, inappetitus, inquam, mali futuri nondū præſentis, quo præſente non cessat interim, eò quòd natura malum perpetuò detestetur, atq;, ut ita dicam, in infinitum. Differt eodem modo à Desperatione atque Odio, quo Desiderium à Spe atq; Amore. Sicut enim desiderium est boni facilis nondum obtenti, spes verò boni difficilis obtinendi, ita fuga mali facilis in ob-

tenti, desperatio verò boni difficilis inobtinē-
 di, sicut quē in fugā datur recessus à malo, ita
 in odio displicētia mali, respōdens recessui,
Malevolentia sive Malignitas Subordinata
Fugæ est affectus appetitus sensitivi concu-
 piscibilis, quo malefacimus ei, qui nihil mali
 intulit, id quod pessimū. Sicut enim reddere
 bonum pro malis optimum, reddere bonū
 pro bonis justum & æquum, ita non red-
 dere bonum pro bonis malum, reddere ma-
 lum pro malis pejus, reddere denique
 malum pro bonis, vel etiam non malis, id
 verò pessimum. *Odium Subordinatum Fugæ*
 est affectus appetitus sensitivi concupisci-
 bilis, quo appetitus avertitur à re, vel perso-
 nā, ex aliquā disconvenientiā, præcisē in
 eā apprehensā, repugnantia, inquam,
 appetitus adversus id, quod apprehen-
 dimus, orta ex incongruitate rei ap-
 prehensæ cum appetitu, sive displicentia
 ejus in re sibi minùs conveniente. Dico
 affectus, quo appetitus avertitur à re, vel
 personā, quia enim duplex odium, unum,
 quod vocatur aversionis, quo avertimur à
 re aliquā disconveniente, oppositum amorì
 concupiscentiæ, alterum, quod vocatur ini-
 micitiæ, quo personam aliquā, ut nobis dis-
 convenientem, aversamur, oppositum amo-
 ri amicitiae: Dico ex aliquā disconvenientiā,
 quia objectum odii malum & disconveni-
 ens, id quē vel positivum, ut tormenta, vel
 pri-

privativū, ut mors : Dico præcisè in eā apprehensā , quia odium sequitur apprehensionem , abstrahentem à præsentiā vel absentiā mali , sicuti amor sequitur apprehensionem , abstrahentem à præsentiā vel absentiā boni , qui odio opponitur , ut affirmatio negationi. Amor namque affirmat , cū tendit ad bonum , odium verò negat , cū recedit à malo , quo fit , ut quod affirmatio & negatio præstant in mente , id amor & odiū præstant in appetitu , & sicut affirmatio prior negatione , bonum malo , persecutio persecutione , ita amor odio , cū nihil odio habeatur , nisi quod adversum ei , quod amamus. Quamvis ratione executionis odium sit prius amore , ut quod teneat locum termini à quō , cū amor teneat locum termini ad quem , qui ut in mente sit prior , tamen in executione est posterior. Differt ab irā , etiam inveteratā . I. Quia odium ἐστὶ τὸ ἐπιθυμητικόν , ira ἐστὶ τὸ θυμικόν , illud mali , hæc boni , quod minus urget , quàm malum. II. Quia odium habitui simile , cū sit obfirmata affectio , ira verò dispositioni , quo fit , ut ira sanetur tempore , odium non item , saltem non æquē , iratus acquiescat ultioni , odio habens non item , iratus sæpè misereatur ejus , cui irascitur , odio habens non item. III. Quia odium sine mensurā naturā suā , ut quod cupiat non esse illud , quod odit,

dit, ira verò cum mensurâ, ut quæ spectet
justitiam. Omnis siquidem, qui irascitur,
arbitratur se præter jus fasque læsum esse,
& ideo quærit æqualitatem, eâque obten-
tâ quiescit, ut vel ex incontinente iræ pa-
ter, qui aliquâ ex parte audit rationem, e-
jusque mandatum exequi conatur, peccans
in eo, quòd nimis citò. IV. Quia odium
studet inferre damnum potius, quàm do-
lorem, quo vacat, ira dolorem potius,
quo cum est conjuncta. V. Quia odium
fertur in certa hominum genera, sycophan-
tas, parasitos, lenones, ira in singularia sive
individua. VI. Quia odium excitatur in
rebus, quæ ad nos aut nostros haud perti-
nent, quomodo odimus piratam, furem,
mendacem, ira contrâ. Sed cur ab irâ
etiam inveteratâ, & adultâ, cùm tamen à
nonnullis per eam definiatur? Quia enim
genus à specie abesse nequit, ira autem ab
odio abesse potest, v. g. in sapiente, qui o-
dit ea, quæ virtutum luminibus officiunt,
neque tamen commoveretur, odit iniquum
judicem, neque tamen offenditur. *Latitia*
Subordinans est affectus appetitus sensitivi
concupiscibilis, ex bono præsentis ac perce-
pto proveniens, non quasi appetitus per
eâ ad aliquid tendat, sicuti in desiderio cõ-
tingit, aut quasi semper requirat realem,
boni possessionem, plenamvè, sed quòd ab
appetibili præsentis afficiatur atque immu-
P te.

tetur ferè , mediâ suavi quâdam spirituum animalium circa cor alteratione , & thalamorum cordis dilatatione , sic dicta quasi lætitia exinde : Ab appetibili præsentem autem ? Immo etiam præterito , etiam quin futuro , quoniam sicut recordatione præteritorum ita futurorum perceptione sæpe numero lætamur. Differt à Gaudio , secundum alios , ut genus & species , ita ut lætitia illius sit nomen , gaudium hujus , secundum alios ut species distincta , ita ut gaudium sit appetitus rationalis , lætitia verò sensitivi , secundum alios ut latius & angustius , ita ut lætitia sit communis tam brutis quàm hominibus , gaudium verò hominibus proprium , secundum alios modo apprehensionis , ita ut lætitia exteriori rei apprehensionem sequatur , conquè sequenter sensus , gaudiū verò interiorem , hoc est , memoriam & imaginationem. Nobis sanè indiffert , si minùs usu artis , minimùm usu loquendi. H' *Ἐπιχαρεια* *Subordinata Lætitia* est affectus appetitus sensitivi concupiscibilis , quo lætamur rebus adversis bonorum , & rebus secundis malorum , exemplo Timonis , qui , cùm alios odisset omnes , unum exosculabatur Alcibiadem , quòd eum Atheniensibus magno futurum malo prospiceret , hasquè sibi leges tulit apud Lucianum : Si quando conspexero incendio conflagrantem , & obrestantem ,
ut

ut restinguam, oleum & picem affundam, si alium flumen undis abstulerit, isquē manum porrigens imploret, ut retineatur, hunc quoque, ne possit emergere, propel- lam. Differt ab *Ἐπιχαρὰ γαθία*, quod hæc bonis alienis gaudeat, illa malis, hæc ple- runque bona sit, nisi malorum felicitate gaudeat tamen aliis perniciosâ, illa plerun- que mala, nisi impiorum è miseriis capiatur tamen. Neque enim peccâsse videtur po- pulus Romanus, quod interitu Tiberii, Caligulæ, Neronis, Domitiani, Heliogaba- li, lætatus est. Quamvis interim viri boni non tam afficiantur gaudio ob res adversas malorum, quàm ob bonorum res secundas & lætas. *Tristitia Subordinans* est affectus appetitus sensitivi concupiscibilis, ex ma- lo præsentis & percepto proveniens, cum a- liquâ cordis contractione, affectus, in- quam, ex apprehensione mali præsentis or- tus, aliàs exterior, ex malo conjuncto cor- pori, per sensum exteriorem apprehenso, a- liàs interior, ex malo conjuncto appetitui, per sensum interiorem apprehenso. Dico, quod sit affectus appetitus sensitivi, quia est motus ejus, præsupponens in subjecto suo sensum, vel apprehensionem aliquam, illū formaliter, hæc causaliter, quo fit, ut pertine- at nōtam ad vim apprehensivam, quàm ap- petitivam: Dico, quod mali præsentis & per- cepti, saltem secundum apprehensionem:

Nam & omissio boni, & dilatio boni expectati, pariunt tristitiam, quando ut mala praesentia reputantur, adeoque non praesentia tantum, sed & praeterita ac futura, nos haud raro tristitia afficiunt, praeterita, si male tibi sis conscius, futura, siquidem poenas delictorum impendere perspicias, in quorum altero locum habet poenitentia, in altero anxietas: Dico, cum aliquâ cordis contractione, quia enim cor constringit tristitia, & si nimia fuerit, strangulat, exterior, cum malum triste conjunctum corpori, interior, cum appetitui. Quo loco notandum notanter, tristitiam dici esse corporis, quia causa ejus est in corpore, ut cum patimur quid nocivum corpori, utut interim motus ipse tristitiae semper sit in animâ. Quorsum Thomas dolorem, qui ex apprehensione interiori causatur, propriè vult nominari tristitiam, non item eum, qui ex apprehensione exteriori, qui non tam tristitia, quàm objectum & causa ejus; nec praeteriti & futuri, sed praesentis, eò quòd dolor corporalis, qui sequitur apprehensionem sensus exterioris, tantum sit de praesenti, ut omnis sensus externus. Ut ita solus ille dolor, qui ex apprehensione interioris sensus provenit, appelletur tristitia, quæ sic dicta quasi tristitia, eò quòd terrenæ naturæ hominum sit propria. Quòd si dolor hic sit premens, Angor dicitur, à ver-

verbo ἄρχω, quod est strangulo, si flebilis,
 Mœror, à verbo μέρομαι, quod est in for-
 tem accipere, unde μοῖρα, quæ propriè
 portio, deinde fatalis portio, demùm portio
 fatalis felix, vel etiam infelix, cujus mœror
 pars, si permanens, Lamentatio, si cū ejulatu
 conjunctus, Planctus, indignus heroibus,
 quos tamen poëtæ miserabiliter ejulantes
 passim inducunt, si cum ploratu, Luctus,
 si cū labore corporis, Ærumna, si cum
 labore animi, Sollicitudo, quæ si diuturnior
 fuerit, & animum ægritudine pertinaci ve-
 xaverit, appellatur Molestia, si corpus
 ægrotatione, Afflictatio, quæ ægritudo ani-
 mi cum corporis vexatione, finitore Cice-
 rone. *Misericordia Subordinata Tristitiæ* est
 affectus appetitus sensitivi concupiscibilis,
 natus ob malum, quod videtur perniciem
 aut molestiam allaturum ei, qui isto malo
 est indignus, & quod ipse putet se pati pos-
 se, aut suorum quempiam, ac inprimis,
 cū malum videtur imminere, alienæ, in-
 quam, miseriæ in corde nostro compassio,
 unde & nomen accepit ex eo, quod mise-
 rum faciat cor dolentis alienam miseriam,
 sed absque miseriâ scilicet, quomodo in
 Deoque datur misericordia, ejusquæ imita-
 tore sapiente, sine ullâ cordis miseriâ, licet
 uterque miserans cor habeat super affli-
 ctum, ille analogicè, hic verè, quoniam verè
 ejus cor miseratur alium, id quod proprium
 mise-

miseri cordiæ , quæ hîc non definitur , ut dispositio, habitusvé acquisitus , id est , ut compassio ex virtute , aut vitio , quarum illa laudabilis, hæc culpabilis, verùm ut est inclinatio & affectus naturalis , sive compassio ex naturâ , in & per se irreprehensibilis , ut quæ nec habeat culpam , quia à naturâ, nec præmium, quia non ex virtute. Differt à Miseratione, sicut Misericors à Miseratore, τὸ Misereri à τῷ Miserari , quia enim misericordia dolor animi interior, misratio ejusdem doloris significatio exterior, misericors anxius animi propter alienam calamitatem , miserator exhibitivus operum misericordiæ cum compassione, τὸ misereri conjunctum cum cordis affectu, τὸ miserari cum rei effectû, ut quidem volunt Nominales. *Cæterum tria complectitur definitio Misericordiæ , Subjectum, Objectum, tam Reale, quàm Personale, & Causam. Subjectum Misericordiæ est Homo Misericors , sive is, qui misericordia afficitur , quo de numero, calamitosi vel nunc vel olim, timidi rerum adversarum, contumeliæ expositi, quibus sunt parentes, uxores, liberi, senes infirmi, adolescentes, denique eruditi, sicuti oppositæ immiseri cordiæ subjectum cùm alii, tum cœlibes, & excessivè, ut felices, ita infelices, illi, quia nihil adversi se pati posse putant, hi , quia cùm omnia videantur sibi passi , nihil amplius*

plius se passuros autumant. *Objectum Reale Misericordiae est Malum*, non quod libet, sed φθαρτικόν perniciosum, ut sunt, verberationes, lacerationes, sive corporis cruciatus, morbi, mors, λυπηρόν, grave sive molestum, ut sunt, defectus membrorum, deformitas, orbitas, miseria vitae æqualis, mors, postquam se offert occasio vitae melioris, ultimumque vel ὄντως, vel saltem φαινόμενως tale, cum fieri possit, ut, quem homines miserabilem esse existimant cum Abderitis, is sit felicissimus, denique πλεον, imminens sive propinquum, quia, si longinquum sit, non magnoperè alterius eo malo afflictī calamitate movemur. *Objectum Personale Misericordiae sunt*, qui hoc malum patiuntur, personæ putā miserabiles, ceu sunt, noti & familiares, dummodò nimia sanguinis propinquitate nobis conjuncti non sint, erga quos attoniti magis sumus in ipsorum calamitatibus, quā misericordes, æquales ætate, moribus, dignitate, habitu animi, stirpe, adeoque illi, quorum figura, vox, habitus, actio lugubris, vel per repræsentationem, vel in authentico. *Causa Misericordiae est Indignitas Passiva*. Digni namque malo neminem miseret, v. g. homicidæ, parricidæ. Id quod cum grano salis accipiendum tamen. Neque enim bonorum tantum & immerentium misereri convenit, sed etiam eorum interdum, qui

culpâ suâ miseri & calamitosi sunt, dum ne deplorati sint modò, exemplo Biantis, qui reos quidem secundum leges, quod erat justitiæ, capitis damnavit, verùm à lacrimis interim, quod erat misericordiæ, sibi temperare non potuit, condolens naturæ, non personæ. *An verò affectus misericordiæ etiam cadat in sapientem, acquiritur?* Stoici negant, qui somniabant, suum sapientem nullâ animi commotione teneri, nedum hâc, eò quòd ei sat sit, culpâ vacare, iniquumquæ sit, sapientem alienam culpam luere, alienovè incommodo torqueri, cum ne suo quidem moveatur, inducti ad hoc paradoxû haud dubiè etymo misericordiæ, quæ ex eo videtur appellata, quòd miserum cor faciat cõdolentis alieno malo. Quasi verò nō ab omni miseriâ liber sit sapiens, etiã tũc, cum subvenit inopi, cum esurienti cibũ præstat, potũq; sitienti, cum vestit nudũ, cum peregrinum recipit tecto, cum oppressum liberat, cum denique humanitatem suam usque ad sèpulturam porrigit mortuorum, quoniam id facit mente liberâ, nullis aculeis doloris instinctus, sed adductus officio bonitatis. Cur enim huic obsit nomen, cum absit miseria? Quòd si æquum, prosperis cohominis rebus lætari, quidni & adversis, ejus rebus angi, præsertim cum videamus hîc suo exemplo nobis præire bruta, quæ nō mediocriter commo-

ven.

ventur, cùm intuentur aliquod sui generis verberibus aut dolore aliquo affici, horum quæ cadavera exhorrent, quasi interitum illorum aliquâ misericordiâ prosequerentur: Bruta autem? Immò ipsum Christum τὸν πρῶτον, qui non semel misericordiâ motus fuit, convenjenter biverbio, quo viri boni dicuntur faciliè lacrimari, contrà verò viri improbi viscera non mollescere. *Nemesis sive Indignatio, Subordinata Tristitiæ*, est affectus appetitus sensitivi concupiscibilis, conceptus ob immerentium felicitatem, sive bona, non promiscuè atque indifferenter omnia, non utique ob bona honesta, seu virtutes, quæ homines dignos reddunt, non indignos, sed ob illa, quæ in indignos quoque cadere possunt, ut sunt divitiæ, potentia, nobilitas, pulchritudo, quibus bonis digni quidem, immò bis digni, sunt viri boni, existente nihilominus possessione eorum ipsis communi etiam cum viris non bonis. Differt à Misericordiâ, quia hæc aliorum in malis occupatur, in bonis verò Nemesis. Sicut enim illa est dolor propter indignas res adversas, ita hæc dolor propter indignas res secundas, & sicut illa condolet iis, qui præter meritum sunt infelices, ita hæc succenset illis, qui præter meritum sunt fortunati. *Invidentia Subordinata Tristitiæ* est affectus appetitus sensitivi concupiscibilis, conceptus ob pro-

speritatem , quæ apparet in extèrnis bonis,
 erga similes , non ut aliquid boni accedat
 invidenti , sed propter illos , quibus invidetur.
 Juvat ἀναλύνειν. *Definitum est Invidentia* ,
 quæ hoc dissidet ab invidiâ , quòd
 hæc se habeat merè passivè , quomodo
 dicimus aliquem laborare magnâ invidiâ ,
 hoc est , pati quid magni ab invidis , invidentia
 verò etiâ activè , quomodo dicimus
 aliquem laborare invidentiâ magnâ , hoc est ,
 tristitiâ , ob alterius res secundas conceptâ:
 Sic dicta , vel ab invidendo , hoc est , non vi-
 dēdo , ut τὸ in sit περιεχόν , eò quòd invidis o-
 culi dōleant ob alienum bonū , eaque ægrè
 videant , & inviti , quomodo invisosquē dici-
 mus , quos ne aspectu quidem dignamur ,
 vel ab invidendo , hoc est , nimis intuendo
 aliorum fortunas , & quasi fixo continuo cu-
 riosoquē obtutu aspiciendo , ita ut τὸ in sit
 αὐξητικὸν ἢ ἐκβατικόν. Est enim hoc germa-
 num invidiæ , ut mœreat alienis bonis , &
 lætetur alienis malis. Aliter livor appella-
 tur , per metonymiam effecti , quia inviden-
 tia , quæ phthisis animi , dominum suum ex-
 cedens , hoc signo se prodit in vultu & cor-
 pore invidentis , quod & ipsum facit φθισιᾶν.
Definitur Genere, & Differentiâ Specificâ,
Genus Invidentiæ est affectus appetitus
 sensitivi concupiscibilis , tristitiæ subordinat-
 us , adeoque tristitia quædam , ut quæ
 occupetur circa bonum quidem , idquē
 alienum , ast ut malum proprium , non quasi

tristerur de eo ob imminentis detrimenti periculum, veluti cùm quis de inimici incrementis tristatur ex metu, ne damni inferendi occasiõem inde arripiat inimicus, verùm quòd bonum alterius suæ ob- stare gloriæ atque excellentiæ opinetur. *Differentia Specifica sumitur partim ab Objecto, partim à Fine. Objectum Invidentiæ vel Reale est, vel Personale. Objectum Reale Invidentiæ* sunt bona ali- ena, quæ quadrifariam considerari possunt, vel quatenus nobis nocent, vel quatenus non nocent, vel quatenus alios nolumus ea consequi, vel quatenus dolemus alios ea consecutos, id quod proprium hujus affe- ctus: Nec hæc quævis, sed externa, ceu sunt, divitiæ, aliaquæ hujus commatis. Circa virtutes siquidem nunquam se fati- gat invidia. Neque enim invidus invidet virtutis possessionem, quia eam contemnit, sicut nec oppositam miseriam, quoniam miseris nemo invidet. *Objectum Personale Invidentiæ* sunt pares sive similes, hoc est, ii, qui horum bonorum possessione vel æquales, vel non multò superiores, nec multò inferiores sunt, idquæ ided, quia in- ter quos magna distantia, in illis invidia non invenit locum, cùm nemo, qui pro- priæ virtuti confidit, alienæ invideat, æ- quales item ætate, tum rerum earundem cupidi, nominatim corrivales & competitores

res eorundem Itadiorum. Sed *ὡς ἐπὶ τὸ πολὺ* scilicet. Nonnunquam enim & in eos quoque fertur invidentia, qui iudicio invidentium multò inferiores sunt, indignique, qui eo fruuntur bono, quo in casu ei convenit cum nemesi, quæ & ipsa in indignos, à quâ aliàs differt, quia fertur in pares. Finis Invidentiæ universæ vel Negativus est, vel Positivus: Finis negativus exprimitur illis verbis, cùm dicitur, non ut aliquid boni accedat invidenti, quo commate distinguitur ab æmulatione, quâ quis se macerat, non quòd habeant alii, sed quòd non & ipse: Finis positivus istis, sed propter illos, quibus invidetur. Hinc Bias, videns invidum quendam, vultu in terram depresso, aut huic homini, inquit, magnum aliquod malum accidit, aut magnum bonum alteri, quòd ita tristatur: Nèc abhorrenter dictis Publius, qui, cùm Mutium, hominem invidum, solito tristiores cerneret, *παραλλήλως* superioribus, aut Mutio nescio quid incommodi accessit, aut alii quid commodi. *Zelus sive Æmulatio, Subordinata Tristitiæ*, est affectus appetitus sensitivi concupiscibilis, conceptus ob bona honorata, quæ alius habere videtur, quæque quis etiam adipisci potest, existens inter eos, qui sunt naturâ similes, non quòd alius illa habeat, sed quòd quis non ha-

habeat, sic dicta Græcè Philosophantibus,
 vel ὑπὸ τοῦ ζηλέειν, quod est φθονεῖν, qua-
 lem zelum zelavit Arachne contra Mi-
 nervam, Marsyas contra Apollinem,
 Lepreas contra Herculem, Dionysius Ma-
 jor contra Philoxenum & Platonem, A-
 lexander contra Perdiccam, Lyfimachum,
 Seleucum, Attalum, Ptolemæum, vel
 διὰ τοῦ ζηλόειν, quod est imitari, qualem
 zelum zelaverunt Platonis & Aristotelis
 discipuli, Alexandri item amici, illi con-
 trahendo humeros, isti balbutiendo, hi re-
 ferendo projectā cervicē regis, oculorum
 volubilitatem, & vocis asperitatem, oppidò
 quàm ineptē omnes, qualem item zelū ze-
 lavit Theseus adversus Herculem, Them-
 istocles adversus Miltiadem, Thucydides ad-
 versus Herodotum, Aristoteles adversus Xe-
 nocratem, Cæsar adversus Alexandrum,
 benè, immò bis benè, in comparatione
 ad superiores, Juvat iterum ἀναλύειν
Genus Zeli est affectus appetitus sensitivi
 concupiscibilis, tristitiæ subordinatus, quæ
 dolor internus sive animi. Differentia spe-
 cifica sumitur partim ab Objecto, partim à
 Fine. Objectum Zeli vel Reale est, vel Per-
 sonale. Objectum Reale Zeli sunt bona
 honorata, ut sunt virtutes, & charismata
 spiritualia, item bona utilia, atque ad be-
 nefaciendum idonea, ut sunt divitiæ, utra-
 que sub adeptionis possibilitate, illa πρώτως,
 hæc

hæc δευτέρως. Objectum Personale Zeli vel Passivum est, vel Activum, illud τῶν ζηλωτῶν, æmulandorum, quales ii, qui habent hæc bona honorata, & utilia, & quibus multi cupiunt esse similes, familiares, amici, quos multi suspiciunt & mirantur, quorumquæ adeò in honorem encomia, vel à poëtis, vel ab oratoribus, conscribuntur, hoc τῶν ζηλωτῶν, æmulatorum sive æmulorum, quales ii, qui se dignos esse censent iis bonis, quæ non habent, at confidunt se habere posse, nominatim juvenes & magnanimi, item ii, quos alii dignos judicant his bonis, quorumquæ majores cognati necessarii domestici pro patriâ res præclaras gesserunt, quia enim eas quasi domesticas sibi arbitrantur, sequè iis dignos censent, ideò æmulantur. Finis Zeli vel Negativus est, vel Positivus: Finis Negativus exprimitur illis verbis, non quòd alius illa habeat, quo commate zelus distinguitur à zelotypiâ, quoniam zelotes sive zelator dolet, quòd sibi absit bonum, quod habet alter, zelotypus verò, quòd alter eodem secum fruatur bono: Finis Positivus istis, sed quòd quis ea non habeat, quomodo v. g. æmulor virtutis ergò, si quem videam habere fortitudinem, hoc est, cupio idem bonum & ipse consequi, non invidens ei, qui illud bonum possidet, verùm ipse quoque vir fortis esse volens. Zelotypia Subordina-

ad Tristitiæ, est affectus appetitus sensitivi concupiscibilis, ex eo susceptus, quod alteri quoque sit illud, quod quis habet, metus, inquam, alienæ fruitionis cum Scaligero, quo metuimus, ne de amata rei exturbemur possessione; Sic dicta ἀπο τοῦ ζήλου καὶ τύπου, quarum vocum altera æmulationem signat, quoniam per hunc affectum non patimur consortium in amato, quod integrè nequit possideri à pluribus, sicut videmus à pluribus integrè cognosci veritatem, altera figuram & formulam ejus æmulationis, quâ de Thomas, omnem quidem zelum, quocunque modo sumatur, ex intensiōe amoris provenire, eò quod amor sit quidam motus in amatum, aliter tamen hoc contingere in amore concupiscentiæ, ut hîc, qui ferè intensior, aliter in amore amicitiae, qui remissior in comparatione. Quod si hæc zelotypia fuerit moderata, honesta, sin nimia, qualis in Junone, Prognide, & universè in populis Australibus, qui proni ad amores, sed debiliores propter caloris inopiam, (ut de oloribus, columbis, gallis, tauris nihil dicam,) turpis fuerit scilicet. *Pudor Subordinatus Tristitiæ* est affectus appetitus sensitivi concupiscibilis, conceptus à pudibundis, ob malum, vel præsens, vel præteritum, vel futurum, quod infamiam asferre videtur. Juvat & hîc ἀναλύειν. *Definitum*

nitum est Pudor, Subordinatus Tristitiæ,
 cujus signum erubescencia, oculorum-
 quæ demissio, quæ utraque in vultu pin-
 git peccatum, liberalemquæ præ se fert
 criminis commissi culpam, sicut illibera-
 lem pallor, isquæ nimius. Scilicet pudor
 metus, verum modicus, in quo non adeo
 sollicita natura de firmando corde per con-
 vocationem sanguinis ad cor, contra ma-
 lum corruptivum internum, quo fit, ut
 inter initia pudorem excipiat pallor qui-
 dam, per sanguinis contractionem, dum
 refugit malum externum, nempe infami-
 am, mox verò succedat rubor, per diffu-
 sionem sanguinis ad partes externas, quem
 minoris periculi reputatio, atque indi-
 gnatio dedignata dedecus, ad partem ex-
 teriorem laborantem, nempe vultum,
 mittit, comitatum spiritibus, qui ex cor-
 de egrediuntur, caloremquæ & sanguinem,
 tanquam copias auxiliares, secum ducunt,
 ad rem turpem repellendam, faciemquæ
 purpureo sanguinis velo occultandam.
 Id nominis accepit, de mente Scaligeri,
 quod in eo adversetur sensus, sicut in puti-
 dis, aut avertatur potius, sicut à putidis,
 copse differens à verecundiâ, eò quod pudor
 etiam in malefactis quandoq; dicatur, vere-
 cundiâ verò recti honestiquæ rationē habeat,
 ut quæ secū ferat magnā reprehensionis o-
 pinionem, sic dicta à væ, quod est valdè, &
 reor,

reor, quod est puto, quoniam ea, quæ timemus, magni & multi facere, diuquæ cogitare ac recogitare solemus. Sed hoc discrimen non est perpetuæ observantiæ, quia verbum pudet tam ad verecundiam honestarum rerum, quàm ad pudorem turpium, adhibetur κλα(σικῶς, idquæ tam in genere dicti, quàm facti. Latinis elementis respondent græca. Ὁ αἰδῶς siquidem est metus ob expectationem vituperii, & præcedit delictum, idquæ ne perpetretur, cavet, certissimumquæ est bonæ mentis & probitatis, vel præsentis, vel mox secuturæ, argumentum, virtutis tinctura Diogeni, color pulcherri-
mus Pythiæ, bonæ indolis criterium Cato-
ni, sic dictus ab αἰσθητικῶς, καὶ ἰδεῖν quasi non sinat, ut aliquem intueamur, καὶ αἰσχύνη verò est quidem & ipsa metus, verū ob aliquid turpiter factum, utur in bonam subindè accipiat partem quoque, gradu distincta ut sic, nō specie ἀπὸ τοῦ αἰδοῦς, quia ὁ αἰδῶς præcedit, καὶ αἰσχύνη sequitur. *Definitur Genere, & Differentiâ Specificâ. Genus Pudoris est affectus, non virtus, affectus inquam.* I. Quia virtus est habitus longo usu acquisitus, firmiterquæ animo impressus, non item pudor, qui metus infamiæ, citò oriens, citò moriens; si metus, ergò affectus. II. Quia virtus est perfectio quædam, cui quod repugnat, etiamsi bonum sit, næ illud deficit à ratione virtutis: Atqui pudor repu-
gnat

gnat perfectioni , cùm sit timor alicujus turpis , quod est exprobrabile , ille autem , qui perfectus secundum habitum virtutis , non apprehendit quid exprobrabile , ac turpe ad faciendum , sed nec actu quid turpe facit , unde opprobrium timeat : Ergò non est virtus , vel idèd etiam , tum quia virtus per se bona & laudabilis , pudor non laudabilis per se , sed ex hypothesi , & per accidens , quatenus videlicet est pœnitentia quædam ob admissum delictum , tum quia virtus cadit in bonos viros , pudor etiam in improbos , hoc est , eos , qui , quæ turpia sunt , faciunt , & igitur demùm pudefcunt , tum quia virtus omnis ætatis , si puerilem excipias , pudor hujus vel maximè , tum quia virtus ab electione & proposito , non item pudor . Quin tantum abest , ut genus pudoris sit virtus , ut ne semivirtus quidem , ed quod sit passio quædam , atque ex passione levis impressio sive dispositio , quæ subindè definit in hominibus certis , & facilè muratur in contrarium , nominatim in adolescentibus , qui per naturam ignei ; & sceminis , quæ imbecilles . Quòd si ne continentia quidem virtus , quæ tamen annumeratur semivirtutibus , sed quiddam ex affectu bruto & ratione rectâ mixtum , quid fiet pudore ? Quid ergò pudor , si nec virtus , nec semivirtus ? Affectus certo modo se habens ,
vel

vel naturaliter, vel moraliter, ob accessum educationis, decessumvé. Nec præjudicat judicatis in hoc judicio, quòd pudor consistat in medio, secundum determinationem rationis, inter impudentiam sive inverecondiam, quæ contemptus, nullusvé sensus eorum, quæ ignominiam asferre poterant, & pudorem rusticum, sive verecundiam nimiam, quæ excessus pudoris, ea metuens, quæ metuere haud convenit: Quòd sit quædam pars honesti, convertibilis cum virtute: Quòd laudabile quiddam, cum importet actum laudabilem, ideoqué & habitum ex pluribus talibus actibus: Quòd, sicut vitiosi qui sunt, inverecondantur, ita, qui virtuosi, verecundentur vel maximè. Non primum, quia esse in medio non sufficit ad rationem virtutis, quæ non affectus medius, sed affectus mediocritas, hoc est, habitus electivus, cum electione operans, atqui pudor non nominat habitum, sed passionem, nec est motus ex electione, verùm ex impetu quodam passionis: Non secundum, quia pudor non pertingit ad perfectam rationem honestatis, sed huic subservit tantùm, removendo ea, quæ sunt huic contraria, non intrans essentiam ejus, sed quasi dispositivè se habens ad ipsam, jaciendo fundamenta ejus, dum incutit horrorem turpitudinis: Non tertium, quia

quia non omne laudabile ocyùs ad virtutem pertinet, tantum abest, ut sit virtus formata ex actuum repetitione: Quamvis enim ex multoties verecundari causetur, fas ita loqui, habitus virtutis acquisitæ, per quam aliquis turpia vitat, de quibus verecundia, tamen non ex verecundiâ propriè est, quòd aliquis ulteriùs verecundetur, sed ex illo habitu virtutis acquisitæ, qui facit ita se habere aliquem; ut magis verecundaretur, siquidem materia verecundiæ adesset: Non quartum, quia quòd alii non verecundentur, alii verò verecundentur, id fit ex diversis causis, inde ex amore mali, hinc ex amore boni, at non totali, nedû totaliter. *Differètia Specifica Pudoris sumitur à Subiecto ejus, & Objecto. Subiectum Pudoris duplex est, ut Quod, & ut Quo. Subiectum Pudoris ut Quod in genere sunt Homines Pudibundi, quales, qui alios habent actionum suarum spectatores arbitros & censores, qui item æquales, quibuscum honestâ æmulatione de honore contendunt, qui quid fecerunt faciuntvé pudendum, quorumquæ adeò majores, quorum infamiam ad se pertinere autumant, quid pudendum commiserunt, denique, qui ignominiam aliquam sunt passuri publicè: In specie Pueri & Juvenes, Viri item & Senes, illi ὁπώλιος, hi δυνείπας: Pueri & Juvenes, ut quos vel maximè convenit verecundari, quia turpia,*

pia, saltem turpicula, committunt vel maximè: *Viri & Senes*, tum quia etiam hi pudenda patrant, pœnitendaquē comittunt, quorsum ipsis peropus pudore, qui delicta vel antecedit, atque ab iis absterreat, vel consequatur, atque ad pœnitentiam invitet, tum quia tam in illis, quàm in his, commendatur pudor, discommendatur impudentia, commendatur pudor, ut in Pompejo, quem coram pluribus erubuisse ferunt, Fabianoquē Philosopho, qui & ipse suberubuisse perhibetur, quoties in senatum fuit inductus testis, discommendatur contrà impudentia, pudori opposita, idquē vel ante factum, vel in facto, vel post factum remissivè. Objicis, tam viros, quàm senes, nihil oportere agere eorum, propter quæ surgere solet pudor, quare nec in illos nec in istos cadere pudorem! Respondeo, nec in pueros ut sic casurum pudorem, adolescentescvè, in quos tamen cadit vel maximè. *Subiectum Pudoris ut Quo vel Totale est, vel Partiale: illud Facies*, quam, qui pudore afficiuntur, rubore suffusam habent, vestequē cum Socrate involvunt: *Hoc Frons*, sic dicta à ferendo, quòd indicia animi præ se ferat, unde perfricare frontem, manum per frontem ducere, pro depudere, adagiorum scriptoribus: *Hinc Oculi*, quos pueri tegere assolent, cum pudore corripuntur: *De-*
mum

mum Aures, quas & ipsas pudescere constat, ex exemplo Archytæ Tarentini, qui adedò verecundus fuisse perhibetur, ut, si quid obscœni proferendum esset, non diceret illud, verùm parieti inscriberet. *Objectum Pudoris vel Personale est, vel Reale. Objectum Personale Pudoris sunt Homines, quorum nos pudet*, quo de genere, qui nos admirantur, quosquæ ipsi admiramur, quorumvè in admiratione esse cupimus, cum quibus de honore contendimus, quorum existimationem de nobis haud contemnimus, nec non ii, qui nusquam profecturi, sed perpetuò nobis adfuturi sunt, qui iisdem nobiscum non sunt obnoxii flagitiis, homines hinc severi, nullius qui delicto facile ignoscunt, item *ἔξασφαλτικοὶ*, qui facile, quæ vident atque audiunt, eliminant, inquæ aliorum erratis exagitandis toti sunt, denique ii, per quos alii nostra dedecora resciscere possunt, apudquæ quos, quæ volumus, usquæ obtinuimus. *Objectū Reale Pudoris in genere est Malum, quod videtur Turpe*, idquæ vel præsens, vel præteritum, vel futurum: *In specie verò*: 1. Opera & actus, à vitiis moralibus profecti, v.g. à timiditate, ut abjicere clypeum in præliis, fugere ex acie, ab iniustitiâ, ut fraudare aliquem deposito, ab avaritiâ, ut quæstum facere è turpibus rebus, ab illiberalitate, ut nullam ferre e-

geno

geno opem, cùm possis, aut minorem, quàm possis, ab adulatione, ut laudare præsentem, ab animi mollitie, ut labores non tolerare, quos aut seniores, aut delicatuli, aut nobiliores & potentiores, infirmioresvé corpore, vel vitæ instituto, toleraverunt, ab animi abiectione, ut sæpè ab aliquo beneficia accipere, atque accepta exprobrare, ab arrogantia atque ostentatione, ut de se multa prædicare, aliorumqué inventa sibi tribuere. II. Obsequia & ministeria fœda corporis, rerumvé turpium, ex quibus injuria contumeliosa nascitur, sive illa ad intemperantiam, sive ad violentiam spectent. III. Defectus rerum commendabilium, quarum participes sunt, aut omnes, aut plurimi, aut pares, hoc est, ejusdem nationis, civitatis, familiæ, ætatis, studii, ut non ita benè natum educatum atque eruditum esse, prout sunt alii, quibus non major contingit ad præclara studiorum opportunitas, quàm nobis. Nec est, quòd quis in objectum pudoris ex transverso incurrat, vel ex eo, quòd homines sæpè erubescant virtutum actionibus, sæpè ob exercitium operum servilium, sæpè quin etiàm ii, qui coram superioribus habent asserere suam innocentiam, reddereque rationem actionum, quantumvis laudatarum: Non ex primo, quia actiones per se laudatæ, & studiosæ sive virtuosæ, ex falsâ

falsâ hominum opinione atque imaginatione videri possunt contemtibiles atque indecoræ, licet non sint: Non ex secundo, quia utut opera servilia, in & per se considerata, dummodò non sint contraria honestati, turpia non sint, tamen respectu certarum personarum, quas minùs decent, in turpibus & pro turpibus habentur: Non ex tertio, quia quamvis hoc facere non sit turpe & vituperabile, tamen oboriri suspicio ac metus potest, ne quid indecens atque indecorum cum honestis hisce actionibus concurrat, quod offendere superiores possit. *Pœnitentia Subordinata Tristitiæ* est affectus appetitus sensitivi concupiscibilis, conceptus ob admissa peccata. Differt à Resipiscentiâ, quòd pœnitentia dicatur, cùm aliquem facti pœnitet, sive inde ad rectè agendi studium moveatur, sive non, resipiscencia verò, cùm quis cum animo simul mutat vitam & mores: Alterius exemplum Judas Apostata, sive proditor, alterius Petrus Epistata, sed abnegator.

CAPUT XLII.

Species Affectuum Θυμικῶν, sive Secunda Classis.

Species Affectuum Θυμικῶν sunt quinque numero, Desiderii tres, Spes, Desperatio, Au-

Audacia, Tristitiæ duæ, Metus videlicet & Ira. Cujus quinarîi hæc ratio & regio, quia oportet, ut affectus, quorum objectum est bonum, cujusmodi sunt spes & desperatio, sint naturaliter priores affectibus, quorum objectum est malum, cujusmodi sunt audacia & metus, vel idèò, quia sicut appetitus boni est ratio, quare vitetur malum, ita spes & desperatio ratio audaciæ ac timoris, cùm sicut audacia consequitur spem victoriæ, ita timor desperationem vincendi, restat ira, quæ consequitur audaciam, cùm nullus irascatur vindictam appetens, nisi audeat vindicare. Eundem numerum colligere quoque est aliter, putà sic. Ex affectibus irascibilis facultatis spes prior desperatione, quia est motus in bonum secundum rationem boni, quod de suâ ratione est attractivum, & propterea est motus in bonum per se, desperatio autem est recessus à bono, qui non competit bono, secundum quod est bonum, sed secundum aliquid aliud, unde est quasi per accidens, ob eandemquæ rationem, inversis invertendis, timor, cùm sit recessus à malo, prior, quàm audacia, quæ accessus ad illud, ultima verò ira ordine generationis, cùm proximè tendat ad consecutionem finis, quam præcedit portio sive aptitudo ad eum. Neque operatur, saltem non operatur efficaciter in

contrarium contra hunc syllabum, quòd, cum denominatio fiat à potiori, facultasque irascibilis denominetur ab irâ, ob hanc causam hæc prior & potior videatur esse, quàm spes, cumque magis sit arduum, quòd quis conetur superare malum contrarium, quod in jacet jam, ut præsens, id quod pertinet ad iram, quàm quòd conetur superare malum, quod imminet ut futurum, id quod pertinet ad audaciam, aut acquirere simpliciter aliquod bonum, id quod pertinet ad spem, quorsum sicut ira prior hoc nomine audaciâ, ita hæc spe: Porro, cum prius occurrat in motu ad finem recessus à termino, quàm accessus ad terminum, metus verò & desperatio importent recessum ab aliquo, audacia contra & spes accessum ad aliquid, ideò priores næ priores in comparisonem metus & desperatio ex hac causâ, quàm audacia & spes! Non primum, quia ab irâ tanquam manifestiori denominatur potentia: Non secundum, quia ratio appetendi, sed bonum, quo fit, ut spes, quæ directius respicit bonum, sit prior, quamvis audacia aliquandò sit in magis arduum, vel etiam ira: Non tertium, quia appetitus primò & per se movetur in bonum, sicut in objectum, atque ex hoc fit, quòd recedat à malo, & propterea non mirum, quòd

quòd per prius intendat bonum , quàm remotionem contrarii. Sed de singulis ordine. *Spes, Subordinata Desiderio* est affectus appetitus sensitivi irascibilis , quo nominatim animal , nominatiùs homines juvenes, appetunt bonum absens arduum possibile , idquè cum lætitiâ. *Quâ definitione exprimitur tum Subjectum Spei , tum Objectum. Subiectum Spei est in genere Animal*, cùm non hominibus tantùm , sed & brutis , competat hic affectus, quæ quamvis externo sensu non cognoscant futura, ut quæ excedant cognitionem sensitivam exteriorem , tamen interno sensu cognoscunt, persuade per phantasiam, per quam, tanquam umbellam quandam rationis, ex antecedentibus sequentia aliquo modo colligunt , atque ex præteritorum memoriâ futura , non secùs ac si ea præviderent , quomodo canem , aliquoties baculo percussum , monstrato atque intentato eo , ex metu futurorum verberum aufugere videas, accurrere contrâ suaviter habitum : *Inspecie Homines Juvenes* , qui nescio quomodo procliviores ad spem, quàm senes , tum quia spes in futurum fertur, juvenes autem de futuro plus videntur habere reliqui , ut qui propiores & proximiores initio, quàm senes, qui propiores & proximiores fini, tum quia juvenes spiritibus & sanguine abundant , quo indigent

senes , qui tristes & desperabundi , sicut e contra juvenes læti & sperabundi , tum quia experimentis carent juvenes , suisque votis ac desideriiis non tam sæpè exciderunt , ac senes , ideoque futura minùs suspecta habent , magisque ex eo his fidunt , tum quia vitio juventutis , dicam , an juvenilitatis , non adeò intelligunt difficultatem sperandorum , hocque promtius & liberalius sperant , quò faciliùs sperata obtineri posse sibi persuasum habent. *Objectum Spei est Bonum Absens , Arduum , Possibile : Bonum* , ut sic distinguatur à Metu & Audaciâ , quorum affectuum objectum est malum : *Absens* , ut sic distinguatur à Lætitiâ , cujus objectum bonum præsens , atqui speramus propriè futura , saltem principaliter , dico principaliter , quia & præterita sperare possumus , ut si cum hoste sit pugnatum , & nostros victoriâ potitos speremus , & præsentia , ut si hoc momento nostrates rem benè gerere confidamus , quanquam alii regerant , & hæc esse futura , non quidem ratione temporis , sed notitiæ. *Arduum* , ut sic distinguatur à desiderio , quod est boni futuri absolute , faciliisque adeptionis , cùm spes sit boni quidem futuri & ipsa , verùm difficilis obtentu ; *Denique Possibile* , idque vel in genere , vel in specie , ex quibus hoc possibile nobis , ita ut à nobis id effici atque obti-

obtineri posse credamus, illud possibile absolute, ut maxime nostris id viribus effici nequeat, quorsum distinguitur à desiderio, ad cuius objectum addit præter arduum possibilitatem, desperationeque, secundum differentiam possibilis atque impossibilis. Scilicet species affectuum ex objecto considerantur, ut ait Thomas. Circa objectum autem spei quatuor conditiones attendi possunt, primò quidem, quòd sit bonum, secundò, quòd futurum, tertio, quòd arduum, siue cum difficultate adipiscibile, quartò, quòd arduum quidem, at possibile adipisci. Primò, quòd bonum. Non enim propriè loquendo spes, nisi de bono, & per hoc differt à timore, qui de malo. Secundò, quòd futurum. Neque enim spes de præsentis jam habito, & per hoc differt à gaudio, quod de bono præsentis. Tertio, quòd arduum. Non enim quis dicitur quid sperare minimum, quod statim sit in potestate, ut habeat, & per hoc differt à desiderio, quod est de bono futuro absolute. Quartò, quòd arduum quidem, at possibile adipisci. Non enim quis sperat, id, quod omninò adipisci non potest, & per hoc differt à desperatione, quoniam impossibilia concupisci possunt, sperari nequeunt, nisi sub ratione possibilis. *Desperatio Subordinata Desiderio* est affectus appetitus sensitivi irascibilis, quo is, difficul-

cultate victus , rem arduam absentem a-
 versatur , eiqué ut impossibili succum-
 bit cum tristitiâ , recessus , inquam , ani-
 mi ab appetitione boni , ex opinione ,
 quod nunquam eo sit potiturus , cujus a-
 versionis & cujus recessus causa atque ob-
 jectum formale non est propriè bonum ,
 cùm bonum potiùs ad se trahat , verùm
 difficultas , quæ in eo assequendo appre-
 henditur , maliqué rationem quandam ha-
 bet: Quo fit , ut desperatio spei sit contra-
 ria istorum , sicut repulsivum attractivo ,
 recessus accessui. Habet habet namque
 spes rationem attractivi & accessus , prout
 bonum arduum consideratur cum possibi-
 litate adipiscendi , desperatio verò ratio-
 nem repulsivi & recessus , quatenus idem
 consideratur cum impossibilitate obtinen-
 di , ita ut communis terminus spei & despe-
 rationis sit bonum arduum , in quod sub
 ratione possibilis tendit spes , recedit con-
 trà ab eodem desperatio sub ratione im-
 possibilis , implicantis mali speciem. Neque
 enim desperatio respicit malum sub ratio-
 ne mali , sed per accidens respicit illud ,
 in quantum scilicet affert impossibilitatem
 adipiscendi , potest interim esse ex solo super-
 excessu boni. Dices: Unum non nisi uni est
 contrarium: Sed spei contrariatur timor: Er-
 gò nō desperatio , opposita spei! Respondeo ,
 unum uni contrariū esse , modo scilicet con-
 tra-

contrarietatis uno , quæ res non impedit,
quò minùs in terminis spes sit contraria
soli desperationi per accessum & recessum
ab eodem termino , id est , uno modo , &
soli timori per accessum ad contrarios ter-
minos, id est , altero atque alio modo. *Au-
dacia Subordinata Desiderio* est affectus
appëtitus sensitivi irascibilis , quo in gene-
re homines audaces , in specie homines ju-
venes , neglectis periculis evasibilibus sive
superabilibus , quæ imminet , nosquæ a-
deptione boni alicujus prohibere possunt,
immò prohibent , opus difficile aggrediun-
tur , quò bonum arduum speratum obti-
neant. Vel brevius , audacia est desiderium
aggrediendi mali difficilis , conjunctum
cum spe salutis , quam audacia amat se-
qui, neque tamen omnem , sed intensam ,
sicut desperatio metum , non omnem , ve-
rùm excessivum. Sed juvat ἀναλυσεν tumul-
tuariè , *Definitio hæc Audaciæ continet
tum Subjectum ejus, tum Objectum. Subje-
ctum Audaciæ in genere sunt Homines
Audaces* , quales , quibus pulmones sunt
sanguinolenti , cor fervens exiguum & pilo-
sum , sed & , qui frigidiori cœlo nati , item,
qui nunquam experti sunt pericula , sed
in gerendis rebus fuerunt fortunati , aut
expertiquidem , verùm ex iis effugerunt,
qui plura , quàm alii , & majora se habere
putant earum rerum , quarum præsentia

non obstante, quòd per media difficilia debeat acquiri, ita ut ipse finis & bonum sit objectum ejus, etiam materiale, audacia autem quoque tendit in media difficilia propter Finis bonitatem, sic ut istam difficultatem præ istà bonitate contemnat, ab hoc, non quidem objecto materiali, quod utriusque est malum, sed formali, cum audacia sit accessus ad illud, ut quæ aggrediatur illud propter spem superandi, victoriamque sui super illud, ex opinione virtutis propriæ, imbecillitatisque alienæ, metus contra recessus ab illo, ut qui ab eodem refugiat propter desperationem superandì, victoriamque; mali super ipsum timentem, ex opinione imbecillitatis propriæ, virtutisque alienæ, & verò etiam metus pro objecto tantum habeat malum, audacia quoque bonum, nempe victoriam, vindictamvè, quamvis per malum, seu medium difficile, id consequi laboret. Quòd si excipis, audaciam esse vitium, quare non contrariari metui, cum vitium non affectui sed virtuti sit contrarium: Contrà excipiam equidem, nomen audaciæ hic esse nomen passionis, importans absolutè motum appetitus sensitivi in suum objectum, non eadem recessum ab ordine rationis, conjunctum cum eo motu, quomodo audacia nomen vitii, haud affectus. Quod si urges, unum uni contrariari,

iam verò metui contrariari spem, quare non audaciam! Redurgebo, uni secundum idem non esse plura contraria, sed benè secundum diversa, quomodo videas secundum oppositionem boni & mali spem contrariari timori, secundum oppositionem verò accessus & recessus eandem spem desperationi, similiterquè audaciam metui, quo de proximè. *Metus*, *Subordinatus Tristitiæ*, est affectus appetitus sensitivi irascibilis, ortus ex imaginatione impendentis mali, quod vel perniciem vel molestiam afferre possit. Juvat denuò ἀναλύειν. *Definitum est Metus*, sic dictus vel à motu cordis, & corporis, quo futurum malum fugit appetitus, cum cordis ac corporis alteratione, vel ab Ionico μετιέναι pro μεθίεναι, quod est dimittere, remittere, omittere, missum facere, eò quòd in metu & per metum amittatur constantia. Græcis φόβος dicitur à φέβομαι, quod est φεύγειν fugere, concordanter etymo sive notationi priori. *Definitur Genere*, & *Differentiâ Specificâ*. *Genus Metus est affectus*. Quid enim aliud metus, quàm motus appetitus sensitivi, conjunctus cum aliquâ corporali transmutatione, sequens apprehensionem sensus, qualis motus affectus. Nec est, quòd oponas, omnem affectum esse effectum ex præsentia agentis provenientem, me-
tum

tum verò non esse de aliquo præsentì, sed de futuro, quare nihil minùs quàm affectum. Sicut enim affectus corporis naturalis provenit ex corporali præsentia agentis, ita affectus animi provenit ex animali præsentia agentis, absque præsentia corporali, vel reali, in quantum scilicet malum, quod est futurum, realiter est præsens secundum animæ apprehensionem. Non magis, quòd sensus non sit apprehensivus futuri, metus autem sequatur apprehensionem sensus. Quamvis enim sensus non apprehendat futurum, tamen ex eo, quòd apprehendit præsens, animal naturali instinctu movetur, ad sperandum futurum bonum, vel timendum futurum malum.

Differentia Specifica Metus desumitur ab Objecto, quod Malum Futurum φθαρτικόν, ἢ Λυπηρὸν, Corruptivum aut Constrictivum, quorum illud contrariatur naturæ, sive sit à causâ naturali, ut mors naturalis, sive non, ut mors violenta, hoc voluntati. *Malum*, idquæ vel absolutè tale, vel comparatè. Absolutè tale, atque hoc non quodvis, non utique malum culpæ, quod metuere homines non solent, vel quòd non intelligant, vel, si maxime intelligant, spontè tamen atque ultro admittant, minimum parati sint admittere, quia nihil inde doloris molestiævé metuunt, quin immò id naturæ suæ corruptæ conveniens esse

judicant, sed Malum Pœnæ, oppositum bono animi, quale malum infamia, bono corporis, quale malum destructio ejus, & bonis fortunæ, quale malum facultatum & libertatis amissio, cujus commatis mala non non metuunt homines, unà cum potestate, quæ ea dispensat, non quasi illam metuant per se, quatenus est potestas dispensativa, verùm propter malum pœnæ dispensabile, quo exemplo eosdem homines videas timere Deum propter offensio- nem ejus, quæ mala, & pœnæ meritoria, separationemquæ ab eo, quæ pœna peccatum consequens, licet culpæ quoque rationem habere possit, quatenus à Deo volens se separat homo, deferendo eum, atque adhærendo satanæ. Comparatè hinc tale, hoc est, majus minusvé in comparatione, malum tamen, quia metus est motus appetitus sensitivi, importans non prosecutionem, quæ bonum aliquod habet pro objecto, sed fugam, quæ malum, sive vocem mali juvet sumere, privativè pro amissione bonorum, sive positivè pro successione malorū. *At quale? Futurum sive Impendens*, quia homines non magnoperè metuunt, quæ procul abesse putant, v. g. mortem, quam quilibet longè abesse arbitratur, contrà mala imminencia vel maximè horrent, hoc magis, quò majora sunt, magisque imminet, sicut & mala info-

insolita ac repentina, quoniam in his subtrahitur facultas occurrendi malo, locustquè nullus relinquitur consilio ac præparationi, minusquè pausæ datur naturæ laboranti, item ignota, quæ minus adhuc consilii admittunt, majoraquè existimantur, quàm reverà sunt. Quod si malum existimetur prorsus inevitabile atque irremediabile, tunc habetur veluti præsens, deque eo non tam est timor, quàm tristitia, uti animadvertere est in iis, qui in judiciis sententiâ damnatoriâ adjudicantur morti, qui non tam timent mortem, sicut cænes cernas verbera nondum inflicta timere propter metum futuræ inflictionis, quàm de eâ tristantur, pallore invadente vultum, tremore poplites, horrore ac sudore corpus, ob fugam credo caloris, & spirituum debilitationem in isto articulo.

Tum φθαρτικὸν Corruptivum, ἡ Λυπηρὸν, Contristativum, quia enim non omnia indifferenter mala metuunt homines, sed ea, quæ interitum aut dolorem magnum afferre possunt, hoc est, magna & gravia. Natura namque magis nescio quomodo horret & refugit, quæ sibi magis inimica judicat, & à quibus se facilius posse destrui, aut magis affligi, credit. Atque hinc est, quòd mala levia, & quæ de facili depelli possunt, haud timeamus, nisi sub levitatis umbrâ lateat gravitas, quomodo

do inimicum, quamvis humilem, veta-
mur contemnere in scholâ sapientiæ, in-
qué tenebris etiam levia metuimus, tum
quia mala imminetia per eas prævideri
nequeunt, tum quia ob fortiores ima-
ginationis vim majora videntur mala,
quàm sunt, & verò etiam pericula in iis
plura nos manent ab improbis tenebrioni-
bus, terribilioraqué. Differt à Pigritiâ,
quæ metus consequentis laboris, gravantis
naturam, sive facultatem operantis exce-
dentis: A Pudore, qui metus ignominie,
vel justæ reprehensionis, Verecundia, si-
quidem conceptus fuerit ille metus ob ac-
tum præteritum, unde timeri potest con-
vicium vel opprobrium futurum, Erube-
scentia, si contrà: Ab Admiratione & Stu-
pore, quæ & qui metus, illa de magno
malo, hic de insolito, illa declinativa judicii
præsentis de eo, quod miratur, ob defe-
ctus timorem, cum futuri inquisitione,
hic & ipse declinativus judicii præsentis
de eo, super quo stupet, sed absque inqui-
sitione scilicet, quo fit, ut quemadmo-
dum admiratio est principium Philoso-
phandi, ita stupor Philosophicæ conside-
rationis sit impedimentum: A Timore,
qui metus imminetis aut appropinquan-
tis alicujus magni mali, expectatio, in-
quam, censuræ eorum, qui sunt in digni-
tate constituti, sic dictus *παρὰ τὸ πμᾶν*, un-
de

de τὸ ἐπιπλεῖν, nisi simplicius sit deducere à voce δέιμα, ita ut timere plus sit, quàm metuere, ex hoc fonte & capite: A Terrore, qui metus ex insuetæ speciei, hoc est, imaginis occurso, cum pallore & dentium crepitu sociatus ferè: A Pavore, qui metus subitus, cum animus quasi verberatur imminentis mali opinione, sic dictus παρὰ τὸ παλεῖν & κέλλειν, quarum vocum altera valet idem, quod pavire, sive cooperire, eò quòd in pavore scēminas, pueros & molliores oculos ac faciem velare, caputq; operire cernamus, altera idē, quod percellere, nisi rationem ejus arcessere malimus à verbo πύεσθαι, quod est cessare, quoniam cessare facit paventem ab opere hic metus: A Consternatione & Conturbatione, quæ metus excutiens cogitata, omnia turbida atque ambigua reddens, mentemquē in varias cogitationes distrahens, spe & consiliis abjectis: Ab Exanimatione, quæ metus atrocior consternatione, per quem omnis animi vis adimitur, sapientiaquē expectoratur, stupore mentis & linguæ inducto: A Tremore & Horrore, qui corporis sunt alterationes, & affectus ex animi metuentis dispositione pendentes, ille motus ex motibus contrariis, hic asperitas corporis cum horripilatione: A Trepidatione, quæ & ipsa corporis, cum ira nos occupat tremor, ut pedare, hoc est, con-

consistere nequeamus: Denique à Formidine, quæ metus inexpectatus, quo animus vehementer commovetur, adeò ut à seipso abeat, forasquæ feratur, calorquæ ex eo faciem invadat, ex sensu videlicet rerum formidolosarum, uti fit in somniis; insomniis, incubo, sic denominata vel à formis sive spectris, vel à veterum forvo, quod significat calidum.

Ira Subordinata Tristitiæ est affectus appetitus sensitivi irascibilis, quo interveniente cum dolore cupiditate vindicta appetitur de certis hominibus, propter apparentem contentum, quo quis se, aut quenquam suorum, contrà quàm oportet, ab iis affectum esse existimat, cum accensione aliquâ sanguinis circa cor, ob malum læsivum præsens, arduum quidem, sed tamen repulsabile irascenti. Juvat more nostro ἀναλύειν. *Definitū est Ira*, quæ ὀργή Græcis. ἀπὸ τοῦ ὀρέγεσθαι, quod est concupiscere, quia ultionem expetit, item θυμός, ἀπὸ τοῦ θύειν, quod valet idem, quod ὀρμαίν, subitò commoveri, quia cum impetu ruit hic affectus, aliàs minùs pertinace, aliàs magis, qualis ira θυμός ἐμμένων, ἢ χόλος ἐπέμεν, ira permanens sive permanens audit, quæ μῆνις iisdem, ἀπὸ τοῦ μένειν, à manendo, quia manet diutius, & χότος, ἀπὸ τοῦ κείσθαι, quia altius animis hominum insidet. *Definitur Genere & Diffe.*

Differentiâ Specifica. Genus Iræ est Affectus Appetitus Sensitivi Irascibilis, isquæ Mixtus. Affectus Appetitus Sensitivi est Ira, quia motus ejus conjunctus cum aliquâ corporali alteratione, sequens apprehensionem sensus, qualis motus affectus: Affectus Appetitus Sensitivi Irascibilis est Ira, quia enim respicit duo objecta, scilicet vindictam, quam appetit, & eum, quo de vindictam appetit, aut in quem, cum quâdam elevatione atque arduitate, id quod proprium affectuum irascentis facultatis, quibus ira condiditur, tanquam specialis affectus, non generalis, vel per prædicationem, sicut animal est generale ad omnia animalia, vel per causam, sicut sol cluit causa generalis omnium, quæ generatur in his inferioribus, licet ad eam interim omnes motus hujus potentia terminentur, denominationemquæ ab eâ accipiant omnes: Isquæ non Simplex, sed Mixtus, quia ex concursu multarum passionum causatur, non tanquam ex partibus, speciebusvé, sed sicut ex causis, si ve secundum continentiam causæ & effectus. Quî sic? Quia enim iram circumstant cum aliæ passiones, tum istæ quatuor, tristitia videlicet de injuriâ acceptâ, spes illam injuriam ulciscendi, desiderium vindictæ ut possibilis, denique odium ejus, qui injuriam intulit, ex quibus

bus duæ priores antecedunt, duæ verò posteriores comitantur, atque ita motus iræ ex tristitiâ & spe oritur, dumquæ iratus nititur malum ut sibi præsens apprehensum repellere, insimul vindictam de malo sibi illato appetit, tanquam sibi bonum, eumquæ, qui malum intulit, detestatur atque odit, tanquam sibi malum, quo intuitu per conjunctam cum dolore sive tristitiâ cupiditatem speratæ ultionis iram definit Philosophus, quod genus non uno dente rodit & arrodit Scaliger *ὑπερκεῖληκός* more suo. Primò, quia tristitia sit *ἐν τῷ ἐπιθυμητικῷ*, ita verò *ἐν τῷ θυμητικῷ*. Quasi verò non omnem affectum sequatur voluptas aut dolor in utrâque facultate. Secundò, quia malè heic tristitiâ misceatur cum cupiditate. Si enim cōjuncta cum tristitiâ, ergò non cum cupiditate! Quasi verò ira non possit esse conjuncta, & cum tristitiâ, & cum cupiditate, verùm *ἀλλως καὶ ἀλλως*, cum illâ quoad initiū, propter illatam injuriâ, sive ob sensum mali præsentis, cum hâc quoad progressum & terminū, propter vindictæ meditationem ac spem. Tertiò, quia cupiditas impediât iram, neque igitur ex eâ queat gigni, eò quòd effectus nō impediât causam suam. Quasi verò delectatio non & antecedar vindictam, cōjuncta cum spe ejus, & sequatur, quarum hæc, non illa, impedit iram, quæ eam vel maximè pro-

mover,

movet. Quartò, quia non in omni irâ sit cupiditas ultionis, ut si quis fortunæ suæ sive fato suo irascatur, si parentibus, si liberis. Quasi verò non aliud sit ultionis cupiditas sive appetitus, aliud verò conatus, quorum ille semper in irâ, licet remissior & brevior pro occasione, hic non item. *Differentia Specifica Iræ sumitur à Causâ Finali ejus, Efficiente Impulsivâ Externâ, Objecto, & Effectu. Causa Finalis Iræ Ultio.* Ut plurimū enim tendit in ultionem, & fortè semper. Unde per appetitū ultionis definitur rectiùs, quàm depulsiōis, quæ generalior aliquantò ultione. Omnis siquidem ultio depulsiō, non contrâ omnis depulsiō ultio, cūm quædam mala depellere gestiāmus citra ullam ultionem, v.g. morbos, paupertatem, & similia. Neque obstat dictis, quòd irascamur sæpè iis rebus, quæ ultionem nequeunt persentiscere. Quamvis enim nequeant sentire ultionem nostram, tamen eam de iis quandoque sumunt irati, dum eas frangunt, aut comminuunt, exemplo Julii Cæsaris, qui villam in Herculanensi pulcherrimam, quòd mater sua aliquandò in istâ custodita fuisset, diruit, ut ut ultio illa sit male sana interim, hoc est, non ultio, sed vitiultio, sive vitiosa ultio, *Causa Efficiens Impulsiva Externa Iræ est in genere Ολιγωρία Parvipensio, in Specie Καταφόνησις Cōtemptus, Επηρειασμός Incom-*

commodatio, demùm ὄλως Contumelia. Cum enim omnes propriam excellentiam maximi faciant, fit, ut, quod excellentia illa major fuerit, alterius item vilitas & ipsa major, si dicta excellentia in aliquo lædatur, ut ὄλιγαρία ita ira exindè augeatur, ex contemptu, in commodatione, contumeliâ, vel præsumtivè, quomodo rebus quoque inanimatis irascimur, ut Xerxes monti Atho, Pheron Ægyptius flumini, non quod contemnerentur ab iis, sed quod contemni sibi viderentur. Neque verò omnis οὐκ ὄλως ὄλιγαρία causa sive motivum iræ, sed indigna sive immerita. Ira quippè appetit nocumentum alterius, (sunt verba Thomæ,) in quantum habet rationem justî vindicativi, & ideò in tantum quærit vindictam, in quantum videtur esse justa, justa autem vindicta non fit, nisi de eo, quod injustè factum, & ideò provocativum ad iram semper est aliquid sub ratione injusti. Unde, si homines putent ab eis, qui læserunt, se esse justè passos, non irascuntur, cùm ira non fiat ad justum. Idem judicium de iis, qui vel per ignorantiam, vel ex passione, injuriam nobis intulerunt, quibus vel non irascimur, vel minùs irascimur, quia agere ex ignorantia, vel ex passione, diminuit rationem injuriæ, estquè quodammodò provocativum misericordiæ ac veniæ. Qui autem de

de industriâ nocumentum inferunt, næ illi per ὀλιγωρίαν peccant, & ideò his maxime irascimur propter apprehensionem ejus. Dices, in bestias non quadrare ὀλιγωρίαν, quæ iræ motivum, quia in eas non cadit honor oppositus, quare nec iram! Respondeo in arenâ, quamvis bestię non appetant honorem sub ratione honoris, appetere tamen eas naturaliter quandam excellentiam, & ergò irasci illis, quæ illi excellentiæ derogant, quare in eas cadere iram ex hâc causâ, saltem æquipollenter.

Objectum Iræ vel Personale est, vel Reale.

Objectum Personale sunt in genere homines, in individuo, non specie, cùm qui irascitur alicui singularium irascatur, Alexander v.g. Clyto, Cicero Vatinio, non universæ speciei, nec humanitati, sed homini huic illi isti, in specie ii, qui nos derident, vel damno afficiunt, qui, cùm antea nos soliti essent honorare, id intermittunt, amici faciliùs homines, quàm inimici, homines nihili, nulliusquæ existimationis, qui nostro infortunio gaudent, saltem eo non afficiantur, qui nos parvi faciunt apud æmulos, & quos ipsi admiramur, a quæ quibus nos suspici volumus, quiquæ nos verentur, item ii, qui nobis seria agentibus jocantur, qui, cùm aliis omnibus benefaciant, nos prætereunt, denique ii, quibus nomen nostrum

per

per oblivionem excidit brevi temporis spacio, quæ oblivio signum parvipensionis sive vilipendii, quoniam ea, quæ magni æstimamus, magis nescio quomodo memoriæ infigimus. *Objectum Reale est Malum Læsivum Præsens, Arduum quidem, sed tamen Repulsabile Irascenti*, præsertim si cum illo adsit contemptus, idque sive Verum, sive Apparens, dum ita nos offendat modò, ut repellere id cum vi quâdam & violentiâ discupiamus ac conemur. Geminus quippe in irâ motus, quorum alter à partibus exterioribus ad cor retrorsum fertur ob malum præsens, quod compressionem cordis, fugam sanguinis spirituum & caloris ad cor, causatur, quod irritatum per injuriam illatam arma sua, hoc est, sanguinem spiritus & calorem, corripit, atque ad se trahit, unde pallor, & trepidatio membrorum, alter à partibus interioribus unà cum sanguine & spiritibus antrorsum, ob bonum vindictæ, quod cor apperit, & sanguinem ac spiritus extimas ad partes remittit, explicans & quasi vibrans arma sua in hostem externum, unde rubor & suffusio. Quâ re fit, ut ira non tantùm cum Thomâ, & sequacibus, per modum incomplexi respiciat unum objectum, sicut cum intelligimus, quid est homo, sed duo objecta per modum complexi, sicut cum

in.

intelligimus album inesse homini : Ecquæ illa ? Vindicta , quam appetit & sperat iratus , sicut quoddam bonum , & ille , de quo quærit vindictam , in quem tendit sicut in contrarium , id quod pertinet ad rationem mali . Tribus verbis , cùm iræ motus in vindictam , ut bonum , & in eum , quo de quæritur vindicta , tendat , ut malum , ipsam non tantum bonum , sed & malum pro objecto respicere dicendum est , verum repulsabile irascenti . Cæsari certè aut regi haud irascimur , quia ulcisci non possumus , nisi fortè linguâ , in quâ imbellium arma .
Effectus Iræ sunt cùm alii , tum Accensio sive Fervor Sanguinis circa Cor. Cùm enim motus iræ sit per modum insecutionis , cui proportionatur calor , necessarium & per illum causari circa cor quendam sanguinis fervorem , ex ipsâ fellis evaporatione ortum . Scilicet corporalis transmutatio , quæ est in passionibus animæ , proportionatur motui appetitus , manifestum est autem , quod quilibet appetitus , etiam naturalis , fortius tendit in id , quod est illi contrarium , siquidem fuerit præsens , unde videmus , quod aqua calefacta magis cōgeletur , quasi frigido vehementius in calidum ex hac causâ agente : Jam motus appetitivus iræ causatur ex aliquâ injuriâ illatâ , sicut ex quodam contrario injacente , & ideo appetitus potissimum tendit ad repellendum

dum injuriam per appetitum vindictæ, ex quo sequitur magna vehementia atque impetuositas in motu iræ, & quia hic motus non est per modum retractionis, cui proportionatur frigus, sed magis per modum insecutionis, cui proportionatur calor, ideo motus iræ non potest non esse causativus cujusdam fervoris sanguinis & spirituum circa cor, id quod erat probandum. Quamvis enim ira (nam hoc fortè obijciat aliquis,) tractu temporis debilitetur, ut omnia alia, quorum causa per tempus imminuitur, tamen hoc non impedit, quò minùs cum accensione sanguinis circa cor primitùs fuerit orta, quæ cum causetur ex memoriâ injuriæ illatæ, mirumné, si causâ ejus per tempus imminutâ diminuatur & ipsa, & vel totaliter tollatur, dum receditur à præsentì sensu injuriæ primò, mox penitùs disceditur? Differt ab Iracundiâ, quia ira de causâ, iracundiâ de vitio irascentis, illa in actû & fervore, hæc in habitu ac dispositione. Unde una sine alterâ aliquandò esse potest, quis v.g. iracundus, neque tamen iratus, & contrâ, iratus, neque tamen iracundus, quemadmodum videmus, posse quem esse ebriosum, & non ebrium, & contrâ, ebrium, neque tamen ebriosum. Item ab Odio, eò quòd in odio appetatur alteri malum, quia malum, in irâ verò appetatur quidem alteri etiâ malum materialiter,

ter, sed tamen formaliter, ut consideratur habere aliquam rationē boni, per compensationē injuriæ, & æqualitatis restitutionē.

CAPUT XLIII.

Oppositio Affectuum, eaque duplex, Objectiva sive Objectalis, & Terminativa sive Terminalis.

Oppositio Affectuum universē duplex est, altera secundum Objecta, quam Objectivam inde vocant, sive Objectalem, altera secundum accessum ad eundem Terminum, & recessum ab eodem Terminum, quam Terminativam sive Terminalem. Cujus segmenti hoc fundamentum, quod omnis passio motus, unde oportet contrarietatem passionum coaccipere secundum contrarietatem motuum. Est autem duplex contrarietas in motibus, una secundum contrarietatem terminorum, quæ propriè est contrarietas motuum, quo oppositionis modo dealbatio, quæ est motus à nigro in album, opponitur denigrationi, quæ est motus ab albo in nigrum, alia secundum accessum & recessum ab eodem terminum, quæ contrarietas est propriè generationis, quæ mutatio ad esse, & corruptionis, quæ mutatio ab esse. Ad hoc exemplum duplicem contrarietatem invenire est in passionibus animæ, unam secundum

R dum

dum contrarietatem objectorum, scilicet boni & mali, aliam secundum accessum & recessum ab eodem termino. In passionibus appetitus concupiscibilis, sive affectibus *ἐπιθυμητικοῖς*, invenitur prima contrarietas tantum, in passionibus verò appetitus irascibilis, sive affectibus *θυμικαῖς*, utraque. Cujus rei ratio & regio hæc, quia objectum appetitus concupiscibilis est bonum vel malum sensibile absolute, bonum autem, in quantum bonum, non potest esse terminus ut à quo, sed solum ut ad quem, quia nihil refugit bonum, in quantum bonum, sed omnia appetunt ipsum, inq; illud tendunt per accessum ad ipsum & prosecutionem, similiter nihil appetit malum, in quantum hujusmodi, sed omnia fugiunt ipsum, & propter hoc malum non habet rationem termini ad quem, sed solum termini à quo, ut à quo omnia abeunt per recessum ab eo & fugam. Ut ita omnis passio appetitus concupiscibilis respectu boni sit, ut in ipsum, v. g. desiderium, lætitia, amor, omnis contrà passio respectu mali, ut ab ipso, v. g. fuga, tristitia, odium. Quo fit, ut in passionibus appetitus concupiscibilis nequeat esse contrarietas secundum accessum & recessum ab eodem objecto, sed bene in passionibus appetitus irascibilis, quarum objectum est bonum vel malum sensibile, non quidem absolute, verum sub ratione

tione alicujus difficultatis five arduitis :
Atqui bonum arduum habet rationem, ut
in ipsum tendatur, in quantum est bo-
num, id quod pertinet ad passionem spei,
& ut ab ipso recedatur, in quantum est ar-
duum, id quod pertinet ad passionem de-
sperationis: similiter malum arduum ha-
bet rationem, ut vitetur, in quantum est
malum, id quod pertinet ad passionem ti-
moris, & ut in ipsum tendatur, sicut in
quoddam arduum, per quod quid evadit
subjectionem mali, id quod pertinet ad
passionem audaciæ. Scilicet in bono ar-
duo duo sunt, bonum ipsum, quod potest
esse ratio appetendi, & difficultas super-
addita, quæ quandam mali rationem ha-
bet, unde fit, ut per accessum & recessum,
five prosecutionem & fugam, queat appe-
titus in illud ferri, & ab eodem auferri.
Quæ ratio tenet & in malo arduo, quate-
nus à bono consequendo impedit. Ratio-
ne enim suæ malitiæ & difficultatis, quam
habet, ut superetur, hætenus avertere po-
test appetitum per metum, quia tamen ad
aliquod excellens bonum ducit, siquidem
superetur, hætenus provocat appetitum,
audaciamquæ in eo gignit, quæ accessus
& inclinatio in bonum arduum, sicut me-
tus recessus & fuga ab eodem. Neutram
oppositionem five contrarietatem agno-
scit ira: Non illam, quæ est secundum ob-

jēcta, quia malo difficili jam præsenti, quod iram concitat, opponitur bonum præsens & obtentum, quod rationem ardui habere nequit, quia *ατλῶς* possessum: Non hanc, quæ est secundum accessum & recessum ab eodem termino, quia enim ad præsentiam mali ardui appetitus vel succumbit, id quod pertinet ad tristitiam, vel ad invasionem mali se accingit, id quod pertinet ad iram, quæ motus ad invadendum malum læsivum, cui iræ Aristoteles opponit remissionem & sedationem iræ, quæ ab eâ non differt specie, sed gradu, nedum ut ei sit contraria, alii mutato nomine cessationem à motu iræ, quæ cessatio & ipsa contrariè motui non opponitur, sed vel negativè, vel privativè, sicut *τὸ* mitescere ei, quod est irasci. Atqui iræ opponitur gratia & indulgentia, ergò non est sine oppositione! Iræ autem? Immò iracundiæ, quæ vitium morale, non affectus, utque ira non sit sine oppositione in specie sic dictâ, est tamen sine contrarietate, atque ut maximè daretur aliquod ejus contrarium, non tamen illicò foret affectus.

CAPUT XLIV.

De Fonte Morali Actionum Imperatarum, Facultate, quam vocant, Locomotivâ, operante virtute potentia superioris

perioris, elicentis atque imperantis, per tendentiam sive progressum ab Actu Elicito ad Actum Imperatum.

A*Pertis quatuor Fontibus Moralibus Actionum Elicitarum, Intellectu putà Practico, Voluntate, Phantasia, & Appetitu Sensitivo, cum suis Motionibus sive Affectibus, proximum est, ut de Fonte Morali Actionum Imperatarum, Facultate, quam vocant, Locomotivâ seu Locomotrice, operante virtute Potentiæ Elicitivæ Actionis Immanentis, hoc est, virtute potentiæ superioris, elicentis atque imperantis actum, per tendentiam sive condescensum ab Actu Elicito ad Actum Imperatum, sermo instituat. Dico, de Fonte Morali Actionum Imperatarum, Facultate, quam vocant, Locomotivâ: Quia enim hic non tam Physicè eam consideramus, quàm Ethicè, id est, non tam prout est facultas animalis animæ sentientis, quæ causa ejus efficiens impulsiva principalis remota, cujus virtute membra exteriora, ministrantibus suo loco atque ordine nervis musculis & articulis, tanquam instrumento materiali & passivo locomotivæ, agitantur ad locum vel totaliter mutandum, sive in totum, quod subiectum ejus absolutum, vel partialiter, sive in tantum, quod subiectum ejus limitatum, ad prosequenda ea, quæ bona sunt,*

idquæ vel verè, vel apparenter, & fugienda contraria, quæ causa efficiens impulsiva, atque, ut ita dicam, irritativa minùs principalis locomotivæ, supponentis & præsupponentis semper aliquid loco moveos, sive excitans & stimulans appetitum, hoc est, objectum aliquod, quàm prout est talis facultas, cujus virtute homo, animal ut rationale ira rationabile, de loco in locum se commovet *scilicet*, cum moderamine videlicet & temperamento morali appetitus, non quasi locomotiva sit ipsemet appetitus, sed quiddam ex eo resultans. *Dico, operante Virtute Potentiæ Elicitivæ Actionis Immanentis, hoc est, virtute potentiæ superioris, elicientis atque imperantis actum*: Quia enim potentia secundum locum motiva non est activa actione immanente, verùm transeunte. Quamvis enim illius motus soleat dici immanens, quatenus manet in eodem supposito, propriè tamen immanens non est, quia non manet in eadem potentiâ, ac nec in eadem subiecti parte, animali per unam partem moveente aliam, sæpè quin immò extrinsecum corpus, v. g. citharam, penicillum, calamus scriptorium: Quamvis item eadem potentia locomotiva in se indifferens sit quasi passivè ad efficiendos varios motus, applicatur tamen ad agendum per naturalem subordinationem à superioribus potentiis,

tentiis, potentiis, inquam, animæ imperantibus & dirigentibus motionem, ipso quin etiam ab usu determinatur ad certum motum moraliter artificialiterque, per dispositionem materiale, acquisitam in membris per usum moris & artis, per quem corpus secundariò disponitur & habilitatur, aptumque redditur ad promptè deservendum operationibus animæ, quæ admodum id quotidie experimur in ipsis externis instrumentis artis, quæ ipso usu atque exercitio fiunt habilitiora, vel quia perficiuntur quoad figuram, vel quia efficiuntur magis lævia, mollioravé, sicuti videmus ipsas vires nutritivæ consuetudine assuefieri ad abstinentionem & moderationem. *Dico, per tendentiam sive condescensum ab Actu Elicito ad Actum Imperatum:*

Quia enim actiones imperatæ sunt actiones ejusmodi, quæ ab aliis actionibus, quas Philosophi elicitas appellant, ut à causis ac principiis suis proficiuntur, quo fit, ut potentia locomotiva, quæ est actionum imperatarum, non imperativa sit, sed receptiva atque executiva eorum, quæ potentia superiores, in quibus dispositiones ad operationes sunt principaliter, non in corpore organico, imperitant, cujusmodi in nostroque argumento sunt, Intellectus Practicus, Voluntas, Phantasia, & Appetitus Sensitivus. Scilicet Intellectus Practi-

cus cognoscit & noscitat res, quatenus bonæ vel malæ sunt, easque voluntati appendendas aut repudiandas proponit, voluntas dictamen hoc intellectus liberè accipit, ejusque judicium sequitur, Phantasia, quod Intellectus Practicus suo judicio dictavit agendum vel non agendum esse, voluntas autem accepit, aliàs probat & sequitur, aliàs improbat & averſatur, similiterque Appetitus Sensitivus, phantasiæ phantasiam secutus, quem appetitum sensuū proximè excipit in utramque partem Locomotiva.

CAPUT XLV.

*De Actionum atque Affectuum Post-principiis, Voluptate, inquam, & Dolo-
re: Et quare de his agatur in Ethica
câ proximè Actiones atque Affectus?*

Actum est dum de Actionum atque Affectuū Principiis, sequuntur Post-principia, qualia Voluptas & Dolor. Appello postprincipia, quia licet actiones & affectus antecedant, quatenus oriuntur ex cognitione objecti, vel conferentis, vel adversi, ex sympathiâ, inquam, vel antipathiâ facultatis cum objecto, tamen propriè & proximè sequuntur, quatenus agens ex affectu & cum affectu objecto vel potitur, vel privatur: Neque interim, ut maximè antecedant, antecedunt ut genus speciem, quoniam dum assignamus definitionem
spe-

specierum , genus primò sumimus , quod postmodùm pro constituendis speciebus in oppositas differentias dividitur : Sed nec, ut sequantur, sequuntur ut species genus, quia genus rectè dicitur de suis speciebus , voluptas & dolor non item de actionibus & affectibus. Cùm enim è voluptatibus & doloris vel conjugio vel disjugio oriuntur, nequeunt ex hac causâ esse voluptas vel dolor , non magis quàm colores medii albedo vel nigredo ; cùm item tam actiones quàm affectus sint motiones ad objectum pro fruendâ voluptate, dolorequè vitando, utique non magis voluptas pòtest esse motio pro fruendâ voluptate , quàm dolor motio pro vitando dolore, verùm illa ipsamet jucunditas ex adeptione objecti còsurgens, hic ipsamet molestia ex vitatione & devitatione ejusdem. *At cur de Voluptate & Doloze tanto agitur opere in Ethicâ, idquè proximè Actiones atque Affectus?* Nam hoc quæsierit fortean quis : Tum quia Moralista sive Ethicus summi boni est magister & architectus , voluptas autem vel est summum bonum , vel saltem conjuncta cum eo, tum quia ad virtutem moralem , in cujus actione vertitur summum bonum, plurimùm confert, si quis condelectetur, quibus oportet, odioquè habeat, quæ digna odio , ad quam *διὰ πόνου* cum primis opus hâc doctrinâ, quò *ὁ δὲ πόνος*;

studiosus summi boni, hoc est, virtutis & ejus actionis, sciat, quas voluptates sectari debeat, & à quibus sese abstinere, tum quia eadem virtus moralis circa voluptatem & dolorem occupatur, tanquam circa generale objectum, & communem materiam, & verò etiam vitæ humanæ voluptas ac dolor res sunt admodum affines, quia per omnes vitæ nostræ partes diffunduntur latissimè, quoniam, quæ jucunda sunt, omnes pol omnes sequuntur, fugiuntque contraria, quâ de cum anquirat Ethicus, non potest non, immò non debet non etiam doctrinam de voluptate & dolore attingere, tum quia voluptate & dolore omnes actiones omnesque affectus continentur, voluptate quidem actiones perfectæ, & affectus dulces atque delectabiles, dolore contra actiones imperfectæ, & affectus tristes atque injucundi, tum quia de voluptate & dolore variæ næ variæ Philosophorum fuerunt opiniones omni tempore, ut vel idè, si minùs *ἡλιασχευασικῶς*, minimùm *ἀνασχευασικῶς* de his tractare condeceat Ethicū.

CAPUT XLVI.

Quid Voluptas Aristoteli, quid Platoni, Anti-doctoribus?

Voluptas, finitore Aristotele, & sequacibus, est perfectæ operationis finis, sive perfectio operationis extrinsecus accedens:

Qua-

*Qualitas, inquam, quædam operationis, prodeuntis ex facultate, vel habitu, sine impedimento. Ex quibus definitionibus colligitur, voluptatem proximè non proficisci à facultate vel habitu, verùm à facultatis vel habitus operatione, ideoque non esse ipsam operationem facultatis aut habitus, sed perfectionem, quæ cum operatione conjuncta est, eamque perficit, non quidem ut causa efficiens, quomodo objectum sensus dicitur sensum perficere, dum eum ad sentiendum impellit, sed nec ut habitus, id est, ut causa formalis & interna, quomodo sanitas dicitur efficere, ut quis sit sanus, verùm ut finis quidam fortuitus atque accessorius, qui per se non intenditur, est actionem perfectam, quæ ab agente intenditur, perpetuò comitatur, ut qui talis sit haud ratione intentionis, sive quoad esse intentionale, sed ratione executionis & concomitantia, sive quoad esse consequens & concomitans. Vel plenius & planius: Voluptas est perfectio formalis accidentalis operationis potentia percipientis, proveniens ex bonâ dispositione potentia, & ob-
jecto convenienti, eoque optimo in suo genere. Perfectio, non quævis, aut cuiusvis rei, verùm operationis: Formalis, ne videatur esse perfectio efficiens: Accidental, ne videatur esse perfectio essentialis: Potentia percipientis, quia enim est intellectus vel sensus:*

tiſſimum, non imperfectæ, qualis quæ à læſâ impeditâve facultate proficiſcitur, circâquæ objectum vertitur & verſatur, quod facultati non reſpondet, quomodo quemadmodum voluptatem v.g. capimus ex viſione, cùm illæſa ac non impedita videndi eſt facultas, & res pulchra, quam intuemur, ſic dolorem ex eâdem capimus, cùm vel ex oculis laboramus, vel rem horridam & obſcœnam contemplantur. Scilicet operationes, & facultate, & re ſubjectâ, & voluptate perficiuntur, alio tamen modo facultate & re ſubjectâ, alio voluptate, quæ perfectio operationis perfectæ, verùm adventitia ſive accessoria. Dico adventitia ſive accessoria. Duplex quippè perfectio, una interna, quæ conſtituit eſſentiam rei, alia externa, quæ ſupervenit rei in ſuâ ſpecie conſtitutæ, reſultatquæ ex eâ. Voluptas perficit operationem, non primo modo, id eſt, ut forma quædam eſſentialis & interna, quia enim ſic efficeretur, ut omnes operationes eſſent jucundæ, quoniam forma ei, cujus eſt forma, ſemper ineſt, jam verò conſtat multas operationes eſſe conjunctas cum dolore & moleſtiâ, ſed ſecundo modo, id eſt, ut forma quædam accidentalis, reſultans ex operatione perfectâ, tanquam ἐπιμετρος ἢ ἐπιγίνημις, corollarium complementum & appendix, quemadmodum vi-

demus florentis ætatis perfectionem esse convenientem venustatem, velut cumulum quendam, & externam expletionem, ac quiddam adventitium extrinsecus, ex quæ flore adeo ætatis benè disposito resultare pulchritudinem, non quasi pulchritudo sit de essentiâ illius ætatis, sed quod adventitia quædam qualitas, resultans ex illâ. Ut rem mittam in compendium verborum: Voluptas ex operatione in suo genere perfectâ oritur, est quæ quædam ejus perfectio, non quasi operatio indigeat ad suum esse perfectum internum adventitiâ hâc formâ, hoc est, voluptate, cum non constituatur per ipsam, sed quod voluptas pullulet ex eâ, ut quidam affectus proprius, & terminus operationis, atque accessorium quoddam finis principalis. Neque vel tantillum obrogat aut derogat proximè dictis assertis, quod natura humana ultrò magno impetu feratur in voluptatem, tanquam ultimum in ordine bonorum, quare ut in finem principalem! Quod enim natura nostra tanto impetu fertur in voluptatem, id haud dubiè sit per accidens, id est, per & propter depravationem humanæ naturæ. Taceo, quod non tota natura hominis feratur ad voluptatem, haud utique superior animæ pars, quæ reclamatione ante & post factum voluptati, ante cum Prometheo, post cum Epimetheo, quæ ideo finis

ratio

rationem non sustinet subire, cùm impossibile sit, finem naturæ eam rem constitutere, quam natura tota horribiliter post factum detestatur, malletquæ non esse, quàm esse. Accedit, quòd voluptas ultimum quidem sit tempore, at non dignitate: Jam verò non necesse, ut ultimum tempore semper sit principale, cùm sæpè principalis finis, v. g. calefactio, tempore prior sit fine minùs principali, v. g. siccitate, & sic in nostro argumento operatio voluptate. Thomas diceret, voluptatem quidem perficere operationem per modum finis, at non secundum quod finis dicitur id; propter quod aliquid est, sed secundum quod omne bonum completivè superveniens potest dici finis. Næ convenienter Aristoteli, principi scholæ Peripateticæ! *Eadem Voluptas, finitore Platone & sequacibus, modò definitur, quòd sit generatio sive ortus in naturam, hoc est, in naturæ instaurationem sive restitutionem, facta cum sensu: Modò, quòd sit motio sive motus animæ & restitutio subita ac sensibilis in statum naturæ convenientem.* Quibus locis Plato per generationem motionem instaurationem intelligere viderur repletionem deficientis naturæ, nec hanc quamvis, sed sensibilem, quoniam multæ motiones sunt, quibus naturæ defectus pensantur, quæ tamen non sunt conjunctæ cum sen-

sensu, ut concoctio, accretio, aliæque generis congeneris. *Tervè quatervē* αφίλοσφως! *Semel*, quia voluptas propriè non est generatio sive ortus: *Iterum*, quia non motio sive motus: *Adhuc*, quia nec instauratio sive restitutio, hoc est, expletio deficientis naturæ: *Nedum* ut omnis voluptas sua naturâ sit sensibilis. Voluptas non est generatio sive ortus, loquitando, non de illâ, quæ est ad habitum, & constituendam naturam, quæ ἐντελέχεια imperfecta, sed de illâ, quæ post habitum, & constitutam naturam, quæ ἐντελέχεια perfecta. Probat. I. Quia omnis generatio est termini à quo ad quem determinatum, quoniam non ex quovis quidvis fieri dicitur, sed ex determinato, veluti album ex non albo, atque ex hoc non quovis, verùm ex nigro, vel medio aliquo colore, equus non ex quovis, sed ex semine, & semine quidem equino, non omnia ex omnibus, ex mari homines, ex terrâ pisces: Voluptas non est profectio sive transitio talis à termino à quo ad terminum ad quem determinatos: Ergò non est generatio? II. Quia in omni generatione quid perditur, & quid aliud acquiritur: In voluptate, sive per voluptatem, non perditur quid, & quid aliud acquiritur: Ergò non est generatio? III. Quia, si voluptas foret generatio, dolor contrâ corruptio, tunc quod generaretur per

per voluptatē , corrumpetur per dolorē,
& quod corrumpetur per dolorē, gene-
raretur per voluptatē: At neutrum fit, & ni-
hil invenitur, quod generetur per volupta-
tē, & corrumpatur per dolorē, vel corrup-
patur per dolorē & generetur per volupta-
tem: Ergo voluptas non est generatio, neq;
dolor corruptio! *Sed nec motio sive motus vo-*
luptas. I. Quia sequitur motum, tanquā ter-
minus motus , ex motu prodiens , perindē
ac aëris illuminatio. Quemadmodum ergo
eclipsis dicitur interpositio, quia ex eā pro-
dit , ita voluptas motus , quia consurgit ex
eo, in sensu, inquam, causali, non formali
utraque. II. Quia motui competit cele-
ritas & tarditas, idquē vel per se & absolu-
tē, nempē in rebus, quarum non est æqua-
bilis motus , quemadmodum navis equi
currus cursus nunc est tardior , nunc cele-
rior, vel comparatē, πρὸς ἄλλο καὶ πρὸς ἑτέρου,
quomodo solis cursum, comparatum cum
Saturno , celerem dicimus , comparatum
cum Lunā, tardum, licet suapte alioqui na-
turā sit æquabilis , motum item primi mo-
bilis nec velocem nec tardum in se , cum
sit uniformis , nec varietur de celeritate in
tarditatem, aut contrā, comparatē interim
ad motus aliarum sphaerarum , omnibus a-
liis motibus celeriozem. Nec abs re. Quam-
vis enim cuidam motui respectu sui ipsius
celeritas & tarditas non videatur compete-
re ,

re, tamen competere potis est respectu alterius. Neutrum tenet in voluptate, cui celeritas & tarditas, (loquendo de actu voluptatis & fruitione, non ortu,) nec absolute convenit, nec comparatè, & nec sui, nec alterius respectu. Aut enim voluptatem acquirimus, aut jam sumus in voluptate, eaque fruimur: Illi, hoc est, ortui voluptatis, convenit celeritas & tarditas, huic, hoc est, actui voluptatis, non itè ullo modo. Uſque aded alius alio citius vel tardius voluptate perfundi, eaque acquirere potest, acquisita autè frui nemo tardius vel celerius! Scilicet rectè dicas, aliquem tardius vel celerius moveri ad voluptatem, sicut dicimus, aliquem ad iram moveri tardè aut citò, non item rectè, aliquem frui voluptate tardè aut celeriter. Contrà se res habet in veris motibus. Etenim rectè dicas, ut cucurrisse, ita currere aliquem tardè vel celeriter, atque etiam cœpisse currere, non cucurrisse tantùm. III. Quia nullus motus quovis tempore est perfectus, cùm absolvatur secundum partes, tanquam totum integrale, quod est partibile, hoc est, quod non habet omnes suas partes simul, sed fit successivè, morâ temporis interveniente, prout id quidem videre est in ædificatione v. g. domus, cujus primò jaciuntur fundamenta, deinde eriguntur parietes, columnæ, tabulata, tectum, quæ partes non sunt

sunt simul, nec fiunt in eodem tempore, ab ipsâ quin ædificatione totâ & inter se differunt, ædificium à partibus perfectione, ipsæ partes inter se specie, videre deinde autem in motu locali, qui & ipse tempore perficitur, cùm sit de termino à quo ad terminum ad quem, ab uno extremo ad alterum, specie differens etiam in eodem v. g. stadio, non tam ratione stadii, quod unum idemque est & manet, quàm ratione extremorum, quæ identidem mutantur, dum ab uno loco in alium fit progressus, atque ita partes mutantur, ac extrema, quibus circumscribitur hic motus, qui imperfectus, ut omnis motus, dum singulæ stadii partes percurruntur, licet stadii totius percursorio sit perfecta: Atqui voluptas omni tempore est perfecta, etiam ἐν τῷ νῦν, momento indivisibili, totaque adeò simul, tanquam ὅλον πρὸς ἀμέλειαν, totum quid atque impartibile, hoc est, perfectum secundum esse suum & complementum, ut punctum, unitas, imago in speculo, illuminatio in hemisphærio, denique visio, quæ similiter tota simul, & completa ac perfecta in quâlibet parte temporis, atque etiam in instanti, cùm non fiat nunc una pars ejus, postea alia, una in hoc tempore, alia in alio successivè, sed tota simul, si vis, persuade, & facultas videndi sit integra, distantia congrua, medium non obfuscatum, & visibile

sibile proponatur totum simul: Ergò voluptas non est motus! *Ut nec instauratio sive restitutio, hoc est, expletio deficientis ac laborantis naturæ.* I. Quia si voluptas esset expletio, tunc id voluptate afficeretur, quod expletur, hoc est, corpus, quoniam omnis repletio suscipitur in corpore: Atqui corpus propriè non afficitur voluptate, sed anima in corpore, de cujus ratione si foret, ut *τὸ ἡδυνᾶναι*, voluptate affici, ita *τὸ ἡδισθᾶναι*, voluptate perfrui, omne nã omne corpus delectaretur: Ergò voluptas non est expletio! Dicuntur quidem exteriorum sensuum voluptates corporeæ, verum ratione instrumentalis agentis scilicet, non principalis, quod anima, aut animal potius, id est, entitas tertia, composita ex animâ & corpore. Triverbio: Expletio est *πείθος σωματικόν*: Voluptas est *πείθος ψυχικόν*: Ergò non est expletio! II. Quia bene multæ voluptates sunt, quæ comitantur functiones naturæ perfectæ, nullâque repletionem indigentis, & neque antecedentem, neque conjunctum dolorem habent, ex indigentia narum, quæ etiam non delectant propter ullam defectus repletionem, verum per se suâque naturâ sunt jucundæ, ut sunt voluptates mentis, adeoque eæ, quæ ex virtutibus & bonis artibus capiuntur, voluptates item, quæ ex sensibus quibusdam capiuntur, nominatim sensu phantasia,

siæ, memoriæ, oculorum, aurium, narium, denique è sani corporis exercitiis, quæ omnes voluptates sunt ἡλυπτοι, absque molestiâ prægressâ, hoc est, indigentia seu defectione, &, qui ex eâ, dolore. Quæ ergò voluptates sunt expletiones, quæ? Solæ gustus & tactus voluptates. Nam quando indigemus alimento ob famem, potu ob sitim, subjecto amabili & amicabili ob venerem, tunc videmur affici dolore, cumquē replemur, affici voluptate, ut ubi defectio, ibi sit dolor, & ubi resectio, ibi voluptas. Verùm hoc non videtur esse de naturâ voluptatis, quia aliàs accideret in omni voluptate, non in aliquâ. Et certè, si dicendum sit, quod res est, voluptas non est ipsa expletio, verùm, cùm fit expletio, fieri potest, ut quis voluptate afficiatur, sicut afficitur dolore, cùm exinanitur. *Nedum ut omnis voluptas suâ naturâ sit sensibilis*, qualis corporis voluptas sanè fuerit, non etiam mentis, nisi per τὸ sensible captiosè intelligas illud, quod est perceptibile, sive sensu, sive mente. Quin immò tantum abest, ut omnis voluptas sit sensibilis, ut, si fides Scaligero, nulla ex omnibus, cùm voluptas sit ipsa sensio, hoc est, rei convenientis perceptio, sensio autem non sentiatur, sed species potius rei commodæ, cujus sensio voluptas, sicut sensio rei incommodæ dolor. *Opponunt contra dicta deducta Platonici*
pro

tum constituendum, quoquo modo generatio appellari queat, ut quæ sit ad finem, vel pro fine, ut non sit finis, vel cum fine. Ad secundum. Voluptatem posse quidem nominari motionem, sumendo vocabulum motionis in genere, quatenus motio est subjecti quædam mutatio & affectio, sive subita, sive lenta, subita in actionibus intentionalibus, quæ non requirunt tractum aliquem temporis, lenta in materialibus, at non sumendo idemmet in specie, quatenus motio est successio à progressu formæ imperfectæ ad perfectionem, eaque non activa, sed passiva, quoniam voluptate movetur animal, non movet, afficitur, inquam, non afficit. Ad tertium. Totum bifariam accipi, vel ut habet partes, quale totum domus, & homo, qui est dominus domus, vel ut est perfectum quiddam, quale totum voluptas, partium expers, ideoque indivisibilis, si minùs respectu gradus, atque ut intenditur & remittitur, quomodo lucem, quæ in momento temporis diffunditur, eo respectu dicimus majorem minorem mediocrem, & sic aliam voluptatem aliâ diuturniorem aut majorem, voluptatem v. g. diei, voluptate unius horæ, minimùm respectu quantitatis, quia ut sic non fit in tempore, sed in momento indivisibili. Qui enim totâ v. g. horâ, vel toto die, voluptate fruitur, hæc ille
in

in quâlibet parte & in quolibet puncto
 horæ vel diei eâ fruitur, cùm in omni mo-
 mento horæ vel diei tota sit simul. Quo fit,
 ut, licet voluptas sit divisibilis ratione tem-
 poris, secundum quod per accidens est in
 tempore, sicut albedinem dicimus esse di-
 visibilem per accidens ratione superficiei,
 in quâ extenditur, in per & de se tamen ea-
 dem voluptas sit indivisibilis, sicut albedo,
 considerata in se, non ratione superficiei,
 quæ superficies divisibilis per se, albedo
 per accidens. Ad quartum. Fieri quidem,
 ut visionem, ita voluptatem, etiam suc-
 cessivè, verùm in re & operatione successi-
 vâ. Cùm enim voluptas sit in operatione,
 tanquam accidens in subjecto, meritò
 sequitur naturam operationis: Atqui ope-
 rationum quædam fiunt successivè, ut re-
 plerio, quædam totæ simul, ut repræsen-
 tatio imaginis in speculo: Quare & volu-
 ptas, siquidem operatio, in quâ extendi
 videtur, ut in subjecto suo extenditur ac-
 cidens, fuerit tota simul, & ipsa itidem fue-
 rit, sin successiva, & illa eodem pacto, tota
 simul per se, & naturâ suâ, successivè verò
 per accidens, ac ratione operationis, atque
 subjecti sui. Ad quintum. Voluptates il-
 las, quæ dici possunt ἀναπαύσεως, & resti-
 tutiones naturæ in suam cujusque ἀπεκατά-
 στειν, ex eventu potius esse voluptates, ad-
 eoquæ accidens veriùs alicujus voluptatis,
 nem-

nempè illius, quæ cum vel ex repletionem, non omnis. v. g. Qui fame laborat, si saturatur & expleatur, capit voluptatem, & hæc expletio dici potest, ut ab expletionem nata, potest & dici restitutio, quia natura ejus, qui fame laboravit, præbito & sumto cibo instauratur, suumque in statum restituitur, tanquam in integrum, verum expletus jam & saturatus sæpè alias quærit voluptates ut aurium, oculorum, scientiarum, quæ certè voluptates ex naturâ non desiderante, aut explendâ & restituendâ, sed perfectâ jam & restitutâ exortæ, diversæ omninò à prioribus: Dantur quin immò homines ebriosi & phagones, quibus gratus potus & cibus, etiam ubi affatim biberint & ederint, hoc est, post expletionem naturalis indigentia. Sed hoc fieri ex aliâ causâ, quàm naturæ indigentia, nempè ex habitu perverso, Platonis discipulus fortean diceret, nec malè ad propositum præceptoris hæc parte.

CAPUT XLVII.

Divisio Voluptatis trimembris: In Voluptatem Animi & Corporis: Simpliciter Communem, sive Naturalem, & Communem Secundum Quid, sive Non Naturalem & Propriam: Denique in Bonam sive Honestam, Malam

lam sive Turpem, & Mediam sive Indifferentem.

*V*oluptas, sic prædefinita in terminis, tribuitur ex Subjecto, in Voluptatem Animi & Corporis, ex Causâ, in Simpliciter Communem, sive Naturalem, & Secundum quid Communem, sive Non Naturalem & Propriam, denique ex Adjuncto in Bonam sive Honestam, Malam sive Turpem atque Inhonestam, & Mediam sive Indifferentem. Voluptas Animi est, quæ animo sic percipitur, ut ad corpus nullo modo pertineat. Estquæ vel Theoretica, vel Practica, vel Pojetica, quarum prima ab actionibus corporis sejunctissima, ideoquæ purissima, quia objecti à materiâ secreti, reliquæ duæ nonnihil permixtæ, ideoquæ impuriore in comparatione cum illâ & inter se, quia objecti non ita segregis à materiâ. Voluptas Corporis est, quæ sensu percipitur, ideoquæ ad animum ita spectat, ut corpus quoque afficiat. Estquæ totuplex numero, quot sunt sensus. Alia enim est Visus sive Oculorum, alia Auditus sive Aurium, alia Olfactus sive Narium, alia Gustus sive Linguae, alia Tactus sive Nervi Tactivi, quomodo visus voluptatem capere dicitur, quando se convertit ad fuscum colorem, quo vis ejus & virtus visiva congregatur, atque in unum cogitur, aut cùm intuetur

etur blandos colores , aureum viridem cæruleum , auditus similiter ex leni & lentâ voce, olfactus , cùm resolvuntur vapores , suavitate quâdam organa olfaciendi roborantes , gustus hinc ex pingui ac dulci sapore , necnon subacidis & subacerbis , tactus denique ex qualitatibus tactilibus & tactibilibus temperatis, lenibus, inquam, & tepidis. Ex his, quò quæque voluptas sensus plus aut minus commercii familiaris habet cum corpore , ita vel purior vel impurior scilicet. Purissima ea, quæ est visus, proxima auditus , huic proxima olfactus , hinc gustatus, & tandem tactus , cujus voluptas crassissima, & maximè concreta. Sed cur purissima visus, proxima auditus? Quia enim cum mentis voluptate cognationem habent, quoniam in harmoniâ consistunt , quæ in ordine, qui mentis. *Quòd si Voluptatem Animi juvet componere exercitii gratiâ cum eâ, quæ est Corporis , næ præstantior & præstabilior in comparatione fuerit Animi Voluptas : Optabilior interim Vulgo Corporis Voluptas , nominatim Juvenibus & Melancholicis. Præstantior & præstabilior Animi Voluptas.* I. Quia ἀπλῶς absolute verè & de se bona , ut quæ modum non habeat, excessumquè vitiosum nullum admittat, sicut operatio , unde manat. Quis enim de rectè factis, justitiæquè operibus , voluptatem nimiam cepit unquam? Quis

in contemplationibus, vel Theologicis, vel
 Physicis, vel Mathematicis, plus, quàm
 par, lætatus unquam? Non sic se res habet
 cum corporis voluptate, quæ *ωδύνη*, compa-
 ratè, inquam, secundum quid, & alicui, id
 est, huic aut illi bona, immò non bona, ni-
 si *μέχρι τοῦ ἀγαθοῦ*, propter mediocritatem
 à naturâ præscriptam. II. Quia dolore
 vacat, ut quæ per se & suâ naturâ jucunda
 sit, capiaturquæ ex rebus per se ac suâ na-
 turâ jucundis, neque noxia sit, nisi ex e-
 ventu, per se non item, cùm non sit exces-
 su vitiosa, sed quò major, hoc melior: E-
 nimverò corporis voluptas hætenus bona,
 hætenus innoxia, quatenus doloribus me-
 dicinam affert, sive, quod eodem redit,
 quatenus est curatio dolorum indigentis
 naturæ, hoc est, non nisi per accidens. Di-
 cuntur autem res naturâ jucundæ, (ut hoc
 obiter, immò non obiter, addam,) quando
 à naturâ perfectâ, & constitutâ in suo sta-
 tu, proficiuntur faciles operationes, &
 cum voluptate, quæ talis propriè & sim-
 pliciter, qualis voluptas sejuncta à dolore,
 quoniam voluptas simpliciter excludit o-
 mnem dolorem, sicut res ex evèntu seu per
 accidens jucundæ, cùm voluptas est mixta
 cum dolore, quales corporis voluptates, ex
 repletionem quæ sunt deficientis naturæ,
 Quæadmodum enim simplices volupta-
 tes non habent dolores admixtos, neque
 sunt

sunt suaves ex eo, quòd expleant atque instaurent naturam exhaustam, uno tempore suaves, alio insuaves, verùm desiderabiles naturâ suâ, ita mixtæ voluptates, persuade cum doloribus, ob id jucundæ sunt, quòd naturam fatiscentem reficiant, ideoque non omni vel loco vel tempore optabiles. III. Quia subjecti & objecti nobilioris, quàm corporis voluptas: Subjecti quod illius mens, quæ habet rationem actus, hujus corpus, quod habet rationem potentiæ: jam verò actus melior & præstantior potentiâ etiam bonâ: Objecti, quod illius res sublimes & divinæ, hujus infimæ & abjectæ, jam verò multò magis homo delectatur ex hoc, quòd cognoscit aliquid intelligendo, v. g. res sublimes & divinas, quàm ex hoc, quòd cognoscit aliquid sentiendo, v. g. res infimas & abjectas. Non possum non, immò non debeo non, mihi heic verba fœnerari Thomæ in transitu: Voluptates, inquit, intelligibiles majores sunt sensibilibus, sive spectes bonum conjunctum, sive id, cui conjungitur, sive ipsam conjunctionem. Nam bonum intellectuale majus utique corporali, similiterque pars intellectiva, quàm pars sensitiva, quoniam illa magis cognoscitiva, hæc minus: Quo fit, ut nullus sit, qui non potius velit carere visu corporali quàm visu intellectuali. Sed & conjunctio utriusque inti-

ma magis, perfecta magis, & firma magis: Intima magis, quia sensus sistit circa exteriora accidentia rei, intellectus verò penetrat usque ad rei essentiam, reflectiturque nescio quomodo magis supra suum actum, quàm sensus: Perfecta magis, quia conjunctioni sensibilis ad sensum conjungitur motus, qui est actus imperfectus, unde fit, ut voluptates sensibiles non sint totæ simul, sed in eis aliquid pertranseat, & aliquid expectetur consummandum, prout pater in voluptate ciborum & venereorum, enimverò intelligibilia sunt absque motu, ideoque eorum voluptates totæ simul: Denique firma magis, quia delectabilia corporalia sunt corruptibilia, & citò deficient, bona verò intellectualia incorruptibilia. Hæc Thomas. IV. Quia operationis nobilioris. Mentis siquidem voluptates ipsæ per se, non per aliud, expectantur, sicut operationes, unde manant, nec fluunt, ut corporis voluptates, verum constantes sunt, non transeuntes, sed immanentes, neque ad tempus, verum in ævum. *Optabilior interim Vulgo Corporis Voluptas, nominatim atque in specie Juvenibus & Melancholicis. Vulgo ided. I. Quia voluptas corporis à plerisque omnibus appetitur, ut medicina quædam contra dolorem, quem omnes manibus pedibusque à se depellere student naturaliter, tanquam*
natu-

naturæ inimicum & gravem, eum autem dolorem diminuit tollitvè voluptas. Ut enim medicinâ morbus, ita voluptatibus corporis dolor, tanquam clavus clavo, pellitur, fames, v. g. cibo, sitis potu, Venere alia desideria. Scilicet, cùm homines perpetuò laborent, atque diversis exercitiis fatigantur, continuisquè adeò laboribus ac doloribus exagitantur, eosquè expellere cupiant, neque ullam medicinam reperiant, ideò, ut reficiantur & recreentur, confugiunt ad voluptates, & quando puras ac simplices voluptates habere nequeunt, vertunt se ad corporis voluptates crassas, quæ sunt in promptu, & facili negotio acquiri possunt, existimantes, eas esse medicinas laborum ac dolorum, quoniam contraria contrariis curantur, quo fit, ut has acriter persequantur, atque ita quidem persequantur, ut nonnulli ultrò sibi earum veluti sitim faciant, sumendo res acres amaras atque acerbis, vel ad gulam irritandam, vel continuò explendam, quomodo cibo expletos videas interdum acriora quædam appetere, quibus cupiditas vescendi excitetur: Jam verò voluptates, quæ pellunt & expellunt dolorem, magis utique in speciem videntur esse expetendæ, quàm quæ id non faciunt: Quare & corporis voluptates. II. Quia, ut omnes homines, ita etiam vulgus, compositam naturam habet

ex animâ & corpore , non unam ac simplicem , cumquē illud magis sensu vigeat , quàm mente , ideò nullas ferè alias voluptates percipere potest , præter corporis voluptates , quæ sensus afficiunt & ferunt , quod corpus , cū pluribus humoribus constet præter sensus , mirari non convenit , si ad corporeas & sensibiles voluptates impellatur , prout humores incitant , & objecta sensuum excitant ac concitant. III. Quia plerique omnes de vulgo veras voluptates ignorant , quā in ignorantia cū consenscant , & per prava insuper confortia , atque exempla , tam principum , quàm æqualium , confirmantur , iterum mirari haud convenit , si difficulter ab adulto & altè jam radicato errore retrahantur. Sed cur vulgus veras voluptates ignorat ? Quia enim intelligibilia minùs nota quoad nos , quàm sensibilia : Quo fit , ut cū pluribus notæ sint sensibiles voluptates , quàm intelligibiles , illas consectentur potiùs , quàm has , vel ideò etiam , quia voluptas vitæ causâ , ut condimentum cibi , quem ordinem vulgus invertit , quod non tam appetit voluptatem vitæ causâ , condimentum cibi , quàm vitam voluptatis causâ , cibum condimenti , ut quod non tam edat & bibat , ut vivat , quàm vivat , ut strenuè edat & bibat. *Juvenibus ideò* , quia , dum augetur eorum statura , perturbantur poten-

ter

ter humores, & natura fatigatur, stimulan-
te & urente incremento, adeò quidem, ut
corpora eorum æstuent commotis humo-
ribus, non secùs atque ebrii homines va-
poribus concuti solent, quo fit, ut tanquam
ad medicinam aliquam confugiant ad vo-
luptates, ad restinguendum incendium il-
lud, hoc magis, quia ipsa per se adolescen-
tia jucunda, sicut senectus tristis. *Melan-
cholicis idèd*, quoniam, dum atra bilis eos
divexat, mordicat, & arrodit, neque eos
quiescere sinit, fatigantur, sicquè fatigati ad
voluptates, quibus se nonnihil instaurent
atquè exhilarent, convertuntur, cumquè
non habeant simpliciter voluptates, & in
corpore patiantur, confugiunt ad corporis
voluptates, tanquam averruncas mali sui.
Neque obstat suprà dictis, quòd corporales
ac sensibiles voluptates sint plures, quàm
spirituales & intelligibiles, quare magis
expetendæ, saltem expetibiles! Idèd e-
nim videntur plures, quia bona sensibilia
pluribus & magis nota, expetibilioresquè
quia, cum homines indigeant voluptati-
bus, ut medicinis, contra multiplices do-
lores, & plerique non possint attingere spi-
rituales voluptates, quæ sunt virtuosorum
propriæ, idcirco necessariò declinant ac
deflectunt ad has. Non magis, quòd ma-
gnitudo causæ ex effectu cognoscat, vo-
luptates verò corporales fortiores habeant

effectus, ut quæ cum transmutatione corporis sint conjunctæ, capistroquæ ac freno indigeant rationis propter suam vehementiam: Quare majores ac præstantiores alteris in comparatione! Immodò verò non. Ut enim sint fortiores in suo regno, hoc est, sensus atque appetitus, ramen non sunt in regno intellectus ac voluntatis, quoniam appetitus regulatur ratione, intellectus verò est ipsa regula regulans. *Voluptas Simpliciter Communis sive Naturalis* est, quam omnia animalia naturaliter ac sine delectu expetunt & percipiunt, ex usu nutrimenti ac Veneris cujuslibet, ad conservationem sui, tum in individuo, tum in specie, in individuo mediante nutrimento, in specie mediante Venere. Dicitur simpliciter communis, quia in omnibus eadem ad ista à naturâ propensio: Naturalis, quia hæc voluptas eorum, ad quæ naturæ quædam necessitate compellimur, ut si quis longâ defessus vigiliâ somnum appetat, e-furiens cibum, sitiens porum, amaturiens Venerem: Denique necessaria, eò quòd pertineat ad conservationem, vel individui, ut voluptas sicci & humidi, vel speciei, ut voluptas Veneris, quæ necessaria, non pro generatione ejus individui, in quo se exerit, sed pro generatione alterius individui, cujus gratiâ se exerit. *Voluptas Secundum quid Communis, sive Non*

Non Naturalis & Propria est, quam quodque animal suo iudicio sibi deligit ex hoc vel illo nutrimento, aut Venere. Neque enim eadem omnia animalia concupiscunt, aut ex omnibus adæquè voluptatem capiunt, verùm alia ex his, alia ex aliis, quomodo videas alias bestiarum delectari aquâ lacustri, alias pluviâ, fluvîâ alias, fontanâ alias, hoc pabulo has, alio illas: Similiter hominem magis capi hoc cibo & potu, quàm illo, ad delicias usque & luxuriem, hâc veste & domo magis, quàm illâ, ad delicias usque & luxum. Idem de Venere iudicium. Atque in hanc voluptatem quadrat quadratum illud: Trahit sua quemque voluptas, equum sua, cui pabula culmî & paleæ optabiliore, quàm aurum, canem sua, cui panes ossa & carnes, gallum gallinaceum sua, cui grana hordei & avenæ, asinum sua, cui stramen & fœnum, hominem item sua, alia hunc, alia illum, alia istum, studiosum litteræ, Musicum carmina, Poëtam versus, Philippum aliquem, sive equorum amatorem, equi: Quin tantum abest, ut omnes homines ex iisdem rebus voluptatem capiant, ut res eadem aliis molestæ sint, aliis verò jucundæ, alios offendant, alios oblectent. Ita non eadem v. g. dulcia febricitanti & benè valenti, eademvé calida ægro & sano, sano & ægro: Cur id? Quia enim non eodem

modo affecti dispositique sunt, quibus propterea non possunt esse eadem convenientia, vel idè etiam, quia cujuslibet hominis peculiaris actio, quare & peculiaris voluptas. Dicitur secundum quid communis, quia non omninò eadem in omnibus ad ista propensio: Non naturalis, quia non ea hìc naturæ necessitas, quæ in purè naturalibus voluptatibus: Denique propria, & non necessaria, quia singulis animalibus peculiaris, vel naturâ, vel more, neque necessaria necessitate necessitante, sed necessitatâ, item adventitia, eò quòd ex pravâ consuetudine aut affectione existat; ut cùm quis hunc vel illum cibum potum aut Venerem impensius expetit. Scilicet, quemadmodum animalia distinguuntur genere, vel specie, sic ipsæ voluptates animales, quarum aliæ simpliciter communes, quæ communiter delectant omnia animalia, ut frigidum & humidum in potu, siccum & calidum in cibo, aliæ huic aut illi tantùm speciei animalium vel individuo communes, ut hoc frigidum & humidum in potu, hoc siccum & calidum in cibo. Quod posterius genus voluptatum, ut sit adventitium, habet tamen aliquid à naturâ, eò quòd ipsa corporis constitutio & cras, quæ naturalis est, multum nã multum conferat ad hoc vel illud expetendum, quomodo videas melancholicos ferè

ama-

amare amara, sanguineos suavia, septentrionales multam carnem, & multum potum, meridionales contrà olera & herbas. Neque obicem objicit Philosophicum prædisputatis, vel illud, quòd appetitus naturalis dividatur contra animalem, vel hoc, quòd voluptates naturales & non naturales non differant, nisi secundum diversa objecta, hoc est, materialiter, & secundum numerum, non speciem. Non illud, quia quòd appetitur appetitu naturali, idemmet potest appeti appetitu animali, cum fuerit apprehensum, v.g. cibus potus Venus ab animali: Non hoc, quia diversitas voluptatum naturalium à non naturalibus non est materialis tantum, sed etiam quodammodò formalis, in quantum procedit ex diversitate objecti activi, quod est bonum apprehensum, velut conveniens, absolute apprehensione, unde voluptates naturales, vel cum imaginatione particulari, deliberatione vé, unde voluptates non naturales. *Voluptas Bona sive Honestà* est, quæ fluit ex virtutù actionibus, sive operationibus virtuosis, quibus vir bonus delectatur. Homini propria, sicut ipsa virtutum actio, unde fluit. Atque hæc simpliciter & absolute bona scilicet. Dico simpliciter & absolute bona. Duplex enim est voluptas, alia absolute bona, alia comparatè, idquæ vel apparenter, vel verè, pro indole ac natura

turâ boni, unde denominatur. Ut enim se habet bonum, ita & facultas, & habitus, & quæ ex facultate vel habitu operatio, & subsequa voluptas: At bonorum aliud est simpliciter & absolutè bonum, aliud comparatè secundum quid atque alicui, huic aut illi, non omnibus, similiterquæ facultas habitus & operatio ex facultate vel habitu: Quare & voluptas, quæ vel bona absolutè, vel bona alicui, idquæ vel apparenter, vel verè. Voluptas absolutè bona est illa, quæ vera appellatur, qualis quæ ex virtutibus & bonis actionibus capitur: Voluptas comparatè sive alicui bona est illa, quæ in ægrotantibus, aut fame sitivè laborantibus, scabievè titillatis, esse solet. Hi namque eam voluptatem expetunt illi quidem, sed dum vel siti, vel fame, vel morbo laborant, aliàs non item, cum vera & absoluta voluptas ab omnibus expetatur. Atque hujus posterioris generis & commatis voluptas non tam est, quàm videtur, propterea quòd sit cum antegressâ molestiâ quâdam & dolore, non item, quæ generis & commatis prioris. Etenim voluptas, quæ capitur ex virtute & sciëntiâ, non magis molesta, quàm ipsa virtus & scientia, cum voluptas, quæ sequitur, proximè nascatur ex habitu virtutis & sciëntiæ. Unde efficitur, alteram ex eventu esse voluptatem, atque ex eventu jucundam & suavē, alteram verò
per

per se, adeoque per se & naturâ suâ jucundâ & suavem. Probatur utrumq; . Prius lemma hoc pacto: Voluptas, quæ est conjuncta cû dolore & cordolio, non est simpliciter voluptas, quia voluptas simpliciter excludit omnē dolorem: At voluptas, quam capimus ex cibo, potu, Venere, est conjuncta cum dolore: Ergò non est simpliciter voluptas! Posterius lemma illo: Voluptas, quæ est sejuncta à dolore, est voluptas simpliciter: Talis est voluptas, quæ est ex virtutibus & scientiis: Ergò voluptas simpliciter! *Atque adeò saltem aliquam voluptatem esse bonam & honestam, id verò probatur fide sequentium rationum.* I. Quia, quemadmodum bonum aliud simpliciter & absolute bonum, aliud verò secundum quid bonum, quoniam alicui bonum, alicui verò non, ita etiam voluptas, bono cognata, alia simpliciter atque absolute bona, alia secundum quid, ut modicò antè dictum. II. Quia, si bonum vel est habitus, vel operatio ab habitu profecta, igitur saltem aliquis habitus erit bonus, & aliqua operatio, si aliqua operatio, etiam aliqua voluptas, cû nullus effectus possit toto genere esse deterior suâ causâ, & per consequens nec voluptas. III. Quia saltem ista voluptas, quam percipit vir bonus & studiosus ex virtutum actionibus, est bona, immò optima. IV. Quia operatio sine impedimento,

mento, quam *ἀρετὴ πόδισος* vocant Græci, connexa cum voluptate: Beatitudo est talis operatio: Quare connexa cum voluptate: Quod si ita, minimùm illa voluptas erit bona, hoc magis, quia bonum nunquam induit naturam mali, nedum summum bonum, quale bonum beatitudo. V. Quia, nisi bona sit voluptas, aliqua duntaxat, efficietur inde, beatum non vivere jucundè, immò etiam molestè, atque ita homo beatus non tantùm in voluptatibus nullis erit, quod absurdum, sed hoc ampliùs in molestiis, quod absurdius. VII. Quia voluptas, aliis bonis addita, ea facit optabiliora accessione suâ: (Majus enim bonum virtus cum voluptate, quàm si sola sit, & voluptate destituta:) Quare bona, cùm bonum non augeatur nisi homogeneo, hoc est, bono. VIII. Denique, quia voluptas ab omnibus expetitur, tam ratione utentibus, quàm ejus expertibus, tam bestiis, quàm hominibus. Quod autem ab omnibus expetitur, illud videtur esse per se bonum, cùm bonum sit, quod omnia appetunt, saltem bonam, saltem non malum, uti corporis voluptas, quæ bona, si non simpliciter & de se, minimùm ex eventu, sicut medicina, quæ ut non sit bona simpliciter, est tamen bona ægrotanti. Quin immò corporis, quàm dixi, voluptas bona diciquæ potest, diciquæ debet. Dici potest, quia,

quia, quâ ratione non malum dicitur etiam bonum, eâdem & corporis voluptas, necessaria tamen, vel ad corporis sustentationem, vel ad sobolis propagationem, non supervacanea & exorbitans, quæ modum excedit ac terminum, quem recta ratio præscribit, naturæque necessitas postulat: *Eccur?* Quod namque non malum idem, quia remotum à malo, hujus remotionis sive orbatationis ratione bonum quoque dici solet. Sed non propriè scilicet, cum verè bonum non sit tale orbatatione mali, verùm contrà potius malum orbatatione seu privatione boni, deinde bonum μέχρι τοῦ aliquatenus, & usque ad aliquem terminum, quatenus videlicet servatur mediocritas, rationisque præscriptum, ac naturæ desiderium, quod si non teneatur atque observe- tur, statim voluptas corporis desinit esse bona, etiam necessaria. Unde non solemus pravos appellare eos, qui utuntur cibo & potu tanto, quanto opus est, sed qui nimio. De Venere alia videtur esse ratio, quantum ad necessitatem, quia non est necessaria pro vitâ individui eâ utentis, sed omnis superflua ut sic, necessaria interim pro generatione alterius individui. Dicitur quin etiam debet, quia oppositus dolor corporis est in malis, sive sit positivus, qui à malorum præsentia, sive privativus, qui à bonorum absentia, contrariorum autem alterum

rum

rum si est malum, tunc alterum certè vel bonum, vel saltem non malum fuerit, quoniam contrariorum contraria, ut ratio, ita consecutio. Sed & hîc lapides offensionis se offerunt benè multi & magni, qui amovendi de viâ, ne quis viantium in tenebris Philosophicis arte factis, quas sepiâ obijciunt, cespitet. Ajunt primò: Bonum habere rationem finis: Voluptatem non habere rationem finis, sed mediî ad finem ducentis: Quare non esse bonam! Sed ajunt scilicet. Etenim saltem quædam voluptates habent rationem finis, nominatim illæ, quæ proficiuntur à perfectâ operatione naturæ non indigentis, qualis theoria, seu mentis contemplatio, quæ finem habet in se ipsâ, qualis item praxis, seu virtutum moralium actio, in quâ voluptas finis ejus, si non primarius, tamen secundarius. Ajunt secundò: Bonum esse qualitatem: Voluptatem non esse qualitatem: Quare nec quid bonum! Sed ajunt scilicet. Etenim non omne bonum in prædicamento qualitatis abscissè, sed aliud in substantiâ, ut mens, in quantitate, ut mediocritas, in qualitate, ut virtus, in relatione, ut bona utilia, in actione, ut edere, in passione, ut curari, in ubi, ut esse in locis pacatis, in quando, ut occasio, in situ, ut sedere, in habitu, ut splendidè vestitum esse. Taceo, quòd voluptas sit qualitas, cùm sit perfectio

Actio formalis operationis, & quidam quasi affectus ejus proprius, licet non sit in eodem cum eâ prædicamento. Neque enim requiritur necessariò, ut affectus sit in eodem prædicamento, in quo est subjectum talis affectus, v.g. beatitudo in eodem prædicamento cum homine beato beandové. Ajunt tertio: Omne bonum esse definitum: Voluptatem non esse definitam, eò quòd recipiat magis & minùs, utquè intendi ita remitti possit: Quare non esse bonam! Sed ajunt scilicet. Etenim non omnes voluptates magis & minùs recipiant, non utique puræ & simplices, quales contemplationis & virtutis, quæ semper eadem sunt. Quin immò, nulla voluptas, quæ talis, sumpta in abstracto, propriè, & de se, deque naturâ suâ internâ, suscipit magis & minùs, non plùs quàm habitus, qui etsi magis & minùs capiat ratione qualitatum patibiliùm, quæ sunt in rebus subjectis, & sic voluptas ratione suscipientium voluptatem, sive voluptate affectorum, tamen per se id, quòd magis & minùs, non capit. Exemplo sit scientia, quæ, quâ parte est habitus, magis & minùs non capit, licet capiat, quâ parte inest in hoc, vel illo, major in hoc, minor in illo, atque ita ratione hominum sunt gradus scientiæ, similiterquè voluptatis. Sed nec omnia ocyùs indefinita sunt, quæ recipiunt magis & minùs. Virtutum quipè

pè actiones intenduntur & remittuntur, neque tamen indefinitæ sunt & malæ, etiam sanitas recipit magis & minus, neque tamen in rebus indefinitis & malis est ponenda. Ajunt quartò: Artem occupari circa bonum: At nullam artem ordinari ad voluptatem: Quare voluptatem non esse quid bonum! Sed ajunt scilicet. Et enim primò non omnis boni ars, sed exterioris factibilis. Deinde falsum, voluptatis non esse artem. Habent siquidem etiam voluptates suas artes, pulmentariam, pigmentariam, unguentariam, apothecariam, obsonatoriam, coquinariam, coronariam, structoriam. Quanquam quid opus, voluptatem esse opus alicujus artis? Artes enim non pertinent ad opera & munera, seu energias, sed ad potestates, neque operatio propriè est artis, sed potentia, quæ habet talem habitum, id est, artem. Notum siquidem hæc tria, potestatem habitum & opus, seu munus, se deinceps sequi, ita ut præcedat *δύναμις*, quæ respectu artis est principium quod, sequatur habitus, qui fundatur in eâ; habitum porrò *ἐνέργεια*: Jam verò habitus non est operis seu muneris, verum potestatis, quæ perficitur ex habitu, cujus vis omnis in perficiendâ potestate est posita, ex eo demum jam perfectò emanat actio. Quemadmodum ergò nullus habitus est actionis, sed potestatis, ita

nec artes, quæ & ipsæ sunt habitus, ad actionem pertinent, sed potius ad potestatem. Quod si artes non sunt actionum, ut sunt, nec voluptatis, quæ & ipsa est actio, propriè erit ars, voluptasquæ idè non erit bonum artis, sed potentiæ. Ajunt quintò: Voluptates turpès esse & probrosas, v. g, voluptatem meretriciam, adulatoriam: Quare non bonas! Sed ajunt scilicet. Præterquam enim, quod non omnes voluptates probrosæ sunt & turpès, sed quædam, etiam illæ ipsæ, quæ tales, sunt tales per accidens, quatenus videlicet sunt in subjecto turpi, exquæ rebus atque actionibus turpibus percipiuntur, quomodo valetudini consulere, dum id mediis fiat licitis modò, honestum est, quia valere bonum, ideoquæ expetibile, at turpè, si id fiat mediis illicitis, si quis v. g. elephantiasî laborans, valetudini consulat humanis carnibus, aut haustu sanguinis infantium, quam curationem sibi quæsisisse fertur Franciscus Secundus. Vacare eo morbo sanè bonum, verùm cùm sanatur ejusmodi remedio, id non bonum, sed malum. Ne dicam, non omnia, quæ turpia sunt, statim propriè atque absolutè jucunda esse, verùm captantibus ea. Quemadmodum enim, quæ ægrotis amara sunt vel dulcia, quæquæ cœcutientibus alba flavæ cœruleæ, non verâ re sunt talia, sed ægrotis tantùm, ictericis, lippientibus, ita
nec

nec illa, quæ improbis jucunda videntur, statim per se jucunda sunt, verum improbis tantum, & malè affectis. Ajunt sextò: Voluptates corrumpere prudentiam, impedireque judicium rationis: Quare malas esse. Sed ajunt scilicet. Etenim non omnes voluptates hoc faciunt, sed quædam. Sunt quippè duplices voluptates, quædam ejus, in quâ versantur, actionis propriæ, atque hæ prudentiam non tantum non impediunt, sed etiam promovent, quædam verò alienæ ab eo, quod agimus, atque hæ impedimentum objiciunt, ut rō ludere, saltare, potare, non alteræ illæ. Etenim voluptas, quæ prodit ab operatione sapientis & prudentis hominis, juvat validè sapientem & prudentem, neque ulla alicujus habitus propria voluptas impedit habitum, à quo prodit. Unde videre est, suâ quemque in arte, qui ex eâ voluptatem capiat, magis nescio quomodo excitari ad eam excolendam, sicque voluptates contemplationis ac disciplinæ immane quantum proficere ac conferre ad contemplandum & discendum, contrà verò, qui dolorem ex aliquâ arte capiat aut fastidium, eum planè jaceré, neque aliquod operæ precium facere. Quæ ergò voluptates prudentiam corrumpunt, & judicium rationis impediunt, quæ? Alienæ, non propriæ. Sic voluptatem ex potu videas remorari studia sapientiae,

entia, quia ab his aliena. Similiter, si quis spectet histriones eleganter ludentes, & casu prætereant tympana, aut funambulus artis suæ specimina edat, cernas illum desertis histrionibus mox decurrere ad funambululum, cur, nisi quia illum magis afficit hæc voluptas, quam capit ex funambuli actionibus, quàm altera illa, quam capiebat ex scenicis gesticationibus, quâ de re plura sequenti capite. Ajunt septimo: Malum non tantum bono sed etiam malo opponi contrariè: Quare & dolorem ut sic voluptati, hoc est, non tanquam malum bono, sed tanquam malum malo! Neque enim v. g. valet: Prodigalitas est opposita avaritiæ, ut rei malæ, ergò bona! Utenim valeat hæc consequentia in contrariis, quæ non habent medium, eò quòd remoto uno ponatur alterum, & posito uno removeatur alterum, ut non est sanum, igitur ægrum, vel est sanum, igitur non ægrum, tamen non valet in contrariis, quæ habent medium, ut non est album, igitur nigrum, cum possit esse viride, fuscum, aut similis coloris: Gemino pacto in nostro argumento non valet, hoc opponitur malo, igitur bonum, cum possint esse duo extrema mala contraria, mediumquæ bonum per negationem extremorum, inter prodigalitatem v. g. & avaritiam liberalitas, & sic voluptatem inter & dolorem indo-

dolentia. Id quod videtur voluisse Speusippus, Platonis filius, qui sic arguebat: Non, si voluptas & dolor sunt contraria, quorum alterum constat esse malum, continuò alterum ut sit bonum necesse est. Nam utrumque malum esse potest, cum & malum malo sit contrarium, & utrumque bono, seu ambo ei, quod neutrum est, quemadmodum majus minori est contrarium, & utrumque æquali, vitium vitio, & utrumque virtuti, & sic voluptas dolori, & ambo τῇ ἀλυσίᾳ sive doloris vacuitati. Ut ita Speusippo voluptas constituat unum extremum malum, dolor alterum extremum malum, medium autem bonum vacuitas doloris. Sed & hi ajunt scilicet. Et enim, si dolor voluptati, ut malum malo, opponeretur, tum voluptas suâ naturâ & simpliciter malum foret, non effectu solo, omnesque adeò voluptates malæ essent, & sub genere mali, siquæ competeret generi, ut esset malum, competeret etiam speciebus illius generis. Adde, quòd sic efficeretur, voluptatem quòque fugiendam esse. Nam si utrumque est malum, dolor & voluptas, utrumque fugiendum: Atqui dolorem omnes fugiunt, ut malum, voluptatem verò expetunt, ut bonum: Ergò non malum utrumque, neque ideò fugiendam utrumque. *Voluptas Mala sive Turpis* est, quæ fluit ex vitiorum actionibus, sive

sive vitiosis operationibus, quibus vir malus delectatur. Et ipsa homini propria, sicut vitiorum actio, unde fluit. Non jucunda ἀπλῶς absolutè, verùm χαλικῶς relatè, in ordine ad subjectum, hoc est, malos scilicet, quibus arridet. *Atque adeò saltem aliquam voluptatem esse malam & turpem, id verò probatur fide sequentium rationum.*

I. Quia, si omnis voluptas foret bona, nulla mala, aut omnis mala, nulla bona, sic nullum ampliùs daretur discrimen inter voluptatem illam, quam affert adulator, & hanc, quam affert amicus, cùm tamen illa sit turpis, hæc honesta. II. Quia nonnullæ voluptates sunt per se pravae, ut voluptates carnales, quæ consistunt in scortatione, heliuatione, inguine, inquam, & gulâ, & universè voluptates moraliter malæ, quæ percipiuntur ex vitiosis actionibus. III. Quia τὸ delectabile secundum Thomam dicitur secundum appetitum, sicut τὸ honestum atque utile secundum rationem: Atqui appetitus quandoque tendit in illud, quod non est conveniens rationi, vel æstimatur ut conveniens, cùm non sit: Ergò non omne delectabile est bonum bonitate morali, quæ attenditur secundum rationem: Quare quoddam malum. Sed & in hoc freto difficultatum scopuli se promunt & produnt, qui è medio tollendi, ne quis cum Platonis, qui volu-

T

ptatem

pratem in bonorum esse numero negabant, ad illos per inscitiam impingat. Ajunt primò: Voluptatem omnem esse ortum seu generationem, quæ nec finis, nec de genere finis, cum sit motio quædam ad finem, ut ædificatio ad domum: Quare non magis esse bonum, quàm ædificatio est domus, cujus est ortus: Ideoque omnem malam, nullam bonam ex hoc capite! Sed ajunt, nixi falsâ hypothesi, cujus fulcra subruimus suprâ. Ajunt secundò: Viram prudentem expetere ac persequi τὸ indolens sive indolentiam, id est, doloris vacuitatem, ut cui satis sit abesse à doloribus, non etiam τὸ jucundum seu voluptatem: Quod autem vir prudens fugit, immò fugitat, id haud dubiè malum esse: Quare malam omnem voluptatem, non aliquam tantùm! Sed ajunt. Etenim, quemadmodum homo virtuosus, nominatim vir temperans, non fugit omnes voluptates, id quod facit ἀναισθητός stupidus, verùm immoderatas & inordinatas, quæ toto genere malæ: Sic vir prudens, qui regula humanorum actuum, non fugit promiscuè omnes voluptates, verùm exorbitantes atque extravagantes tantùm, quia hæ malæ, æquæ solæ, non etiam reliquæ. Ajunt tertio: Voluptatem menti ac sapientiæ esse impedimento, quò majorem, hoc majori, cum impediat & ὀφθαλμοῦ, & ὁράων, & νοήσιν: Quod autem ta-

le.

le, id non esse bonum, cum bonum bono non contrarietur, sed malum: Quare omnem voluptatem esse malam, non aliquam tantum! Sed ajunt. Neque enim omnes voluptates hoc faciunt, sed quædam, neque voluptas considerata in se, verum considerata ex eventy, quomodo Martem legimus, voluptatis vinculis irretitum à Vulcano, nihil præclari gerere potuisse, Venere obstante. *Voluptas Media sive Indifferens* est, quæ nec moraliter bona si-ve honesta, nec moraliter mala si-ve turpis, qualis corporis voluptas, quæ in genere nec bona, nec mala, ut actiones, unde oritur. Quod si modum excedat, prava est, qualis phagonum ebriosorum & libidinosorum si-ve libidinantium voluptas: Sin contineat se justis ac debitis terminis, media est, quoniam illâ homines & rectè uti possunt, hoc est, ex virtute, atque ad bonos & laudabiles fines, & malè, malo videlicet consilio, atque ex vitio cum Catalinâ: Naturâ interim suâ si æstimeretur, potius sanè bona fuerit civili bonitate, quàm mala, quoniam à rerum conditore est concessa, ut eâ ad propriam conservationem, quæ individui, & aliorum propagationem, quæ speciei nomine venit, excitemur. Sed de divisionibus voluptatis hæc digito indice indicasse sufficiat.

CAPUT XLVIII.

An & cur Voluptates inter se specie differant ?

Voluptates inter se specie differunt, cum ob alias rationes, tum ob has. I. Quia, quæ specie differunt, ab iis, quæ specie differunt, perficiuntur, quoniam quales effectus, tales causæ: At actiones mentis & sensuum specie differunt, sicut & ipsorum sensuum operationes invicem, ut intelligere, ratiocinari, velle, appetere, videre, audire, hæquæ à voluptatibus perficiuntur: Igitur & voluptates specie differunt, ut quæ sint perfectiones operationum specie differentium! Patet ea res ad oculum exemplo rerum naturalium, atque arte factarum. Etenim animantes & arbores, res naturales, ideò, quia aliter atque aliter perficiuntur, animantes sensuum acumine & vigore, arbores fructuum fecunditate, specie differunt, similiter tabulæ pictæ & signa, vasa domus atque suppellectilia, res artificiosæ, ideò, quia aliter atque aliter perficiuntur, harumquæ aliud atque aliud est τέλος, meritò & ipsæ inter se specie differunt, sicut operationes sensus ab operationibus mentis, operationes mentis ab operationibus sensus: Quare & voluptates, quæ sunt perfectiones earum! II. Quia opera-

operationum specie differentium aliæ aliarum suæ sunt & propriæ voluptates: Subjectis autem specie differentibus, differunt & τὰ πρῶτα subjectorum, quæ rerum subjectarum naturam sequuntur, secundum earum differentiam ac diversitatem: Ecce? Quia enim idem specie id dicitur, quod in eodem primò est subjecto, contrà differre specie, quod in dissimili, quomodo fuscum & de colore & de voce dicitur semirauca, quæ duo, quia dissimillima sunt subjecto, idè fuscum vocis à fusco coloris specie differt, & sic voluptates operationum specie diversarum, quarum quæque actiones suas amplificanc atque augent, quæ autem augent, ea sunt propria eorum, quæ augent: Cùm igitur voluptates augentes operationes sint illis conformes & propriæ, operationes autem diversæ sint specie, procul dubio & ipsæ voluptates specie diversæ erunt. Quæ enim cognata familiaria conjuncta ac propria sunt rebus specie differentibus, illa ipsa quoque specie discernuntur: At voluptates iis, quæ specie differunt, conjunctæ sunt & propriæ, quia augent operationes, faciuntquæ ut alacrius suscipiantur, faciliusquæ perficiantur, quomodo Geometras videmus evadere excellentes, qui studiis Geometricis delectantur, similiter Arithmeticos, Musicos, &c: Igitur ut specie disparatæ sint, necesse est!

III. Quia voluptates diversarum operationum effectus contrarios ac specie diversos producant, quæ autem sunt talia, & ipsa sunt diversa specie. Hoc exemplo albedo & nigredo, quæ edunt effectus contrarios & diversos, quia albedo disgregat, nigredo congregat visum, sunt diversa specie, similiterquæ voluptates suæ atque alienæ, quarum illis actiones adjuvantur, his impediuntur interrumpuntur ac corrumpuntur. Q. d. Quæ diversas actiones comitantur, sibi quæ invicem impedimento sunt, illa non sunt eadem species, verum distinctæ, quoniam sicut similia similibus augentur, ita contraria contrariis perimuntur: Atqui voluptates suæ & alienæ, siue propriæ & peregrinæ, diversas actiones comitantur, sibi quæ invicem sunt impedimento: Ergo sunt diversæ specie! Quod si enim voluptates specie differentes habent effectus, igitur & ipsæ species differunt. Ita, v. g., qui cantu tibiâ & musicis delectantur, illi colloquia sermones historias fabellas magni non faciunt, nec iis aures præbent, siquidem tibiâ audire liceat, & universè, si duæ occurrant actiones, duobusquæ agendis occupemur, id, quod jucundius, obfuscatur alterum, quod minus habet voluptatis, quin immò, si una actio longè plus, quàm altera, afferat voluptatis, unam ferè persequimur, alteram con-

trà omittimus, atque aded, quæ leviter
saltem & modicè nos delectant, ea non nisi
obiter & perfunctoriè agimus, alioquè in-
terim subindè propendemus, sicuti fieri as-
solet in theatris. Quodd si enim histriones,
gladiatores, & his similes homines, imperi-
ti sint, minusquè placeant, tum verò spe-
ctatores bellaria edunt, aut aliquid alterius
rei faciunt, parum ad ea, quæ geruntur,
attendentes. Quorsum hæc? Ut ostenda-
tur, non tantùm in genere voluptates in-
ter se differre specie, sed nominatim pro-
prias ab alienis, alienas à propriis. Est au-
tem voluptas propria, quæ ex eâ ipsâ re,
quæ agitur, ex ejus, inquam, actione capi-
tur, sicut voluptas aliena, quæ capitur ali-
undè. Inter quas hoc intergerini discrimi-
nis, quodd voluptas propria per se comita-
tur operationes suas, illisque cohæret, e-
asquè perficit, & diuturniores ac meliores
reddit, voluptas verò aliena per accidens
comitatur actiones, ad aliasquè transfer-
tur, easquè impedit, neque tamen eodem,
quo proprius dolor, modo, qui & ipse acti-
onibus est impedimento, verùm dissimili-
ter. Voluptas namque aliena hoc facit blan-
diendo, dolor verò proprius offendendo, il-
la avocando animum suaviter ab aliis fun-
ctionibus, & ad suas pelliciendo, hic vio-
lenter eum abstrahendo, illa suaviter, non
violenter, quia contraria dolori, hic violen-

ter eum abstrahendo, illa suaviter non violenter, quia contraria dolori, hic violenter, non suaviter, quia contrarius voluptati. Unde porro consequitur, dolorē magis nescio quomodo impedire actiones, quā alienā sive peregrinā voluptatē, quia hæc minuit tantū operationes, dolor verò vel destruit productas, vel impedit producendas. I V.

Quia, cū voluptatum aliæ sint bonæ atq; honestæ, aliæ malæ atque inhonestæ, aliæ mediæ sive indifferentes, sicut actiones, quas consequuntur, his specie differentibus, non possunt non etiam specie differre illæ. V.

Quia & cupiditates actionum specie differunt, quare & voluptates! Quā de re? Quia enim voluptates conjunctiores sunt actionibus tempore & naturā, ut quæ eodē tempore sint cū actionibus, tanquā assiduæ atq; accubæ comites earum, ejusdē quin cum ipsis ferè naturæ, adeò ut vix ullum discrimen inter eas sit reperire, cū contrā cupiditates ab actionibus tēpore sint disjunctæ, illæ priores, hæ posteriores, cū prius quid cupiamus operari, quā operemur, tēpore autem immò naturā, quia actio actus perfecti, non itē cupiditas. VI. Quia voluptatum objecta inter se pecie differunt. Alia quippè est voluptas liberalis, alia temperantis, alia fortis, quia ex alio objecto. VII. Quia earundem quoq; etiam subjecta, hoc est, ii, in quibus sunt voluptates, specie differunt. Alia quip-

quippe est voluptas equorum, alia leonum, alia urforum, alia hominum, qui non solum voluptates habent diversas ab aliis animantibus, verum etiam inter sese. Nam, quæ pravæ sunt, pravis placent, quæ verò honestæ, illæ probis arrident, alia musico, alia amuso, adulatori alia, amico alia. Formula. Si diversorum specie animalium diversæ sunt operationes inter se, cuique illorum propriæ, hoc est, specie diversæ, ergo & voluptates, quæ operationum sunt comites, quæquæ ita se habent, sicut se habent illæ: Verum prius: Ergo & posterius! Quæ in contrarium in circulis semidoctæ multitudinis obijciuntur, non ferunt punctum, putà: Quod voluptati contrarius sit dolor, quare non voluptas, cum unum uni sit contrarium: Quod una voluptas non videatur posse impedire aliam, v.g. voluptas, quæ in parte appetitivâ, eam, quæ in parte apprehensivâ, eò quod ea, quæ non sunt in eodem, etiam si sint contraria, non se impediunt tamen: Quod voluptas sit quædam quies, ideoque non impediatur rationem, cum quies vel maximè conferat ad debitum rationis usum, quoniam anima sedendo & quiescendo fit sciens: Quod, sicut voluptates propriæ, & dolores alieni, actiones provehunt, promovent ac perficiunt, ita voluptates alienæ, & dolores proprii, videantur easdem proque vehere, proque movere ac

perficere: Quòd denique, si animalium specie differentium diversæ sint specie voluptates, animalium eorundem specie, persuade hominum, easdem conveniat esse specie voluptates vi oppositionis! Non primum. Quia nihil impedit, quòd minùs, licet v. g. virtus virtuti non sit contraria, duo nihilominùs bona sibi adinvicem sint contraria, v. g. calidum & frigidum, quorum alterum est bonum igni, alterum aquæ, & sic voluptas voluptati, aliena propriæ. Excipis: Siquidem voluptati contraria sit voluptas, hoc fore propter contrarietatem eorum, quibus quis delectatur: Sed hanc differentiam esse materialẽ, contrarietatem autem esse differentiam secundum formam: Quare contrarietatem nullam esse voluptatis ad voluptatem! Obex-
 cipio: Objecta voluptatis non tantùm facere differentiam materialem, sed etiam formalem, siquidem sit diversa ratio delectabilitatis: Cur id? Quia enim diversa ratio objecti diversificat speciem actus vel passionis. Accedit ad cumulum, quòd, licet omnis dolor voluptati sit contrarius in genere, quod nemo inficias it, non tamen ocyùs etiam contrarius sit in specie, v. g. corporis voluptati dolor animi. Nam certè sæpè placari videas Mûsicâ, quæ aurium voluptas, hominem iratum ex cõntumeliâ, qui dolor animi. Quin immò, utui dolor,

lor, quâ dolor, voluptati, quâ voluptas, sit contrarius, non tamen est contrarius voluptati nimiae, quâ nimiae, propriè scilicet & per se, nec nisi ratione voluptatem talem prosequentis, qui immoderatas quoque voluptates expetit, tanquam contrarias dolori expellendo, prohibenti eum, quò minus possit suo modo potiri voluptatibus, uti facit intemperans, qui nimias voluptates prosequitur, quia putat eas dolori contrarias, magnis voluptatibus magnos dolores, tanquam clavum clavo, expulsurus, cùm tamen non ipsam nimium voluptatis, sed ratione ejus, qui expetit nimium, incipiat illud dolori esse contrarium. Non secundum: Quia vis appetitiva & apprehensiva sunt quidem diversæ partes, verùm unius animæ, ideoquè non mirum, cùm intentio animæ vehementer applicatur ad actum unius, impediri ab actu contrario alterius. Non tertium: Quia, ut voluptas corporalis gaudeat quiete appetitus in delectabili, hoc tamen non obstat, quin hæc quies interdum contrarietur ac contraveniat rationi, ejusquè usum impediat. Non quartum: Quia voluptates propriæ id faciunt per se, dolores verò alieni per accidens, quomodo dolorem ignominiae & paupertatis multorum animos majorem ad diligentiam inflammare videmus. Non quintum & ultimum: Quia,

ut aliis animalibus convenientibus specie quædam sint propriæ voluptates, v. g., equis omnibus quædam voluptates accommodatæ, similiter leonibus, tamen in homine secùs se res habet. Nam alia alios delectant, alia alios perturbant, alia aliis sunt jucunda & chara, alia aliis molesta & odiosa. Sic vitiosa molesta sunt probis, delectant improbos. Similiter ægrotis & sanis non eadem jucunda, non eadem, v. g., dulcia febre laboranti, quæ bellè valenti, non eadem calida imbecillo, quæ firmo corpori, sed nec eadem atra vel alba hebeti oculorum aciei, quæ acri, quoniam hæc variantur pro affectione subjectorum. Cur autem alia animalia, quæ sunt ejusdem speciei, quæque in specie suâ habeant proprias voluptates, homines non item, ratio hæc esse videtur, quòd alia animalia ferantur instinctu naturæ ad suas voluptates, homo verò ratione atque electione, ex quibus hominibus alii habent corruptum judicium, alii integrum, ideoque diversas, ut operationes, ita voluptates. Adde, quòd alia animalia agantur potiùs, quàm agant, cùm homo sit liberi arbitrii particeps, ideoque sequendo diversa voluptaria diversas persequatur voluptates.

CAPUT XLIX.

An & cur nulla Voluptas possit esse perpetua?

petua? Nec idem esse iucundum semper? Curquē adeò tantoperè nova delectent?

Cur voluptas nequeat esse continens aut perpetua, sed, quæ prius voluptatem attulerunt, postea fastidium pariant ac dolorem, quæstionis est. Causa negativæ hæc esse videtur, quia homines nequeunt assiduam operationem perferre, ideoquē nec voluptatem capere assiduam. Sed cur nequeunt assiduam operationē perferre homines? Quia enim delassantur exhaustis ac confectis spiritibus, quorum adminiculo suis operationibus incumbūt, unde fit, ut cogitatio & animi attentio remittatur, voluptasquē languescat ac relentescat, primū obrepente satietate, deinde planè cesset, & in fastidium ac dolorem desinat. Operatio illa hominum vel sensitiva est sive sensus, vel intellectiva sive intellectus. Si sensitiva, defatigantur instrumenta sensus: Sin intellectiva, non defatigatur quidem intellectus de naturā suā, quia non dicitur esse in instrumento corporeo, quia tamen illis utitur, quæ sunt in instrumentis talibus, hoc est, phantasmatibus, condefatigatur. Quare, cū instrumenta defatigantur, quæ deserviunt subministrantibus intellectui, merito nā merito dicitur, quod homo defatigetur, neque possit continuè operari, ut

Deus, in quem nulla cadit lassitudo aut defatigatio: Quod si homo nequit continuè operari, ergò nec gaudere continuè, quoniam cum remittitur aut cessat operatio, insimul remittitur aut cessat voluptas. Scilicet permanente actione perfectâ permanet voluptas, & cessante cessat: Cum ergò homo faciliè agendo delassetur, sine què alternâ quiete durabilis non sit, mirum non est, in ipso non dari voluptatem perpetuam, vel ideò, quia facultas naturalis, diu in eandem rem defixa, amittit proportionem ad eam, cum omnes humanæ functiones ad certum limitatæ tempus sint, quod si excesserunt, facultas fatigatur & fatiscit, exquè iis, quæ vel gratissima fuerunt, molestiam ac fastidium percipit. Quid multis? Tam diu durat voluptas, quàm diu eodem affectæ modo sunt, & facultas, & res subjecta. Facultas est bipartita, sensus videlicet & ratio, res quoque est bipartita, altera, quæ sub sensum, altera, quæ sub rationem cadit. Prout hæ res, hoc est, facultas & res subjecta, vel manserint, vel mutaverint, durabunt quoque vel mutabunt voluptates, atque ita pro harum rerum discrimine voluptatum quoque erunt gradus, ut, in quo acrior oculorum erit acies, majorem is capiat voluptatem, quàm is, in quo habetior est & obtusior. Par mentis ratio. Quare tam diu perseverabit in operatione.

peratione voluptas, quàm diu ex unâ parte objectum, quod est aut sensibile, aut intellectuale sive intelligibile, fuerit conveniens, & ex aliâ parte discernens sensus, vel contemplans intellectus, fuerint hujusmodi, id est, benè dispositæ potentiæ, & objecta optima. Quibus duabus rebus in suo statu manentibus, eadem est, eademque manet voluptas. Cùm enim bona dispositio potentiæ percipientis, & objecti conformitas, sit causa voluptatis, durante tali convenientiâ ac dispositione, voluptatem quoque durare necesse est. Tàm diu ergò durabit in operatione voluptas, quàm diu ea, quæ sunt causa voluptatis, taliter se habebunt, ut dixi, quoniam non mutatâ causâ manet effectus, non durabit, si contrâ se res habeat, habere vè incipiat. *Sed* ☞, *cur idem nequeat esse jucundum semper, ☞ ipsum quæstionis est, ex priori aptæ natæ.* Causa negativæ iterum est homo caducus, subjectum voluptatis caducæ, homo mutabilis, subjectum voluptatis mutabilis, quem caducum rerum caducarum, mutabilem, vel ex naturâ perversâ, vel ex habitu perverso, rerum mutabilium capit satietas, vel ipso opificio hominis id loquente, cujus natura non simplex & uniusmodi, sed ex duabus rebus mixta, animo videlicet & corpore, ex quibus duabus partibus & naturis cùm constet homo, aliudque delectet

delectet corpus, aliud animam, propterea-
 què homo nunc se vertat ad unam volu-
 ptatem, accommodatam animo, nunc ad
 aliam, accommodatam corpori, quarum
 altera est præter naturam alterius, mirum
 non est, non eandem homini semper sede-
 re voluptatem, neque unam eandemquè
 semper illi esse jucundam, quin potius,
 quod uni jucundum, id alteri sæpè esse
 molestum, prout videmus contemplatio-
 nem menti esse jucundam, non item sensi-
 bus, similiter cibi functionem famelico ju-
 cundam, saturo contrà molestam. Tribus,
 quod ajunt, verbis: Cùm hominis natura
 sit ex duabus diversis partibus temperata,
 ex animâ putà & corpore, immortali &
 mortali, immateriali & materiali, simplici
 & composito, hinc fit, ut non semper idem
 delectet, sed hoc animo illud corpori arri-
 deat, proquè diversâ constitutione idem
 nunc placeat, nunc displiceat. Sic littera-
 rum v.g. studia, grata animo, molesta cor-
 pori, gulæ contrà & ventris voluptates, gra-
 tæ corpori, molestæ animo. Sic, quos sa-
 nos in divitiis arcem voluptatis collocare
 videas, eosdem ægros factos præferre volu-
 ptatem, quæ ex sanitate, ei, quæ ex diviti-
 is. Quo loco norandum, si partes hominis
 sint exæquatæ, hoc est, cùm homo secun-
 dum utramque naturam, animam, inquam,
 & corpus, æquè agit, tunc nec voluptate,
 nec

nec dolore eum perfundi. Etenim quantum unaquæque pars ex sua voluptate gaudet, tantum ex diversa rursus dolet, ita ut neque verè doleat, neque verè gaudeat homo, utrâque ejus parte æquabiliter agente, hoc est, gaudente vel dolente. V. g. Sint duo, alter alterum læserit, tu me, ego te: Quia tu me læsisti, ego dolorem capio, quia ego te læsi, capio ego voluptatem. Ita est quasi æquilibrium quoddam, & homo nec verè dolet, nec verè gaudet in illo rerum articulo. Cùm enim animus gaudet, & corpus dolore afficitur, tunc planè homo nec propriè dicitur gaudere, nec dolere, v. g. Posidonius Philosophus, qui ratione animi gaudet, quando disputat, ratione corporis dolet, quia laborat articulari morbo, qui cùm, sicut ex disputatione voluptatem, ita ex morbo dolorem capiat, neque dicendus, quòd propriè gaudeat, sed nec quòd doleat. Usque adeò nihil ab omni parte & semper jucundum! *Denique, cur tantoperè delectent nova, non minùs quæstionis est.* Causa ejus rei est de nuò homo, qui cùm constet ex duabus partibus diversis, uti dictum, quibus non semper eadem grata ac jucunda, non potest non exinde novitatis studio capi, & respectu animæ, & respectu corporis. Respectu animæ. Mens siquidem, quàm primum quippiam nobile ac præstans se offert

fert contemplandum, acriter atque attentè ipsum intuetur, eoquè cognito de studio & ardore remittit, quod ubi fit, voluptas condeſcinit ac condeſcicit, quoniam ut omnium rerum ſua eſt ſatietas, v. g. ſomni, amoris, Muſices, ſaltationis, ita etiam voluptatis: Verùm ſi priori objecto quid aliud recens ſupponatur, nã tunc denuò mens intelligentiã ſuã contendit, voluptasquè poſtliminiò redit, atque hoc pacto novis rebus noviter delectatur mens. Scilicet objecta re aliquã novã trahitur quaſi mens & provocatur ad intenſè operandum, hoc eſt, ad rem talem percipiendam vehementer, magnoquè adeò cum ardore ac contentione, quam vehementiam vehemens ſequitur voluptas, annexa tali operationi, ſed poſtea re illã cognitã remiſſior fit operatio, & quia remittitur operatio, ex conſequenti ipſa quoquè remittitur voluptas, nec antè intenditur, quàm præintendatur mens, præſentante ſe novo objecto alio atque alio. Reſpectu corporis. Hoc quippè conſtat ex quatuor elementis, totidemquè humoribus, quorum contrariæ ſunt qualitates, quarum qualitarum prædominium facit, ut rebus diverſis afficiatur corpus, neque eadem ſpecie ſemper appetat, quod corpus ſic affectum afficit animum, ſibi familiariter junctum, etiam hãc parte. Sed & ideo novã delectant, quia,
que

quæ per intervalla & vices obveniunt, rara, & sic chara, evadunt, ipsâque vicissitudine afficiunt animum varietateque, quam aded desiderat natura nostra, ut expleri nullo modo possit, quo fit, ut absque molestiâ diu eâdem re distineri ac detineri nequeat, a quæ aliarum rerum cognitione excludi, subindeque ideò nova ex novis appetat, appetitu modò intensiori, modò remissiori. Unde omnia ferè principia fervere solent, media tepere, ultima languere sive frigere, quoniam quò magis à principio elongantur res, hoc minùs novæ sunt, magis antiquæ. Usque aded cunctarum novitas gratissima rerum! Nimirùm hic humanæ consuetudinis mos, ut variata nescio quomodo plus capiant, & fastidium præstet omne, quòd satiat, contrà alliciendi vim habeat, quod non valdè familiare est, quomodo novitatem libris lenocinari videas, platanosquæ in hortos recipi saltem umbræ atque oblectamenti causâ, & plerosque aded mortalium malle imperare juvenem Jovem, quàm Saturnum senem. Verùm ἐπιχῶ, ne præsumat ipse νεωπρίστει juveniliter, non ἀρχαίῳ seniliter.

C A P U T L.

Opposita ut definitio ita divisio Doloris.

Dolor, Voluptati oppositus, finitore Aristotele & sequacibus, vi oppositionis, est
im-

imperfectæ operationis accidens, sive imperfectio operationis extrinsecus accedens : Qualitas, inquam, quædam operationis, prodeuntis ex facultate, cum impedimento. Vel plenius & planius. Dolor est imperfectio formalis accidentalis operationis potentiæ percipientis, proveniens ex malâ dispositione potentiæ, & objecto, quod potentiæ non respondet. Scaligero est sensio sive perceptio rei incommodæ cum læsione. Quæ definitio Scaligeriana pensior in comparatione alterâ, quam habet Damascenus, qui dolorem finit, quod sit motus appetitivæ virtutis sensibilis, in imaginatione boni & mali. Quæ definitio ne ipsi quidem satis probatur Scoto, qui terminum sensibilis mutat termino perceptibilis, & imaginationis elementum elemento sensationis, quæ sit in sensu communi, quâ sensatione interveniente fieri ait approximationem agentis ad patiens, cum eâque conjunctam esse vult impressionem passionis, quæ sit dolor. Quicquid sit, ut Voluptas, ita Dolor, ex Subiecto dividitur in Dolorum Animi & Corporis, ex Causâ, in Simpliciter Communem, & Secundum quid Communem sive Proprium; denique ex Adjuncto, in Bonum Malum & Medium. Dolor Animi dicitur, qui animo sic percipitur, ut ad corpus nullo modo pertineat. Consequitur siquidem solam apprehensionem

nem interiorem alicujus mali, repugnantis animo, ut ita dolor animi, rectè posito calculo Philosophico, censeatur atque æstimetur ex malo conjuncto appetitui, per sensum interiorem, sive phantasiam, sive rationem, apprehenso, qui inde dolor interior Thomæ. *Dolor Corporis* dicitur, qui sensu externo percipitur, ideoque ad animum ita spectat, ut corpus etiam afficiat. Consequitur siquidem solam apprehensionem sensitivam exteriorem alicujus mali, reipsâ nos lædentis, & malè afficientis. Ut ita dolor corporis causetur ex malo conjuncto corpori, per sensum exteriorem apprehenso, qui inde dolor exterior Thomæ. Totuplex, quot sunt sensus. Alius namque percipitur ex visu, alius ex auditu, alius ex odoratu, alius ex gustu, alius ex tactu, quoties hi sensus à suâ constitutione, sive statu suo naturali, dimoventur, visus v. g. splendido lumine ac colore, vim ejus & virtutem disgregantibus ac dispergentibus, auditus in genere quovis strepitu violento, in specie, voce asperâ, gravi, maximâ, & celerrimâ, odoratus sive olfactus, in genere dissolutione vaporum nimis actuum, in specie sudore & fœtore, qui à sudore, gustus saporibus nimis pinguibus, austeris, acerbis, acidis, acutis, salis, amaris, ex quibus pinguis Veneri, austerus Jovi, acerbis Lunæ, acidus Mercurio, acutus

acutus Soli, falsus Marti, amarus Saturno, à fabulosâ antiquitate est consecratus, tactus nimis caloribus ac frigoribus, nec non iis, quæ tendunt, rodunt, rumpunt, fidem huic rei facientibus ipsis sensibus, qui sic de seipsis loquuntur, aut potius ut loquentes introducuntur à Ravisio :

Visus: *Lucem oculis video, & varios discerno colores!*

Auditus: *Consona me juvat, offendit symphonia discors!*

Olfactus: *Fragranti oblector, vitioso offendor odore!*

Gustus: *Inspidum & sapidum quid sit, me iudice constat!*

Tactus: *Sentio, quid calidum, & gelidum, quid molle, quid asprum!*

Sed maximè interim & proximè dolor corporis percipitur ex tactu, cuius symptoma dolor propriè & per se, ut quem causentur qualitates, vel primæ, eæquæ vel activæ, ut calor & frigus, vel passivæ, ut siccitas & humiditas, suâ vel positione, quomodo in siti parit dolorem qualitas positiva siccitas, non absentia humidi, vel privatione, quomodo ex humiditate nascitur dolor, cum immodicâ sui copiâ partem aliquam occupavit, v. g, ventriculum potus, vesicam urina, vel secundæ, ex contemperamentis primarum natæ, reliquorum vero sensuum symptoma per accidens, idquæ
aut

aut propter *αἰσθητικὰς*, quatenus sunt tactus
participes, aut propter objecta eorum,
quæ, si naturæ mediocritatem transeant,
causam aliquam proximam doloris procre-
ant. *Dolor Simpliciter Communis* dicitur,
quæ omnia animalia naturaliter refugiant;
percipiuntquæ ex defectu nutritivæ & Ve-
neris, cū destructione sui, tum in individuo,
tum in specie, in individuo, per deliquium
alimentis, in specie, per deliquium Veneris.
Dolor Secundum Quid Communis sive Pro-
prius dicitur, quem quodque animal suo
iudicio refugit. Neque enim eadem omnia
refugiant, aut ex omnibus parem dolorem
capiunt, verum alia ex his magis, quàm ex
illis, alia ex illis magis, quàm ex his, piscis
v. g. ex sicco, ovis ex humido, homo hinc
illinc istinc. *Dolor Bonus sive Honestus* di-
citur dolor moderatus, qualis bonorum vi-
rorum: Estquæ insuavis affectio subjecti
dolentis modicè & modestè, facta ab ob-
jecto dolorifico, aliàs *ὄντως*, verâ re tali, aliàs
φαυνομένως, adumbratè atque apparenter ta-
li. *Dolor Malus sive Turpis* dicitur dolor
immoderatus, qualis malorum virorum:
Estquæ affectio insuavis subjecti dolentis
immodicè atque immodestè, facta ab ob-
jecto dolorifico, aliàs vero, aliàs verisimili.
Dolor Medius sive Indifferens dicitur, do-
lor inter moderationem & immoderatio-
nem interjectus, ideoquæ nec moraliter
bonus,

bonus, nec malus, nisi fortè potentiâ, qualis neutrorum: Estquè affectio insuavis subjecti dolentis indifferenter, facta ab obiecto dolorifico indifferenti. Verùm *περὶ τῆς Εὐδαιμονολογίας*, de Vitæ Beatæ Regimine, tantum est.

FINIS LIBRI I.

Errata Mnemonica.

F 12. l. 18. activus *pro* factivus. l. 19. factivus *pro* activus. f. 31. l. 3. intentionatâ docentur, intentionante discuntur, *pro* intentionante docentur, intentionatâ discuntur. f. 44. l. 1. res autem in tantum, *pro* res autem est perfecta in tantum. f. 129. l. 11. voluntate appetitu. *pro* voluntate phâtasîâ appetitu. f. 149. l. 14. ignorantes quidem ignorantervê agunt, *pro* ignorantes quidem agunt, at non ignoranter, sive per ignorantiam. & f. 160. l. 1. ignoranter *pro* ignorantes, f. 193. l. 4. & 5. velim *pro* volo. nolim *pro* nolo. lb. l. 6. voluntas *pro* noluntas. f. 248. l. 12. moraliter *pro* mortaliter. f. 329. l. 26. & f. 332. l. 10. sensitivi *pro* sensitivi concupiscibilis. f. 367. l. 5. per accessum ad contrarios terminos, *pro* per contrarios terminos.

Errata Typothesica.

F 13. l. 19. ἄλλος *pro* ἕτερος. f. 17. l. 29. vel ut in cento, *pro* velut in centro. f. 18. l. 1. ὅτι *pro* διόν. f. 25. l. 8. visibilem *pro* risibilem. f. 34. l. 1. consideretur *pro* consideratur. f. 51. l. 12. saltē *pro* verūm. f. 88. l. ult. effectio *pro* affectio. f. 151. l. ult. falso *pro* falso. f. 172. l. 22. liberatis *pro* libertatis. f. 214. l. 13. ab *pro* ad. f. 232. l. 6. posset *pro* possit. f. 238. l. penult. efficientur *pro* efficienter. f. 251. l. 10. si *pro* sic. f. 266. l. 26. um *pro* tum. f. 269. l. 4. earundem *pro* eorundem. f. 272. l. ult. pertinentur *pro* pertinēter. f. 280. l. 3. planetarum *pro* plantarum. f. 287. l. 3. excitentur *pro* excitetur. f. 293. l. 4. affectui *pro* affectus. f. 310. l. 9. sive *pro* sibi. f. 344. l. 8. acquiritur *pro* anquiritur. f. 346. l. 25. excedens *pro* excedens. f. 420. l. 29. crass *pro* crasis.





